



ستبقى حبيبي لراجية الجنة

المقدمة

هذه الكلمات اعجبني لانها تعبر عن القصة ارت اضافتها

ستبقي حبيبي .. حتي و أن لم تكن نصيبي

فإنآ أحبك سابقي أحبك

و إن مت في قلبي سيخلد حبك

بك عرفت للحياة معني

فكنت أنت أجمل معني فيها

فأنت حياتي ومماتي

أنت سعادتني وشقائي

أنت دائي ودوائي

أنزلت دموعي آلاف المرآت والسبب أن حبك في القلب مكنون

جعلتني أحيآ في أوهآم

ولكنها كآنت أجمل أوهآم

لن أطلب منك أن تكون لي حبيبا

يكفيني أن تكون مني قريبا

الفصل الأول

آدم : تتجوزيني

سيسيل بأستغراب : اتجوزك .. جاي دلوقتي تطلب مني الطلب ده .. وليه انا بالذات يا آدم

آدم : لأنه مينفعش يكون حد غيرك يا سيسيل

سيسيل : اعتقد انك اخدت وقتك في التفكير علشان تفكر في الموضوع ده وانه انا كمان من حقي افكر

آدم : خدي وقتك وهستني ردك

سيسيل : اوك .. بعد اذنك

تركته سيسيل وذهبت إلي مكانها المخصص علي شاطئ البحر وجلست واسندت رأسها علي خلفيه المقعد وبدأت

تتذكر ما حدث في الماضي

في أحدي الشقق بحي سيدي بشر بالأسكندريه كان جرس الباب يدق وقامت ربة المنزل بفتح الباب فكانت سيده

في أواخر العقد الرابع وتدعي حنان

حنان بعد ان فتحت الباب ورأت الطارق قالت بفرح : سيسيل حبيبتي

سيسيل وهي تضم حنان : خالتو وحشتيني

قامت حنان بضم سيسيل وتقبيلها : تعالي يا حبيبتي ادخلي

دخلت سيسيل الي الشقه واغلقت الباب ووضعت حقيبته سفرها وجلست بجوار خالتها

حنان : عامله ايه يا دكتورة وبابا وماما عاملين ايه والواد زياد اخباره ايه ولا اقول سيادة المستشار

سيسيل : كلهم كويسين يا حبيبتي وببسلمو عليكي .. وخليتي زياد مستشار مرة واحدة ده لسه بيقول يا هادي

وفاتح مكتب المحاماه

حنان : ربنا معاه يارب يا حبيبتي وانتي واحشاني اوي والله يا سولا

سيسيل : وانتي كمان والله يا خالتو واحشاني اوي اوي اوي

حنان : يا بت يا بكاشه لو كنت وحشتك صحيح كنتي تسالي عني لكن نقول ايه بقي يلا

سيسيل : يا حبيبتي ده انتي الخير والبركة

حنان : يا بت يا بكاشه هتاكلي بعقلي حلاوة

سيسيل : هو انا اقدر برضه ياست الكل .. امال فين ايات ويوسف

حنان : ايات في الشركة انتي عارفه موسم سياحه وبتتأخر في الشغل اليومين دول اما بقي يوسف فهو في

المديرية لو كان يعرف انك جايه كان استناكي

سيسيل : يعني جاي انهاردة ولا في مأموريه

حنان : لا يا حبيبتي جاي بس انتي عارفه شغل يوسف الواحد ميصمنش ايه ممكن يحصل

سيسيل : يلا ربنا يوفقهم يارب

حنان : قومي انتي وضبي دولابك وخدي دش علي ما يجوا

سيسيل : حاضر يا حبيبي .. دولابي زي ماهو ولا البت ايات استولت عليه

حنان : لا يا حبيبي دولابك وسريك زي ما هما من اخر مرة كنتي هنا

سيسيل : تسلميلي يا ست الكل

دخلت سيسيل الي غرفه ايات ووضعت ملابسها في الخزانة الخاصه بها ثم دخلت الي
المرحاض لتأخذ حماما

وبدلت ملابسها الي بنطال قصير باللون الرمادي وتوب نص كم باللون الوردي وتركت شعرها
ينسدل خلفها

وفتحت الشرفه ووقفت فيها وبدأت تستنشق هواء الأسكندرية وكانت نسمات الهواء تداعب
خصلات شعرها

القصير الناعم الكستنائي وكانت اشعه الشمس تسقط علي عيناها العسلية لتنعكس ع بشرتها
البرونزية وكانت

شاردة

جاءت من الخلف وتمسك خصرها النحيل لتقطع شرودها : محدش منهم هنا ع فكرة

سيسيل بخضه وهي تلتفت لمصدر الصوت : خضتيني يا بايخة

ايات وهي تعانقها : وانتي وحشتيني مووووووووووت

سيسيل وهي تقبلها : انتي وحشتيني اكررر

ايات : وحشتك اوي علشان كده بقالك سنتين مجتيش صح

سيسيل : انتي عارفه اخر سنه في الكليه كانت امتحاناتي طول الصيف غير السنه الامتياز

خلصتها وشوفت

التكليف بتاعي وجيت جري

ايات : والتكليف بتاعك فين

سيسيل : هقولك بعدين .. متوهيش مين اللي محدش منهم هنا

ايات وهي تغمز لها : حبيب القلب

سيسيل بأستغراب : ليه راحو فين

ايات : مطروح

سيسيل : راحو مطروح يعملو ايه

ايات : انتي ناسيه ان حبيب القلب بيشتغل في مطروح راحو يقعدوا معاه ويصيفوا بالمره

سيسيل وارتسم علي وجهها الحزن : ليه هو مش بيجي ولا ايه

ايات : لاء بيجي بس هما خدوها مصيف وتغير جو يعني

سيسيل بأرتياح : بقالهم اد ايه

ايات : بقالهم اسبوع هما المفروض يجوا انهاردة ده اللي انا سمعتو من رودي بس مش عارفه بصراحة ظروفهم

ايه بقي

سيسيل بحب : وهو عامل ايه

ايات : هيكون عامل ايه يعني زي القرد

سيسيل وهي تضربها ع صدرها : قرد في عينك انتي اللي قرد

آيات : ههههههههههههههههههههه هو كويس

سيسيل باطمئنان : الحمد لله انه كويس سأل عليا يا آيات

آيات : امممم سأل مرة واحدة بعد ما رجع من بره ع طول

سيسيل بخيبه امل : مرة واحدة بس

آيات : انا مش بشوفه والله وبعدين ما انتي عارفه انه بعد ما خد الدكتوراه ورجع من بره
اشتغل في مطروح وانا

مش بشوفه غير بالصدفه بس

سيسيل بشوق : وحشني اوي يا آيات

آيات : عارفه يا حبيبتي والله ان شاء الله يجوا انهاردة وتشوفيه

سيسيل برجاء : يارب

وهنا سمعوا صوت ذكوري من الخارج

سيسيل بفرحة : يوسف . آيات بسرعه الحقي خالتو قبل ما تقوله اني هنا عايزة اخضه

خرجت آيات الي اخيها

آيات : جو تعالي عايزاك

يوسف : عايزة ايه

آيات : تعالي بس

سار يوسف مع آيات إلي الغرفة .. التي كانت تخبيئ سيسيل خلف بابها .. و ما أن دخل حتى
ظهرت أمامه

مصدرة صوت عالي ...

يوسف بخضه : يا بنت اللذين طب تعالي بقي وبدأ يركض خلفها

اقترب منها يوسف وقال لها : وحشتيني يا سولا

سيسيل : وهي تعانقه انت كمان وحشتني يا جو عامل ايه يا سيادة النقيب

يوسف وهو يعطي لها التمام : زي الفل يا دكتورة انتي عامله ايه

سيسيل : تمام الحمد لله بس نصيحة يعني يا سيادة النقيب روح خس شويه انت مش عارف تجري ورايا

يوسف وهو يشد جسده : يا بنتي انا رشيق

سيسيل : رشيق اوي ده انت لو بتجري ورا حرامي مش هتعرف تجيبه ال ظابط ال

يوسف وهو يبدأ الركض : بقي كده طب تعالي بقي

وبدأ الضحك يتعالي في اركان المنزل فقد جاءت سيسيل الشقيه لتملأ الجو مرح وفرح وسعاده فعندما تأتي لا

ينقطع الضحك من المنزل فهي تأتي إلي منزل خالتها كل صيف لقضاء العطله الصيفيه وعندما تأتي يتبدل الحال

الي المرح والسعاده فسيسيل ليست بنت خالتها فقط فهي اختهم الثالثه

كانوا جالسين يمرحون ويضحكون وقطع هذا الضحك صوت حنان

حنان : يويا .. سولا تعالو حطوا معايا الاكل

ايات : ياربي انا مش عارفه ليه مبقتش ولد كل يوم احط الاكل واغسل المواعين ايه الارف ده

صعب

سيسيل : ربنا يكرمكم يارب .. امال هما جاينن امتي

يوسف : جاينن انهاردة ان شاء الله

سيسيل بفرحة : يجوا بالسلامة .. انا هدخل اشوف ايات بتعمل ايه

يوسف : اوك

ظل يوسف شاردأ في حبيبته منتظر قدومها .. لكن سيسيل ركضت إلي آيات وجدتها تشاهد التلفاز و أمامها

المكسرات و الحلويات .. جلست بجانبها ...

سيسيل : يا بنتي ارحمي نفسك بتودي الاكل ده فين

ايات : اقعدى اقعدى اتفرجى معايا ع المسرحية

جلست سيسيل بجوارها واخذت مجموعه من المسليات : طب هاتي الفيلم الاجنبي

ايات : اقعدى اتفرجى ع المسرحيه وانتي ساكتة

جلست تشاهد المسرحية .. لكن كانت شاردة في حبيبها منتظر اللحظة رؤيته بعد سنتين كاملتين .. فجأة هبت من

مجلسها و هي تقول ...

آدم

.....

الفصل الثاني

" ستبقي حبيبي "

ايات باستغراب : ماله ادم يا سيسيل

سيسيل : ا

وهنا قطع حديثها خروج يوسف من الشرفه متجها الي باب المنزل

ايات بأستغراب : رايح فين يا يوسف

يوسف بلهفه : اصل ادم جه من السفر هنزل اطلع معاه الشنط وهبط الي الاسفل

نظرت ايات الي سيسيل وقالت لها : طول عمرك بتحسي بيه

ذهبت سيسيل الي الشرفه لتري حبيبها وتطفئ نار شوقها ولهفتها عليه .. ووقت تنظر له بدقه
شديدة تسمع صوته الرجولي الجذاب تستمع لكل حرف ينطق به ووقت تنظر له نظرات مليئه
بالحب .. وكانت شاردة في وسامته وملامحة الرقيقه

ايات : تخن شويه

سيسيل بحب : اه بس احلو اوي وكمان الدقن عليه حلوة موت

ايات : فين الدقن دي .. انتي بتسمي شويه الشعر اللي في وشه ده دقن

سيسيل وهي تضربها برقه : بس يا رخمة .. انا بعشقه بكل حالاته ..يااااااااااااااااااااا حاسه اني
اتولدت من ساعه ما شوفته .. حاسه ان روعي رجعتلي تاني

ايات : خلاص اهو انتي هتقدي في اسكندريه وهتشوفيه ع طول

سيسيل : انا مش مصدقه اني هفضل عايشه جب حبيبي ع طول.. نفسي يحس بيا ويفهم قلبي
ومشاعري اوي يا ايات

ايات : ان شاء الله يحس بيكي يا حبيبي ويبقي من نصيبك

سيسيل : يااa

في تلك الاثناء هبط يوسف الي اسفل ليري حبيته رودينا ويساعد ادم في تصعيد الحقائب

يوسف وهو ينظر الي رودينا : واحشني اوي يا ابو ادم

خجلت رودينا من تلك النظرات واحمرت وجنتيها ووضعت رأسها في الأرض

ادم : انت كمان يا جو والله وحشتني

يوسف بحب : ازيك يا رودينا حمد الله ع السلامة

رودينا بخجل : الله يسلمك

يوسف : ازيك يا طنط نجلا

نجلاء : الحمد لله يا حبيبي تمام وازي ماما وايات

يوسف : الحمد لله تمام بيسلموا ع حضرتك

ادم : انت هتفضل واقف كده كتير مش هتطلع الشنط ولا ايه

يوسف : هه اه اه اتفضلو انتوا وانا وادم هنطلع الشنط

بدأ يوسف في مساعده ادم وقاموا بالصعود ومعهم الحقائب وسلم عليهم يوسف وعاد الي شقته بعد ان اطمئن علي حبيته

اما سيسيل ظلت واقفه في شرفه غرفتها وقامت بتشغيل الحاسوب الشخصي علي اغنيه ساكن
قصابي لنجاة الصغيرة وكانت شاردة مع كلمات الاغنيه

ساكن قصادي وبحبه وأتمنى اقباله

فكرت أصارحه لكن أبدا مآقدرش أقوله

وفضلت استنى الأيام في معاد مايسهر ومعاد ما يرجع

كل خطوة أرسم احلام تكبر ف قلبي والقلب يطمع

وأقول مسيره ح يحس بيا لو يوم صادفني وسلم عليا

حياقي صورته ساكنه في عينيا ويحس بيها برعشة ايديا

كنت حاسه أن حبه كل ماده كان بيكبر

أبقى عايزه لو يكون لي قلب غير قلبي الصغير

فضلت أمالي مع الليالي

تقرب حبيبي اللي ساكن قصادي وبحبه

كان في غرفته يقوم بتوضيبيها .. وسمع الاغنيه خرج الي الشرفه وجدها واقفه شاردة تردد
كلمات الاغنيه

ادم بفرحة : سيسيل ازيك

بدأت دقات قلبها تتزايد .. شعرت برعشه تسري في جسدها .. فصوته بالنسبه لها تيار كهربائي
يسير في شرايينها عندما تسمعه .. وها هو يحدثها وتري عينيه فهذا يجعلها لا تستطيع التحدث
ابدا ولكنها تماكنت نفسها وتحديث

سيسيل : الحمد لله ازيك يا ادم

ادم : بس مش صعبه عليكي وخاصة انك رقيقه وكيوت هستحملي تشوفي العمليات دي

سيسيل واحمرت وجنتيها من الخجل : ان شاء الله لازم اثبت جدارتي

ادم : بأذن الله ربنا يوفقك .. وع العموم ده نفس تخصصي يعني لو احتجتي اي حاجة انا تحت امرك

سيسيل : ربنا يخليك

ادم : طيب بعد اذنك انا لسه جاي من السفر بقي هرتاح شويه

سيسيل : اه طبعا افضل وسلملي ع طنط نجلا ورودي كثير

ادم : يوصل ان شاء الله سلام

سيسيل : سلام

دخل ادم الي غرفته واغلق باب الشرفه ..في تلك الاثناء كانت ايات تقف خلف باب الشرفه ولم ترد الدخول حتي لا تقطع تلك اللحظة ع سيسيل ولكنها قررت الدخول

ايات : ها يا عم الحبيب كلمتيه

سيسيل وهي تمسك ايات من يدي وتلف بها : بحبه بحبه بحبه

ايات : مجنونه والله

سيسيل : طلع لما سمع اغنيه نجاه

ايات : تعرفي ان الاغنيه تنطبق عليكي بالضبط فاكرة لما كنتي بتقفي طول الليل والنهار علشان بس تشوفيه وتفضلي قاعده مستتياه لحد ما يرجع اخر الليل من عند اصحابه انا عمري ما شفت حب كده

سيسيل : اديكي شوفتي علشان بس متقوليش اني حارماكي من حاجة

ايات : الموصييه انه مش حاسس

سيسيل : مش مهم كفايه عليا بس اشوفه قدامي واكيد في يوم هيحس بيا

ايات : يارب يا اختي يحس .. طب يلا بقي ندخل ننام علشان انا بصراحة مش قادرة

سيسيل : اوك يلا

دخلت كل واحدة منهم الي فراشها . ولكن كانت هناك عيون ساهرة وهي عيون سيسيل التي لم تغمض لها جفن.. فكانت تفكر في حبيبها وكيف تغيرت ملامحة فغابت عن هذه الملامح 3 سنوات كم اشتاقت الي تلك العيون السوداء الساحرة .. واشتاقت الي تلك البشرة الصافية القمحية بلون اهل مصر .. واشتاقت الي تلك الملامح الجذابة وظلت تفكر فيه حتي غلبها النوم

في صباح اليوم التالي استيقظت سيسيل مبكرة .. وقامت بفتح الشرفه لتدخل لها اشعه الشمس وقامت بتحضير الفطور وقامت بايقاظهم جميعا والتفوا جميعا حول مائدة الطعام وقاموا بتناول وجبه الافطار

يوسف وهو ينهي وجبته : الحمد لله

سيسيل بمشاغبه : ليه كده يا جو مش اكلتك دي

يوسف : بس يابت كلي وانتي ساكته وبعد ما تاكلي اعمليلي قهوة

سيسيل : قهوة مين يا ابو قهوة هقوم اعملك شاي بحليب

يوسف : ماشي اعلمي اي حاجة

سيسيل : ومفيش سجاير انا قولت اهو

يوسف : اخلصي يا سيسيل عايز اخذ دوش علشان الحق صلاح الجمعة

سيسيل : حاضر ماهي سيسيل الخدمة اللي مامي جبتهاك

يوسف وهو يداعب خدودها : ده انتي حبيبتي يا سولا

سيسيل : علشان ليك طلب هقوم اعملك اهو

يوسف : وانا في البلكونه

حنان : انا مش فاهمة لما انتوا بتحبوا بعض كده ما اجوزكم وافرح بيكم

سيسيل : خالتو انا وجو اخوات بس ومتنسيش ان جو بيحب رودي

حنان : ابني غبي وانتي اغبي منه .. هو رايح يحب واحده مش راضيه تتخطله علشان
دراستها .. وانتي بتحبيلي واحد مش حاسس بيكي اصلا عيال اخر زمن

سيسيل بحزن : خالتو خلاص بقي خلصنا ومهما عملتي انا وجو مش هينفع نكون غير اخوات
وبس انا هقوم اعمله الشاي بحليب

دخلت سيسيل الي المطبخ وقامت بتحضير الشاي بحليب ليوسف .. ولكن كانت دموعها تنسال
من عيونها علي كلمة حنان لها ان ادم لم يشعر بها هي تعلم هذه الحقيقه ولكن عندها امل ان
يحبها فكل من يعرفها يحبها وادم يعرفها منذ كانت صغيرة ولكنها لا تعلم لماذا لا يتحدث لها
حتى الان .. دخلت اليها حنان ووجدتها تبكي بدون صوت ضمتها الي صدرها

حنان : متزعليش مني يا سولا ده انتي بنتي بس كان نفسي تبقي ليوسف

سيسيل : انا مزعلتش منك يا خالتو بس صدقيني انا ويوسف طول عمرنا اخوات ولو دخل بينا
الجواز صدقيني هنخسر بعض

حنان : ربنا يكرمك يا بنتي وتنولي اللي بتحبينه ويبقي من نصيبك

سيسيل : يارب يا خالتو ادعيلي

حنان : داعيالك يا بنت قلبي

سيسيل : انا هروح اودي الشاي بحليب ليوسف لحسن يفتحلي تحقيق

حنان : ماشي يا حبيبي

دخلت سيسيل الي الشرفه لتعطي يوسف الشاي بحليب ..ووجدت ادم يقف في الشرفه المقابله
وكان يتحدث مع يوسف

سيسيل : الشاي بالحليب لاحلي نقيب .. صباح الخير يا ادم

ادم : صباح النور يا دكتورة .. مفيش واحد شاي بحليب لادم ولا ايه

سيسيل بابتسامه : بس كده من عنيا

ادم بنظرة حنونة : تسلمي عيونك يارب

دخلت سيسيل من خجلها وكانت ستفضحها عيناها ويفضحها قلبها امام يوسف الذي لم يعلم
شئ عن حب سيسيل لادم

بعد قليل خرج يوسف من الشرفه ودخل الي المرحاض ليأخذ حماما ..ويتوضأ لكي ينزل الي
صلاه الجمعه وخرج من المرحاض ودخل غرفته وارتي الجلباب الابيض لينزل الي المسجد
ليقضي فريضه صلاه الجمعه.. وانتظر ادم في الاسفل حتي هبط له ادم وكان يرتدي الجلباب
الابيض المغربي وكانت ايات وسيسيل واقفين في الشرفه

سيسيل بتهيدة : قمر وهو بالجلابيه البيضاء دي .. بعشقا عليه بيبقي شكله يهبل

ايات : بس يا مجنونه هتفضحينا

سيسيل : اعمل ايه يا ايات بس.. بحبه اوي

ايات : حبيه يا اختي بس بعقل شويه مش كده

رودينا : قولي والله فين

سيسيل : اه والله في الشاطبي

رودينا : اشطه هتيجي كل يوم معايا الكليه بقي

سيسيل : مش كل يوم طبعا لان حضرتك محاضراتك بتكون بعد الظهر ع حسب انا هنزل كل يوم الصبح بدري

رودينا : مش مهم بس اكيد هبقي اشوفك

سيسيل : ان شاء الله

بعد انتهاء صلاه الجمعه عاد ادم ويوسف وجلسو امام بنايه ادم وطلب ادم من اخته ان تأتي بالشطرنج والدومينو

كان ادم ويوسف يلعبوا الشطرنج وكانت البنات تشجع من الشرفات وكان دائما يوسف هو الغالب في الشطرنج

يوسف : يا ابني اللعبه دي بتاعه الانكيا فقط

ادم : ماشي يا عم الذكي لعب بقي ووريني

بدأو يلعبون من جديد حتي حانت وجبه الغداء وصعد كل منهم الي منزله وتناولوا وجبه الغداء وتقابلو جميعا في الشرفه

سيسيل : انا عايزه اتفسح مش جايله انا بعد 8 سنين شقا وفي الاخر متفسحونيش

ادم : عايزه تروحي فين

سيسيل : اي مكان انا عايزة اتفسح وبس

ادم : طيب ادخلو البسو

الجميع : اوك

دخل الجميع وارتدو ملابسهم وهبطو الي الاسفل

يوسف : هنوديهم فين ياعم

ادم : والله ما انا عارف .. تحبو تروحو فين يا بنات

رودينا : الملاهي

الكل : اوك

ذهبوا جميعا الي الملاهي وقضوا وقتا لطيفا هناك .. ثم ذهبو الي الكورنيش وجلسو قليلا..
واكلو الذرة المشوي ع الفحم واشتري ادم لسيسيل غزل البنات لانها تعشقه منذ كانت صغيرة
.. ثم عادو الي حيث منازلهم وجلسوا في الشارع

سيسيل : ادم ممكن تعزفلنا شويه ع الجيتار

ادم : بس كده من عنيا هطلع اجيب الجيتار واجي

صعد ادم الي منزله واخذ الجيتار ثم هبط الي الاسفل من جديد

ادم : ها تحبو اعزفلكم ايه

سيسيل : قصاد عيني

ايات : يوووووووه هو مفيش غير الاغنيه دي كل ما تيجي لازم ادم يعزفهالك

سيسيل : وانتي مالك يا رخمة انا بحبها ع الجيتار

ادم : خلاص هعزفلها قصاد عيني وبعد كده كل واحد يطلب اغنيه اعزفها له

كان ادم يعزف علي الجيتار وكأنه يعزف ع اوتار قلب سيسيل بكل رقه وكانت تغني بصوت هامس وكانت تنظر الي عينية بحب وشوق وكان هو يعزف ويشعر بكل كلمة وبكل صوت يخرج من الجيتار وانهي العزف وبدأت سيسيل بالتصفيق

سيسيل : الله يا ادم انا نفسي اتعلم اعزف الاغنيه دي

ادم : خلاص ان شاء الله اعلمها لك في اقرب فرصه

كانت تقف في الشرفه تسمع عزف ابنها

نجلاء : محدش بيسمع المواهب دي غير لما سولا بتكون هنا .. زعلانه منك ع فكرة يا سولا

سيسيل : طنط نوجا واحشاني

نجلاء : كده هنا من امبارح ولا حتي تقولي اطلع اسلم ع نوجا حبيبته

سيسيل : طالعالك حالا

صعدت سيسيل الي نجلاء وسلمت عليها وجلست معها قليلا وقالت لها انها هنا مدة طويله بسبب التكليف ثم هبطت اليهم من جديد

ادم : يلا بقي انا همشي انا علشان عندي كام مشوار كده خدي الجيتار ده يا رودينا معاكي

صعد كل واحد الي منزله وكانت سيسيل تدندن بكلمات اغنيه قصاد عيني وكانت في حاله هيام

وبينا معاد لو احنا بعاد
اكيد راجع ولو بيني وبينه بلاد

قصاد عيني في كل مكان
قصاد عيني في كل مكان

ومن تاني اكيد راجعين
انا دايب وكلى حنين
ولا عمري ابيع لو مين
قصاد عيني
ومش قادر علي الايام
ولا يوصف هوايا كلام
وطول ليلي ولما بنام
قصاد عيني

قصاد عيني في كل مكان
قصاد عيني في كل مكان

في يوم هنعود
دا بينا وعود
وفي غياباه اكيد لسه الامل موجود

قصاد عيني في كل مكان
قصاد عيني في كل مكان

ومن تاني اكيد راجعين
انا دايب وكلى حنين
ولا عمري ابيع لو مين
قصاد عيني
ومش قادر علي الايام
ولا يوصف هوايا كلام
وطول ليلي ولما بنام
قصاد عيني

قصاد عيني في كل مكان

قصاد عيني في كل مكان

ثم صعدت ودخلت غرفتها وبدلت ملابسها وظلت واقفه في الشرفه تنتظرة حتي يأتي

ايات : انتي يا بنتي مش هتنامي

سيسيل بقلق : الساعه بقت 2 بعد نص الليل وهو ماجاش ازاي يجيلي نوم

ايات : يا بنتي شويه وهيجه الدنيا صيف والطريق زحمة

سيسيل : ازاي انام وهو لسه مرجعش البيت

ايات : طيب انا هنام

ظلت واقفه تنتظرة حتي لمحته من بعيد ارتاح قلبها وخمدت نار القلق التي تعلوها.. وظلت منتظرة حتي صعد الي منزله ورأت نور غرفته مضئ ثم خرج للشرفه لكي يغلقها.. ولكنه رآها وكانت عيونها ناعسه

ادم : ايه يا سيسيل ايه اللي مصحيكي لحد دلوقتي

سيسيل : مش جايلي نوم

ادم : مش جايلك نوم ايه بس انتي مش شايفه شكك عامل ازاي ادخلي نامي يلا تصبحي ع خير

سيسيل : وانت من اهله

دخلت سيسيل الي فراشها وارتم وجه امامها حتي غطت في ثبات عميق

الفصل الثالث

في صباح اليوم التالي استيقظت سيسيل مبكرا.. وايقظت ايات ويوسف ليذهبوا الي اشغالهم
فبالرغم من نومها متأخرة الا انها دائما تستيقظ مبكره دخلت المرحاض واخذت شاور وبدلت
ملابس النوم ببنطال قصير من الجينز " برمودا " وتي شي شيرت ابيض عليه رسمة باربي
ورفعت شعرها الكستنائي علي ذيل الحصان وحذاء رياضي ابيض

سيسيل : صباح الخير يا خالتو

حنان : صباح الخير يا روح خالتو ع فين ع الصبح كده

سيسيل : هنزل مع ايات اتمشي شويه ع الكورنيش واجيب الفلافل السخنة ونفطر سوا انا
وانتي

حنان : ماشي يا حبيبتي

سيسيل : يلا يا ايات هتأخري

ايات من الداخـل : جايه اهو

خرجت ايات واتجهت الي طاوله الطعام وصنعت لنفسها سندوتش من الجبنة واخذته ثم غادرت
المنزل مع سيسيل

ايات : يلا انا هركب المشروع " ميكروباص " ده

سيسيل : طيب سلام انا

ايات : سلام

كانت تسير سيسيل ع الكورنيش وتستمتع بهواء الصباح النقي وكانت حرارة الشمس رائعة
فوجدته يسير بجانبها

ادم : صباح الخير ازيك يا سولا

سيسيل بفرحة : صباح النور ازيك يا ادم

ادم : تمام الحمد لله .. ماشيه لوحدك ليه

سيسيل : كنت بتمشي ع الكورنيش شويه وهروح اجيب فطار ليا ولخالتو

ادم : مشي الصبح ع الكورنيش ممتع

سيسيل : جدا

ادم : هتستلمي التكليف امتي

سيسيل : لسه الاسبوع الجاي ان شاء الله

ادم : بالتوفيق ان شاء الله

سيسيل : وانت مسافر امتي

ادم : بكرة ان شاء الله

سيسيل : تروح وترجع بالسلامة يارب

كانت فرحة بانها تسير بجوار حبيبها.. بالرغم من ان الصمت قد عم عليهم ولكن كان قلبها
يدق بشده .. وكانت الرعشه تسري في جسدها فهي لا تصدق هل صحيح انها تسير بجوار من
احبت .. قريبه منه تتحدث اليه كل هذه الافكار كانت في عقلها.. وكانت تختلس له النظر من
حين الي اخر حتي قطع شرودها بكلامه

ادم : بعدنا نرجع بقي

سيسيل : اوك علشان كمان هجيب فطار

ادم : اوك وانا كمان

ذهبوا الي مطعم ليحضروا الافطار

ادم : عايزة ايه اجيبهولك

سيسيل : عايزة فول وفلافل وبطاطس الفلوس اهي

ادم وهو ينظر لها : عيب كده لما تديني الفلوس هروح اجيب

كانت تشعر بانه رجلها .. هو من تمنته سنين طوال .. ودعت الله بان يكون من نصيبها .. فهو
حب حياتها ولم تحب سواه .. فتحت عيناها علي حبه هو ولم تتمني سواه زوجها لها

ادم : يلا

سيسيل وهي تنظر له بحب : يلا

ذهبوا الي منازلهم وصعدت سيسيل وكانت هائمة وكانت خدودها موردة دقت الباب وفتحت لها
حنان

حنان : ايه يا سولا اتأخرتي ليه كده

سيسيل : هه ابدأ يا خالتو كنت بجيب الفطار

حنان : مالك يا سولا فيكي ايه

سيسيل : مشي معايا ع الكورنيش يا خالتو ومرضيش يخليني ادفع فلوس الفطار

حنان : ادم

نجلاء : يا خراشي ع العسل وهو بيتكسف

دخلت سيسيل الي المطبخ تسويه القهوة

نجلاء : مش هنفرح بيها ولا ايه

حنان : لسه نصيبها ماجاش

نجلاء : يارب تفرحي بيها هي وايات في يوم واحد يارب

حنان : امين يارب

جاءت سيسيل حامله القهوة ووضعتها ع الطاولة وجلست بجوار نجلاء

سيسيل : هي رودي ماجاتش معاكي ليه يا طنط

نجلاء : ده لسه نايمة الهانم

سيسيل : طول عمرها خم نوم

نجلاء : نفسي تتعلم منك النشاط

سيسيل : انا لازم اكون نشيطة علشان دراستي وشغلي ..الثانيه ممكن تفرق في حياه انسان

نجلاء : نفس كلمة ادم .. يا ابني اقعدي كول.. الوقت يا ماما الثانيه تفرق في حياه انسان

سيسيل بحب : ربنا يحميه نفسي اكون دكتورة شاطرة زيه

نجلاء : ان شاء الله واحسن منه كمان

سيسيل : طيب بعد اذنكم انا اسيبكم تاخذو راحتكم وهدخل انا اظبط الكركبه اللي ايات عملتها

حنان ، نجلاء : اوك

دخلت سيسيل الي غرفتها وبدأت في توضيبيها .. ثم ذهبت الي الشرفه ووقفت فيها تنتظرة حتي تراه فهي تشتاقه حتي وهو امام عيونها .. دائما تريدة بجانها حولها قريبا منها .. كانت تقف شارده مبتسمة وخرج هو الي الشرفه ممسكا بكوب الشاي بحليب

ادم : انتي ع طول كده قاعده في البيت يعني جايه اسبوع تتفسي حابسينك كده

سيسيل : لا ابدأ انا بحب ووقفه البلكونه منها بشوف البحر وبشوف الناس

ادم : بس انتي قدامك اسبوع واحد وتمارسي عمل شاق جدا لازم تصفي ذهنك وتحسي براحة نفسيه علشان تعرفي تشتغلي

سيسيل : انا حياتي هو شغلي ومش بلاقي راحتي غير فيه لاني نفسي اثبت ذاتي وابقى اكبر جراحة قلب في مصر

ادم : ان شاء الله توصلي للي انتي بتتمنيه بس كمان لازم تتفسي شويه

سيسيل : جو ع طول مشغول وايات بترجع متأخر وخالتو طبعاً مش هتنزل معايا وانا بحب اجي اقعد معاهم واشوف طلبات خالتو

ادم : خلاص هخلي رودي تعدي عليكي ونخرج سوا انهارة ايه ربيك

سيسيل : ماشي هدخل اقول لخالتو واستأذن منها

ادم : ماشي وانا هستاكي

دخلت سيسيل الي الغرفه المتواجد فيها نجلاء وحنان

سيسيل : خالتو بعد اذنك ممكن اخرج مع ادم ورودينا

حنان : طيب استني لما يوسف يجي ويخرج معاكم هو وايات

نجلاء : حرام عليكي يا حنان يوسف طول النهار في الشغل ومش بيرجع غير متأخر.. وايات

زيه ومش هبيقوا فاضيين وتعبانين .. هي بقي جايه تتفسح ولا تقعد في البيت .. ما تخليها
تخرج معاهم ورودينا هتبقى معاهم بس اهو ادم يحميهم

حنان : طيب يا سيسيل

سيسيل بفرحة : ميرسي يا طنط نوجا ميرسي يا احلي خالتو في الدنيا

خرجت سيسيل الي الشرفه لتبلغ ادم ان خالتها وافقت ع الخروج معه

ادم : طيب ادخلي البسي عقبال ما اصحي الموصيبه اللي نايمة جوة دي نروح نتغدي في حته
وبعد كده نشوف هنروح فين

سيسيل : اوك

دخلت سيسيل الي المرحاض واخذت شاور .. وارتدت جينز اسكيني باللون البني وتوب كب
باللون البيج وبوليرو قصير مداريا للكتف باللون البني ورفعت شعرها من جانب بتوكه باللون
البيج وتركته ينسدل من الجانب الاخر وارتدت في رقبته سلسال قصير بحجم الرقبه علي شكل
قلب مفرغ وارتدت شوز بيج وشنطة صغيرة بيج ووضعت القليل من مساحيق التجميل التي
تبرز لون بشرتها البرونزيه وخرجت من الغرفه

سيسيل : خالتو انا نازله

نجلاء : بسم الله ماشاء الله قمر

سيسيل وقد توردت خدودها : ميرسي يا طنط

حنان : طيب يا سيسيل خلي بالك من نفسك يا حبيبتي

سيسيل : حاضر يا خالتو بعد اذنكم

الاثنين : اتفضلي يا حبيبتي

نجلاء : انتي مكنتيش عايزة تخرجيها مع ادم صح

حنان : بصراحة يا نجلاء صح البنت في رقبتى ومينفعش حد يتكلم عليها ربع كلمة ادم انا عارفاه ومربياه بس الناس ماتعرفش ده

نجلاء : وانا والله معاكى بس البنت حرام جايه وطلعان عينها 8 سنين في الكليه نفسها تتفسح وعيالك مش فاضيين وانتى عارفه ان ادم كل فين وفين لما بيجي وبصراحة بقى كده انا حاسه ان فيه انجذاب بينهم خليههم بقى يمكن نفرح بيهم

حنان : وانا ما اكرهش يا نجلاء وانتى عارفه ان انا نفسى افرح بسيسيل حتى قبل ما افرح بايات وادم ده اكر من يوسف عندي بس كمان يا حبيبتي كلام الناس مش بيرحم

نجلاء : خلاص بقى متعقدهاش ماهى رودينا معاهم

حنان : خلاص يا نجلاء

هبطت سيسيل الي الاسفل ووجدت ادم ورودينا سلمت عليهم وساروا جميعا في اتجاه الكورنيش

ادم : ها تحبو تتغدوا فين

رودينا : ايه رنيك يا سولا نروح كوك دور

سيسيل : اوك

ذهبوا الي كوك دور وجلسوا حول الطاولة وذهب ادم واختار لهم الطعام فهو يعلم ما تحبه سيسيل وعاد اليهم

ادم : طلبتك السوبر كرانشى اللي انتى بتحبيه يا سولا

فرحت سيسيل بان ادم مازال يتذكر ماذا تحب وماذا تكره فهو دائما يشعرها بالاهتمام ودائما يكون بجانبها

سيسيل : ميرسى يا ادم

جاء النادل ووضع الطلبات وبدأو في تناول طعامهم وكانت سيسيل تتفقده من حين الي اخر

سيسيل : طيب خدي الميل اهو

وكتب سيسيل لرودينا الميل الخاص بها

سيسيل : وانت يا ادم عندك فيس بوك

ادم : اه عندي بس نادرا لما بفتح يعني

سيسيل : اوك هبقي اضيفك

ادم : خلاص تمام

ذهبوا من المطعم وساروا ع الكورنيش وبدأو في التقاط الصور التذكاريه سويا وكان اكثرها
يجمع بين ادم وسيسيل ثم عادوا الي منازلهم سعدت سيسيل الي شقه خالتها ووجدت يوسف
في انتظارها

يوسف بجديه: سيسيل عايزك لو سمحتي

سيسيل بقلق : حاضر يا جو

تبعته سيسيل الي غرفته في كثير من القلق والحيرة ودخلت خلفه وجدته جالسا امام مكتبه
وكان يظهر ع وجهه الشده

يوسف بحده : اقلي الباب وراكي واقعي قدامي ع المكتب

اغلقت سيسيل الباب ثم ذهبت اليه وجلست امامه ع مكتبه

يوسف : انتي خلاص بقيتي زيك زي ايات .. طالما هتعيشي هنا يبقي انتي تحت مسؤوليتي انا
.. انا هنا راجل البيت تخرجي تتصلي تقولي.. مش ارجع اسأل عليكي ماما تقولي مع ادم
..ادم راجل غريب عننا يعني مينفمش تخرجي معاه لوحدك

سيسيل وكانت عيونها ممتلاه بالدموع وكان صوتها يخرج بالكاد يسمع : بس ادم متربي معانا

يوسف : انا مقولتتش ان ادم وحش ..بس عايزة تخرجي تقوليلى انا عايزة اخرج ..كلام الناس مبيرحمش وانتي سمعتك من سمعتنا مش هقبل باي مخلوق يمسك

سيسيل ودموعها تنهمر : بس انت ع طول مشغول وايات كمان وانا كنت مخنوقه وهو عرض عليا اننا نخرج ورودي كانت معنا

يوسف وهو يقوم من علي المكتب ويتجه اليها ويضع يده ع كتفها ويجلس امامها وينظر لها : دموعك مش عايز اشوفها ولو عايزة تخرجي تقوليلى وانا هخلقك وقت حتي لو هعمل المستحيل بس خروج مع ادم تاني لاء

سيسيل : ليه يا جو

يوسف : علشان مينفعش يا سيسيل ..انا خايف عليكي يا حبيبتي اتفتنا

سيسيل وهي تقوم بمسح دموعها : حاضر يا يوسف انا اسفه

يوسف : خلاص يا سولا اول واخر مرة قومي غيري يلا علشان نتعشي

سيسيل : حاضر

دخلت سيسيل الي غرفتها وكانت دموعها تنهمر منها .. فلا احد يفهمها فهي تنسي نفسها عندما يطلب منها شئ فكيف ترفض له ان تخرج معه وتونس بالنزله معه .. فهو حبيبها بل هو نبضها وكيانها فهي تنتهز الفرصه التي تكون معه بجواره وبالقرب منه ..يطلبون منها ان تفوت الفرصه في التقرب منه كيف يطلبون منها ان تتخلي عن الفرصه الوحيدة التي تسمح لها بان تكتسب نفسا عميقا ليساعدها ع الحياه .. ولكن قطع شرودها صوت حنان من خلف الباب تنادي عليها لتذهب لتناول العشاء معهم

ذهبت سيسيل وجلست معهم حول الطاولة ولكن لم تقم بتناول اي شئ كان يلاحظ هذا الجميع ولكنهم لم يعلقوا فاصبحت سيسيل فتاه عاقله يجب ان تحاسب علي كل تصرف تفعله ثم غادرت الطاولة واتجهت الي غرفتها ولحقتها ايات

ايات : ايه يا بنتي انتي مالك

سيسيل : يوسف زعل مني علشان خرجت مع ادم

ايات : لازم تحكمي عقلك شويه متخليش مشاعرك هي اللي تتحكم فيكي مينفمش انتي خلاص
بقيتي دكتورة ومشاعرك لازم تتجنبها شويه

سيسيل : بضعف معاه يا ايات بضعف ومش بقدر ارفض ليه طلب ده انا ما بصدق انه يكلمني
جوايا حاجات كتير اوي نفسي اقولهاله بس لما بشوفه مش بقدر اقول ولا حرف حتي

ايات : لو هو نصيبك هيحس بيكي وهيجيك جري بس لو مش نصيبك يبقي منزعلش ونشوف
بكرة مخبيلنا ايه

سيسيل : مش بتمني من الدنيا غير انه يحس بيا وباللي جوايا

ايات : ربنا يريح بالك ويجعله من نصيبك

سيسيل : امين يارب

ظلت سيسيل جالسها وكانت ايات معها وسردت عليها كل ما حدث وتناست زعل يوسف الذي
عكر عليها صفو فسحتها مع حبيب عمرها ..وفتحت الحاسوب الشخصي ..وقامت بفتح حسابها
الخاص ع موقع التواصل الاجتماعي " فيس بوك " وقامت باضافه رودينا في قائمة الاصدقاء
وقامت باضافه ادم ايضا وبدأت في تصفح الانترنت حتي ملت منه وقامت بتشغيل الحاسوب
الشخصي ع اغنيه " عيون القلب "

عيون القلب سهرانه مابتنامشى
لانا صاحيه ولا نايمه مبقدرشى
بيات الليل يبات سهران على رمشى

وانا رمشى مذاق النوم وهو عيونه تشبع نوم
روح يا نوم من عين حبيبي روح يا نوم

حبيبي حبيبي اه من حبيبي عليه احلى ابتسامه
لما بتضحك عيونه بقول يلا السلامه
لما يسلم عليه والا يقولى كلام
عايزه ورا كل كلمه اقوله ياسلام ياسلام
ده قالى فى يوم يا حبيبتى خدى القمر

ورحت معاها وما ادنى الا السهر

وانا رمشى مذاق النوم وهو عيونه تشبع نوم
روح يا نوم من عين حبيبي روح يا نوم

تقولى كلام وافرح بيه انا افرح بيه
اسيب النوم وافكر فيك انا افكر فيك
انت تقول وتمشى وانا اسهر منامشى
ياللى مبتسهرشى ليله يا حبيبي

سهرانى حبيبي حبك يا حبيبي
بكتب على الليالى اسمك يا حبيبي
انت تقول وتمشى وانا اسهر منامشى
ياللى مبتسهرشى ليله يا حبيبي

سهرانى حبيبي حبك يا حبيبي
بكتب على الليالى اسمك يا حبيبي
ده قالى فى يوم يا حبيبتى خدى القمر
وروحت معاها وما ادنى الا السهر

وانا رمشى مذاق النوم وهو عيونه تشبع نوم
روح يا نوم من عين حبيبي روح يا نوم

حبيتك يا حبيبي من غير ما اسال سؤال
وها اسهر يا حبيبي مهما طال المطال
انا بس اللى محيرانى ومخلىنىش انام
ازاى انا بقدر اسهر و ازاى تقدر تنام
و اقوله حبيبي كل ما فيك حبيبي وحلو
صوتك حلو قلبك حلو وحتى لما تتعبنى
و اسهرلك سهرك حلو

وانا رمشى مذاق النوم وهو عيونه تشبع نوم
روح يا نوم من عين حبيبي روح يا نوم

خرج الي الشرفه علي صوت نجاه ومعه كوب الشاي بالحليب

ادم : الله عليكي بجد .. تعرفي اني مش بحب اسمع نجاه غير منك

سيسيل بفرحة : ازاي

ادم : مش عارف لما بسمعها وانتي مشغلاها بيبقي ليها طعم تاني خالص بحس ان كل كلمة بتقولها ليها معني

سيسيل : " يارب تفهم بقي " انا بحب نجاه من صغري

ادم : وانا بحب نجاه بس عمري ما فكرت اسمعلها اغنيه كده لوحدي لازم اسمع الاغنيه اللي انتي بتشغليها

سيسيل بتنهيده : خلاص هشغلك كل اغاني نجاه بعد كده

ادم : خلاص بقي ده انا مسافر بكرة

سيسيل بحزن: ع طول كده

ادم : هو انا هلحق ده يادوب الخميس وهتلاقوني هنا

سيسيل : تروح وترجع بالف سلامة هنستناك

ادم : ان شاء الله الاغنيه خلصت انا هدخل بقي انام علشان هصحي بدري

سيسيل وكانت تنظر له نظرات مليئه بالاشتياق والحب : تصبح ع خير

ادم : وانتي من اهله

دخل واغلق باب الشرفه خلفه كانت تشعر بانها اشتاقت اليه بالرغم من انها كانت تراه امامها منذ قليل .. ولكن هاهو الحب ان تشتاق الي حبيبك حتي وان كان امامك .. ظلت واقفه في الشرفه وتنظر الي شرفته المغلقه وكانت تسرح وكانها تريد ان تعرف ماذا يفعل خلف هذه

الشرفه وافاقت من شرودها ع صوت ايات

ايات : يا بنتي ارحميني عايزة انام اقفلني بقي البلكونه دي

سيسيل وهي تدخل وتغلق باب الشرفه : يخربيت رخامتك انتي ع طول كده مبوظة مودي

ايات : طب اتخمني بقي يا عم الروماني

دخلت سيسيل الي فراشها وامسكت وسادتها وقامت بحضنها وكانت تحلم بتلك الملامح الجذابه التي كانت امامها الان حتي غلبها النوم ونامت

الفصل الرابع

في صباح يوم جديد استيقظت سيسيل مبكرة كعادتها بالرغم من نومها متأخرة .. الا ان اليوم غير باقي الايام التي مضت فاليوم سفر حبيبها الي محل عمله في مرسى مطروح .. فكانت حزينه علي سفره وعدم رونيته له ولكن ماذا تفعل فيجب ان يسافر فمرضاه ينتظرونه لانه اشهر جراح في هذه المشفى ..

دخلت الي المرحاض واغتسلت وازالت اثار النوم وبدلت ملابسها الي بنطال قصير باللون الابيض من خامه الجينز وبدي ضيق نص كم باللون الموف مرسوم عليه صورة باربي باللون اللامع وارتدت حذاء رياضي بمزيج من اللونين الابيض والموف .. ورفعت شعرها الي اعلي ووقفت في الشرفه تنتظرة رآته خارجا من البناية خرجت من الشرفه تركض ولكن اوقفها عن الركض صوت حنان

حنان : راحة فين يا سولا

سيسيل : هنزل اجيب حاجة

كانت حنان ستكمل حديثها ولكن سيسيل تركتها واكملت ركضها الي اسفل وجدته واقفا في اول الشارع ركضت نحوه مسرعه حتي وصلت اليه

سيسيل وهي تلهث من شدة الركض : صباح الخير يا ادم

ادم : صباح النور يا سولا ايه مالك بتنهجي ليه كده كنتي بتجري ولا ايه

سيسيل وهي تلتقط انفاسها : اه كنت بجري ع السلم كده تسافر من غير ما تسلم علينا

ادم : معش انتي عارفه يادوب الحق القطر وبعدين ما احنا كنا سوا امبارح بالليل

سيسيل : لازم اسلم عليك برضه

ادم : تسلمي ربنا يخليكي

سيسيل : خلي بالك من نفسك وتروح وترجع بالف سلامة

ادم : الله يسلمك

سيسيل وهي تنظر الي عينيه : هتيجي يوم الخميس

ادم : والله مش عارف لسه ع حسب الشغل انتي عارفه

سيسيل : ربنا يوفقك .. هستناك

ادم : ان شاء الله

سيسيل : لا اله الا الله

ادم : سيدنا محمد رسول الله

استقل ادم سيارة اجري وعادت سيسيل الي شقتها وهي حزينه ع فراق حبيبها سيتغيب عنها من جديد ولم تعد تراه الا اخر الاسبوع فهي تشعر بانه سيتغيب اربع سنوات ليس اربع ايام فاليوم في بعاده بسنه بل بعهده سنوات عادت الي شقتها وكان الحزن يخيم علي وجهها دخلت الي الشقة بعد ان فتحت لها حنان

حنان : ايه يا سولا كنتي فين ومالك راجعه متضايقه كده

سيسيل : ولا حاجة يا خالتو بس كنت بسلم ع ادم قبل ما يسافر

حنان : ايه يا سولا هو احنا مش اتفقنا اننا منبقاش مع ادم لوحدنا

سيسيل : اعمل ايه بس يا خالتو بلاش اسلم عليه قبل ما يسافر ليه محدش قادر يفهم انا بحبه
اد ايه كل اللي بعمله ده غصب عني

حنان وهي تضم ابنه اختها الي صدرها : ربنا يقرب البعيد يا بنتي ويجعله من نصيبك

سيسيل : امين يارب يا خالتو

حنان : طب يلا ادخلي بقي غيري كده وتعالى افطري معايا

سيسيل : حاضر يا خالتو

دخلت سيسيل الي غرفتها وبدلت ملابسها الي بنطال باللون الوردى وتوب نص كم قصير
باللون الابيض في الوردى ودخلت الي خالتها المطبخ وحضرت معها الفطور وجلست بجوارها
لتتناول افطارها ولكنها لم تتناول شئ فكان الحزن هو رفيقها مع غياب حبيبها

حنان : هتفضلى سرحانه ومسهمه كده كثير ماهو شويه وراجع

سيسيل : غصب عني يا خالتو والله كفايه استحملت سنين مشوفهوش بس تعبت من كتر البعد
عنه وفرحت اوي اني هاجي اعيش في اسكندريه علشانه بس تقريبا الفراق من نصيبي حتي
وانا معاه

حنان : نهايه الفراق اللقي يا حبيبتي وخلي املك في ربنا كبير وبعدين محدش عارف الخير
فين اصبري وربنا يكتبك الخير

سيسيل : يارب يا خالتو

كانت تمر الايام ببطئ شديد كانت سيسيل دائما وحيدة فالجميع منشغل عنها بالعمل كانت دائما
تقف في الشرفه وتتخيله امامها كانت واقفه مبتسمة وتتخيله يضحك لها وخرجت رودينا الي
الشرفه ووجدت سيسيل تبتمس وشاردة

رودينا : ايوة ياعم يا بخته

سيسيل بعد ان افاقت ع صوت رودينا : هو مين ده

رودينا وهي تغمز لها : اللي واخذ عقلك

سيسيل : والله انتي فايقه ورايقه وحاولت ان تغير مجري الحديث وانتي مش باينه ليه كده

رودينا : انا اهو تحت النظر بس انتي اللي مبقتيش بتقفي في البلكونه كتير ولا بتسألني

سيسيل : انا اهو موجوده بس بشوف طلبات البيت مع خالتو

رودينا : طب ما تيجي نروح نقعد ع البحر ولا نعمل اي حاجة انا زهقت

سيسيل : طيب خليها بالليل لما ايات تيجي ننزل نتمشي شويه ع الكورنيش

رودينا : خلاص تمام يلا انا هدخل علشان ماما بتنده

سيسيل : اوك وسلميلي عليها كتير

رودينا : يوصل

دخلت رودينا ودخلت سيسيل ايضا وبدأت في تجهيز وجبه الغداء مع خالتها

سيسيل : خالتو هنزل انا وايات ورودي نتمشي شويه اخر النهار

حنان : ماشي يا حبيبتي

ظلت سيسيل وحنان يقوموا باعداد وجبه الغداء حتي جاءت ايات ويوسف من العمل وكانت ايات في شدة الارهاق والتعب وجلسوا جميعا حول الطاولة لتناول الغداء

يوسف وهو يشم رائحة الطعام : يا عيني ع ريحة الملوخيه اللي تجنن

حنان : اكل سولا ده

يوسف : ما تسيبك من الطب دده وخليكي في المطبخ وانتي بتطبخي حلو كده

يوسف : والله ما انا عارف يا سولا دعواتك بس يلا خلو بالكم من نفسكم

سيسيل : حاضر وانت كمان لا اله الا الله

يوسف : سيدنا محمد رسول الله

بعد خروج يوسف خرجت حنان من غرفتها لتري من الذي يتحدث

حنان : ايه يا سولا بتكلمي مين

سيسيل : ده جو يا خالتو عنده اجتماع مهم تقريبا فيه مهمه

حنان بقلق : ترجعلي بالف سلامة يارب يا ابني

سيسيل بخوف : ان شاء الله يا خالتو هيرجع بالسلامة وبصوت هامس ليكي حق يا رودينا
تموتي من الخوف

حنان : بتقولي حاجة يا سولا

سيسيل : سلامتك يا خالتو انا هدخل اصلي الفجر وادعي لجو يرجع بالسلامة

حنان : ماشي يا حبيبتي

دخلت سيسيل توضأت وادت فريضه الفجر ورفعت يداها للسماء وبدأت تدعي ان يوسف يعود
بالف سلامة وان ادم يكون من نصيبها وعادت الي فراشها وغطت في سبات عميق

الفصل الخامس

في اليوم التالي استيقظت سيسيل وبدأت في توضيب غرفتها ثم اتجهت الي المرحاض لتزيل
اثار النوم واتجهت الي المطبخ واعدت فنجان من الشاي بالحليب مع مجموعه من الكيك لها
ولخالتها وجلست بجوار خالتها لتناول الفطور وبعد انهاء الفطور قامت سيسيل باعاده الاشياء
الي المطبخ وقامت بتنظيف المنزل ثم اخذت شاور وبدلت ملابسها وخرجت الي خالتها في
الصالة

سيسيل : خالتو بعد اذنك هنزل اتمشي شويه ع البحر

حنان : طيب يا حبيبتي بس خلي بالك من نفسك

سيسيل : حاضر يا خالتو هتعوزي حاجة من تحت

حنان : سلامتك يا حبيبتي

هبطت سيسيل الي اسفل واتجهت الي شاطئ البحر وجلست امام البحر تتذكر ادم وحبها له
ومدي اشتياقها له وكيف تعرفت عليه وكيف حبه

فلاش باك

كانت سيسيل في الصف الاول الاعدادي وكان ادم في الفرقة الاولى من كلية الطب كانت حينها
تعيش سيسيل في الاسكندرية مع عائلتها في حي جليم ولكنها كانت تحب ان تقضي الاجازة
عند خالتها مع ايات ويوسف وكانت تقف في الشرفه مع ايات ويلعبون بالكرة وكانت تنظر
سيسيل الي الشرفه المقابله ووجدت شابا واقفا فيها

سيسيل : هو مين ده انا اول مرة اشوفه وكمان اول مرة اشوف البلكونه دي مفتوحة

ايات : يا بنتي ده ادم ابن طنط نجلاء وعمو اسماعيل كانوا مسافرين الامارات ومكانوش بيجوا
غير قليل اوي بس استقروا هنا بقي علشان ادم دخل الجامعه

سيسيل : اهاااااا

ايات : بس قمرررر

سيسيل : يا بت احترمي نفسك قمر ع نفسه

ايات : ماشي يا اختي العبي العبي

كانت تمر الايام وكانت سيسيل دائما تري ادم وتعرفت علي رودينا اخته وبدأو في تحويل
العلاقه الي صداقه وظلوا اصدقاء وكانت دائما سيسيل تأتي اليهم كل اجازة وكانت تنتهز

سيسيل : وانتى قاعده بتعملي ايه ما تقومي هزي نفسك كده اعلمي حاجة

ايات : بت انا مش فايقالك مش انتى قاعده تتفسحي وتيجي تقويلي اعلمي وسوي

سيسيل : يخربيت القر اهو يا اختى راحة الشغل يوم السبت مش عايزة رغي كثير

ايات : احسن

سيسيل : هو يوسف ماجاش لسه

ايات : ليه هو فين اصلا

سيسيل : ياربي معانا واحدة في البيت مسطووووووووله

ايات : بتكلم بجد هو فين

سيسيل : يا بنتى يوسف بره من الفجر

ايات : يا شيخة

سيسيل : مش بقولك مسطوله انا هروح اسأل خالتو احسن

ذهبت سيسيل الي المطبخ لتسأل خالتها علي يوسف

سيسيل : هو يوسف لسه ماجاش يا خالتو

حنان : لا والله يا سولا لسه وبرضه تليفونه مقفول

سيسيل : يبقي في حاجة كبيره بقي يا خالتو ربنا معاه يارب هو وكل الطباط اللي زيه

حنان : يارب يا حبيبتي ادخلي غيري عقبال ما احضر الاكل

سيسيل : طيب هغير هدومي واجي احط الاكل معاكي

خرجت سيسيل الي الصاله وجدت ايات ضربتها ع رأسها وقالت لها : قومي يابت حطي الاكل
يلا اعلمي حاجة مفيدة في حياتك

قامت ايات لتضربها وركضت خلفها ولكن سيسيل كانت اسرع منها واغلقت الباب خلفها

بدلت سيسيل ملابسها الي ملابس المنزل ودخلت الي خالتها المطبخ واعدت معها طاولة الطعام
ولكن سيسيل لم تتناول شيئا منه وكانت شاردة

حنان : ايه يا سيسيل مش بتاكلي ليه يا حبيبتي

سيسيل كانت قلقه ع يوسف ولكنها اظهرت اللامبالاه حتي لا يتسرب القلق الي خالتها

سيسيل : ولا حاجة يا حبيبتي انا باكول اهو

تظاهرت سيسيل بالاكل حتي انهوا طعامهم وقامت برفع الاطباق هي وايات وتنظيف مكان
الطعام وتنظيف المطبخ ثم جلسوا جميعا امام التلفاز وبدأ جرس الباب في الرنين قامت سيسيل
لتفتح لتجد امامها نجلاء ورودينا

نجلاء : اخص عليكم اخص مكسرات من غيرنا كده ولا حتي تعزمونا

حنان : تعالي يا نوجا

سيسيل : تعالي يا بت يا رودي اقعدي هنا

نجلاء : انا بقي جايبالكم فيلم جديد انما ايه يلا يا يويا خدي شغليه

قامت ايات بتشغيل الفيلم وجلسوا جميعا يشاهدون الفيلم

رودينا بصوت منخفض : فين يوسف

سيسيل : في الشغل

رودينا : هو لسه ماجاش

سيسيل : لاء لسه

رودينا بنبره قلق : ربنا يجيبه بالسلامة

سيسيل : امين يارب

ثم عادوا لمشاهدة الفيلم وقامت نجلاء ورودينا بالذهاب الي منزلهم ودخلت سيسيل الي الشرفه لتقف فيها ومر الوقت سريعا ويوسف لم يعد بعد ولكنه اتصل بحنان واخبرها انه بخير وسيأتي الليله

ظلت سيسيل واقفه في الشرفه حتي كانت الساعه الواحدة بعد منتصف الليل وخرجت لها رودينا من الشرفه المقابله

رودينا : سولا هو يوسف ماجاش لسه

سيسيل : لاء بس هو اتصل وقال انه هيجي انهاردة وانه بخير

رودينا بشئ من الارتياح: الحمد لله

سيسيل : الحمد لله

رودينا : ابقى طمئيني

سيسيل : حاضر

رودينا : انا هدخل علشان ماما مش بتحب البلكونه مفتوحة بالليل

سيسيل : اوك

دخلت رودينا وظلت سيسيل واقفه في الشرفه تنتظر يوسف وادم

ايات من الداخل : انتي يا بنتي الساعه اتنين ما تدخلي تنامي بقي

سيسيل : مستنيه ادم ويوسف

ايات: ادم ايه يا متخلفه انتي مش رودي قالت انه مش جاي انهاردة

سيسيل : عندي احساس انه جاي وكمان مستتية يوسف علشان اطمئن عليه

ايات : ماشي يا اختي خليكى واقفه اما نشوف اخرتها ايه

ظلت سيسيل واقفه حتي غلبها النوم ونعست عيناها قليلا ولكنها قامت مفزوعه من نعستها هذه ع رائحة ادم ونظرت الي اسفل وجدته داخل الي البنايه الخاصه به.. قلبها ارتاح قليلا وبدأت تشتتم رائحته كانها تتنفس بهذه الرائحة التي اسرتها وظلت واقفه قليلا حتي تري نور غرفته مولعا وعندما طفا نور غرفته مرة اخري اطمئن قلبها عليه ..ودخلت الي فراشها ومددت عليه وبعد قليل سمعت صوت الباب يفتح فعرفت انه يوسف خرجت اليه لتطمئن عليه وجدته ممسكا ذراعه وملفوف به شاشا والشاش ملون بلون الدم

سيسيل بخضه : يالهوري ايه اللي حصل

يوسف : هووووووووش بس مش عايز نفس

سيسيل : تعالي تعالي

دخلت معه سيسيل الي غرفته وبدأت تتفقد الجرح

سيسيل : الحمد لله الجرح مش عميق بس لازم يتطهر

يوسف : طب شوفي شغلك يا دكتورة اتفضلي دراعي تحت امرك

سيسيل بحده : انت مستهون بالامر افرض الاله اللي اضربت بيها كانت مسممة ولا زفت كان هيبقي حالك ايه دلوقتي

يوسف : يا بنتي احنا متعودين ع كده اخلصي بقي عايز انام ساعتين ورايا تحقيق بكرة

سيسيل وهي تقوم بتنظيف الجرح : طب احكي لي بقي ايه القضييه وانا بنضفلك الجرح

يوسف : دي اسرار شغل يا ماما اخلصي

الفصل السادس

في صباح اليوم التالي استيقظت سيسيل متأخرة فاستيقظت قبيل الظهر بقليل وخرجت الي الصاله وجدت خالتها جالسه ع الاريغة تقلب في قنوات التي في سيسيل بنوم : صباح الخير يا خالتو

حنان :صباح الفل يا حبيبه خالتو ايه نموسيتك كحلي انهارده

سيسيل : نايمه بعد الفجر والله يا خالتو جو صحي ولا لسه

حنان : انا دخلت عليه الصبح لاقيته نايم وايده مربطة هو ايه اللي حصل

سيسيل : متعور بس الحمد لله جت بسيطة انا هدخل اتوضا ومعلش يا خالتو صحي يوسف علشان عنده تحقيق وكمان علشان صلاه الجمعه

حنان : بس ده نايم بعد الفجر

سيسيل : معلش يا خالتو علشان حتي يصلي الجمعه

حنان : طيب يا حبيبي ادخلي انتي اتوضي يكون صحي وافطروا سوا عقبال ما خم النوم اللي جوة دي صحي

سيسيل : اوك يا خالتو

دخلت سيسيل الي المرحاض لتتوضأ وتزيل اثار النوم بينما دخلت حنان الي يوسف غرفته ووجدته مستغرقا في النوم اقتربت منه وربت ع كتفه وحاولت ايقاظه

حنان : يوسف حبيبي يلا يا بابا قوم

يوسف بنوم : طيب طيب وغط في نوم عميق مرة اخري

حنان : يلا يا جو .. ولكن دون فائدة كان نائما نوم عميييييييييييق

خرجت حنان وجدت سيسيل انتهت اغتسالها وبدأت في تحضير الفطور وايقظت ايات ايضا سيسيل : ايه يا خالتو هو فين

حنان : نايم يا حبيبي خالص

سيسيل : الله يكون في عونك بصراحة وكمان نزف دم كثير

حنان : يا حبيبي يا ابني .. انا قولت بلاش الكليه الزفت دي صمم عليها وقال لي لازم ابقى زي بابا

سيسيل : ياخالتي لو كل ام قالت مش عايزين كليات شرطة ولا حربيه ولا ولا يبقي البلد هتبوظ

حنان : ربنا معاهم يارب .. ويحميهم هو واللي زيه

سيسيل : امين يارب يا خالتو انا هدخل اصحيه

دخلت سيسيل الي يوسف غرفته ووجدته نائما بعمق اقتربت منه وبدأت في ايقاظه

سيسيل : يوسف .. جو .. يلا يا جو قوم

يوسف بنوم : ها في ايه

سيسيل : قوم يا ابني الساعة 11

يوسف وهو يستيقظ : 11 ايه

سيسيل : 11 الصبح يلا يا ابني قوم

يوسف بتناقل : طيب يا سولا خمسه بس وهحصلك وهنا رن هاتف يوسف التقطة يوسف
وعندما رأي اسم اللواء خالد علي الشاشة نهض مسرعا من فراشه وبدأ في الرد وجاءه صوت
خالد من الهاتف باعطاء التعليمات له ورد عليه يوسف قائلا : تمام يا فندم ساعه وهكون عند
حضرتك مع السلامة يا فندم

سيسيل : لو مكنش التليفون مكنتش صحيت

يوسف مسرعا : معلىش يا سيسيل اعمليلي بس قهوة عقبال ما اخد دش والبس
سيسيل : حضرتك ادخل خد دش وقبل ما تغير ناديني علشان اغيرلك ع الجرح.. ومفيش قهوة
هعملك عصير علشان الدم اللي فقدته ماشي يا حضرة الطابط

يوسف : ماشي بس اخلصي

دخلت سيسيل الي المطبخ واحضرت الي يوسف العصير وغيرت له ع الجرح وجلس معهم ع
طاولة الطعام

يوسف وهو ينظر الي كميته العصير : انا هشرب العصير ده كله

سيسيل : من اوله لآخرة متسبش نقطة انت فقدت دم كتير ومحتاج تعوض اللي فقدته ده

حنان : اسمع كلامها يا يوسف وبعد كده تخلي بالك من نفسك انا مش ناقصه وجع قلب

ايات : انتوا محسنني انه اتضرب بالنار ده حته تعويرة

سيسيل : تصدقي انك معنديكش دم بدل ما تقوليله سلامتک

ايات : سلامته ع ايه ده بيجي كل مرة متبهدل اخر بهدله

يوسف وهو ينظر الي ايات : ماهو احنا بنتبهدل علشان نحافظ علي امثالك

سيسيل : بجد الله يكون في عونكم

يوسف : يلا انا همشي بقي

سيسيل : يوسف الدوا ده يجي ويتاخذ وانت نازل من اي صيدليه

يوسف : حاضر يا دكتورة يلا سلام عليكم

الجميع : وعلیکم السلام

بعد خروج يوسف

حنان : انتي كده علي طول مش بتحاسيبي ع كلامك خلي عندك شعور افرضي كان جراه

حاجة لا قدر الله

ايات بحزن : والله يا ماما كنت بهرج

حنان : يبقي تخلي بالك ع كلامك بعد كده

سيسيل : خلاص يا خالتو يعني هو يوسف لسه هيعرف ايات

حنان : قومي شيلي الفطار ووضبي البيت بدل ما انتي قاعده مالکيش لازمة كده

ايات : حاضر

دخلت ايات الي المطبخ بعد ان رفعت الاطباق ودخلت سيسيل لتحضر اكوابا من الشاي بالحليب

واخذت كوبها ودخلت الي الشرفه ووجدت ادم

اما رودينا عندما دخلت امسكت بهاتفها وبدأت في الاتصال بيوسف ولكنه لا يوجد رد

رودينا : كده يا يوسف ماشي

وبعد قليل وجدت هاتفها يرن وكان مكتوب اسم جو في خانه المتصل

يوسف : ايوه يا رودينا

رودينا بعصبية : بمنتهي السهوله ايوة يا رودينا راجع امبارح متعور وانهارده في الشغل وانا

اتحرق اولع مش مهم

يوسف بحدده : رودينا انا في شغل ومش فاضي للمهاترات دي انا بتعرض لاكثر من كده وانتي

عارفه كده كويس

رودينا : يعني انت بتزعقلي علشان خايفه عليك يعني

يوسف : يا رودني بس مش كده يا حبيبتي انتي عارفه طبيعه شغلي قوليلي اعمل ايه

رودينا : ماشي يا يوسف

يوسف : يبقي لسه زعلانه خلاص بقي بطلي رخامة

رودينا : هتيجي امتي

يوسف : هاجي قبل المغرب ان شاء الله بس ادعيلي اخلص التحقيق ده

رودينا : ان شاء الله

يوسف : يعني خلاص صافي يا لبن

رودينا بزعل : اه

يوسف : لاء حبيبي لسه زعلان فكيها بقي

رودينا : خلاص بقي

يوسف : ماشي هاجي انا بالليل اظبطك هقفل بقي علشان اذان الظهر

رودينا : اوك خلي بالك من نفسك

يوسف : وانتي كمان لا اله الا الله

رودينا : سيدنا محمد رسول الله

ظلت سيسيل واقفه في الشرفه تنتظر حبيبها لتراه بملابس الصلاة فهي تحب هذا الجلباب

الابيض الذي يرتديه يوم الجمعة وشردت في ملامحة ووسامته

ببشرته القمحيه وشعره الاسود وشاربه ولحيته الخفيفتان ولكن قطعت شرودها ايات

ايات : مالك واقفه مسهمه كده ليه

سيسيل بحب : قمر يا ناس

ايات : هو مين ده

سيسيل : ادم

ايات : ادم مين

سيسيل : ده ع اساس ان احنا نعرف 500 ادم مثلا

ايات : هو ادم جه

سيسيل بتنهيده : اaaaaaaaaaaaaااه جة الفجر

احساس ابعد من الخيال
كانت تغني ومع كل كلمة تخرج تنهيدة قوية من قلبها كانت تشعر بكل حرف يقال كانت تريد ان ترسل له رساله عن طريق هذه الاغنيه كانت تريد ان تصرخ
بكل قوتها وصوتها وتقول له احبك يا من سكن الروح واسر القلب والكيان .. احبك منذ ان راتك عيناى وشعر بك قلبي .. لا اريد ان احيا في هذا العالم بدونك
احبك اتمني ان اقولها واعلنها للعالم اجمع .. فا انا بدونك لا اساوي شئ انت من جعل لي مكانه .. انت من شجعتني انت من علمني الحب وعلمي العشق كنت
اجهل معاني كثيره اصبحت متفوقه في اصول العشق حبيبي احبك ولا اريد ان اقولها لاحد قبلك او بعدك فانت من يستحق هذه الكلمه بل الكثير من الكلمات والاحاسيس والمشاعر
كانت شاردة مع كلمات الاغنيه وشاردة في هذه الاحاسيس التي بداخلها وتنظر الي عينيه ولا تغمض عيناها ابدأ عنه شعر بها نظر لها سارت بجسده قشعريرة
من نظراتها ولكنه شرد في تلك العيون العسلية وتلك البشرة البرونزية الصافية ولكن سريعا ما افاق من شرودة

ادم : طب يلا ولا ايه انا ورايا سفر الصبح انا هطلع انا
شعرت سيسيل به وبرعشته التي هزتها ورات في عيناه اجمل كلام ولكنه قطع تفكيرها عندما قام من مكانه وصعد الي البنايه الخاصه بهم بعد ان سلم عليهم جميعا
وصعد الجميع ودخلت سيسيل الي غرفتها وظلت واقفه في الشرفه شاردة في تلك العيون وتلك الكلمات التي تخفيها عيونه فكيف تكذب عيونه وهي اول من
حبتها فكيف تنسى تلك النظرات الساحرة التي تلمس القلب ودخلت سيسيل عندما شعرت بتأخر الوقت فغدا هو اول يوم لتستلم فيه تدريبيها استلقت علي فراشها وغطت في ثبات عميق

الفصل السابع

في اليوم التالي استيقظت سيسيل مبكرة جدا فالיום اول يوم لاستلام تكليفها .. استيقظت ودخلت المرحاض اخدت شاور وصلت فريضتها ودعت الله ان يوفقها .. وارتدت بنطال جينز اسكيني بلون الجينز وتوب كاروة بمزيج من اللونين الابيض والتركواز بدون اكمام .. وارتدت من فوقه بوليرو من الجينز وحذاء رياضي بمزيج من اللونين الابيض والتركواز .. ووضعت القليل من مستحضرات التجميل وتركت شعرها ينسدل برقه وتركت غرتها تزين وجهها الطفولي الرقيق .. وخرجت الي الشرفه لتطلع علي حبيبها لتراه قبل سفرة ولكن الشرفه كانت مغلقة خرجت الي الصاله وجدت يوسف جالس ع طاولة الطعام وعندما رآها بدأ في اصدار صوت من فمه
يوسف وهو يقوم ويأخذ يداها ويلف بها : وaaaaaaaaaaaaaaaaاو يخربيت القمر انا لو دكتور وشوفتك كده وربنا ما هسيبك

سيسيل باستحياء : اه لو رودينا سمعتك ناو

يوسف : رودينا مين وبتاع مين ايه يا بت الحلاوة دي خافي ع نفسك

سيسيل بحرج : بس يا يوسف
يوسف : بس يا يوسف ايه بس وانتي قمر كده
خرجت حنان من المطبخ علي مغازله يوسف لسيسيل : سيسيل طول عمرها قمر بس بعيد
عنك في ناس عاميه ومبتشوفش نقول ايه
يوسف : ايه لزمته بس الكلام ده
سيسيل : انا هقوم امشي لو قعدت هنا هتأخر
حنان : مش هتفطري
سيسيل : معلىش يا خالتو والله هتأخر وكانت سيسيل بجوار النافذه فرآت ادم وهو يخرج من
البنايه

سيسيل بتسرع : خالتو باي بقي سلام
حنان : خلي بالك من نفسك
سيسيل وهي تسرع الي الباب : طيب طيب
ركضت سيسيل الي اسفل لتلحق ادم ووجدته منتظرا سيارة اجري
سيسيل : صباح الخير
ادم وهو ينظر لها باعجاب : صباح النور .. اول يوم
سيسيل : اه
ادم : ربنا معاكي
سيسيل : يارب ..وقامت باخراج شئ من حقيبتها ممكن تقبل مني ده
ادم : ايه ده
سيسيل : ده مصحف خليه معاك يحفظك

ادم : ميرسي يا سولا
سيسيل : العفو تروح وترجع بالسلامة هتوحشنا
ادم : وانتو كمان يلا علشان متتأخريش خلي بالك من نفسك
سيسيل : وانت كمان لا اله الا الله
ادم : محمد رسول الله
تركته سيسيل واستقلت سيارة اجري لتذهب بها الي المستشفى وكانت طوال الطريق شاردة في
حبيبها ورقته وحنيته وكل شئ فيه يجذبها حتي افاقها السائق من شردوها وابلغها انهم وصلوا
هبطت سيسيل من السيارة ودخلت الي المستشفى ووقفت قليلا تطلع اليها في فخر وذهبت الي
الاستقبال

سيسيل : لو سمحتي انا متدربه وكنت عايزة اعرف ارواح فين انا متدربه جراحة
موظفه الاستقبال : الدور الثالث اسالي علي غرفه المتدربين
سيسيل : شكرا
صعدت سيسيل الي الدور الثالث حتي وصلت الي الغرفه التي يتجمع بها المتدربين وجدت
مجموعه من المتدربين موجودين بهذه الغرفه

انا اسفه معلى

سيسيل : انا عمري ما ازعل منك ابدأ ده انتي اختي حبيبتي
ضمتها ايات الي صدرها : وانتي اختي وصحبتني وكل ما ليا يارب افرح بيكي واشوفك مبسوطة
سيسيل : انا وانتي في يوم واحد يارب

جاء يوسف والتف الجميع حول طاوله العشاء وبدأت سيسيل تقص لهم احداث يومها الشاق
هذا وكانوا يستمعون لها بعنايه حتي ايات التي استمعت الي هذا الكلام من قبل كانت فخورة
وسعيدة لان سيسيل سعيدة بعملها وكانت تدعي لها ان الله يوفقها في عملها وفي حياتها

الفصل الثامن

مرت الايام ع سيسيل عاديه كانت تذهب يوميا الي عملها وتمر بيوم شاق ثم تعود الي المنزل
في قمة الارهاق تجلس قليلا وتذهب الي فراشها ولكن لا يخلو اليوم من التفكير في حبيبها
الذي يشغل عقلها وتفكيرها ..ومرت الايام حتي جاء يوم الخميس يوم رجوع حبيبها الي
الاسكندريه فاليوم عيد بالنسبه لها فستراه بعد غياب 5 ايام كامله ..ولكن ليسوا بايام انهم
بسنوات بل قرون غياب ..فتعودت ان تستيقظ علي وجهه الجذاب الرقيق وصوته الرجولي ذات
النبره الجذابة .. وها هي تبدأ عملها اليوم بسعاده غير عاديه فاليوم تتميز سيسيل عن باقي
المتدربين بالنشاط والحيويه .. وكانت تبتسم الي المرضي بذات الابتسامه الرقيقه الهادئه
وكانوا المرضي يرتحون لها ويشكرون بها .. وكانت سحر تسعد بها لتفوقها ونشاطها ولكنها
لم تقل لها لكي لا تتخاذل عن ماهي فيه ..وفي تلك الفترة اقتربت ريم من سيسيل بشكل ملحوظ
فسيسيل كانت تحب الجميع وكانت تدخل القلب بسهولة لبرائتها وعفويتها ورقتها وسحر
ابتسامتها

كانت سيسيل تقف في استقبال الدور الخاص بالجراحة تراجع ملف مريض وكانت ريم تراجع
مجموعه من الملفات

سيسيل : الله يكون في عونك موضوع الملفات ده ممل اوي
ريم : جدا مفيش احلي من انك تتابعي حاله او تدخلني عمليه مثلا
سيسيل : بصراحة نفسي ادخل عمليه

ريم : مفيش حد من المتدربين دخل عمليات
سيسيل : اه فعلا لسه مش سمحولنا

كانت ريم تشعر بعدم وضوح في الرؤيه وكانت تنظر الي سيسيل ولكن بدأت الرؤيه لم تكن
واضحة اطلاقا وفقدت الوعي .. ركضت نحوها سيسيل وبدأت في افاقتها ولكن لم تفيق بدأت
في مناداه احد الاطباء جاءت دكتوره سحر وبدأت في ايفاقها وذهبت الي احدي الغرف لترتاح
هناك وكانت معها سيسيل

سيسيل : انتي كويسه

ريم بتعب : اه كويسه

سيسيل : ربنا يطمئنك يرضيك كده يا عمو يخوفني
اسماعيل : مالكيش دعوه بيه اعلمي اللي انتي عايزاه وانا افتحكك مستشفى لوحدك
سيسيل وهي تخرج لسانها لادم : عمو هيعلمي كل اللي انا عايزاه
اسماعيل ليغيظ نجلاء : طبعا مش هتبقي مراتي وهو ينظر لادم احترم مرات ابوك
سيسيل : ياااه بقي انا هتجوز القمر ده .. وهي تنظر لنجلاء .. بس طنط نوجا حبيبتي والله يا
طنط بجد تتحسدي علي عمو اسماعيل وع فكرة يا عمو برضه حضرتك تتحسد واخذ ست
الستات كلها والله ربنا يخليكم لبعض
نجلاء بخجل : ربنا يخليكي يا سولا
سيسيل : ويخليكي يا طنط
يوسف : البت دي من ساعه ماجت وهي واكله الجو مننا خالص
سيسيل : اسكت انت مالكش دعوه خليك في اللي انت فيه وبصوت هامس وانطق بقي بدل ما
انت قارقنا
يوسف : مش وقته بقي
سيسيل : طيب
حنان : طب يلا احنا بقي علشان البشمنهندس يرتاح شويه ولا ايه
نجلاء : ما انتوا قاعدين والله يا حنون .. عيب كده تمشوا من غير غدا
حنان : يابخت من زار وخفف وبعدين عايزين البشمنهندس يرتاح .. ويوم تاني ان شاء الله
نتغدي كلنا سوا
اسماعيل : والله راحتي اني شوفتكم متصوروش اسكندريه وحشتني ازاي
سيسيل : والله يا عمو وحضرتك وحشتنا جدا
حنان : طب يلا
قام الجميع وسلموا علي اسماعيل ونجلاء وكانت سيسيل تسلم علي ادم فطلت ممسكة يده
وناظرة الي عنيه .. كم كانت مفتقده تلك اللمسة الحنونه وتلك النظرة الرقيقه التي تطل من
عينيه .. ثم غادروا الجميع وذهبوا الي شقتهم
حنان : زمانك ميته من الجوع
سيسيل : واقعه
حنان : طب يلا خشوا غيروا وتعالى انتي وايات حطوا معايا الغدا
سيسيل : اوك
دخلت سيسيل وايات الي غرفتهم وبدلو ملابسهم وذهبوا الي المطبخ ليعدوا الطعام
في شقه ادم
اسماعيل : سولا دي غسل
نجلاء : اوي اوي ادب واخلاق واحترام
رودينا : اه والله يا ماما ودمها زي العسل
نجلاء بخبت : وانت يا ادم

ادم : ميتقالش عليها كلمة طبعاً سيسيل متربيه معانا من صغرها
فرحت نجلاء لهذه الكلمات وابتسمت
اسماعيل : ايه يا نوجا هو مفيش اكل ولا ايه
نجلاء : حالا يا حبيبي

دخلت نجلاء الي المطبخ لتعد وجبه الغداء وكانت تساعد روديها
اسماعيل : وانت يا دكتور عامل ايه

ادم : اهو ماشي الحال ومقدم ع نقل اسكندريه بس لسه في شويه اجراءات كده علشان النقل
يتم ويشوفوا المستشفى المحتاجة لتخصصي
اسماعيل : ربنا يوفقك يا ابني

ادم : امين يارب يا بابا

وظلوا يتحدثون في امور عده هو واباه

بعد ان انتهت وجبه غداها ذهبت الي غرفتها وهاتفت ريم لتطمئن عليها ووجدتها بخير اشغلت
الحاسوب الشخصي علي اغنيه علي بالي لشيرين ووقفت في الشرفه ممسكة بكوب من
العصير وكانت تنظر الي شرفته وكانت شاردة مع كلمات الاغنيه وكانت تردد كلماتها
حبيته بيني وبين نفسي

وما قولتلوش على اللي في نفسي

ما عرفش ايه بيحصللي لما بشوف عينيه

ما بقتش عارفة أقوله ايه ما عرفش ليه خبيت عليه

بضعف أوى وأنا جنبه وبسلم عليه

كل حب الدنيا ديا في قلبي ليك

ده أنت أغلى الناس عليا روعي فيك كل حب الدنيا ديا في قلبي ليك

ده أنت أغلى الناس عليا روعي فيك

دانتي لو قدام عنيا اشتاق إليك على بالي ولا أنت داري بالي جرافي

والليالي سنين طويلة سيبتهاي

يا انشغالي بكل كلمة قولتهاي على بالي ولا أنت داري بالي جرافي

والليالي سنين طويلة سيبتهاي

يا انشغالي بكل كلمة قولتهاي حبيته بيني وبين نفسي

وما قولتلوش على اللي في نفسي

ما عرفش ايه بيحصللي لما بشوف عينيه

ما بقتش عارفة أقوله ايه ما عرفش ليه خبيت عليه

بضعف أوى وأنا جنبه وبسلم عليه الكلام لو كان يعبر على الحنان

كنت قولت إني بحبك من زمان الكلام لو كان يعبر على الحنان

كنت قولت إني بحبك من زمان

كل يوم الشوق بيكبر عليا بان على بالي ولا أنت داري بالي جرافي

ادم : يا خيبتك انت مش نافع في حاجة كده

يوسف : بس يا ض خليك في الشطرنج اللي انت فيه وبلاش انت بقي تلاقيك كسب الغلبانه دي
بس معايا مش بتعرف تفتح بوقك

ادم : الدور لسه مخلصش

اسماعيل : طب تعالو بقي يلا هنغني وحشني ايام زمان واللمة الحلوة والغنا التف الجميع في
دائرة ونظر اسماعيل لسيسيل يلا يا سولا غني

سيسيل : انا صوتي وحش

اسماعيل : يلا بس هنغني كلنا بس عايزين حاجة من التراث القديم

سيسيل : هنغني الاغنيه اللي عمو اسماعيل بيحبها

اسماعيل وهو ينظر لسيسيل : اروبه

سيسيل : يلا

اسماعيل : افتحني

سيسيل : البحر بيضحك ليه وانا نازله ادلع املي القل البحر بيضحك ليه ليه ليه وانا نازله

ادلع املا القل

الكل : البحر غضبان ما بيضحكش اصل الحكايه ما تضحكش .. البحر جرحه ما بيدبلش البحر
جرحه ما بيدبلش وجرحنا ولا عمره دبل وجرحنا ولا عمره دبل وجرحنا ولا عمره دبل وجرحنا

ولا عمره دبل والبحر بيضحك ليه البحر بيضحك ليه وانا نازله ادلع املا القل البحر بيضحك

ليه ليه ليه وانا نازله ادلع املا القل

قللنا فخارها قناوي بتقول حكاوي وغناوي يا قلله الذل انا ناوي يا قلله الذل انا ناوي ما اشرب

ولو في الميه غسل البحر بيضحك ليه وانا نازله ادلع املا القل

بيني وبينك سور ورا سور وانا لا مارد ولا عصفور في ايدي عود اوال وجسور وصبحت انا

في العشق مثل

سيسيل : والبحر بيضحك ليه والبحر بيضحك ليه وانا نازله ادلع املا القل

الكل كان يصفق تصفيق حار وكان الجميع فرح بهذا التجمع الذي لم يحدث منذ عده سنوات

وها هم الان متجمعين ويفرحون ويغنون ويلعبون وكانت الضحكة هي مصدر هذه الشقه

والسعادة تعم ع الجميع

يوسف مقاطعا ضحكهم : عمو اسماعيل

اسماعيل : ايوة يا جو

يوسف : حضرتك مربييني وعارفني كويس وعارف مركزي

اسماعيل : طبعا يا ابني

يوسف : وكلكم عارفين اني بحب رودينا من صغري صح

اسماعيل : صح

يوسف : وجه الوقت المناسب اللي اطلب من حضرتك ايد رودينا طبعا بعد موافقتها وموافقته

حضرتك

سيسيل : خالتو انا هقوم البس واروح ع البحر

حنان : طيب يا حبيبتي

يوسف : بس متأخريش يا سولا

سيسيل : طب ما تيجوا نقضي كلنا اليوم ع البحر انهارة

يوسف : بعد الصلاة هنشوق

سيسيل :طيب انا هروح اقعد شويه ما تيجي معايا يا ايات

ايات : لاء انا هدخل اوضب هدومي لحسن مكرابه خالص

سيسيل : اوك

رفعت سيسيل الاطباق من علي الطاولة وانتهت غسيلهم ثم بدلت ملابسها الي بنطال قصير باللون الاسود " برمودا " وبدي نص كم باللون الموف وارتدت حذاء فلات باللون الموف وتركت شعرها القصير ينسدل علي رقبتها وهبطت الي اسفل ووجدت اسماعيل امامها

اسماعيل : القمر رايح فين كده لوحدة

سيسيل بمرح : راحة البحر تيجي معايا

اسماعيل : لاء يا اختي اخاف ع نفسي من الفتنه

سيسيل بضحكة رقيقه : ههههههههههههه خايف من الفتنه بقي ولا خايف من طنط نوجا

اسماعيل : عيب عليكى ده انا سي السيد

سيسيل بضحكه : سي السيد ولا سي اسماعيل

اسماعيل وهو يضحك : يا بت يا شقيه انا لو فضلت واقف معاكي كده الاكل هيبرد تعالي

افطري معانا

سيسيل : الف هنا سبقتكم هو انا خم نوم زيكم انا نشيطة

اسماعيل : ماشي ياعم النشيط

ادم من الشرفه : يابابا البت دي لكعه لو فضلت ترغي مش هناك انهاردة

سيسيل بغضب مثل الاطفال : انا لكعه حرام عليك ده انا نشيطة حتي

ادم : رايح فين ياعم النشيط ع الصبح كده

سيسيل : راحة البحر ما تبقوا تيجوا نقضي اليوم ع البحر انهاردة

اسماعيل : خلاص ماشي بعد الصلاة هتلاقينا عندك

سيسيل : خلاص تمام هروح انا بقي بدل المفجوع اللي فوق ده ينزل يفترسنا وهي تنظر الي
ادم سلام يا دوما

ادم : سمعتك علي فكرة ..سلام يا سولا

ذهبت سيسيل الي شاطئ البحر وجلست في مكانها المفضل وظلت تتحدث الي البحر طويلا فهو
من يحمل عنها همومها المليئه بها وتذكرت ريم فاتصلت بها

سيسيل : ريمو ازيك

ريم : الحمد لله انتي ازيك يا سولا

سيسيل : تمام الحمد لله ها اخبارك ايه انهاردة

ريم : الحمد لله تمام

سيسيل : الحمد لله يا حبيبتي

ريم : امل انتي فين

سيسيل : لاقيت نفسي زهقانه قولت اطلع ع البحر شويه

ريم : يابختك ياعم

سيسيل : طب ما تيجي تقعدني معايا

ريم : ما انتي عارفه مش هينفع اسيب ماما لوحدها ما بصدق يوم اجازة

سيسيل : يا حبيبتي الله يكون في عونك

ريم : تسلمي حبيبتي

سيسيل : ماشي يا قلبي اسيبك بقي تشوفي اللي وراكي

ريم : ماشي اشوفك بكرة سلام

سيسيل : سلام

تركت سيسيل الهاتف من يدها .. وشردت في البحر ومتعه الجلوس امامة وشردت في حبيبها ودنيتها وقدرها هل القدر سيعطيني ما اتمني هل سيكون من نصيبي يوما هل سيشعر بحبي له هل ساحيا معه باقي عمري وحياتي كل هذه الاسئلة كانت تدور بخلدتها ولكنها فاقت ع صوت صراخ ووجدت شابا يحمل فتاه من الماء ويجلسها علي شاطئ البحر ولكن الفتاه كانت مغيبه

الشاب بصوت عال : يا جماعه حد يطلب الاسعاف

سيسيل مسرعه : انا دكتورة

الشاب : كانت هتغرق ارجوكي ساعديها

بدأت سيسيل بالضغط علي صدرها لتخرج الماء وبدأت في عمل تنفس الاصطناعي لها حتي بدأت البنث في الافاقه وهي تسعل

سيسيل : انتي كويسه

البتت باعياء وتهز رأسها بنعم

سيسيل : الحمد لله جت سليمة .. بعد اذنكم

ذهبت سيسيل وعادت الي مقعدها وشردت مرة اخري في هذا العالم الغريب ولكن قطع شرودها
مرة اخري

ادم : كنت عارف اني هلاقيكي هنا

سيسيل بفرحة : ادم

ادم : انا مش عارف ايه حبك في المكان ده مع انه مكان مليون كوارث

سيسيل : علشان كده بحبه

ادم بضحة تذيب الحجر : بتحبيه علشان كنتي هتغرق في فيه

سيسيل بتنهيده : لاء علشان انقذتني فيه

ادم وهو يغير مجري الحديث : اه علي فكرة كلهم جايبين بس انا قولت اسبقهم اجي اخضك

سيسيل وهي تشعر بوخز في قلبها : تمام " لماذا يغير مجري الحديث هكذا .. لما اشعر انه
يتهرب من حديثي معه .. هل يشعر بحبي ولا يريد ان اتعلق به . لا كيف تفكر في هذا ايها
العقل اللعين .. فادم لي وليس لسواي ولكنه يحترمني ولا يريد التحدث في هذا الشأن .. او انه
لا يقصد بهذا شئ .. فهو يحبني مثلما احبه ولكنه يخشي من الاعتراف نعم هو كذلك .. لمتي
ايها القلب ستعطيه الاعذار فلا يتحدث معك ابدا .. لا يتحدث ولكنه بعيناه ليس بلسانه فعيناه
تحمل الكثير من الكلام اشعر بهذا ..

ولكنه قطع شرودها

ادم : هاااي روحتي فين

سيسيل : هه ولا حاجة معاك اهو

ادم : اللي واخذ عقلك

سيسيل : " انت اللي واخذ عقلي وقلبي وكياني "

ادم وهو ينظر لبعيد : جم اهم هروح اناديهم علشان ميعرفوش المكان

سيسيل : اوك

ذهب ادم يخبرهم علي مكان سيسيل وچاءوا وجلسوا جميعا والتفوا حول الطاولة امام البحر
وچاء الشاب ليشكر سيسيل علي معاونته لانقاذ الفتاه

الشاب : انا متشكر جدا يا دكتورة علي اللي عملتية

سيسيل : انا معملتش حاجة ده واجبي

الشاب وهو ينظر لسيسيل نظرة اعجاب : فرصه سعيده يا

سيسيل : سيسيل

الشاب : سامح

سيسيل : فرصه سعيده يا استاذ سامح

وتركهم سامح وعاد الي طاولته مرة اخري ولكنه لا يهبط عينيه من علي سيسيل

يوسف بحده : مين ده

سيسيل : ده واحد انقذت حد من قرابيه او اخته حاجة زي كده

يوسف بحده: وانتى اى حد كده تقوليله اسمك

سيسيل : الراجل جاي يشكرني ا قوله ايه يعني

اسماعيل : ايه يا جو خف ع البنت شويه هي مش قصدها حاجة

يوسف : معلى يا عمو بس مينفعش

ادم : ايه يا ابني في ايه مش للدرجة دي يعني ما احنا كلنا قاعدين

يوسف : شوف ببص عليها ازاي

ادم : ماتلفتش انتباهه بقي لينا

يوسف بعصبيه : ملفتش انتباهه ده ع اساس انه نزل عينه من عليها اصلا

اسماعيل بضحك : ليه حق بصراحة في واحد يشوف واحدة زي العسل كده وكمان دكتورة
ومينزلش عينه من عليها وبعدين انت مالك ما تخلي البت تاخذ حررتها انت هتوقف حالها

ادم بحدة : ايه يا بابا يوقف حالها دي سيسيل الف واحد يتمناها هي بس تشاور

كانت سيسيل ستزخرط فرحا من تلك الكلمات فهو اسمعها اعذب القصائد واحلي الكلمات فكيف
لا تفرح فها هي اول مرة يغازلها هكذا واول مرة ينشد في حقها هكذا لقد كانت ستقترب علي
انه لا يحبها ولكن الان بعد سماعها تلك الكلمات فهي تأكدت انه يحبها ولكنه لا يريد الاعتراف
لها الان يا الله كم انت رحيم بعبادك فجعلتني اعرف مقدار حبه لي

حنان : خلاص بقي يا يوسف قفل ع الموضوع

يوسف : ماشي يا ماما

اسماعيل : يلا بقي نتغدي لحسن واقع من الجوع عاملنلنا ايه

نجلاء : جايبين سندوتشات

كانت سيسيل تختلس النظر الي ادم وتشرد في عينيه وكان هو ايضا ينظر لها وكان يشرد في
ملاحها ولكن سرعان ما يفيق هو وتفيق هي من شرودها

اسماعيل : زي امبارح ولا اي حاجة جديدة

سيسيل : يلا الحمد لله امال ادم مسافر امتي

اسماعيل : مسافر الضهر

سيسيل : صحي ولا لسه

اسماعيل : لاء لسه نايم

سيسيل : ماشي ابغي سلمني عليه بقي ويروح ويرجع بالسلامة

اسماعيل : الله يسلمك يا حبيبي

سيسيل : يلا يا عمو بعد اذنك علشان متأخرش

اسماعيل : بالتوفيق يا حبيبي

تركته سيسيل ودخلت الي الداخل ثم هبطت الي اسفل واستقلت سيارة اجري الي المستشفى
ودخلت الي المستشفى لتبدأ عملها وقابلت ريم

سيسيل بفرحة : ريمو حبيبي

ريم : ازيك يا سولا

سيسيل : تمام انتي اخبارك ايه

ريم : الحمد لله تمام يلا بسرعه نغير قبل ما دكتورة سحر تيجي لحسن دي خنقه

سيسيل : عندك حق يلا بسرعه

بدلوا ملابسهم الي ملابس المستشفى وذهبوا الي مكان التجمع ورأوا شاهنده

سيسيل : ازيك يا شاهي

شاهنده : تمام يا سيسيل محدش بيشوفكم

سيسيل : ده ع اساس اننا بنشوفك

ريم : بس بس دكتورة سحر

سحر : سيسيل انتي انهاردة مع دكتور وائل بسرعه ع مكتبه

سيسيل : حاضر

ركضت سيسيل الي دكتور وائل في غرفته

سيسيل بعد ان دقت الباب وسمح لها بالدخول : تحت امرك يا دكتور

وائل : ياريت تجبيلي القهوة بتاعتي

سيسيل باستغراب : نعم

وائل : زي ما سمعتي وفي ثواني تكوني قدامي مش بحب اعيد الحاجة مرتين

سيسيل وهي تستنشق الهواء : حاضر

ذهبت سيسيل مسرعه الي الكافيتيريا وجاءت له بالقهوة الخاصه به ووضعتها ع المكتب

سيسيل : خدمة تانيه

وائل : اه وضبي الملفات دي في مكانها لحد ما اخلص قهوتي علشان نشوف المرضي

سيسيل : "يارب صبرني " حاضر

بدأت سيسيل في ترتيب الملفات وكانت قبل ان تكمل باقي الملفات

وائل قام من مكتبه وقال لها : يلا

سيسيل : بس لسه مكملتش باقي الملفات

وائل : بحدة لما اقول يلا يبقي يلا يتعملو وقت تاني

ذهبت سيسيل برفقته وبدأو في فحص المرضى وكان يعاملها معاملة قاسيه فوائل انسان فظ في تعاملاته مع الاخرين

ومر اليوم ع سيسيل كانه دهر كامل بسبب غلاظة وائل وفي انتهاء اليوم تقابلت ريم مع سيسيل

ريم : عملتي ايه انهاردة

سيسيل بزهدق : كنت مع واحد حيوان

ريم : وائل ده اغبي دكتور شوفته في حياتي بس سمعت انه مسافر قريب

سيسيل : احسن .. وانتى عملتي ايه

ريم : كنت انهاردة مع دكتور رامى شخصيه بجد مفيش زيها انسان محترم جداااااا ودخلت معاه العمليه كمان

سيسيل : يا بختك انا الحيوان مرضيش يدخلني العمليه ال ايه ادائك مش عاجبني حيوان

ريم : يلا ربنا معانا

سيسيل : يارب

ريم : يلا سلام هركب الاوتوبيس ده

سيسيل : اوك سلام

وعادت سيسيل الي منزلها مجهده متعبه تناولت غذائها وبدأت تقص لهم عن يومها المتعب مع وائل

آيات : والله ما بهرج ادم عادي جدا
سيسيل : يعني ايه بقي ده اه عادي هو ادم كده كتوم ومش بيحب يبين مشاعره صح
آيات : الله اعلم بصي نامي دلوقتي علشان عندك شغل الصبح وانا همدانه طول النهار يلا
تصبحي ع خير

سيسيل وهي تضربها بالمخدة : وانتي من اهله
ونامت سيسيل وشردت في الرقصه وحلمت انه معها وبجوارها
مرت الايام والشهور وكان الحب يزداد بداخل سيسيل من تصرفات ادم لها فكان ادم دائما
حنون معها وكانت هي تكذ وتتعب حتي تثبت ذاتها في مكانها وفي احدي الايام
في المستشفى التي يعمل بها ادم

علي : ادم صباح الخير

ادم : صباح النور يا علوة

علي : دكتور خيري عايزك

ادم : ليه خير

علي : مش عارف والله

ادم : طيب انا هروحله

ذهب ادم الي دكتور خيري مدير المستشفى

ادم بعد ان اذن له خيري بالدخول : صباح الخير يا دكتور

خيري : صباح النور يا ادم تعالي

جلس ادم امام خيري علي مكتبه

خيري : انت كنت قدمت من فترة طلب نقل لاي مستشفى في اسكندريه

ادم : ايوة تمام يا دكتور

خيري : طيب هو الطلب اتقبل مع اننا هنفقد انسان ودكتور ناجح زيك هنا في المستشفى

ادم : والله انا اللي هفتقدكم جدا يا دكتور بس حضرتك عارف السفر والبهدله وغير اني قاعد

هنا لوحدني

خيري : عارف يا ادم كل الكلام ده ربنا يوفقك ان شاء الله بس انت هتنتظر حوالي شهر لان

الدكتور اللي انت هتمسك مكانه هيسافر كمان شهر ان شاء الله

ادم : ان شاء الله يا دكتور انا معديش اي مانع خالص بس المهم اني ارجع اسكندريه ولو

المستشفى هنا احتاجتني في اي حاجة انا تحت امركم

خيري : عارف يا ادم ربنا يوفقك ان شاء الله

ادم : متشكر يا فندم بعد اذنك

خيري : اتفضل

ذهب ادم الي علي وقص له ما حدث

علي : يالهوري ع النداله هتنقل وتسيبني لوحدني

ادم : معلىش يا علي انت عارف اني لازم انقل علشان استقر بقي مع اهلي وكمان علشان

خاطرها لازم اكون جمبها كفايه اوي لحد كده

علي : عندك حق هتفتح اهلك امتي

ادم : اول ما ارجع ان شاء الله

علي : ومنتساش تعزمننا يا واد

ادم : عيب يا علوة ده انت حبيبي انت اللي تعزم

علي : ماشي يا دوك يلا نشوف شغلنا

ادم : يلا

مرت الايام ع الجميع عاديه كل فرد منهم منشغل في عمله حتي جاء اليوم الذي سيأتي فيه ادم

كانت سيسيل تنتظرة كما كانت تنتظرة من قبل ولا يغفو لها جفن قبل ان تطمئن عليه وجاء ادم

وارتاح قلبها عندما جاء وفي احدي الايام

كان جالس ادم مع والده في الشرفه يحتسون القهوة

ادم : بابا انا كان في موضوع عايز اتكلم معاك فيه بس بصراحة كنت مستني الوقت المناسب

اسماعيل : خير يا ادم

ادم : انا عايز اخطب

الفصل الحادي عشر

ادم : انا عايز اخطب

اسماعيل : يااه هعيش واشوفك عريس يا ابني الف مبروك يا حبيبي تعالي نفرح والدتك

دخل اسماعيل برفقه ادم الي نجلاء

اسماعيل : يا نوجا يا نوجا

نجلاء : ايوة يا حبيبي

اسماعيل : ابنك عايز يخطب

نجلاء بفرحة : يا حبيبي يا ابني اخيرا اتحلت عقدة لسانك .. هلبس واروح اخطبهالك من حنان

حالا

ادم باستغراب : حنان مين

نجلاء : مش انت عايز تخطب سيسيل

ادم : حد جاب سيرة سيسيل دلوقتي

اسماعيل : امال انت عايز تخطب مين

ادم : اخت واحد صاحبي بس هما ناس طيبين اوي والبنت في قمة الاحترام

اسماعيل بحزن : حاضر يا ابني خد معاد واحنا نروح نقابلهم

بدأت دموع نجلاء تهبط من عينيها رغما عنها فكانت تتمني ان تكون سيسيل زوجة ابنها فهي بمثابة ابنتها

اسماعيل : كل شئ نصيب يا نجلاء وابنك هو اللي اختار وهو اللي هيعيش لازم يبقي سعيد

نجلاء : عندك حق ربنا يكرمة

في احدي الايام كانوا جميع المتدربين يقفون ينتظرون سحر الا ريم لم تأتي جاءت سحر ولم تري ريم

سحر : فين ريم

سيسيل : لسه ماجتش يا دكتورة

سحر : يعني ايه لسه ماجتش اول ما تيجي تجيلي ع طول

سيسيل : حاضر

سحر : ورايا

ذهب الجميع ورائها فالיום كان ملئ بالعمل والضغط .. تحدثت سيسيل مع ريم وعرفت ان

اخاها قد عاد وانها لم تستطع المجئ اليوم لانه قادم اليوم الفجر.. وكانت هي في استقباله في مطار القاهرة ولم تستطع القدوم الي المستشفى ..

تحدثت سيسيل مع سحر وقالت لها : لازم تعتذر مش فصل هو تغيب بمزاجها ياريت توصلها الكلام ده وليها حساب بس لما ترجع

سيسيل : معلىش يا دكتورة بقي

سحر : مفيش حاجة اسمها معلىش ويلا اتفضلي علي شغلك

سيسيل : حاضر

عادت سيسيل الي عملها مرة اخري حتي انتهت عملها وعادت الي المنزل

مر يومان ولم تأتي فيهما ريم الي العمل ولكنها استأذنت من سحر وفي اليوم الثالث جاءت ريم الي المستشفى

ريم : سولا سولا

سيسيل : ريمو وحشتيني

ريم وهي تعانقها : انتي اكثر

سيسيل : كده تغيبني ده كله ده دكتورة سحر مستحلفالك

ريم : استني بس عايزة احكيك

ولكن قطع حديثها سحر

سحر بحدة : ريم تعالي

ذهبت لها ريم

سحر : انا مش هعاقبك ع اليوم اللي انتي استأذنتي فيه بس اول يوم ده عقابه هيبقي شديد

الملفات دي كلها تخلص والملفات دي تترجم وكله يخلص انهاردة

ريم : حاضر يا دكتورة

ذهب ريم الي عملها وسيسيل الي عملها ولم يتقابلوا طوال اليوم

في ذلك الوقت ذهبت نجلاء الي حنان

حنان : نوجا ازيك يا حبيبيتي

نجلاء : الحمد لله يا حنان

حنان : مالك يا نوجا فيه ايه

نجلاء : بصراحة كده بقي انا مقهورة

حنان : في ايه بس مالك

نجلاء : ادم عايز يخطب

حنان : طيب ايه اللي قاهرهك

نجلاء : عايز يخطب واحدة اخت واحد صاحبه وروحنا امبارح علشان نخطبها

حنان باسف علي ابنه اختها : طب ما هو مسيرة يتجوز ولا انتي عايزاه يفضل قاعد جمبك

نجلاء : انا كنت عايزاله سيسيل بس هو كسر نفسي

حنان : هو وسيسيل اخوات ربنا يكرمة وانتي افرحي كده بقي

نجلاء : يعني انتي مش زعلانة

حنان : هزعل من ايه بس ادم ابني وسيسيل بنتي والنصيب اقوي من اي شئ الف مبروك يا

نوجا

نجلاء : عقبال سيسيل يارب ما تاخذ كده اللي يستاهلها

حنان : ان شاء الله

نجلاء : انا قولت اجي اقولك مبعرفش اخبي عنك اللي جويا

حنان : طبعا يا حبيبتي " يا عيني عليكي يا بنتي كل الحب ده وفجأة يروح لغيرك اه يا قلبي صبرها يارب "

نجلاء : طب يا حنان انا همشي علشان الحق اعمل الغدا

حنان : ماشي يا نوجا والف مبروك يا حبيبتي

نجلاء : الله يبارك فيكي

كانت تمر الايام وسيسيل وريم لم يتلاقوا ابدا فكل منهم في عمله وفي احدي الايام

ريم : سيسيل ايه يابنتي انا مش عارفه اتلم عليكي خالص

سيسيل : معلىش يا ريمو والله دكتور رامي كنت معاه الفترة اللي فاتت ومكنش بيسبني خالص انتفس

ريم : ربنا معاكي وانا كنت مع وائل غلاسه

سيسيل : ياعوذ بالله

ريم : المهم انا خطوبتي الجمعه الجايه

سيسيل : اه يا ندله ومتقوليليش كده

ريم : ده ع اساس اني كنت بشوفك هحتاجك معايا انتي عارفه معنديش اخوات غيرك

سيسيل : من غير ما تقولي يا حبيبي .. بس مقولتليش هو مين

ريم : هتشوفيه في الخطوبه

وقطع حديثهم صوت الاستدعاء لسيسيل

سيسيل : استعدا هبقي اكلمك

وركضت سيسيل الي الخارج لتري الحاله المطلوبه

في تلك الاثناء

ايات : انتي بتقولي ايه يا ماما وانتي ازاي مخبيه عليا انا كمان كل ده

حنان : اسكتي يا ايات انا مش عارفه اتصرف ازاي خطوبته قربت وهي لسه متعرفش

ايات : ياخبر ابيض وهنعمل ايه لازم تعرف يا ماما لازم تعرف

دخلت سيسيل علي كلمات ايات

سيسيل : هي مين دي اللي لازم تعرف

ايات بارتباك : هه ولا حاجة يا حبيبي

سيسيل : هو فيه ايه انتوا مخبين عليا ايه بابا وماما كويسين يا خالتو

حنان : يا حبيبي كويسن

سيسيل : زياد كويس

حنان : اه يا حبيبي كويس

سيسيل : امال فيه ايه

نظرت ايات الي حنان وكانوا يتبادلون النظرات

سيسيل : في ايه يا خالتو ايه اللي حصل يوسف جراه حاجة

ايات : يوسف كويس يا سيسيل

سيسيل بصدمة : ادم ادم جراه حاجة

ايات وهي تنظر الي حنان : سيسيل هو ادم

سيسيل بزعيق : ما تتكلمي ع طول فيه ايه

ايات : ادم هيخطب

سيسيل : هيخطبني يعني

حنان بزعيق : لاء يا سيسيل مش هيخطبك هيخطب واحدة تانيه

سيسيل بصدمة دموع تملأ عيناها : انتوا بتكذبوا صح قولوا انكوا بتكذبوووا انتوا بتكذبوا
عليا علشان انساه لكن ادم مخطبش ولا حاجة صح وهي تركع تحت ارجل خالتها قولي انكوا
بتكذبوا عليا يا خالتو

ايات وهي تضم سيسيل وترفعها : اهدي يا سولا

سيسيل بعصبيه : يعني ايبيبويه اهددددي ازاااي ..يعني ايه يخطب غيري يعني ايه حد يفهمني
ازاي وكل الحب ده خلاص راح مبقاش ليه مكان حد يفهمني حد يقولي ايه اللي انا عملته
علشان استاهل ده قوليلي يا ايات قوليلي يا خالتو قولولي اعمل ايه ازاي اتخلي عنه كده
بسهوله حد يقولي ويفهمني

ايات : اهدي يا سيسيل كده مش هينفع

سيسيل ودموعها تنهمر منها : بتقوليلي اهدي ازاي ..ازاي اهدي ادم مينفمش لحد غيري انا
بس اللي استحقه انا اللي فضلت سنين من عمري احبه واستناه هي عملت ايه علشانه انا اللي

استحقه هي لاء

بدأت تمسكها ايات ولكنها ركضت الي غرفتها تصرخ وتصرخ ويزداد بكائها ونحيبها علي سنين عمرها مر شريط ذكرياتها معه كل كلمة كل نظرة عندما كانت تنتظرة بالساعات عندما كانت لاتغفو الا عندما تطمئن عليه

سيسيل بعصبيه وانهييار : انا عملت ايه استاهل عليه كل ده اااااااااااااااااااااا اه يا قلبي اااااااااااااااااااااا
وبدأت تصرخ وتتعالى صرخاتها واهتز المكان لصراخها
سمعت صراخها نجلاء خرجت مسرعه الي الشرفه لتري ماذا حدث وجدت صوت سيسيل
يصرخ وصوت حنان تنادي عليها لتفتح الباب

خرج ادم واسماعيل مسرعين علي صوت الصراخ

نجلاء : روح يا ادم شوف في ايه بسرعه

ذهب ادم ولكنه استوقفه اسماعيل

اسماعيل : استني انا جاي معاك

ذهب ادم واسماعيل ومعهم نجلاء ليروا ماذا حدث هناك شعروا ان يوسف في خطر كانت حنان تدق الباب علي سيسيل التي لم تعمل اي شئ سوي الصراخ فقط الصراخ ع الماضي والحاضر والمستقبل الصراخ علي الفراق الصراخ ع الالم والعذاب الصراخ علي الحب الذي قتل

حنان ببكاء : افتحي يا سيسيل افتحي يا حبيبيتي علشان خاطري

سيسيل بصراخ : سيبووووووووووووووووونى محدش ليه دعوة بياااااااااااااااااااااا

وتواصلت صراخها حتي انعدم صوت الصراخ وكان في ذلك الوقت ادم يدق الباب

حنان : قومي افتحي يا ايات قومي

ركضت ايات الي الباب لتفتح وكان وجهها مغرقا بالدموع

نجلاء : في ايه ايه يا ايات حد حصلوا حاجة

اسماعيل : ادم خد ماما وروحوا ع الشقه انا هفضل هنا لحد ما سيسيل تقوم

حنان : مالوش داعي يا استاذ اسماعيل اتفضل حضرتك علشان منتعبكش

اسماعيل : سيسيل دي بنتي واللي يمسهها يمسنني ولازم اطمن عليها يلا يا ادم

ادم : حاضر يا بابا بعد اذنكم

بعد خروج ادم ونجلاء

اسماعيل : بصي يا ام يوسف موضوع انها جت من بره ده وصرخت كل الصريخ ده لوحدها
كده مش داخله دماغه هتقولولي في ايه ولا اعرف منها هي

حنان : صدقتي مفيش حاجة

اسماعيل : ماشي يا ام يوسف انا هفهم منها هي

استيقظت سيسيل وجدت الجميع جالس في الصاله وكان معهم اسماعيل

اسماعيل : عروستنا الحلوة بقي مالها

سيسيل بتعب : ولا حاجة

اسماعيل : تعالي يا سولا اقعدني جمبي

جلست سيسيل بجوار اسماعيل

اسماعيل : هتخبي عليا

بدأت دموع سيسيل تنهمر رغما عنها فكيف تضحك وتقول انه لا هناك شئ فكيف لا تبكي
وقلبها يبكي بدل دموعه دم فكيف وقلبها ينزف وملئ بالاهات والصراخ فكيف ان تكون عادي
وقلبها محطم ممزق

اسماعيل : ها يا سيسيل

سيسيل : صدقتي يا عمو مفيش حاجة انا شويه وهبقي كويسه ان شاء الله

اسماعيل : طب تعالي قومي البسي وتعالي ننزل نقعد في اي حته نتكلم براحتنا

سيسيل : معلش يا عمو مش قادرة بجد

اسماعيل : هااااااااااااه

حنان : قومي يا سيسيل روجي مع عمو غيري جو

دخلت سيسيل وارتدت ملابسها ونزلت هي واسماعيل الي كافيه بجوار المنزل

اسماعيل : اقعدني يا سولا

جلست سيسيل مع اسماعيل وطلب لها عصير من البرتقال

اسماعيل : سامعك

سيسيل : صدقتي يا عمو مفيش حاجة انا بس اعصابي تعبانه شويه

اسماعيل : ازمة عاطفيه

سيسيل بتتهيدة : يعني

اسماعيل : ايه اللي حصل

سيسيل بدموع: سابني مبقاش ليا

اسماعيل : ادم

سيسيل بصدمة : ايه

اسماعيل : ادم .. اوعي يا سيسيل تكوني فاهمة اني مش فاهم انا عارف من زمان اوي

وحاسس بيكي وكنت فاكرا ان هو كمان بيبادللك نفس الاحساس بس الظاهر ان الغربه غيرت حاجات كثير بصي يا سولا انتي بنتي وغلاوتك عندي اكثر حتي من رودينا بنتي بس متندميش ع حد ولا تزعلي ع حد اكيد ربنا عاينلك الاحسن ومحدث عارف الخير فين مش علشان ابني .. للاسف ابني طلع غبي واغبي انسان شوفته في حياتي انه يسيب واحده بتحبه كده بس نقول ايه يا بنتي النصيب اقوي من الكل انا لو عليا اجيبهولك لحد عندك علشان يتجوزك بس كرامتك من كرامتي مقابلش كده ع بنتي ابدأ لازم هو اللي يجي راع تحت رجلك ويقولك اتجوزيني ساعتها بس ليكي حق الاختيار

سيسيل ببكاء : ربنا يكرمة ويوفقه انا مش عايزة حاجة من الدنيا غير انه يبقي سعيد لو سعاده مع الانسانه دي اول واحده هقوله مبروك انا

اسماعيل : اصيله يا سولا

سيسيل : الحب مش انانيه الحب انك تضحي بسعادتك في سبيل اسعاد حبيبك وانا حبيت ادم بجد وبتمناله السعاده حتي لو مع غيري

اسماعيل بحزن علي حالها : بكرة يجي اللي يعوضك ويستاهلك

سيسيل : انا خلاص حياتي بقت شغلي وبس اي حاجة تانيه مش مهم

اسماعيل : اوعي اسمعك بتقولي الكلام ده بكرة تلاقي اللي يستاهلك

سيسيل : ان شاء الله يلا يا عمو بعد اذنك الوقت اتاخر والجو بقي ساقعه

اسماعيل : يلا يا حبيبتي

ذهبوا الي المنزل وكانت سيسيل تتحرك وتتكلم بدون ادني احساس كانت جسد يتحرك ولكن اصبحت بلا روح سيسيل التي كانت المشاكسه والمشاعبه لم يعد لها صوت فقلبها ينزف في كل دقيقه بل كل ثانيه اصبحت قلب محطم هش مكسور لا يستطيع الحياه فكيف يحيا بعد ان قتل من اقرب الناس كيف يحيا وهو اصبحت وحيد اصبحت لا مكان له بين البني آدميين فهو حالها فاصبح ادم ماضي لا يجب ان تفكر فيه فاصبح ملك اخري هي الوحيدة التي لها الحق في ذلك نامت سيسيل من شدة التعب والارهاق واستيقظت في اليوم التالي لتذهب الي عملها كانت تتحرك كأنها عروسه مارونيت لا تكلم مع احد او تضحك مع احد حتي الابتسامه اختفت وتبدلت مكانها الدموع رأتها ريم هكذا جاءت لتسألها عن حالها

ريم : مالك يا سولا فيكي ايه

سيسيل : ولا حاجة يا ريم انا كويسه بعد اذنك هروح اشوف شغلي

ريم : طب متنسيتش يوم الجمعة

سيسيل : ان شاء الله وتركتها سيسيل وذهبت وشردت " لماذا الحزن من نصيبي لماذا الفراق هو ونيسي لماذا لم يدق الفرحة بابي كنت فرحي وسعادتي وتبدل حبي لك الي المي انت دائي ودوائي انت شقائي وسعادتي ولكن تبدلت السعاده الي شقاء بيدك ايها الحبيب فلقد زوقنتي طعم الفراق انزلت دموعي الاف المرات ولكنك ستبقي حبيبي الي الابد حتي وان لم تكن نصيبي ولكنك ستظل حبيبي قطع شرودها دكتور رامي

رامي : ايه يا سيسيل مالك مش طبيعيه انتي انهاردة ليه كده

سيسيل ومتجمعه الدموع في عيناها : لا خالص انا كويسه الحمد لله

رامي : لو تعبانه تقدرني تروحي

سيسيل بتنهيده : لاء انا كويسه كويسه اوي

رامي : لو حسيتي انك تعبانه تقدرني تروحي

سيسيل : ان شاء الله

بدأت سيسيل في ممارسه عملها وحاولت ان تخفي حزنها فالمرضي ليسوا لهم ذنب في هذا الحزن فهم يستحقون الابتسامه التي تعطي الامل ولكن من يعطيني انا الامل كانت دائما شاردة متوترة مليئه بالحزن والدموع ولكنها كانت ترسم الابتسامه فهي تتمني اسعاد الاخرين حتي لو علي حساب شقائها هي

مرت الايام حتي جاء يوم خطوبه ريم

يوسف : ايه يا سولا راحة فين كده

سيسيل : راحة لصحبتى الكوافير وبعد كده هاجي البس واطلع ع القاعة خطوبتها انهاردة

يوسف : مش هتيجي خطوبه ادم

سيسيل : مش هينفع يا يوسف " كيف تطلب مني ان اراه يزف لغيري .. كيف تطلب ان اري قلبي يتحطم وينكسر امام عيني .. كيف تطلب مني ان اراه مع غيري كيف تطلب ان اري كل ما تمنيته يفعله ولكن مع غيري لا احد يشعر بي ولا احد يستحق ان احيا من اجله "

يوسف : سولا بكلمك

سيسيل : بعد اذنك اتأخرت

ذهبت سيسيل الي ريم الكوافير وظلت معها حتي انهت كل شئ

سيسيل : ريم انا هروح البس واحصلك ع القاعة

ريم : بس متأخريش عليا

سيسيل : هاجي ع طول سلام

ريم : سلام

عادت سيسيل الي المنزل وارتدت فستان قصير باللون الاسود بدون اكمام وارتدت سكارف حول رقبتها الرقيقه باللون الموف وارتدت حذاء من الستان الموف وشنطة من نفس لون وخامة الحذاء واستقلت سيارة اجري الي القاعة

ظلت واقف منتظرة مجئ ريم وها هي بدأت الحان تعزف ليعلنوا وصول العروسين تقدمت منها وتقدمت وتقدمت لتتظر بجانبها وتجد

الفصل الثاني عشر

اقتربت منهم واقتربت ونظرت بجوار ريم وجدت العريس نعم هو حبيبها حبيب عمرها من تمنته سنوات وسنوات هل يعقل هذا حبيبها وصديقتها كيف هذا ياالله كيف اتحمل هذا كيف اري

حبيبي مع صديقتي كيف بدأت الدموع تترقر من عيناها رغما عنها وانسحبت جانبا حتي انتهت الزفه ودخلو الي القاعه وجلسوا علي الكوشه اقتربت منهم بعد ان مسحت دموعها ولكن عيناها مغرورقتان بالدموع

سيسيل وعيناها تملؤها الدموع: مبروك يا ريم ..وهي تنظر له نظرات مليئه بالدموع والانسار مبروك يا ادم

ريم باستغراب: انتي تعرفي ادم

كانت تنظر لهم وكان قلبها ينزف بل تحطم فكيف تراه كما تمننت ولكن مع غيرها كيف هذا

ادم : سيسيل جارتنا ومتربين سوا وبعتبرها اختي اكثر من رودينا كمان وموجها حديثه الي ريم بس انتي تعرفي سيسيل منين

ريم: سيسيل زميلتي في المستشفى

صعقت سيسيل عندما سمعت هذا الكلام اخته فا انا لست اختك يا ادم لست اختك انت حبيبي ولا احد يستحقك سواي انا ولكن ها انت ملك اخري ومع غيري ولا يوجد لي مكان هنا بينكم

انصرفت سيسيل دون ان تقول اي شئ ولكنها وجدت يوسف امامها كانت تبكي وقابلها يوسف

يوسف باستغراب : ايه ده يا سولا انتي مش المفروض مع صحبتك

نظرت له سيسيل ووجد عيناها مغرورقه بالدموع وتركته وركضت وهي تركض وجدت نجلاء وايات وحنان ورودينا واسماعيل امامها

ايات بخضه : سيسيل انتي ايه اللي جابك

سيسيل دون رد نظرت لاسماعيل ونجلاء وكانت عيناها مليئه بالدموع: مبروك لادم ثم تركتهم وذهبت

جاء لهم يوسف : سيسيل فين

نجلاء : مش عارفه جت قالتنا مبروك ومشيت يمكن راحة خطوبه صاحبته

حبيبتى

ايات : اهدي يا ماما هتلاقيها قاعده في حته بس تهدي الله يكون في عونها يا ماما

حنان : كلمي اخوكي يجي يدورلي عليها كلميه

اتصلت ايات بيوسف ولكنه لم يرد

ايات : مش بيروود اكيد مش سامع التليفون

حنان : ااه يارب يارب احمي بنتي يارب

ايات وهي تبكي : يا ماما اهدي علشان خاطري هي هتبقى كويسه

نزلت حنان الي الاسفل وكانت معها ايات

ايات : راحة فين يا ماما بس في الجو ده والمطر ده

حنان : اسيب بنتي تضيع اسيبها تضيع يا ايات

ظلت واقفه في الشارع تبكي ع حبيبته وابنه قلبها ووجاء اسماعيل ونجلاء ورودينا

اسماعيل : في ايه يا ام يوسف

حنان ببكاء شديد : بنتي يا استاذ اسماعيل سيسيل مجتش لحد دلوقتي اه يا بنتي

نجلاء : اهدي يا حنان مش كده انا مش فاهمة حاجة هو ايه اللي حصل

اسماعيل بزعيق : مش وقته بقي اطلعوا فوق يلا وانا هروح ادور عليها

حنان : مش هتحرك من هنا غير لما بنتي ترجع

ايات : علشان خاطري يا ماما بالراحة بقي

حنان بزعيق : اسكتي بقي واتصليلي باخوكي

ايات : يا ماما ما هو مش بيرد

رودينا : انا هتصل اجرب

اتصلت رودينا بيوسف ورد عليها

رودينا ببكاء : يوسف الحقنا سيسيل مرجعتش لحد دلوقتي

يوسف بخضه : يعني ايه مرجعتش لحد دلوقتي انا جاي ع طول

كان يوسف في عريبه ادم وهو من قام بزفته

ادم : في ايه يا جو مين اللي مرجعتش لحد دلوقتي

يوسف وهي يقود السيارة بجنون : سيسيل مرجعتش لحد دلوقتي

ادم : طيب بالراحة يا جو انا مش فاهم حاجة

يوسف : مش وقته يا ادم مش وقته

ذهب اليهم يوسف مسرعا

يوسف : في ايه يا ماما ايه اللي حصل

حنان بانهييار : سيسيل مرجعتش سيسيل مرجعتش

يوسف : اهدي يا ماما اهدي انا هكلم الاقسام والمؤسساتيات وهطلع دوريات تدور عليها اهدي
بقي

بدأ يوسف في عمل اتصالاته واخبر بمواصفاتها

ادم بقلق : وهو احنا هنفضل مستنين لحد ما يجي خبر يلا نروح ندور عليها

اسماعيل : يلا

ذهبوا جميعا يبحثون عنها وبدأوا يبحثون ويبحثون ولكن دون فائدة مر الوقت ولم يجدوها
عادوا الي المنزل دون ايجادها

حنان : بنتي يا يوسف هقول ايه لابوها وهقول ايه لامها سيبتوها عندي اماته ضيعتها ضيعت
بنتي يا يوسف ضيعتها

اسماعيل : يا جماعه بالراحة كده عايزين ن فكر بهدوء هي ممكن تكون فين

شرد ادم قليلا

ادم : مسكتك

سيسيل بضحكة : هههههههههههههههههههه انت ع طول كده عارف مكاني

ادم : اه طبعا من صغرك وانتي بتحبي المكان العجيب ده

سيسيل : ياسلام مش انت اللي معرفني المكان العجيب ده

ادم : انا عرفته بالصدفه بس انتي مش فاهم بتيجي هنا كتير ليه

سيسيل نظرت له نظرات مليئه بالحب : " علشان انت اللي عرفتني عليه " شايف النور
الخافت اللي فيه مع ضوء القمر بجد مكان يهبل تحس انه رومانسي من غير قصد

ادم : يا عم الرومانسي انت

سيسيل وهي تضربه ع صدره : رومانسي غصب عنك

ادم : اه يا قلبي

سيسيل بخضه : سلامة قلبك

ادم : يا واد حنين انت

سيسيل : اصلك رخم

ادم : قديمة تعالي بقي يلا علشان محدش يعرف مكانك هنا

سيسيل : يلا

افاق ادم من شرودة وركض الي هذا المكان يبحث عنها فيها

يوسف : ادم انت رايح فين

ولكن اختفي ادم من امامة

ظل الجميع منتظر ادم ورأوة قادم من بعيد حاملا اياها بين يديه وركض بها الي الاعلي ووضعها ع السرير وبدأ في ايقاظها

حنان : بنتي سيسيل يا حبيبتي

ادم : يا طنط هي كويسه بس حاله اغماء

فكانت سيسيل في حاله يرثي لها كان وجهها ملطخ بالسواد الناتج عن مستحضرات تجميلها وكانت مغرقه بقطرات المطر وبدأ ادم في ايقاظها ولكن لم تفيق ابدا معه

حنان : في ايه يا ادم عندها ايه

ادم بأسى : انهيار عصبي

حنان بكاء : يا بنتي اااااه

ادم : اهدي يا طنط هي هتبقي كويسه ان شاء الله انا ادتها حقته مهدئه بس انا لحد الان مش فاهم هي اعصابها مالها سيسيل تعبانه بقالها فترة وانهاردة الحاله زادت ودايما دموعها في عنيها انا عايز افهم في ايه

كانت رودينا تنظر له كانت تتمني ان تقول انت السبب فيما حدث لها كيف تنطق وكيف خائفا
عليها وانت سبب المها

رودينا بعصبيه : اسأل نفسك ثم خفضت وجهها الي الاسفل فكيف تقول هذا لاخوها وهو لا يعلم
بمدي حبها

ادم باستفهام : يعني ايه

ايات لتتقد الموقف : مش قصدها يا ادم هي بس زعلانه علي سيسيل فقالت اي كلام تعالي نقعد
بره

ذهبت رودينا مع ايات وجلسوا في الصاله

ايات : ايه الهبل اللي انتي قولتية ده كده يحس بحاجة

رودينا ببكاء : ياريتته يحس بقي

ايات : ادم خاطب يا رودينا يعني خلاص وسيسيل شويه وهترضي بالامر الواقع مينفعش بقي
احنا نبوظ العلاقه اللي بينهم دي

رودينا : مش قادرة طول عمري بشوف سيسيل بتضحك صعبت عليا لما شوفتها كده

ايات : هي صعبانه علينا كده بس ربنا وحده اللي يعلم الخير فين

رودينا : عندك حق

بدأ النهار في الطلوع وخرج الجميع من غرفه سيسيل ليتركوها ترتاح

ادم : ياريت يا جماعه تاخدو بالكم منها وتحاولوا تشوفوا اللي مضايقتها

يوسف : متشكرين يا جماعه تعبناكم معانا

اسماعيل : عيب يا يوسف الكلام ده احنا اهل

يوسف كان متردد يقول اسم ادم ولكنه يجب ان يقوله : ادم هو اللي لاقاكي

سيسيل بدموع : هو اللي عرف مكاني

يوسف : اه

سيسيل ببكاء : لسه فاكر المكان ده

يوسف : مكان ايه

سيسيل : ولا حاجة

يوسف : طب يلا قومي بقي كده فرغشي

سيسيل : مش قادرة يا يوسف كفايه اني مروحتش المستشفى انهاردة

يوسف : معلش ابقى اتكلمي مع الدكتورة

وهنا رن هاتف سيسيل

سيسيل : رد يا يوسف شوف مين

يوسف : مكتوب ريمو

سيسيل بتهيدة ودموع تملأ عيناها : رد وقولها اني نائمة

رد يوسف ع ريم وابلغها بمرضها

ريم : ليه سلامتها هي كويسه

يوسف : اه الحمد لله ادم كان معاها طول الليل لحد ما اتحسنت

ريم : طيب كويس ياريت تبلغها اني هجيلها بعد المستشفى

يوسف : اوك تنوري

ريم: ميرسي سلام

يوسف : سلام

يوسف بعد ان اغلق الخط : هتجيك بعد المستشفى

سيسيل بتهيدة تخرج من القلب : بس انا مش عايزة اشوف حد

يوسف : سيسيل انا عرفت كل حاجة بس ليا عتاب عندك اوله انك مقولتليش وثانيا لان البنت مالهاش ذنب هي مكنتش تعرف انك بتحبيه ولا هو يعرف ده انتي كنتي بتحبيه بينك وبين نفسك وتعاملك معاه زي تعاملك معايا واكيد هو مخدش باله من ده يبقي منلومهوش ولا نلومها

سيسيل ببكاء: انا مش قادرة يا يوسف ازاي اشوفها وهي اللي سرقت مني احلامي عمري ما حسيت ان ادم ممكن يبقي لغيري وبكل سهوله الاقيه بقي لغيري وغيري دي مين اقرب الناس ليا عايزني ابقي حجر محسش ازاي هشوفها وهتعامل معاها وانا قلبي مكسور منها ومنه قولي ازاي يا يوسف هقدر اعيش وهي بتحكي لي عنه قولي ازاي اعيش معاها ووانا حاسه انها السبب في موتي

يوسف : اللي انتي بتقوليه ده يا سيسيل انا حاسس بيه بس كمان مالهاش ذنب البنت متعرفش انك بتحبيه اتفاجئت انك تعرفي ادم وهو اتفاجأ انك تعرفيها بس نرجع ونقول ده النصيب يا سولا بلاش تعاملني حد وحش علشان نصيبك انه مايبقاش ليكي اللي بيحب حد بيتمناله السعاده

سيسيل وهي تبكي : بتمناله من قلبي بس مش قادرة احس ان خلاص احلامي انهارت

يوسف : محدش عارف الخير فين يا حبيبتي يلا قومي كده وخليكي حلوة واتجدعني ازمة وهتعدي

سيسيل : ان شاء الله

قامت سيسيل وددخلت الي المرحاض واخذت حماما لتزيل همها تحت الماء وارتدت ملابس

الصلاه وادت فريضتها ورفعت يداها للسماء تدعي الله ان يعينها علي ما ابتلاها به فسيسيل مؤمنة بالقضاء والقدر ولكن انهارت رغما عنها فهي بشر ولا تستطيع الصمود اكثر من ذلك ثم جلست مع خالتها وجاء اسماعيل ونجلاء ورودينا ليطمئنوا عليها وجاء لهم ادم بعد قليل ولكنها لا تستطيع ان تنظر في عيناه ولكنها نظرت له كأنها تلومة علي ما فعله بها

سيسيل وهي تنظر الي عينيه بعيون باكيه : " عمري ما اتمنيت حد غيرك يبقي معايا بس ربنا كاتبلي اني اعيش ميتة انا من غيرك خلاص يا ادم ماليش مكان في الدنيا دي "

ادم : " نفسي اعرف ايه اللي جواكي مخليكي كده فين سيسييل اللي ضحكتها مكنتش بتفارقها "

سيسيل : " الضحكة خلاص ماتت واتبدلت لدموع يا ادم بعدد ما سبتني بس مهما حصل هتفضل حبيبي وبس "

اطمن عليها الجميع وغادروا الي منزلهم ولكن بقيت رودينا معهم لتخرج سيسييل من حالتها وجاءت ريم الي سيسييل

ريم : الف سلامة عليكي يا سولا اكيد اتحسدي علشان كنتي قمر امبارح

سيسيل بابتسامة مصطنعه : انتي اللي كنتي قمر وبدأت الدموع تملأ عيناها خدي بالك من ادم يا ريم لو زعلتية انا اللي هاخذله حقه ادم غالي اوي علينا

ريم : وغالي عليا ولا يمكن ازعله ابدأ بس لو زعلني

رودينا من غير نفس : براحتة يعمل اللي هو عايزة

سيسيل : مالكيش دعوة بالبت دي يا ريمو انا هخدلك حقك

ريم : تسلمي يا احلي سولا ع فكرة دكتور رامي سأل عليكي

سيسيل : ليه

ريم : المفروض كنتي هتدخلي معاه العمليه انهاردة بس لما عرف انك تعبانة خد طارق مكانك

سيسيل : الحمد لله

ريم : ماشي يا حبيبي الحمد لله اني اطمنت عليكى هستأذن انا

سيسيل : بدري

ريم : معلىش انتي عارفه الطريق يلا سلام عليكم وهستاكي بكرة

سيسيل : ان شاء الله وعلكم السلام

ذهبت ايات لتوصل ريم الي الباب

رودينا : مستغرباكي بصراحة بتتعاملني معاها عادي ولا كان فيه حاجة

سيسيل : والمفروض اعمل ايه امسكها اضربها واقولها انتي اخدي حبيبي مني

رودينا : لاء بس ع الاقل متعبريهاش

سيسيل : متعودتش اهين حد مغلطش فيا وريم معملتش حاجة ضدي ريم مكنتش تعرف ولا حد
كان يعرف الغلط عليا انا من البدايه

رودينا : ايه الغلط بقي

سيسيل : اني حبيت حد مقدرش حبي ليه

رودينا : اصلا هو غبي وميستاهلش الحب ده

سيسيل : او عي اسمعك بتقولي كده تاني وريم خطيبه اخوكي لازم تتعاملني معاها كويس

رودينا : اه ان شاء الله انا ماشيه بدل ما تتفقع مرارتي سلام

الجميع : سلام

آيات : معش يا سولا رودينا دي هبله

سيسيل : رودينا بتتكلم بمشاعرها هي بس زعلانه من ادم ومن ريم علشان مزعلني هي بس
اللي بتحبني زيادة عن اللزوم

آيات : ربنا يقويكي ويكملك بعقلك

سيسيل : انا هنام شويه علشان حاسه بصداع

آيات : اوك هسيبك تنامي شويه

سيسيل : اقلني النور والباب

آيات : حاضر

خرجت آيات واغلقت الباب والنور خلفها وتركت سيسيل بمفردها تبكي حالها

سيسيل تبكي بدون صوت دموعها تهبط رغما عنها كلما تذكرت موقف له معها

سيسيل : "مكتوب عليا اني لازم ابقى قويه ومضعفش قدامهم الكل عايزني استحمل واصبر
ومينفعش اعمل حاجة غلط ولازم احاسب علي كل تصرفاتي فاكرين ان مشاعري بشغلها
بريموت اقولها انسي تنسي .. ازاي انسي نص عمري اللي راح مني في حبه كنت عايشه في
وهم بس كان اجمل وهم عيشته ولو رجع تاني هعيشه تاني وهفضل عايشه فيه عمري كله
ومش هقبل لحد يقولي كلمة انسي ازاي انسي روعي وانسي قلبي وانسي عمري اللي فات لو
نسيت ماضيا هنسي كل حاجة في حياتي لازم اعيش علشان افضل جمبه واشوفه سعيد حتي لو
مبقاش سعيد لازم اكون جمبه علشان اخليه سعيد هفضل احبك وهفضل حبيبي يا ادم "

الفصل الثالث عشر

ستبقي حبيبي

في صباح اليوم التالي بدأت خيوط الشمس تتسلل الي غرفه سيسيل لتداعب عيناها وبدأت تفيق من نومها ولكنها كانت عيناها منتفخة من اثر البكاء طوال الليل .. استيقظت ودخلت الي المرحاض لتزيل اثار دموعها بأخذ حماما دافئ .. ثم عادت الي غرفتها وبدلت ملابسها وتوجهت الي باب الشقه ولكن اوقفها صوت حنان

حنان : ايه يا سولا راحة فين بدري كده يا حبيبتي

سيسيل : راحة المستشفى يا خالتو

حنان : الساعه لسه مجتش 7 وانتي معادك هناك 8 هتمشي بدري ليه كده

سيسيل : عادي ياخالتو علشان اعوض ايام الغياب

حنان : فطرتي يا حبيبتي

سيسيل : هبقي اقول اي حاجة في المستشفى لما اجوع بعد اذنك يا خالتو

حنان : خلي بالك من نفسك

سيسيل : حاضر سلام

حنان بعد ان ذهبت سيسيل : ربنا يريح بالك يا بنتي ويكرمك

هبطت سيسيل الي الاسفل ولكنها توقفت قليلا امام البحر قبل ذهابها الي عملها

سيسيل : " لحد امتي هفضل تعبانه كده وحزينه .. انا عارفه ان مش بسهولة انساه بس ازاي هتعامل معاها ومعاه .. كل ما هشوفها قدامي هفتكر حلمي اللي راح مني وقلبي اللي اتكسر .. وكل ما اشوفه قدامي هضعف وهحن ليه .. يارب قدرني علي نسيانه .. انا راضيه باللي انت

سحر : الف سلامة عليكي يا سيسيل

سيسيل : الله يسلمك يا دكتور

سحر وهي تعدل من هندامها : طب يلا نشوف شغلنا بقي

ولكن قطع حديث سحر دكتور رامي

رامي : الف سلامة عليكي يا سيسيل المستشفى كانت مضلمة من غير التلميذه النجيبه

سيسيل بابتسامه باهته : الله يسلمك يا دكتور رامي

رامي : بعد اذن دكتور سحر انا محتاج سيسيل معايا انهاردة

سحر : اوك مع دكتور رامي يا سيسيل

ذهبت سيسيل مع رامي وبدأت في ممارسه عملها ولكنها كانت حزينه ودائما الدموع قريبه من عينيها .. اختفت الابتسامه الرقيقه التي كانت تقابل بها المرضى وتعطيهم الامل في الحياه

لاحظ هذا رامي وبعد ان خرجوا من غرفه احدي المرضى

رامي : انا اختارتك تبقي معايا لانك الوحيدة اللي بحس المرضى بيرتاحولها .. المرضى مالهمش ذنب في انهم يشوفوا التكشيرة دي .. ابتسامتك كانت احلي مافيكي وبتدي امل للمرضي .. ياريت نبعد عن اي مشاكل وننسي كل حاجة شخصيه واحنا في الشغل

سيسيل وبدأت دموعها في النزول وكانت تتطأطي رأسها الي اسفل : حاضر " عايزني ادي للناس امل في الحياه وانا مين يديني الامل اذا كانت ثقتي في الحياه والامل فيها انعدم "

بدأت سيسيل تتفقد المرضى من جديد وكانت تحاول ان ترسم الابتسامه ولكنها ابتسامه مرسومة وفي خلفها حزن هائل كانت ابتسامه مزيفه كاذبه ليس لها معني لان هناك قلب محطم كيف تضحك وكيف تحيا والامل منعدم لديها والقدر لم يتركها بحالها وابتعد بينها وبين حبيبها ولكن قطع تلك الشرود صوت ريم

ريم : سولا حمد الله ع سلامتک مشوفتكيش الصبح

سيسيل وهي تأخذ نفسا وتخرجة قويا فتطير خصلات شعرها : الحمد لله .. معلش يا ريم
علشان عندي مرور

ريم وهي تستغرب موقفها : اوك .. ابقى طمنيكي عليك

سيسيل : ان شاء الله .. ثم تركتها وذهبت لتتفقد احوال المرضي وكان معها رامي

رامي : جهزي نفسك في عمليه هتدخلها معايا

سيسيل : اوك

بدأت سيسيل في تجهيز نفسها لحضور العمليه ودخلت مع رامي الي غرفه العمليات وحاولت
ان تنسي همومها حتي لا تضيع روحا من بين ايديها وانتهت العمليه وخرجت منها وذهبت
لتبدل ملابسها وذهبت الي خارج المستشفى وذهبت الي كورنيش البحر وجلست علي
الكورنيش واعطت وجهها للبحر وشردت فيما حدث لها وبدأت دموعها في النزول مرة اخري

رآها رامي وهي تجلس هكذا ذهب اليها ووقف بجوارها

رامي : تعرفي ان صاحبي الوحيد في الدنيا دي هو البحر

سيسيل وهي تنظر لمصدر الصوت باستغراب : نعم

رامي : ممكن اقعد

سيسيل : اه طبعا اتفضل يا دكتور

رامي : دكتور دي جوة المستشفى .. بره المستشفى انا رامي وبس اتفقنا

سيسيل : ميصحش يا دكتور حضرتك استاذي

رامي : واستاذك بيقولك انا اسمي رامي وبس .. سيسيل تقبلي نكون اصحاب

يوسف : اتأخرتي كده ليه يا سولا

سيسيل : كان فيه عمليه يا جو وكنت فيها

يوسف : ماشي يا حبيبتي يلا ادخلي غيري علشان ناكل سوا

سيسيل : معلىش يا جو انا كلت في المستشفى مش هقدر معلىش

يوسف : عيني في عينك كده

سيسيل وهي تتهرب منه : انا هدخل اغير بعد اذنك

دخلت سيسيل الي غرفتها وجدت ايات جالسه ع السرير

سيسيل : مالك قاعده كده ليه

ايات : عادي هعمل ايه بس سقعانه

سيسيل: الجو عادي يعني مش تلج

ايات : انتي بتحبي الشتا انا مبجهوش

سيسيل : في حد مبيحبش الشتا ده اجمل شتا هنا في اسكندرية

ايات : ماشي

سيسيل : مالك يا ايات فيكي ايه

ايات : مش عاجبني حالك يا بنت خالتي

سيسيل : ماله حالي ما انا كويسه اهو

ايات : ده اللي بتبينيه قدام الناس بس للاسف مهما عملتي باينه حزينه اوي يا سولا

سيسيل وهي ترتمي بين احضان ايات : تعبانه اوي يا ايات تعبانه بحاول اعمل قويه علشان ما
انهارش بس مش قادرة حاسه اني خلاص مت قلبي مات وكل حاجة جوايا ماتت

ايات وهي تربت علي كتفها : ده نصيب يا حبيبتي ولازم نرضي بيه واكيد ربنا عينك حاجة
احسن

سيسيل ببكاء : مش عايزة الاحسن مش عايزة غير ادم وبس

ايات : يا حبيبتي خلاص بقي متعمليش في نفسك كده وحاولي تنسي يا سيسيل ده ربنا مدينا
نعمة النسيان يا حبيبتي

سيسيل : ازاي انسي عمري اللي فات .. ازاي انسي احلامي معاه وحياتي اللي بينتها وياه ..
قوليلي ازاي وانا معاكي

ايات : ممكن بس تهدي العصبية والدموع مش هترجع اللي راح

سيسيل : صعب عليا اشوفه واكلمه وانا قلبي مكسور منه .. صعب عليا اسمع منه كلمة مالك
.. تخيلي انه جالي ع البحر وقال مالك يا سيسيل .. بيسألني مالك يا ايات وهو السبب في اللي
انا فيه

ايات : هو ميعرفش يا حبيبتي اللي فيكي من ايه .. انتي خسرتي ادم كحبيب بس متخسريهوش
كصديق

سيسيل : تفتكري انه من السهل عليا اعتبره مجرد صديق .. انا حلمت معاه بكل حاجة كويسه
.. حلمت معاه بعمرى اللي جاي .. ازاي بسهولة كده يبقي مجرد صديق

ايات : هنعمل ايه يا سيسيل انا لو عليا اروح اقله ليه سبتها واختارت غيرها بعد اللي عملته
علشانك بس صعب اجرح كرامتك يا حبيبتي

سيسيل : اوعي تعملي كده ادم محسش باللي جوايا يبقي مش لازم يعرف حاجة

ايات : قومي غيري هدومك وروقي كده وحاولي تنسي واهتمي بشغلك ومستقبلك ده اللي
هينفعك صدقيني

سيسيل بتهيدة قويه : عندك حق

جففت سيسيل دموعها وقامت بتبديل ملابسها الي ملابس للبيت ودخلت الي المطبخ وصنعت لها كوبا من الشاي بحليب ووقفت في الشرفه بعد ان فتحت الحاسوب الشخصي ع اغنيه اصعب حب

اصعب حب
لما تلاقي اللي انتة تحبه
ما يبجكش

ولا تحس
مهما عيونك تنطق
قلبه ما يبجكش

تبدأ تضعف
يمكن يعطف
تبدأ توهب
يبدأ يخطف
فجأه تحس
إن اللي إنت وقعت في حبه
وقعت في حبه
مايستاهلكش

أقوى عذاب
كل ما تيجي تقوله بحبك
يسكت قلبك ما يقولهاش
قول انك عايش وحدك
متغرب جوه حكاية
تايه مجروح مش عارف
خايف من أي نهاية

تبدأ تضعف
يمكن يعطف

تبدأ توهب
يبدأ يخطف
فجأه تحس
إن اللي إنت وقعت في حبه
وقعت في حبه
مايستاهلكش

كانت تستمع الي كل حرف وكل كلمة تقال كأنها تعبر عما بداخلها وماحدث معها ووجدته
خارجا الي الشرفه ممسكا بهاتفه النقال ويحدث ريم ولكنه عندما رآها انهي المكالمه مع ريم

ادم : ازيك يا سولا

سيسيل بحزن : الحمد لله

ادم : ايه الاغنيه اللي انتي مشغلاها دي فين نجاه

سيسيل : عادي اصل الاغنيه عجباني

ادم : بس دي حزينه اوي

سيسيل : وايه الفرح اللي في حياتنا علشان نفرح

ادم : مالك يا سيسيل وايه نظرة التشاوم دي

سيسيل : عادي متشغلش بالك بعد اذنك

ادم : هتدخلي

سيسيل : اه علشان عندي مستشفى بدري

ادم : وانا مسافر بكرة

سيسيل بلا مبالاه : اوك .. تصبح ع خير

ادم وهو مستغرب موقفها : وانتي من اهله

دخلت سيسيل الي غرفتها وانهارت من البكاء .. كيف طاوعها قلبها علي هذه المعامله .. ولكن باي صفة اعامله واهتم به فهناك من احق لها بالاهتمام به .. ولكن لم اتعود علي تلك المعامله معه من قبل .. هو من اجبرني علي تلك المعامله ولا يجب التعامل معه سوي بهذا الاسلوب .. فهو من كسرني وهو من يتحمل معاملتي

في صباح اليوم التالي ذهبت سيسيل الي عملها ووجدت ريم امامها

ريم : صباح الخير يا سولا

سيسيل بنظرة ثاقبه ووحادة : صباح النور

ريم : جايالك حته خبر مقولكيش

سيسيل بلا مبالاه : خير

ريم : دكتور وائل هيسيب المستشفى هيسافر كمان اسبوعين

سيسيل : اوك .. انا همشي علشان عندي شغل

ريم : سيسيل استني

سيسيل : نعم

ريم : هو انتي زعلانه مني في حاجة انا عملتك حاجة ضايقتك

سيسيل وهي تتنفس الصعداء : لاء ليه بتقولي كده

ريم : لاني شايفاكى بتكلميني بزهدق وحاسه اني مضايقاكي في حاجة

سيسيل واوشكت عيناها بالدموع : " اقولك انك سرقتني مني فرحتي ازاي .. ولا اقولك انك كسرتيني وقتلتيني بسكينه باردة ازاي .. ازاي اقولك انك ضيعتي مني عمري اللي فات وعمري

اللي جاي " انا مش زعلانة منك ياريم انا بس اعصابي تعبانه معلى

ريم وبدأت دموعها في الهبوط : طيب ممكن تتكلمي معايا لو مخنوقه

سيسيل : صدقيني لما احس اني عايزة اتكلم هاجي واحكيك

ريم وبدأت تغمض عيناها بقوة وامسكت جبينها بيدها

سيسيل بلهفه : مالك ياريم

ريم بصوت متقطع : مش عارفه حسيت بعيني مزغلله شويه وصداع جامد

سيسيل : برضه الصداع انتي لسه مكشفتيش

ريم : ده حبه صداع تلاقيه من السهر ولا حاجة اصل ادم مسهرني لحد الفجر ع التليفون

سيسيل شعرت بخنجر يصبوب تجاه قلبها وبدأت عيناها تمتلأ بالدموع واختنق صوتها : اه طب بعد اذنك

ريم بعد ان شعرت بتحسن : اتفضلي

ذهبت سيسيل الي المرحاض وبدأت تبكي وبقوة علي الامها وعذابها كيف تنسي وهي دائما امامها فهي تحاول ان تتجنبها ولكن دون فائدة اه يا قلبي كم عانيت وتعذبت .. ارحمني يا الله من تلك الالام التي تعصر قلبي فقد تعبت

سمعت صوت بكائها سحر وانتظرت حتي تخرج سيسيل وجدت وجهها ملئ بالعبرات الحارة

سحر : مالك يا سيسيل ايه الدموع دي كلها

سيسيل بارهاق : ولا حاجة يا دكتورة انا بس تعبانه شويه

سحر : ايه يا بنتي ده.. ده انتي تعبانه خالص .. اتفضلي روعي يا سيسيل

سيسيل : معلى يا دكتورة انا شويه وهكون كويسه بس راحتني في شغلي

سحر : ع راحتك بس ياريت لما تتعبي تروحي

سيسيل : ان شاء الله بعد اذنك

سحر : اتفضلي

ذهبت سيسيل الي الحالة التي تباشرها مع دكتور رامي ونظر لها رامي وجدها باكيه بعد ان خرجوا من غرفه المريض

رامي : مالك يا سيسيل في ايه

سيسيل بعصبيه : انا كويسه ومش عايزة حد يقولني مالك دي تاني ارحموني بقي انا تعبت من الكلمة دي

رامي وهو يهدئها من تلك العصبيه : اهدي بالراحة وهو يمسكها من يدها تعالي عايزك

اخذها رامي الي غرفه مكتبه وكانت هي منهارة من البكاء

رامي بحنيه : ممكن تهدي خالص

سيسيل بعد ان بدأت تهدأ : انا اسفه يا دكتور انا مش عارفه انا قولت كده ازاي سامحني انا اسفه بس بجد تعبانه ومش قادرة اسمع كلمة مالك دي تعبت منها وكرهتها ومبقتش قادر استحمل

رامي : خلاص يا سيسيل مش هقولها لك تاني بس صدقيني مش قادر اشوفك كده ممكن تهدي وتروحي مش هتقدري تكلمي اليوم كده

سيسيل : لا يا دكتور هقدر

رامي : بلاش عند

سيسيل : صدقني هقدر

رامي : براحتك يلا روحي ع شغلك

ذهبت سيسيل الي تفقد المرضي حتي انتهت يومها وعادت الي المنزل

مرت الايام مليئه بالحزن والالم الذي يعتصر قلب سيسيل حتي جاء يوم من الايام كانت ذاهبه الي عملها ودخلت من باب المستشفى ووجدت امامها صدمة كبيره

الفصل الرابع عشر

ستبقي حبيبي

دخلت سيسيل الي المستشفى ولكنها فوجئت بصدمة كبري امامها .. وجدت لوح من الورق مكتوب عليه " ترحب اسرة المستشفى بانضمام دكتور ادم

اسماعيل ي طبيب جراحة القلب الي هيئه اطباء المستشفى "

قرأت سيسيل هذه الكلمات ووقفت امامها كالتمثال لا تتحرك وكانت دموعها تنهمر منها بغزارة كشلال من الامطار ركضت الي غرفه الاستراحة وبدأت

تبكي بشده علي ما يصيبها فكيف تتحمل كل هذه الصدمات في ان واحد .. كيف تتحمل ان تراه يوميا معها بل ويمكن ان تعمل معه لعدده ساعات طوال .. كيف

ستتحمل ان تراه معها يحدثها وتحديثه تضحك معه ويضحك معها .. كيف كل هذا .. هل ستتحمل ام انها ستنتهار سريعا .. ياالله اعني علي ما انا فيه .. اللهم اني

رضيت بحكمك ولكني لا استطيع المقاومة .. لقد تعبت بل انهرت اعني يا الله

ذهبت سيسيل الي غرفه الملابس لتبدل ثيابها الي ثياب المستشفى وذهبت الي دكتورة سحر

سيسيل بصوت مخنوق تقتله الدموع : انا اسفه ع التأخير

سحر بنبره حاده وحازمة : دي اول واخر مرة تأخير يا سيسيل مفهوم ولا مش مفهوم

سيسيل تكاد ان تهبط من عيناها دموعها : حاضر

سحر : اتفضلي ع شغلك

كانت تسير سيسيل ولكنها لم تري الطريق من كثرة الدموع التي تملأ عيناها ولكنها اصطدمت
بشخص

سيسيل دون النظر له : اسفه

رامي : طيب ع الاقل بصي شوفي انتي خبطي في مين

سيسيل وهي تنظر له : اسفه يا دكتور رامي

رامي بقلق : في ايه يا سيسيل ايه الدموع دي كلها

سيسيل : بعد اذنك اشوف شغلي

رامي وهو يستوقفها : استني يا سيسيل تعالي اوضتي لو سمحتي

ذهبت له سيسيل الي غرفه مكتبه

رامي : ممكن تقعدني

جلست سيسيل امامة ع المكتب وبدأ في استكمال حديثه : ايه يا سيسيل الدموع دي كلها انتي
فيكي ايه مش طبيعیه بقالك فترة

بدأت تبكي بشدة لم تستطع ان تتحمل كل هذا الالم .. كانت خناجر تطعن في قلبها الرقيق ..
كيف لهذا القلب ان يتحمل تلك الصدمات المتتاليه .. بدأت تبكي

وتبكي .. تركها رامي تفرغ ما بداخلها حتي هدأت وجففت دموعها

رامي وهو يقترب منها : انا مش هقولك دلوقتي مالك بس لما تحبي تتكلمي هتلاقيني اول واحد
هسمعك

سيسيل بدموع : انا تعبناaaaaaaaaاانه ومش قaaaaaaaaاادرة حاسه اني همووووووووت

رامي بلهفه : بعد الشر عنك اوعي تقولي كده ع نفسك تاني .. رامي وهو يقترب منها .. اهدي
يا سيسيل كل حاجة هتتحل بس بالراحة

سيسيل بتهيدة قوية : aaaaaaaaaaaaaaaaaaaaaاه

رامي بخوف: ايه يا سيسيل قوليلي مالك فيكي ايه .. ايه اللي اقدر اعلمهولك اساعدك بيه

سيسيل بدموع : محدش يقدر يساعدني في اللي انا فيه .. محدش يقدر

رامي : انا هقدر بس مشوفكيش كده تاني

سيسيل : انا هبقي كويسه .. هبقي كويسه .. بعد اذنك

رامي : خلي بالك من نفسك وهتلاقيني دايمًا جمبك

وقفت سيسيل مكانها لانها شعرت بدوار عنيف حتي سقطت مغشيا عليها

ركض رامي تجاهها وحملها وذهب بها الي احدي الغرف المجهزة رآته سحر وركضت نحوه
لترى ما بها سيسيل

سحر بانفعال : في ايه مالها يا رامي

رامي : ضغطها واطي متقلقيش

سحر : هو ايه اللي حصل

رامي : مش عارف انا فجأة لاقيتها واقعه مغم عليها هي تقريبا في حاجة تعبها

سحر : انا حاسه انها تعبانه اوي الفترة دي

رامي : ربنا معاها

بدأت سيسيل في الافاقه وبدأت تفتح عيناها ببطئ شديد

رامي بلهفه : انتي كويسه

كادت سيسيل ان تقوم من علي السرير ولكن اوقفها رامي بحديثه

رامي : راحة فين انتي لازم ترتاحي شويه

سيسيل وهي تأخذ نفسا عميقا : انا كويسه الحمد لله

سحر : انتي لازم تروحي انتي مش هتعرفي تكلمي كده

سيسيل : متشكرة يا دكتورة انا هقدر اكمل اليوم

رامي بحده وعصبيه ادهشت سحر : يعني ايه هتقدري تكلمي انتي مش خايفه ع نفسك
اتفضلي غيري هدومك علشان تروحي

سيسيل بحدة : والله انا اللي اقدر احكم هقدر ولا مش هقدر بعد اذنكم ومتشكرة ع الاهتمام

خرجت سيسيل لتتابع الحالات الخاصه بها بالرغم تعبها وارهاقها الواضح للجميع وبعد
خروجها

سحر : زودتها شويه

رامي وهو ينظر لها : بعد اذنك يا دكتورة اشوف شغلي

اما ع الجانب الاخر بعد ان خرجت سيسيل لتمارس عملها اليومي بين المرضي قابلت ريم

ريم بفرح : سولا شوفتي الخبر اللي تحت

سيسيل وهي تستشيط قهرا منها : اه شوفته

ريم : انا فرحانه اوي ان ادم هيكون معانا هنا وهنشتغل معاه .. ايه يا سولا انتي مش فرحانه ولا ايه

سيسيل بعصبيه : يعني المفروض اعمل ايه مثلا اسيب شغلي واروح اباركله ولا تحبي اعمل فرح في المستشفى اصلك واحدة فاضيه انا ماشيه

ظلت ريم واقفه مكانها منصدمة من اسلوب سيسيل معها وبدأت دموعها تهبط منها ولكن دون صوت

بعدها ذهبت سيسيل من امام ريم دخلت الي المرحاض وبدأت في البكاء الشديد : " ليه مكتوب عليا الحزن والجرح ليه .. ليه هي فرحانه وانا بموت من

عذابي وهي السبب وبتضغط ع الجرح اوي ليه .. ايه اللي انا عملته علشان اتعذب اوي كده يارب صبرني ع اللي انا فيه انا تعبت اوي .. اعمل ايه من قهري

وتعبي مش عارفه اعمل ايه .. لازم ترمي ورا ضهرك وتحققي حلمك .. محدش هينفعك هما هيكبروا ويبقي ليهم كيان وليهم الفرح وانتي هيبقي مكتوبك

العذاب .. لازم تتغلي ع عذابك علشان تقدري تعيشي .. اه يارب صبرني وقدرني علي اني اتحمل اللي جوايا "

جففت سيسيل دموعها واخذت نفسا عميقا لتخرج به كل الالام والهموم التي يتحملها قلبها الصغير الرقيق وبدأت في الرجوع الي عملها مرة اخري وذهبت

الي سحر

سحر متفحصه اياها : اخر مرة هسالك هتقدري تمارسي اليوم

سيسيل وهي تأخذ نفسا : هقدر يا دكتورة

سحر : طب يلا في حاله في الاسعاف

ركضت سحر وخلفها سيسيل الي الاسعاف ليروا الحاله التي جاءت الي المستشفى

وجدت سيسيل امامها فتاه في اوائل العقد الثاني من عمرها تتالم وبشده بدأت سحر بفحصها بمساعده سيسيل وقاموا بعمل اللازم لها

الام بخوف : مالها بنتي يا دكتورة هي كويسه

سيسيل : متقلقيش يا ماما هي كويسه بس للاسف حاله انتحار احنا عملنالها غسيل معده بس لازم المستشفى تبلغ الشرطة

الام ببكاء : شرطة .. اه يا بنتي .. منه لله اللي كان السبب

سيسيل : طب اهدي يا ماما ممكن بس تحكي لي الحكاية يمكن اعرف اتصرف

الام ومازالت منهارة من البكاء : منه لله .. منه لله

سيسيل : حضرتك اهدي بس كده وان شاء الله كل حاجة تتحل

الام بعد ان هدأت : بنتي كانت بتحب واحد وفضلت تحبه سنين لحد ما جه خطبها بس للاسف منه لله ابوها مسكه وهزقوا وقاله انا معنديش بنات للجواز كل

ده علشان الولد لسه في بدايه حياته ..الولد بعد ما مشي من عندنا بنتي سمعت خبر انه مات في حادثه انهارت وانهاردة دخلت عليها لاقيتها مرميه وجمبها

علبه الدوا كلها فاضيه .. ارجوكي يا دكتورة استري ع بنتي احنا مش وش بهدله

سيسيل : اهدي يا ماما وانا هتصرف ان شاء الله

ذهبت سيسيل الي سحر لتوقف اجراءات الشرطة

سيسيل : دكتورة سحر

سحر: ايوة يا سيسيل بلغتي الشرطة

سيسيل : بصراحة يا دكتورة لاء و كنت عايزة اقول لحضرتك ان البنت دي صغيرة وشكل مامتها طيبه ومش وش بهدله

سحر : بس انتي عارفه ان دي جنايه ومينفعش نتغاضي عنها

سيسيل : يا دكتورة احنا مهمتنا انقاذ الناس مش التشهير بسمعتهم ودي بنت لسه في بدايه حياتها تعبت واتعرضت لصدمة كبيره في حياتها ملاقتش قدامها

غير الحل ده وهو الموت .. هبطت منها دمعه حارة واكلت حديثها بتأثر واضح .. صدقيني يا دكتورة الانتحار لو مكنش حرام انا كنت اول واحدة قررت

انتحر

سحر بانفعال : ايه الكلام اللي انتي بتقوليه ده

سيسيل : صدقيني يا دكتورة .. احيانا الموت بيكون راحة من العذاب والالم اللي بنشوفه في حياتنا

سحر بحده: انا هتغاضي عن موضوع البنت ومش هبلغ الشرطة و علي مسئوليتي الشخصيه بس لينا كلام تاتي في الكلام اللي انتي قولتيه ده .. اتفضلي شوفي

شغلك يا دكتورة

سيسيل بحزن: ان شاء الله .. بعد اذنك يا دكتورة

سحر بحزم : اتفضلي

ذهبت سيسيل لتري عملها حتي انقضاء الوقت المحدد للدوام وابدلت ملابسها وذهبت الي الخارج وذهبت علي كورنيش البحر وكانت شاردة في حالها ولكن

افاقها من شرودها هطول امطار ديسمبر الغزيرة مما جعلها تستقل سيارة اجري لتذهب بها الي بيتها .. دخلت سيسيل الي المنزل وجدت حنان وايات جالسين

ع الاريكة اقلت عليهم السلام وجلست بجوار ايات

سيسيل : وسعي حبه مش عارفه اقعء

حنان : مش تاكلي الاول يا سولا قومي يا حبيبي غيري هءومك عقبال ما احضرك الغءا

سيسيل : لا يا خالتو ربنا يخليكي كلت في المستشفى

حنان : انتي كل يوم تقوليلي واكله ده منظر واحدة بتاكل وبعءين هو اكل المستشفىات ده اكل

سيسيل : معلش يا خالتو انا بس هقعء ارتاح شويه واءخل انام

حنان : انا مبقتش فاهماكي يا سيسيل ايه اخرة اللي انتي بتعمليه ده

سيسيل بحزن : وانا هعمل ايه بس يا خالتو بس بجوع في وسط النهار فبضطر اكل

حنان : طيب قومي غيري وتعالى اقءءى معانا

سيسيل : معلش يا خالتو انا هءخل ارتاح شويه

حنان : ماشى يا حبيبي

ءءلت سيسيل الى غرفتها واءءلت ملابسها وتبعتها ايات وءءتها جالسء على السرير في وضع القرفصاء وكانت ءموعها تهبط منها رءما عنها

ايات وهي تحتضنها : مالك يا سولا في ايه

سيسيل ببكاء : انا تعبت يا ايات ومبقتش قاءرة اسءحمل .. اءم هيشءغل في المستشفى اللي انا فيها

ايات بخضء : انتي بتقولي ايه

سيسيل : هو ده اللي حصل انا مبقتش قاءرة من الصءماء اللي كلها ورا بعض والله تعبت

ايات وهي تضمها لها وبقوة وتربت علي كتفها : اهدي يا سولا العياط مش هيحل لازم تتعاملي عادي معاه زيه زي اي دكتور تاني مش هتفرق

سيسيل : ياريت كان ينفع يا ايات بس ازاي اشوفه قدامي وهو معاها وابقى عادي ياريته كان بايدي بس غصب عني والله مش مستحمله

ايات : اهدي طيب مفيش حاجة تستاهل لازم ترضي بالنصيب يا سولا ومحدث عارف الخير فين

سيسيل : ونعمة بالله بس انا مش عارفه ليه كل ده بيحصلي

ايات : محدش عارف الغيب .. ربنا مش بيعمل شر .. اهدي بقي هقوم اعمل كوبايتين شاي في التلج اللي احنا فيه ده

سيسيل وهي تجفف دموعها : ماشي

ذهبت ايات لعمل كوبان من الشاي وعادت الي الغرفه وجدت سيسيل تجفف ملابسها

ايات : مش هينفع كده هاتي انشرهم ع الصبح يكونوا نشفوا ان شاء الله معتقدتش انها تمطر تاني

سيسيل : ماشي

دخلت ايات الي الشرفه لتنشر ملابس سيسيل وفوجئت برودينا تقف في الشرفه

ايات : بت يا رودى وحشتيني

رودينا : ماهو انتي ندله انتي والب التانيه دي لا بتسألو ولا بتعبروا ولا كأن البلكونه في وش البلكونه

ايات : والله انا برجع متأخر والتلج ده عايز نوم وانتى بترجعي متأخر وسيسيل شرحه

رودينا : البت سولا دي وحشتني جدا هموت واشوفها هي عندك

ايات : اه عندي

رودينا : طب نادلها عايزة اشوفها

دخلت ايات وقامت بندااء سيسيل ودخلت لهم الشرفه

رودينا : يخربيتك انتي بقيتي عامله زي الموميا كده ليه وعينك مالها وارمة كده هو شغل
الطب بيعمل كده

سيسيل : طب قولي ازيك الاول مش يخربيتك

رودينا : انتي مش بتبصي في مرايه ولا ايه فين سيسيل المشرقه ده احنا كنا بنحسدك ع
اشراقتك ايه اللي انتي فيه ده

سيسيل : يلا الزمن بقي هناخد زما وزمن غيرنا

رودينا : عندك حق يا تيته ضحك الجميع ولكن سيسيل اکتفت بابتسامه رقيقه

سمع صوتها من الداخل خرج ليراها فهو ايضا لم يرها من زمن

ادم : ياااااااااااااه وشك ولا القمر يا سولا بقالنا كثير مشوفناكيش

سيسيل بقهر : الدنيا تلاهي

ادم : اه بس محدش بيتلهي عن حبايبه ولا ايه

سيسيل بوجع من هذه الكلمة : بعد اذنكم علشان ارتاح شويه

ادم وهو ينظر لسيسيل : سيسيل

سيسيل : نعم

ادم : انا اتعينت عندكم في المستشفى معرفتيش

سيسيل بوجع يعصر قلبها : عرفت .. مبروك

ادم : الله يبارك فيكي هشوفك كل يوم هناك

سيسيل : بعد اذنك .. تصبح ع خير

ادم بحزن : وائتي من اهله

دخلت سيسيل ولكنها تركت باب شرفتها مفتوح وبعد قليل سمعت الحان الجيتار تعزف من قبل ادم وكان يدندن بصوت مسموع مع الحانه كلمات اغنيه انا

مصمم

انا زعلتك فى حاجه طب ايه يا حبيبي هيا؟؟
بتدارى عينك ليه لما بتيجى فى عنيا؟؟

وحكايتك بس ايه فيك حاجه مش عاديه
قولى يا حبيبي حاجه متصعبهاش عليا

انا مصمم مش ماشى قبل ما تتكلم
ما اقدرش اسيبك تتالم ساكت يا حبيبي ليه

انا ضايقتك طب قلت حاجه متقالش
مش ماشى ولا اسيبك تمشى قبل ما افهم فيه ايه

قولى حبيبي بصراحه ومشاعرك ليا سيبها
الدمعه اللى فى عيونك عرفنى ايه سببها

عنيك فى عنيا لكن حاسس بمسافه بيننا
فى حاجات غالية علينا بتضيع يا حبيبي منا

عايز تعاتبني عاتب طب ليه عمال تفكر
ماهو ده الوقت المناسب قبل الاحزان ما تكبر يا حبيبي سايبني ليه

عايش فى الحيرة ديه
وان كانت غلظه منى يبقى حقك عليا

كانت تسمع عزفه ع الجيتار وتبكي بقهر فكيف لها ان تقول انك كسرتني ذبحتني قتلتني يا
حبيبي .. قتلت قلبي الذي احبك بجنون .. وعقلي الذي تعلق بك ولا

استطيع ان احيا بدونك .. فكيف لي ان اراك مع من احتلت مكاني فكيف لي ان اري نظرات
الحب والشوق في عينيك لها واسمع كلمات الحب المعسول التي

ستقولها كل يوم لغيري .. فكيف لي ان اتحمل هذا العذاب وحدي .. ياالله فليس لي سواك ..
رحماك يا ربي

ظلت تستمع لكلماته والحانه حتي انتهى هو من عزفه وسمعت صوت غلق الشرفه ولكنها
بدأت تبكي وتبكي حتي غلبها النوم

الفصل الخامس عشر

ستبقي حبيبي

في صباح اليوم التالي استيقظت سيسيل وحاولت ان تنسي ما حدث في الامس دخلت الي
المرحاض واخذت حماما دافئ وصنعت كوبا من الشاي بالحليب وارتدت بنطال اسود من
الجبردين الواسع وشميز باللون الوردي وارتدت جاكيت من الجينز القصير الاسود وغادرت

المنزل متجهه الي المستشفى ولكنها توقفت قليلا امام باب المستشفى واخذت نفسا عميقا ودعت الله ان يوفقها في النسيان وان تستطيع ممارسه حياتها وذهبت الي غرفه تغير الملابس ولكنها وجدت باقه من الزهور علي الخزانه الخاصه بريم ومعها بطاقه امسكت بباقه الزهور وفتحت البطاقه وجدت مكتوب بها " صباح الخير علي احلي عيون .. آدم .. بحبك "

اعتصر قلبها وهي تقرأ تلك الكلمات ونزلت منها دمعها حارة كوت قلبها قبل وجنتيها وتركتم في مكانهم وبدلت ثيابها وخرجت لنتنظر سحر في استقبال قسم الجراحة ظلت منتظرة حتي تجمع المتدربين اجمع وكانت من بينهم ريم وكان وجهها مشرق ملئ بالحب والحيويه اما سيسيل فكانت عيونها ذابله ووجها شاحب

ريم : سولا انتي كويسه

سيسيل وهي تخرج نفسا عميقا حار : اه كويسه

وقطع حديثهم مجئ سحر اليهم

سحر : شباب في اجتماع عند رئيس الاطباء كمان 10 دقائق يلا كله يحضر نفسه

ظلوا جميعا واقفين منتظرين موعد الاجتماع

ريم : سيسيل هو انا عامله حاجه مزعلاكي مني

سيسيل : ريم ارجوكي انا مش قادرة اتكلم في اي حاجه دلوقتي

ريم : ماشي يا سولا

سحر : يلا يا شباب

دخلوا جميعا الي غرفه الاجتماعات وبدأ رئيس الاطباء في تعريفهم لأدم

د. عادل : احب اقدملكم يا شباب دكتور ادم وهو هيكون معاكم في قسم الجراحة لانه متخصص

قلب وياريت تتعلموا منه ع اد ما تقدروا

بدأ الجميع في الترحاب به الا سيسيل اللتي كانت تطأطأ راسها دوما حتي لا تنظر له ولا تري

عينيه وانسحبت سيسيل بهدوء وخرجت من الغرفه دون ان يشعر بها احد ولكن شعر بها

رامي رجب بأدم وبارك له واستأذن وخرج خلفها ليري ما بها

رامي : سيسيل

سيسيل بحزن : ايوة يا دكتور

رامي : فاضيه نتكلم شويه

سيسيل : اتفضل يا دكتور

رامي : طب تعالي اعزمك ع قهوة

سيسيل : اوك

ذهبت سيسيل برفقه رامي الي كافيتريا المستشفى وطلب لها كوبا من العصير وطلب لنفسه

فنجان من القهوة

رامي ظل صامتا وهي صامته واكتفي بالنظر اليها

سيسيل : هتفضل ساكت

رامي : مش عارف حاسس ان جواكي سر كبير اوي ونفسي اعرف ايه هو

سيسيل : مفيش اسرار ولا حاجة بس شويه مشاكل

رامي : مش احنا اصحاب

سيسيل : اه طبعا

رامي : انتي تعرفي ادم قبل كده

سيسيل بوجع : اه متربيين سوا

رامي : طيب المفروض دي حاجة تفرحك ان حد انتي تعرفيه وكمان نفس تخصصك معاكي في

نفس المستشفى علي الاقل هيهتم بيكي ويحاول يعلمك كل اللي اتعلمة

سيسيل وهي تشعر بغصه في حلقها : عادي يعني .. الاولي يهتم بخطيبته ماهي نفس

التخصص

رامي باستفهام : مين خطيبته

سيسيل : ريم

رامي باستغراب : هي ريم خطيبه ادم

سيسيل : ايوة

رامي : اااااااااااا تمام .. بس برضه حلو ريم صحبتك وادم زي اخوكي يعني حلو ايه اللي

مزعلك

سيسيل بوجع : انا اخويا زياد وبس .. بعد ادنك يا دكتور اشوف شغلي علشان دكتورة سحر

متتعصبش عليا

رامي : اتفضلي " ياتري ايه اللي بينك وبين ادم .. مجرد بس متربيين سوا ولا في حاجة تانيه

.. وانت مالك مشغول بيها ليه انت بتحبها ولا ايه .. مش عارف اول مرة ما ابقاش فاهم نفسي

كده لما ببقى قدامها ببقى نفسي اطلع كل اللي جواها واريحها واحسسها بالسعاده .. ممكن

يكون ده حب "

ذهبت سيسيل الي سحر وجدتهم خارجين من غرفه الاجتماعات والتفوا جميعا حول سحر

لتوزيعهم ووزعت الجميع علي الغرف والمرضي وكانت ريم اليوم برفقه ادم لتعمل معه

وسيسيل مع سحر في الاسعاف

بدأت سيسيل تري عملها ولكنها كانت تشعر بملل لان ليس هناك حالات اليوم في الاسعاف

كانت تجلس علي المقعد وتشعر بملل كانت تسير في الغرفه ذهابا ومجيئا مرت الساعات طوال

دون عمل ولكن اشارت الاجهزة بان هناك حاله في الاسعاف ركضت سيسيل الي الخارج لتري

الحاله واخذت البيانات من المسعف وبدأت بعمل اللازم

سحر : سيسيل بسرعه شوفيلي فين دكتور ادم

سيسيل وهي تركض : حاضر

ركضت سيسيل باحثه عن ادم وعلمت انه في كافيتريا المستشفى ركضت له ولكنها وقفت

مكانها عندما رآته مع ريم وكان يطعمها في فمها وممسكا يدها هبطت منها دموعها رغما عنها

وسقطت مغشيا عليها

انتفض ادم من مكانه اثر وقوعها وحملها ولكنه سمع نداء بأسمه وكان يسير رامي ورأي ادم

يحمل سيسيل ركض رامي وحمل منه سيسيل وركض بها الي احدي الغرف ليقوم بافاقتها وظل
جالسا بجوارها ومعه ريم
سيسيل وهي تحاول النهوض : ااااه
رامي : ارتاحي يا سيسيل ياريت متحركيش
سيسيل : انتوا حاطنلي ايه
رامي : دي محاليل ضغطك كان واطي جدا
ريم ببكاء : الف سلامة عليكي يا سولا كده تخضينا عليكي
بدأت سيسيل بالبحث عنه في انحاء الغرفة بعينها ولكنها لم تجده
سيسيل : انا كويسه .. كانوا عايزين ادم في الاسعاف
ريم : هو راح ارتاحي انتي بس
غمضت سيسيل عيناها من شدة الام التي تشعر به فهي تشعر بصداغ رهيب
جاء اليها ادم مسرعا ودخل الي الغرفة الموجوده بها سيسيل
ادم بلهفه : سيسيل انتي كويسه
سيسيل وهي تشعر باحساس رهيب يجتاحها : اه كويسه
ادم : كده تقلقيني عليكي
سيسيل بنظرات مليئه بالحب : متقلقش انا كويسه
رامي بجدته : خلاص يا دكتور مايبقاش قلبك ضعيف كده دي مش اول مرة
ادم : يعني ايه مش اول مرة
رامي : يعني انا عن نفسي اتعودت من سيسيل ع كده
ادم : هي حصلها اغماء قبل كده
رامي : اه امبارح
ادم بعصبيه وموجها حديثه لسيسيل : انتي طول عمرك مهمله في نفسك وياتري بقي في البيت
عارفين ولا لاء .. انا ليا كلام تاني معاكي ولازم يوسف يعرف باللي حصل ده .. طول ما انا
هنا في المستشفى مش هسمح بده يحصل ابدأ انتي فاهمة ولا لاء
ريم : خلاص يا ادم حصل خير هي بقت كويسه
ادم : انتي حسابك معايا حاجة تانيه علشان مقولتليش امال اصحاب ايه بقي
ريم : انا والله ما اعرف انها اغمي عليها امبارح
ادم : حسابي معاكي عسير يا سولا ثم تركهم وذهب
فرحت سيسيل لاهتمامه بها فقد عاد حبيبها ادم تذكرت كيف كان يهتم بها ويخاف عليها من
الهواء تنهدت بقوة وابتسمت ابتسامة رقيقة تعبر عن الرضا ولكن قطعها من سعادتها ريم
ريم : متزعليش يا سولا من ادم هو بس خايف عليكي انا ههديه متقلقش
نظرت لها سيسيل نظرة مليئه بالغضب ولكنها سرعيا ما اخفضت عيناها عنها
كان رامي يتابع الموقف في صمت
سيسيل : ع فكرة ممكن تشيل المحاليل دي انا بقيت كويسه

رامي : واضح انك بقيتي كويسه

بدأت سيسيل بخلع المحاليل من يدها وقامت لتمارس عملها وذهبت الي سحر
سحر وهي تنظر لها نظرات متفحصه : انتي كل يوم كده يغمي عليكي

سيسيل وهي تتنفس بعمق : انا اسفه اخر مرة

سحر : اتمني انها تكون اخر مرة وياريت نهتم بنفسنا شويه وننسي اي تاثيرات خارجيه جوة
الشغل

سيسيل : حاضر

سحر : جهزي نفسك هتدخلي العمليه مع دكتور ادم انتي وريم

سيسيل : حاضر

بدأت سيسيل في تجهيز نفسها لدخول العمليه دخلت الي المرحاض

سيسيل وهي تعطي لنفسها القوة : لازم تقدري تواجهي .. مش هتفضلي طول عمرك هربانه
من الواقع .. خلاص هو خطيبها وهي خطيبته .. وانتي لازم ترجعي لطبيعتك علشان تحققي
هدفك وحلمك .. متخليش حاجة تكسرك مفيش حاجة تستاهل انك تضيعي نفسك علشانها ..

شغلك اهم من اي حاجة تانيه .. شغلك يا سيسيل وبس

اخذت نفسا عميقا واخرجته بقوة كأنها تخرج كل الالام التي بداخلها ودخلت الي غرفه العمليات
وكانت تري ماذا يفعل ولكنها شعرت برعشه خفيفه علي ريم وعندما نظرت لها وجدتها تغمض
عينها وبشده ولاحظ هذا ايضا ادم

ادم : سيسيل خدي مكان ريم .. وانتي ياريم اخرجي بره

ريم بتعب : انا كويسه

ادم : قولت بره

خرجت ريم وجلست علي الكرسي حتي انتهوا من انهاء العمليه وخرجوا لها

ادم : في ايه ياريم مالك

ريم : عادي كويسه الحمد لله بس كنت حاسه بشويه صداع

سيسيل : طيب كلي اي حاجة

ادم : ما احنا كنا لسه بناكل لاقيناكي اغمي عليكي

سيسيل : اسفه معلش قطعت عليكم الاكل

ادم : متقوليش كده يا سيسيل سلامتك اهم من اي حاجة تانيه

سيسيل حتي تداري كسوفها من كلامه : طيب تعالي نروح الكافيه اللي جنب المستشفى انا

وانتي ناكل اي حاجة في البريك

ادم : طب يلا روحوا وانا هخلص شويه شغل هنا مع الادارة واجيلكم اهو نفطر سوا ولا نتغدي

بقي دي الساعه داخله ع 3

ريم : اوك

ذهبت سيسيل برفقه ريم الي الكافيه الذي بجانب المستشفى ع البحر وجلسوا

جاء النادل وطلبوا الاوردر وظلوا جالسين صامتين وكانت سيسيل شاردة

سيسيل : " ريم صحبتك يا سولا وهي تستاهل كل خير .. مش ذنبها انها اتخطبت لحبيبك ..
لاهي كانت تعرف ولا هو كان يعرف .. لازم ترضي بالامر الواقع .. بلاش تخسري كل حاجة ..
بلاش تخسري حبك واصدقائك .. لو معرفتيش تكسبي ادم كحبيب اكسبيه كصديق .. ادم بيحبك
وبيخاف عليك .. من واحنا صغيرين وهو مش بيتحمل عليك اي حاجة وحشه .. بلاش انتي
تبقي وحشه وتعامليه المعامله دي .. خليكي قريبه منهم وتكوني سبب سعادتهم .. عمرك ما
كنتي انانيه يا سولا لازم تفضلي كده .. وسعادتك هتلاقيها قدام .. محدش عارف ربنا مخبيلك
ايه " ولكن قطع شرودها مجئ النادل ووضع الطلبات

كانت ريم تنظر لسيسيل فتجدها شاردة فتصمت ولكنها وجدت سيسيل تبتمس لها ابتسامة رقيقه
سيسيل : انا اسفه

ريم : اسفه ع ايه

سيسيل : ع معاملتي الوحشه الفترة اللي فاتت

ريم : انا عذراكي حبيبتى اكيد كان في حاجة مضيقاكي لو انا مش اتحملتك مين هيتحملك

سيسيل : ربنا يخليكي ليا ياريم

ريم : ويخليكي ليا حبيبتى واللي فات انا نسيته خلاص

سيسيل : تسلميلي حبيبتى

وبدأو في تناول طعامهم

سيسيل : مش هتستني ادم

ريم : انا بصراحة جعانه عايزة تستنيه انتي استنيه

سيسيل : اه هستناه علشان هو مش بيحب ياكل لوحده

ريم : انا بقى هاكل

كانت ريم تأكل وبعد انتهائها من وجبتها

سيسيل : اهو جه اهو مش لو كنا استنيناها بقي كانت هيبيكي شكلها حلو

ريم : خلاص بقي ابقى كولي انتي معاه

ادم : كلتوا من غيري

سيسيل : انا مستنياك اهو والله

ادم بحزن : وانتى ياريم كلتي من غيري

ريم : كنت جعانه وانت اتأخرت

ادم : ماشي

جلس ادم بجوار ريم وامام سيسيل

ادم : طيب انا هاكل ايه بقي

سيسيل : انا طلبت ليا وليك جبتلك المربي بالقشطة اللي بتحبها

ادم : ربنا يخليكي ليا يا سولا عارفه الحاجات اللي بحبها

سيسيل : ويخليك

ادم بزعل : مفيش ليا

ارجعها من جديد

حنان : ايوة بقي خلي الدنيا تضحك من تاني

خرجت ايات علي صوت سيسيل وامها : الله الله بتضحكوا من ورايا بسرعه قولني ايه اللي حصل مفركك اوي كده

سيسيل : ادم استلم الشغل عندنا انهاردة ودخلت معاه عمليه وروحنا قعدنا في كافييه واكلنا سوا

كانت حنان وايات ينظرون الي بعضهم البعض باستغراب

سيسيل بضحكة : متبصوش لبعض كده انا مش مجنونه ولا حاجة وع فكرة ريم كانت معنا ..

بس انا خلاص قررت ان انا وادم اصحاب مش هخسرة كصديق كافييه خسرته كحبيب ..

ومستقبلي وشغلي هو اهم عندي من اي حاجة .. واكيد ربنا عاينلي الاحسن في حته تانيه

حنان وهي تضم سيسيل : ربنا يسعدك يا بنتي يارب وينولك اللي في بالك

سيسيل : امين يارب يا خالتو .. صحيح فين جو بقالي كتير مشوفتهوش ولا انا اللي تايهه عن

الدنيا

حنان : لا يا حبيبتي هو جة من شويه بس اتغدي ودخل نام مابقتاش بنتلم زي زمان

سيسيل : من هنا ورايح انا هاخذ الجمعه اجازة وهنتلم كلنا سوا ان شاء الله

حنان : ان شاء الله يا حبيبتي .. يلا قومي غيري علشان احضرك الغدا

سيسيل : ماشي يا خالتو

دخلت سيسيل الي غرفتها وبدلت ملابسها ولحقتها ايات

ايات : عايزة تفهميني ان في يوم وليله وصلتي للقرار ده

سيسيل : والمفروض اعمل ايه يا ايات افضل حزينه عمري كله اتعب كل ما اشوفهم سوا انا

خلاص مابقاش ليا غير شغلي وهما الاتنين صحابي وبس لا اكثر ولا اقل انا عايزة اركز في

اللي جاي اللي فات فات

ايات : يارب يا سولا تكوني بتتكلمي بجد

سيسيل : اه يا ايات بتكلم بجد قررت ادوس ع قلبي علشان اعرف اعيش

ايات : ربنا يوفقك طب يلا علشان ناكل سوا

سيسيل : انتي مكلتيش لحد دلوقتي

ايات : لاء كلت بس مفيش مانع لما اقول تاني افتح نفسك

سيسيل : طب يلا يا طفسه

خرجت سيسيل مع ايات الي غرفه الطعام وتناولوا الطعام ثم ذهبت سيسيل الي يوسف لتوقظه

سيسيل : جو .. جوووو .. جوووووو

يوسف وهو يفتح عينيه : في ايه يا سولا

سيسيل : قوم وحشتني

يوسف وهو يداعب خدودها : وانتي كمان وحشتيني هقوم اهو

استيقظ يوسف من نومة وغسل وجهه ليزيل اثار النوم وخرج لهم في الصاله وجلس بجوار

سيسيل

يوسف : ايه يا دكتورة مبعثش بشوفك عايشين في بيت واحد ولا كأننا عايشين معاكي اصلا
بتخرجي بدري قبل ما حد يصحي وترجعي تنامي ع طول
سيسيل : معلىش يا جو حقك عليا بس من هنا ورايح سيسيل بتاعه زمان رجعت تاني وهتقعد
تغلس عليك للصبح
يوسف : ده في حاجات جديدة حصلت وانا اخر من يعلم
سيسيل : ايوووووووووووو
يوسف : لازم اعرف ايه اللي حصل بس شكل الموضوع هيطول يبقي تعملينا كوبايتين شاي
وتجيبهم ع البلكونة
سيسيل : من عنيا هوووووووووو
دخلت سيسيل لتصنع الشاي ودخلت ليوسف الشرفه ووقفت بجواره
يوسف : ها اخبار دكتورتنا ايه
سيسيل : زي الفل
يوسف : عايز اعرف اللي غيرك واللي حصل بالتفصيل
بدأت سيسيل تسرد له كل ما حدث معها في الفترة الماضيه حتي قرارها التي اتخذته بشأن ادم
وريم
يوسف : هي دي سولا اللي انا اعرفها اللي بتتمني الخير للناس حتي لو علي حساب سعادتها
سيسيل : لما بتحب حد اوي بتبقي عايز تفضل طول العمر جمبه مهما كانت صفتك حتي لو
جرحك
يوسف : ربنا يسعدك يارب ويكتبك الخير وبدأت الامطار في الهطول
سيسيل بفرح : الله الدنيا بتمطر
يوسف : ده ع اساس انها مش بتمطر كل يوم
سيسيل : انهارد ه غير يا جو معني كده ان القرار اللي انا اخدته خير
يوسف : اكيد خير لانك فكرتي في غيرك قبل ما تفكري في نفسك
سيسيل : ممكن اطلب منك طلب
يوسف : اطلبي
سيسيل : نفسي انزل اجري تحت المطر
يوسف : لاء طبعا ممكن تتعبي
سيسيل : علشان خاطري انا اعرف احصن نفسي الدور والباقي عليك
يوسف وقد لمعت الفكرة في رأسه : طب البسي بسرعه قبل ما تبطل
دخلت سيسيل ارتدت ملابسها مسرعه وخرجت ليوسف وكانوا علي وشك النزول
حنان : رايعين فين في الشتا ده
يوسف : لاء ابدأ بس سيسيل محتاجة حاجات هنزل اجيبها معاها وغمز لسيسيل
ابتسمت له سيسيل وقالت : سلام بقي يا خالتو
هبط الاثنين الي اسفل وذهبوا باتجاه الكورنيش وبدأوا في الركض وكانت سيسيل تضحك بشده

سيسيل : ليه

ادم : علشان انتي بقالك كتير مشغلتيهاش

سيسيل : وهو لازم اشغلها ماتفتحها عندك وتسمعها

ادم : انتي ناسيه اني مبعرفش اسمع نجاه غير واحنا واقفين سوا

سيسيل : لاء مش ناسيه واسكت بقي خلينا نسمع الاغنيه

ادم : ماشي

ظلوا واقفين سويا وكانت سيسيل تدندن الاغنيه بصوت هامس وكانت تركز عيناها علي ادم

الذي لا تفارق عيناها سيسيل حتي انتهت الاغنيه

ادم : الاغنيه دي حلوة اوي بس فيها حته حزن

سيسيل وهي تتجمع في عيناها الدموع : اصعب حاجة انك تحب حد اوي ويبقي هو سر

سعادتك ووجودك وفجأه يبقي هو سر الامك

ادم : اه.. يلا ادخلي نامي علشان تصحي مركزه

سيسيل : اوك تصبح ع خير

ادم : سيسيل

سيسيل : نعم

ادم : هنروح بكرة المستشفى سوا علشان هعزمكم ع الفطار

سيسيل : اوك .. باي

ادم بابتسامه : باي

دخلت سيسيل الي الغرفه واستلقت ع فراشها وكانت عيون ادم لا تفارقها ابدا حتي غطت في

ثبات عميق

السادس عشر

ستبقي حبيبي

ادم : معش ع التأخير بس علي صاحبي كان بيظمن عليا

ريم : اوك

ادم : ها طلبطولي ايه

ريم : انا طلبتلك نسكافيه

ادم : بس انا مش بحب النسكافيه

سيسيل : متقلقش عملت حسابي وطلبطلك الشاي بحليب اللي بتحبه

ادم : ايون كده مش تقولولي نسكافيه انا مش عارف البتاع المقرف ده بيشربوه ازاي

ريم : ليه يعني طب ما انا بشربه

ادم : بس انا بصراحة ماليش في القهوة دي خالص لا بن ولا نسكافيه

سيسيل : احلي حاجة والله

جاء النادل ووضع الطلبات علي الطاولة واخذ ادم كوب الشاي بحليب الخاص بسيسيل ورشف

منه رشفه قليله ووضعها امامها

سيسيل : طب هات بتاعك بقي

ادم : تو تو بعينك

سيسيل : بس انا بقرف بقي

ادم : من امتي ده انتي مش بتشربي الشاي بحليب ده غير لما اخذ منه حبه علشان تجري

ورايا

سيسيل وهي تضحك : لاء خفيف ولكنها بدأت تسعل

ادم : في ايه يا سولا مالك شرقتي ولا ايه

سيسيل : لاء بس صدري وجعني

ادم : ماهو من الجري تحت المطر امبارح

ريم : انتي جريتي تحت المطر امبارح

سيسيل : اه نزلت انا وجو جرينا ع الكورنيش تحت المطر

ريم : يا بختك

ادم : طب انا بقول واحده مجنونه تطلع التانيه اجن منها

بدأ الجميع في الضحك

سيسيل وهي تخرج شيئاً من حقيبتها : مش انا مجنونه مش هتاخذ ده

ادم بفرح : ياا بنت اللذين جبتيه منين ده

سيسيل : ده انا دوخت عليه في كل اسكندريه لحد مالاقيته

ادم : بس غيرو شكله صح

سيسيل : اها بس انت طول عمرك بتحب تاكل البسكوت ده مع الشاي بحليب

ادم : عارفه انا بقالي اد ايه مكنتش البسكوت ده

سيسيل : تقريبا من حوالي 3 او 4 سنين

ادم : اه انتي الوحيدة اللي كنتي بتجيبهولي اصلا

سيسيل : طيب حاضر

ريم بفرحة : بحبك يا احلي سولا ربنا ما يحرمني منك

سيسيل : طيب اسبقيني هغير هدومي واجي وراكي

ريم : ماشي هستاكي بره

ذهبت ريم الي ادم خارج المستشفى

ادم : يلا

ريم : لاء هنستني سيسيل

ادم : ليه هي جايه معنا

ريم : اه انا قولتلها تيجي معنا

ادم : ريم هو انا خاطبك انتي ولا خاطب سولا احنا مش بنروح في حته غير لما سيسيل بتكون

معانا نفسي اتكلم معاكي براحتي نقرب من بعض نفهم بعض

ريم : ما انت بتقعد تضحك وتهزر معاها من امتي يعني

ادم : سيسيل متربيه معايا واكثر من اختي بس مش معني كده اني كل ما اجي اخرج معاكي

هتبققي معانا دي رودينا مبتخرجش معايا زي ما سيسيل بتخرج معانا ده انا حاسس انها

حماتي

ريم : انا اللي بصر عليها هي مكنتش موافقه بس انا بحب نخرج احنا التلاته سوا

ادم : ياريم ارجوكي افهمي انا نفسي نقرب من بعض

ريم بحدة : لو سمحت يا ادم انا عزمته وخلص مش هروح اقولها لاء ادم مش عايزك معنا

ولو سمحت بقي كفايه علشان جايه

ادم : ماشي

جاءت سيسيل مقبله عليهم ولكن الحزن يسيطر عليها فهي لا تحب ان تخرج معهم حتي لاتري

اهتمام ادم بريم او تسمع كلمة تجرح قلبها الرقيق ولكن اقبلت عليهم بابتسامتها المزيفة حتي

تداري حزنها خلف تلك الابتسامة الكاذبه

سيسيل : معلى اتأخرت عليكم

ريم : ولا يهملك يا حبيبتي

سيسيل : ايه يا ادم مالك

ادم : ولا حاجة تحبوا تروحوا فين

ريم : اي حته مش مهم

ادم : اوك

ذهبوا الي مطعم يطل ع البحر وجلسوا سويا ولكن ادم كان متضايقا من تصرف ريم الدائم فهي

لا تخرج معه بمفردها الا وسيسيل ترافقهم جلسوا جميعا حول الطاولة وجاء النادل ليأخذ

الطلبات وطلب لهم ادم العشاء ع زوقه الخاص وفي تلك الاثناء رن هاتف سيسيل

سيسيل وهي تنظر الي شاشه الهاتف باستغراب : بعد اذنكم ارد ع التليفون

ادم وريم : اوك

ذهبت سيسيل بعيدا لترد علي الهاتف

سيسيل : الو

رامي : ازيك يا سيسيل

سيسيل : الحمد لله انت عامل ايه

رامي : تمام الحمد لله كنت قاعد كده قولت اكلمك اشوفك بتعملي ايه

سيسيل : لاء انا بره مع ادم وريم

رامي بغضب : بتعملي معاهم ايه

سيسيل : عادي ريم صممت تاخدني معاهم

رامي بغضب : اه طيب انا قولت اظمن عليك

سيسيل : ميرسي يا دكتور

رامي : سلام

سيسيل باستغراب : سلام

كانت سيسيل تتجه الي الطاولة ولكنها شهدت منظرا تقطع قلبها من اجله وجدت ادم يمسك يد

ريم ويلعب في خصلات شعرها ويلقي ع مسامعها احلي كلام الحب حاولت ان تستجمع قواها

وتمنع دموعها من النزول وعادت اليهم وجلست دون ان تنطق حرفا

ادم : مين اللي كان ع التليفون

سيسيل : ده دكتور رامي

ادم باهتمام واستغراب : كان عايز ايه

سيسيل : عادي بيظمن عليا

ادم وهو يستشيط غضبا : ويظمن عليك ليه يعني ماهو كان معاك في المستشفى طول النهار

سيسيل : في ايه يا ادم عادي

ادم محاولا اخفاء غضبه : ماشي

ظلوا جالسين فترة قصيرة من الوقت وتناولوا طعامهم ولكن سيسيل لم تأكل شيئا من حزنها

علي حالها ونفسها ومن تصرفات ادم الغير مفهومة

ادم : يلا

ريم : اوك

ذهبوا جميعا وقام ادم بتوصيل ريم الي منزلها وذهب هو وسيسيل الي منزلهم

سيسيل بضيق شديد : تصبح ع خير

ادم : وانتي من اهله

صعدت سيسيل الي شقتها وذهبت الي غرفتها وجلست ع السرير في وضع القرفصاء وبدأت

تتنفس بشده وبدأت دموعها تنزل بغزارة ولكن دون صوت

سيسيل : " انتي بتعطي ليه دلوقتي مش انتي اللي قررتي تضحى بسعادتك وقبلتي انك تكوني

معاهم علشان تكوني صحبتهم.. خلاص ده قرارك و لازم تكوني قدة ولا انتي رجعتي في كلامك

.. مش قادرة استحمل اكثر من كده كنت فاكرة اني بقربي منه هبقي مبسوفة بس تعبت اكثر لا

قدرة ابقى بعيد عنه ولا قريبه منه .. يارب صبرني انا رضيت بعذابي علشان سعادتهم بس
دايما بيجرحوني من غير ما يقصدوا .. بس في النهايه ده قرارك يبقي لازم تستحملي وتكوني
اد القرار "

قامت سيسيل وجلست ع السرير وفتحت الحاسوب الشخصي بها علي موقع التواصل
الاجتماعي وفتحت الملف الخاص بأدم وبدأت تري صورة هو وريم في خطوبتهم وبدأت تبكي
كانت تتمني ان تكون مكانها وترتدي خاتمة ولكن ها هو الحال فأصبح لاخري وهي تمارس
دور المشاهد دون ان يكون لها الحق في اي شئ ولكنها نامت من شدة التعب ومن كثرة
التفكير في حالها

مرت الايام وكانت سيسيل تقوم بدور الصديقه الوفيه مع ريم وكانت تخفي حزنها وراء
ابتسامتها المزيفه وتحبس دموعها في جوف عينيها عندما تراهم سويا وفي احدي الايام
سيسيل : يويا

ايات : ها قولي ما عندك

سيسيل : تصدقي انك رجمة

ايات : طب خلاص قولي عايزة ايه

سيسيل : ادم عيد ميلاده الاسبوع الجاي

ايات : ليه هو يوم ايه

سيسيل : 8 يناير

ايات : تصدقي ان انا كنت ناسيه عيد ميلاده ده خالص

سيسيل : وانتي مالك اصلا عايزة تفتكري ليه اساسا

ايات : انا غلطانه امشي بقي

سيسيل : خلاص خلاص بقي خليكى حلوة

ايات : ماشي .. والمطلوب

سيسيل : تعالي نروح لرودي علشان نتفق نشوف هنعمل ايه

ايات : اوك يلا

ذهبت سيسيل وايات الي رودينا وجلسوا مع نجلاء واسماعيل

نجلاء : بس تصدقوا يا بنات ان انا زعلانه منكم اوي كل ده متسألينش يا سولا خالص كده

سيسيل : والله يا طنط نوجا اسألي ادم شوفي الشغل عامل ازاي ربنا وحده اللي يعلم والله انا

بقي راجعه مش شايفه قدامي

اسماعيل : يا حبيبتي ربنا يوفقك عايزين نسمع اخبار جديدة بقي

سيسيل : دعواتك يا عمو

رودينا : مجيتكم مش مرتحالها شكلكم وراكوا مصيبه

سيسيل : احنا غلطانين انا بنعبرك اصلا .. مش جاينك اصلا جاين لطنط وعمو اطلعي انتي

منها

بدأ الجميع في الضحك فها هي سيسيل عندما توجد في مكان ينقلب الي الفرح بشقاوتها

اسماعيل : يارب يدوم الضحة يا سولا

سيسيل : يارب يا عمو .. فين ادم صحيح

رودينا : عند اللي ما تتسمي

سيسيل باستغراب : مين دي

اسماعيل وهو ينظر نظرة ناريه لرودينا : عند ريم

سيسيل بحزن : وليه يا دودو اللي ما تتسمي مش خطيبته المفروض تحترمها مش كده

رودينا بغیظ : ما علينا علشان ما اغلطش فيكي قومي انتي وهي ندخل اوضتي علشان اقررکم

جاينن ليه

ايات وهي تضربها ع رأسها : قومي يا خنيقه

دخلوا جميعا الي غرفه رودينا وجلسوا علي السرير

رودينا : قري انتي وهي خير

سيسيل : ادم عيد ميلاده الاسبوع الجاي وجاينك نتفق معاكي هنعمل ايه

رودينا وهي تنظر لسيسيل نظرات غير مفهومه : وانتي تعمليله ليه ما ست الحسن تعمله

سيسيل بحزن : تصدقي انك رخرة انا نفسي افرح ادم واعمله عيد ميلاد انا بقالي كثير

محضرتش عيد ميلاد ادم

رودينا : انا مش فهماكي انتي عايزة توصلني نفسك لفين اخويا ميستاهاش حتي انك تفكري فيه

سيسيل بغضب : رودينا كفايه بقي ادم ميستاهاش مننا كده سعادتته هي سعادتتي حتي لو انا

هموت انتي فاهمة ولا لاء ومش هسمحك تقولي كلمة عليه تاني

رودينا وهي تقترب من سيسيل وتربت علي كتفها : انا خايفه عليك مش عايزاكي تتجرحي

علشان هو يبقي مبسوط

سيسيل : انا راضيه يا رودينا بس ما ابقاش انا سر تعاسته انا مش عايزة حاجة غير اني

اشوفه سعيد وبس

رودينا : ياريتته يفهم ده

ايات : خلاص بقي يا رودينا احنا نعمل اللي سولا هتطلبه مننا بس

رودينا : حاضر يا سولا .. انتي عايزانا نعمل ايه

سيسيل : لازم نشوف مكان ونحجزه وبعد كده نظبط كل حاجة

رودينا : ماشي

سيسيل : اكرر مكان ادم بيرتاح فيه كوستا

رودينا : كوستا اللي في استانلي

سيسيل : اه

ايات : وانت عرفتني منين

سيسيل : ادم لما بيبقي متضايق بيروح هناك

رودينا : واحنا هنعمل ايه

سيسيل : هتوضبوا معايا كل حاجة لانكم عارفين اني مابفضاش خالص وبرجع متأخر

ايات : موافقين طبعاً
رودينا : ومين هيدفع
سيسيل : انا متقلقيش مجهزة كل حاجة بس بشرط
رودينا : خير
سيسيل : ادم ميعرفش ان انا اللي عامله عيد الميلاد ده
رودينا : امال مين
سيسيل : انتي
رودينا : طب ليه
سيسيل : كده من غير اسأله
رودينا : موافقه بس بشرط
سيسيل : ها
رودينا : مش هنعزم الخنيقه اللي اسمها ريم دي
سيسيل : انتي حرة اعزمي اللي انتي عايزاه
رودينا بفهم : فهمت .. كده اتفقنا هننزل امتي
سيسيل : قومي البسي علشان نروح نحجز المكان
رودينا : اوك

مرت الايام فكانت ليس بها ما يحكي كانت سيسيل بين المستشفى وتحضير حفله عيد الميلاد
وفي يوم عيد الميلاد صباحاً
جاءت سيسيل الي المستشفى مبكرة عن موعدها ووضعت باقه من الزهور البيضاء في مكتب
ادم وهي في طريقها الي غرفه تبديل الملابس قابلت ادم
ادم : صباح الخير يا سولا
سيسيل : صباح النور .. كل سنه وانت طيب
ادم بفرحة : وانت طيبه تعرفي انك الوحيدة اللي افكرتي عيد ميلادي
سيسيل : تفكر ان ده يوم ممكن يتنسي
ادم : ربنا يخليكي يا سولا
سيسيل : ويخليك يارب .. انا بقي هروح اغير علشان دكتورة سحر
ادم : ماشي
ذهبت سيسيل الي غرفه الملابس بينما ذهب ادم الي غرفته ووجد باقه من الزهور البيضاء
التي يعشقها ومرفقه معها بطاقة مكتوب بها " ستبقي حبيبي حتي وان لم تكن نصيبي .. كل
عام وانت يا حبيبي حبيبي "
فرح جدا بالورد واعتقد انها ريم من بعثت له تلك الباقه ذهب اليها مسرعاً فكانت ريم تقف مع
سيسيل في غرفه الملابس
ادم بفرحة : ريمو ميرسي يا قلبي ع الورد
ريم باستغراب : ورد ايه

ادم بدهشه : مش انتي اللي جايبه الورد اللي في مكتبي

ريم : انا هجيب ورد بمناسبة ايه انا مجبتش ورد

ادم بحزن : بمناسبة ايه

سيسيل وهي تنظر لادم بعتاب وتنظر الي ريم : انهاردة عيد ميلاد ادم يا ريم

ريم : والله كل سنه وانت طيب يا ادم

ادم وهو ينصرف : وانت طيبه

سيسيل : ازاي متفكريش عيد ميلاد خطيبك

ريم : ماجاش في بالي

سيسيل : اوك

ذهبت سيسيل الي ادم لتطيب خاطرة

سيسيل : معلىش بقي يا دوما متزعلش منها يمكن بس مخدمتس بالها من التاريخ

ادم بجده : لو سمحتي يا سيسيل متدخليش مالكيش دعوة انتي

سيسيل والدموع تتحجر في عيناها : انا اسفه بعد اذنك

ادم وهو يقوم ممسكا يدها : انا اللي اسف انتي مالكيش ذنب

سيسيل وقد هربت من عيناها دمعه : ولا يهملك لو مش انا استحملتك مين هيستحملك

ادم وهو يمسح دموعها : يارب اموت قبل ما اكون سبب في الدمعه دي

سيسيل : كلي فداك يا ادم مش بس دموعي

ادم : لو سمحتي انهاردة عيد ميلادي ومش هسمحك تقولي ادم دي انهاردة خالص

سيسيل وهي تضحك : ماشي يا دوما

ادم : ايوة كده ناس متجيش الا بالعين الحمرا .. يلا يا دكتور ع شغلك

سيسيل : حاضر يا دوما

ذهبت سيسيل الي عملها بينما جلس ادم علي مكتبه يتفقد البطاقه المرسله ويشم رائحة الورد

الذي يعشقه وقرأ الكلمات ومرة واثنان وعشر

ادم : " ازاي فكرت في ريم .. دي بتقولي ستبقي حبيبي حتي وان لم تكن نصيبي .. ياتري مين

دي اللي عارفه كل حاجة عني وبتحبنى كده "

ولكن قطع تفكيره نداء احدي الممرضات له

ذهب ادم لممارسه عمله ونسي ان اليوم عيد ميلاده

مر الوقت سريعا وجاءت رودي ايات الي سيسيل المستشفى ليأخذوها لكي يذهبوا الي

الكوافير وقابلت رودي

ريم : ازيك يا رودي

رودي : انا تعطيها وجه : كويسه .. يلا يا سولا هنتأخر

سيسيل باستعجال : باي يا ريم

ريم : باي

ذهبوا البنات الي الكوافير وفي تلك الاثناء

دخلوا البنات ارتدوا ملابسهم وظلوا منتظرين عوده ادم ويوسف من صلاه الجمعة وعند عودة يوسف وجد الفتاتين منتظرينه
سيسيل وايات : احنا جاهزين
يوسف : ع فين ان شاء الله
سيسيل : مش قولتوا هتخرجونا
يوسف : يلا يا ماما مفيش خروج انا تعبان وعايز انام
سيسيل بحزن : كده يا جو
يوسف : يا بت مبياكلوش معايا الجو ده بلاش شغل امينة رزق ده
سيسيل وتجمعت الدموع في عينيها : ماشي
دخلت سيسيل الي غرفتها وبدأت تهبط منها دموعها في صمت فكانت لا تريد سوي ان تقضي اليوم مع ادم فلماذا يحرموها من كل شئ تحبه فلماذا يمنع القدر عنها كل اللحظات التي تتمني ان تعيشها وسمعت نداء رودينا لها وخرجت الي الشرفه
رودينا : اتأخرتوا كده ليه
سيسيل : مش هنخرج يا رودي
رودينا : ليه ان شاء الله
سيسيل بحزن واثار البكاء علي وجهها: يوسف مش موافق
ادم بحدة: هو بمزاجة ولا ايه.. ثم قال بصوت حاني وبعدين لسه متخلقش اللي يخلي سولا تعيط انتي فاهمة ولا لاء لو هو مش هيخرج انا هخرجكم
نظرت له رودينا نظرة متفحصه ثم نظرت الي سيسيل التي ذابت عشقا
سيسيل بعد ان سيطرت علي نفسها : معلش يا ادم ممكن يكون تعبان ولا حاجة
ادم : تعبان يقعد هو انما انا مش هتنازل عن خروجة انهاردة انا جايلكم
بعد قليل سمعت سيسيل صوت دق الباب وخرجت الي الصالة وجدت ادم يمسك يوسف ويشده الي الداخل
ادم : يلا ياوض البس مش هتعمل علينا ظابط
يوسف باحراج : الله يخربيتك اخرجتني اعلمي قيمة في المكان طيب
ادم : ده انت حسابك معايا حساب علشان تبقي انت السبب في دموع سيسيل ممكن تموت فيها
يوسف : دموع سيسيل هي كانت بتعيط بصحيح والله افكرتها شويتين من الشويات بتوع امينه رزق
ادم : يلا وبطل استظراف .. وانت اداخلي اغسلي وشك
سيسيل بفرحة : حاضر
دخلت سيسيل لتزيل اثار البكاء واعدلت من هدامها واكلت ارتداء ملابسها وخرجت لهم مرتديه بنطال من الجينز الضيق " سكينى " وجاكت من الجينز القصير باللون الاسود وتوب احمر وكانت ترتدي بوت طويل باللون الاحمر وسكارف من الصوف باللون الاحمر حول رقبتها وكانت تضع علي رأسها شابوة من الصوف من نفس لون الاسكارف " ايس كاب "

نظر لها ادم بانبهار من تلك الملابس التي ترتديها فكانت في قمة الرقة والبراءة نظر لهم
الجميع باستغراب ونظرت له رودينا بتعجب من تلك النظرات
رودينا : مش يلا ولا ايه

افاق ادم من شرودة علي كلمة اخته : اه يلا

هبطوا جميعا الي اسفل واستقلوا سيارة ادم وكان ادم يختلس النظر من حين الي اخر لسيسيل
في المرآة وكانت تأخذ بالها رودينا من تلك النظرات الغريبه
رودينا : صحيح يا دوما معزمتش ريم ليه معانا ده انت كنت زعلان اوي علشان انا معزمتهاش
في عيد الميلاد

ادم بلا مبالاه : عادي كبري دماغك ومغيرا سياق الحديث انتوا مقولتوش هتروحوا فين
سيسيل : عايزين نروح الملاهي

يوسف : ملاهي ايه بس هو احنا اطفال علشان نروح ملاهي

ادم : اتلهي انت هنروح الملاهي علشان خاطر سولا بس
يوسف : يا واد حنين

ايات وهي تغمز لرودينا : يا بختك يا سولا كلهم مهتمين بيكي لكن احنا في الزباله

رودينا : ع رنيك وهي تهمس لايات هو فيه ايه

ايات بصوت هامس : مش عارفه ملاحظه اللي انا ملاحظاه

رودينا : اها الموضوع في ان

ايات : بعدين نبقى نشوف الموضوع ده

ذهبوا جميعا الي مدينة الملاهي وكان الكل يضحك من قلبه ولكن كان هناك اثنان كانت النظرات

بينهم خير من الف كلام

ايات بصوت هامس : انا مش فاهمة حاجة

رودينا : وحياتك ولا انا بس خلينا نشوف ايه اللي هيجصل

ايات : انا خايفه ع سيسيل انا ما صدقت انها رجعت بتاعه زمان

رودينا : يمكن اخويا يكون فاق وعرف اللي بتحبه بجد مين

ايات : انا مش مطمئه وخايفه يكون واخذ سيسيل كوبري علشان ريم تغير

رودينا : ادم عمره ما كان كده وانتي عارفه كده كويس

ايات : انا خايفه ع سيسيل وبس

رودينا : ادم لو فكر يأذيها انا اللي هفقله مش حد تاني

ايات : طب يلا علشان محدش ياخذ باله

ادم : ها يا سولا تحبي تروحي فين تاني

يوسف : هو مفيش غير سيسيل ولا ايه ماتاخذ رأي البشر اللي معاك طيب ويبقي رأي اغلبيه

رودينا : يا بختك يا سولا حد عاملك اعتبار يا عيني عليا الا ما سنلني حتي عامله ايه

ادم : البس يا عم

يوسف : هو انا ليا غيرك برضه تحبي تروحي فين يا حبيبتي

رودينا : طيب طيب

صعد الجميع ودخلت رودينا الي غرفه ايات وسيسيل وجلست ع السرير
سيسيل : عايزة اعرف مبرر واحد للي انتي عملتية انهاردة مع ريم في التليفون
رودينا : انتوا ليه محسني اني عملت جريمة واحدة بتقولي هو فين قولت لها احنا بره مش هو
مش عايز يكلمها خلاص هو حر وانا مكذبتش

ايات : اسلوبك كان غريب يا دودي

رودينا : بت انتي اعتقد انك لاحظتي نظرات ادم وانتي يا ست سيسيل عنيني فضحاكي وهو
اكثر منك وهي بقي لازم تفهم انها غير مرغوب فيها معانا
سيسيل باستغراب : انتي بتقولي ايه

رودينا : فهميها يا ايات اقصد ايه وقولها ادم كان يببصلها ازاي اظاهر ان الاخت مبقتش
بتشوف ده الغبي يفهم نظرات ادم

ايات : رودينا ادم خاطب احنا مصدقنا خلصنا من الموضوع ده

رودينا : لاء مخلصناش علشان محدش عارف ادم زي انا
سيسيل : انا مش فاهمة حاجة منكم انا مش عايزة اتعلق بأدم تاني انا وادم اصحاب وانتي كده
بتبوظي علاقتي بيه انا مستحيل ابني سعادتني علي سعاده ريم انا اخترت اني ابقي معاهم
صديقه لكن مفرقش بينهم

رودينا : والنبي بلاش التضحيه دي اوي وبلاش دور العبط ده خليكي واقعيه شويه

سيسيل : انتي اللي خليكي واقعيه ادم خاطب ومش خاطب اي واحدة خاطب واحدة قريبه مني
صحبتني ومينفعش اخونها

رودينا : ماشي يا سيسيل احنا عايشين لحد ما نشوف ايه اللي ممكن يحصل بس هفضل عند
مبدأي انها لازم تفهم انها غير مرغوب فيها وسطنا

سيسيل : بلاش الاسلوب والطريقه دي مش علشان هي مش ع مزاجك تعملي كده

ايات : يا جماعه استهدوا بالله بلاش خناق ع حاجة تافهه

رودينا : لاء مش تافهه بس اظاهر ان سيسيل باعت القضييه خلاص ورضيت تعيش دور
الضحيه

سيسيل وبدأت دموعها تنهمر منها رغما عنها : والمفروض اعمل ايه احارب اثنين بيحبوا

بعض ومخطوبين علشان انا ابقي مبسوطة تفتكري اني لو خليتهم تعسا هحس بالسعاده انا

ضحيت ورضيت باللي ربنا كتب هولي علشان اعرف اعيش رضيت بانني اشوفهم مع بعض

واتحمل واسكت علشان بس ابقي جمبهم محدش حاسس بيا ولا باللي بيحصلي لما بشوفهم

سوا ولا بسمع كلامة ليها بس اعمل ايه لو بايدي حاجة اعملها ممكن اعملها لكن كله اني

اخلي ادم تعيس في داهيه سعادتني في داهيه اي حاجة الا اني ابقي السبب في حزن ادم عمركم

ما حد هيحس بيا ولا حد هيفهمني

اقتربت منها رودينا وايات وضموها اليهم

رودينا : انا اسفه يا سيسيل بس غصب عني عندي احساس كبير ان ادم بيحبك بس مش فاهم

اللي جواه او متلخبط ادم عمره ما جرح حد حاسه لما بيبي معاكي بيبي انسان تاني لما بشوفوه وهو بيكلمها واشوفه وهو معاكي فرق كبير اوي في المعامله سيسيل : انا اللي بشوفهم سوا وانا اللي اقدر افرق في المعامله ادم بيعاملني عادي جدا هي خطيبته وانا سيسيل اللي متربيه معاه عرفتي الفرق رودينا : يمكن .. متزعلش مني يا سولا انا اسفه والله غصب عني بس انا نفسي اشوفك مبسوطة وانا عارفه ان سعادتك الحقيقيه مع ادم مش حد غيره سيسيل : علشان كده مش عايزه حاجة غير اني ابقى جمبه حتى لو هاخذ دور الضحيه او مجرد متفرجة بس كفايه اني ابقى جمبه رودينا : ربنا يسعدك .. انا همشي تصبوح خير سيسيل : متزعلش مني يا دودو رودينا : عمري ما ازعل منك ابدأ .. يلا سلام ايات وسيسيل : سلام

ظلت سيسيل مستيقظة طوال الليل تفكر في كلام رودينا فهي ايضا تشعر بالحب في قلب ادم لها عندما يكونوا بمفردهم ولكن ماذا يختبئ في قلب ادم تجاه سيسيل وماذا عن ريم فهل تخون صديقتها فهل تكون هي سبب تعاستها كل هذه الاسئله دارت بخلد سيسيل حتى غلبها النوم في صباح اليوم التالي استيقظت سيسيل ودخلت الي المرحاض واخذت حماما دافئا وارتدت ملابسها المكونة من بنطال جينز سكينى باللون البيج وتوب باللون البنى وجاكيت جلد باللون البيج وسكارف حول رقبتها من الصوف باللون البنى وتركت شعرها ينساب وتركت غرتها تزين وجهها مع قليل من مستحضرات التجميل لتضفي علي بشرتها البرونزيه وهبطت الي اسفل لتذهب الي المستشفى

وكانت تسير علي كورنيش البحر ولكن اوقفها احد ينادي عليها نظرت ورائها لتجد ادم ادم : هتروحي لوحدك مش كنتي استنيتي روحنا سوا سيسيل : ما انا مش عارفه مواعيدك

ادم : ما شي .. بس قوليلي هو انتي مالك بتحلوي كل يوم كده سيسيل بخجل : انا اصلا حلوة ادم بضحكة : ماشي يا عم

ساروا معا في طريقهم الي المستشفى وكان الضحك هو رفيقهم طوال الطريق دخلوا معا الي المستشفى ولكنهم قابلو ريم ريم : صباح الخير ازيك يا ادم ازيك يا سيسيل سيسيل بشئ من الاحراج : الحمد لله

ريم : وانت يا ادم

ادم : تمام الحمد لله

ريم : اتصلت بيك امبارح رودينا مقالتكش

ادم : لاء قالتلي بس مفضتش يلا انا هروح اشوف شغلي سلام

ريم بحزن : سلام

سيسيل : معلى يا ريم هو اكيد بس زعلان منك علشان مفكرتيش عيد ميلاده

ريم : يعنى هي دي معامله طيب

سيسيل : معلى بقي حقك عليا انا.. انا هكلمه

ريم : ماشي

سيسيل : يلا بقي نغير علشان دكتوراة سحر

ريم : ماشي بس تحكيلي خرجتوا عملتو ايه امبارح ورحتي فين يوم الخميس

سيسيل تذكرت انها لم تقل لها علي حفله عيد الميلاد

بدأت سيسيل تسرد لها ما حدث في الامس ولكنها لم تقل لها علي حفله عيد الميلاد حتي لا تغضب منها ثم بدأو في ممارسه عملهم وذهبت سيسيل الي ادم ودقت ع باب مكتبه حتي اذن لها بالدخول

ادم : تعالي يا سولا

سيسيل بعد ان جلست : بص بقي ريم زعلانه وبصراحة الموضوع مش مستاهل من امتي انت بتهتم بالشكليات دي

ادم وهو ينظر الي باقه الورد الموضوعه علي المكتب : شوفتي البوكيه ده حد بعتهولي وانا معرفش مين افكرتها ريم فرحت جدا بس لما لاقيتها حتي مش عارفه عيد ميلادي امتي اتضايقت جدا انا مش تافه ولا سطحي بس ده اول عيد ميلاد ليا معاها المفروض انها تفتكره سيسيل وهي تنظر الي باقه الورد : " معقول معرفتش من مين .. مش عارف مين اللي يعرف عنك كل حاجة .. نسيت لما كنا بنمشي ع الكورنيش واقطفلك اي وردة بيضا واديهالك .. معقول نسيت يا ادم " مايقاش قلبك اسود بقي وموضوع وعدي متكبرهاش

ادم : علشان خاطرك بس

سيسيل : يعنى صافي يا لبن

ادم : حلييب يا قشطة انت يا عسل

سيسيل وقد توردت وجنتيها من الخجل : طب يلا تعالي بقي قولها خلاص صافي يا لبن

ادم : كمان عايزاني انا اللي اروحلها

سيسيل : بطل بقي مش مهم مين اللي يبدأ المهم انها تحصل

ادم : ماشي علشان خاطرك برضه يلا

ذهبت سيسيل برفقه ادم كانت تسير بجواره كان قلبها يتمزق من الداخل ولكن يجب عليها ان توفق بينهم فهي اختارت تلك المهمة الصعبه ويجب ان تؤديها علي اكمل وجه ومهما كانت عواقبها

عندما كانت تسير مع ادم استوقفهم رامي

رامي متجاهلا ادم وموجها كلامه الي سيسيل : سيسيل عايزك معايا

ادم وهو ينظر الي رامي نظرات متفحصه : طب مش تشوفني الاول محتاجها ولا لاء

رامي : عندك اكر من متدرب بس انا محتاج سيسيل

ادم بتحدي : وانا برضه عايز سيسيل معايا
سيسيل مقاطعه : خلاص يا دكاترة في ايه روح انت يا دكتور ادم وانا هخلص مع دكتور رامي
واجيلك

ادم وهو ينظر لرامي بعصبيه : ماشي يا سيسيل
ذهب ادم الي ريم وتصافوا وذهبت سيسيل مع رامي وبدأت تمارس عملها مع رامي الذي كان
متضايقا من ادم فهو يغير علي سيسيل عندما تكون مع ادم لا يعلم لماذا يقلق من ادم ... في
اثناء فترة الراحة اليومية طلب رامي من سيسيل ان تتناول معه وجبه خفيفه في كافيتريا
المستشفى وقبلت سيسيل وذهبوا سويا الي الكافيتريا وجلسوا حول الطاولة بعد ان احضروا
وجبتهم

رامي : تعرفي ان ليكي مستقبل حلو في الجراحة انتي شاطرة جدا وبتتعلمي بسرعه
سيسيل : دي شهادة اعتر بيها من جراح زيك
رامي : انا بتكلم بجد ع فكرة مش مجامله شغلنا مينفعش فيه مجاملات بس مش عايز كلامي
ده يخليكي تتراجعي لورا انا عايز دايمًا تقدم
سيسيل بابتسامه رقيقه : ان شاء الله اكون عند حسن ظنك
في تلك الاثناء دخل ادم وريم الي الكافيتريا ووجد سيسيل تجلس بمقابل رامي وتبتسم له
غضب جدا من تصرفها هذا لا يعلم لماذا كل هذا الغضب عندما رآها في ذلك الموقف ولكنه
حاول ان يظهر طبيعيا

جلس ادم وريم حول الطاولة ولكنه لم يكن مع ريم فنظراته مصوبه تجاه سيسيل ورامي
ريم : ادم
ادم : هه

ريم : هه ايه انت مش معايا خالص

ادم : معلىش يا ريم هي سيسيل ع علاقه برامي

ريم : معرفش بس بتسأل ليه

ادم : اصل شايفهم منسجمين مع بعض اوي وكأن مفيش حد حواليتهم

ريم : انا شايفه انهم قاعدين عادي يعني مش او فر

ادم بحدة : انا هستني لحد ما يبقي او فر ولا ايه

ريم : بالراحة يا ادم في ايه انت مهتم اوي كده ليه كل واحد حر في تصرفاته

ادم : لاء مش حرة سمعتها من سمعتي وامانه في رقبنا كلنا انتي ناسيه سيسيل تبقي مين ولا
ايه

ريم : لاء مش ناسيه بس متخفقش عليها كده انسانه وليها مشاعر ممكن تكون فيه حاجة
بينهم

ادم بعصبيه : يعني ايه حاجة بينهم وانتي فاكرة ان انا لو بس حسيت اني في حاجة بينهم
هسكت ده انتي تبقي بتحلمي

ريم : ادم طب بلاش عصبيه انا مش عارفه انت عامل كده ليه

ادم شعر بانه انفعول زياده عن اللزوم وبتأ يهدأ من نفسه : انا ماشي علشان عندي شغل
نظرت له ريم نظرة متفحصه وتركها وذهب الي مكتبه
رامي : يلا علشان نشوف اللي وانا اه صحيح حضري نفسك هتدخلي معايا انهاردة عمليه
هتفيدك كتير

سيسيل بفرحة : ميرسي بجد يا دكتور رامي مش عارفه اقولك ايه
رامي : يلا عدي الجمائل علشان كده انا خدتك انهاردة تكوني معايا طول اليوم لان العمليه دي
هترفع منك كتير

سيسيل : ان شاء الله تكون من انجح العمليات

رامي : يارب ان شاء الله

ذهبت سيسيل مع رامي ولكنها وقفت عندما رأت ريم

سيسيل : قاعده لوحدك ليه

ريم : ادم كان قاعد معايا بس مشي علشان عنده شغل

سيسيل : طيب تمام هروح انا علشان عندي شغل

ريم : اوك

ذهبت سيسيل مع رامي وبتأوا في ممارسه عملهم حتي حان موعد العمليه ودخلت معه
وتعلمت منه كل ماهو جديد ولكنها انهاوا العمليه في وقت متأخر

رامي : سيسيل هوصلك

سيسيل : لا ربنا يخليك انا هاخذ تاكسي

رامي : انا رايح اصلا عندكم هاخذك في طريقي يعني مش رايح مخصوص مش هينفع تروحي

في الوقت ده والدنيا شتا كده حضري نفسك وهستاكي بره

سيسيل : اوك

بتأت سيسيل ملابسها وخرجت لرامي وجدته منتظرها مرتديا بنطال من الجينز وقميص ابيض

وجاكت كلاسيك اسود ورابطا حول عنقه كوفيه من الصوف الاسود

سيسيل : تعرف ان دي اول مرة اشوفك بلبس خروج علي طول شايفاك بلبس المستشفى

رامي بضحة رقيقه : يلا علشان بس تعرفي مش حارمك من حاجة

ضحكت سيسيل ضحكتها الرقيقه المميزة

رامي : مش يلا

سيسيل : يلا

ركبت سيسيل مع رامي وقام بتوصيلها الي منزلها ووقفوا تحت البنايه قليلا

سيسيل : خلاص والله البيت اهو تعالي بقي اشرب حاجة دافيه في الساقه دي

رامي : ربنا يخليكي يلا اطلعي انا مستني لحد ما اطمن انك طلعتي

سيسيل : ماشي سلام

رامي : سلام

كان واقفا في ذلك الوقت ينتظرها فعندما عاد من المستشفى عرف من يوسف انها ستتأخر

اليوم فظل واقفا في الشرفه ينتظرها وراها مع رامي
استشاط غضبا ودخل الي غرفته واغلق الشرفه بشدة
صعدت الي منزلها متعبه مرهقه دخلت الي غرفتها ولكنها دخلت الي الشرفه لتراه ولكنها
وجدت شرفته مغلقة دخلت واغلقت الشرفه وجلست علي فراشها حتي نامت

الفصل الثامن عشر

ستبقي حبيبي

في صباح اليوم لتالي استيقظت سيسيل من نومها مبكرة ودخلت الي المرحاض واخذت حماما
دافئ وادت فريضتها وارتدت فستان قصير اسفل الركبه بقليل من الكاروة الصوف مزيج من
اللونين الرصاصي والموف وارتدت حذاء طويل ذات الكعب العالي " بوت " باللون الموف
ولفت سكرن موف من الصوف حول رقبتها وتركت شعرها منسدل مع قليل من مستحضرات
التجميل التي تبرز رقه ملامحها وانوثتها خرجت من غرفتها لم تجد احد مستيقظا فذهبت تجاه
باب الشقه لتفتحة ولكن استوقفها صوت يوسف

يوسف : صباح الخير

سيسيل : بسم الله الرحمن الرحيم دول بيطلعوا امتي دول

يوسف : ايه يا بت انتي شوفتي عفريت

سيسيل : لاء بس انا لاقيت اوضتك مقفوله قولت تبقي مشيت او لسه نايم

يوسف : لاء كنت في المطبخ بعمل قهوة قايم مصدع

سيسيل : طيب تاخذ حاجة للصداع

يوسف : لاء انا هشرب القهوة هبقي زي الفل .. تعالي هنا

سيسيل وهي تقترب منه : نعم عايز ايه

يوسف وهو يمسخ شفايفها : ايه الراج الثقيل ده امسحي وشك شويه بلاش قلله ادب

سيسيل وهي تبعد يده : بس يا رخم هتبوظلي الميك اب

يوسف : ما يبوظ ولا يتحرق انتي راحة مستشفى مش نادي يلا ادخلي اغسلي وشك

سيسيل وهي تبعد عنه وتجري تجاه الباب وتخرج له لسانها : لاء

ثم تركته وهي تضحك وسارت في طريقها الي عملها حتي وصلت الي المستشفى وقبلت رامي
عند باب المستشفى

سيسيل ببتسامتها الرقيقه : صباح الخير

رامي بوجه مشرق : صباح الورد والفل ده انا ماما داعيالي انهاردة

سيسيل : اشمعني

رامي : علشان اول وش اشوفه ع الصبح كده يبقي وش القمر ده

سيسيل بخجل : ميرسي

راهم آدم وهم يدخلون الي المستشفى سويا ولكنة استشاط غضبا واعتقد انهم قادمين سويا
وكنت سيسيل تبتسم برقتها وعفويته مما اغضب ادم اكثر بكثير

دخلت سيسيل الي المستشفى برفقه رامي ولكنها تركته وذهبت الي غرفه تغيير الملابس
وابدلت ملابسها الي ملابس المستشفى وذهبت الي استقبال الدور تنتظر سحر

جاءت سحر لتبدأ في توزيع المتدربين كان ادم يقف بعيد قليلا

سحر : سيسيل مع دكتور ادم

ولكن جاء رامي ليقطع حديثها : لاء معلى سيسيل معايا انهاردة علشان محتاجها

سحر : مع دكتور رامي يا سيسيل وانت يا طارق مع دكتور ادم وانتوا ورايا

سيسيل وهي تذهب برفقه رامي كان ادم ينظر لهم نظرات غريبه ولكنه كان ساخط علي افعال سيسيل وساخط ع رامي ولكنه افاق من شرودة ع صوت طارق

طارق : يلا يا دكتور

ادم : يلا

بدأ الجميع في ممارسة عمله وكان الكل منشغل

في اثناء النهار كانت سيسيل تسير لمتابعه الحالات التي كلفها بها رامي ووجدت ادم امامها

سيسيل : ازيك يا ادم

ادم وهو ينظر لها بغضب : كويس بعد اذنك

استغربت سيسيل لما فعله ادم فهي لا تعلم ما سر هذه المعامله الجافه معها وانقلب حالها الي الحزن من تلك المعامله

كانت تحاول ان تسأله ماذا فعلت لكي يعاملها هكذا ولكن لم تسنح لها الفرصه بمقابلته .. في اثناء فترة الراحة اليوميه ذهبت سيسيل الي كافيتريا المستشفى ووجدت ريم هناك جلست معها ع الطاولة

سيسيل : ريم هو ادم زعلان مني في حاجة

ريم : مش عارفه ليه

سيسيل : بيعاملي معامله وحشه اوي ومش عارفه سببها

ريم وهي تضغط علي جبينها وتغلق عيناها بقوة : مش عارفه

ولكن بدأت تغلق عيناها بشده وتضغط علي جبينها بشدة اكثر

سيسيل بخوف : ايه ياريم في ايه مالك

ريم : لاء ولا حاجة شويه صداع بس

سيسيل : انتي لازم تكشفي يعني هو باب النجار مخلع تعالي نخلي دكتورة سحر تكشف عليكي
وتعملي التحاليل اللازمة

ريم : انتي هولتي الموضوع كده ليه ده حبه صداع مسكن وهيروح

سيسيل : بس ده بيجيلك كثير اوي وزاد اليومين دول

ريم : بس علشان ضغط الشغل مع البيت وانتي عارفه ان كمان بنجهز فكل ده فوق دماغي
ومش بنام كويس

سيسيل بحزن : ربنا يكرمك يا حبيبتي

ريم : ويكرمك يارب يلا انا هروح اشوف اللي ورايا

سيسيل : اوك

بدأو في ممارسه عملهم من جديد ولا تستطيع ان تتحدث مع ادم فهو لم يعطها الفرصه للتحدث
معه

كانت الايام تمر وكانت معامله ادم لسيسيل تسوء يوما بعد يوم وذلك لتقرب رامي من سيسيل
بشكل واضح وكان رامي يقوم بتوصيلها كل يوم بعد الانتهاء من ميعاد المستشفى

وفي يوم اجازة سيسيل كانت تجري ع الكورنيش في الصباح الباكر مرتديه بدله رياضيه
وحذاء رياضي وكانت تضع سماعه الاي بود في اذنيها ولكن استوقفها حديثه

في صباح اليوم التالي كانت تذهب الي عملها ولكن كان قلبها يبكي من معاملته لها فهي لم تعلم ماذا هي بفاعله لتستحق كل هذه المعاملة دخلت الي المستشفى وبدأت تباشر عملها وفي وسط النهار ذهبت اليه في غرفته ودقت الباب واذن لها بالدخول

سيسيل : دكتورة سحر قالتلي اشوفك لو محتاج متدربه

ادم بلا مبالاه وينظر في الورق الذي امامه : لاء مش عايز

سيسيل بحزن : هو انت ليه بتعاملني كده

ادم وهو ينظر لها بغضب : علشان بس توفري مجهودك لرامي

سيسيل وهي تنظر له باستغراب : رامي ماله رامي

ادم بعصبيه : والله اسألني نفسك يا انسه وشوفي تصرفاتك وعلاقتك معاه عامله ازاى

سيسيل بحزن ودموع متحجرة في عينيها : مكنتش متخيله انك تكون فاكرنى كده وبدأت دموعها تنزل منها رغما عنها وتركته وذهبت

ذهبت بعد ان حطمها وكسرها واهانها فكيف لك ان تتخيل انى احب غيرك فكيف لك تطعن في اخلاقي وتفكر مجرد التفكير ان اكون علي علاقه باحد تغيرت يا ادم واصبحت لا تعرفني اين ادم الذي كان دائما بجواري سندي وحياتي كيف لك ان تقول عني هذا وانا من ضحت بسعادتها من اجلك لا يمكن ان اكون معك في مكان واحد بعد اليوم فقطعت بيدك كل شئ فحطمت كل شئ لك بداخلي

دخلت الي المرحاض وبدأت تبكي علي سنوات عمرها الفائته فكيف له ان يتخيل مجرد تخيل تلك الكلمات التي قالها لا يعلم انه بتلك الكلمات ذبحها بسكين بارد في قلبها وبدأت تبكي ويعطو صوت نحيبها وبكاها ولكن جاءها استدعاء مما جعلها تجفف دموعها وتزيل اثار البكاء وتذهب الي سحر

كانت تعمل ولكن بشرود تام في كل ما يحدث وكل ما حدث ولكن جاءت في رأسها فكرة ويجب ان تنفذ في اقرب فرصه

سحر : سيسيل ركزي

سيسيل بحزن : انا اسفه

في اثناء الراحة ذهبت سيسيل الي مدير المستشفى دخلت سيسيل بعد ان استأذنت وجلست امام مكتب المدير

سيسيل : انا جايه لحضرتك انهاردة طالبه نقلي لاي مستشفى تانيه في القاهرة

المدير : انتي متدربه جديدة صح

سيسيل : اه بقالي حوالي 6 شهور

المدير : للاسف مينفعش انتي تكليفك هنا ومينفعش تنتقلي غير بعد مرور سنه ع الاقل

شعرت سيسيل بالاسف والحزن علي حالها فلماذا يقف القدر دائما امام رغباتها وتحجرت الدموع في عيناها استأذنت وخرجت والحزن يغم ع وجهها ولكن رآها رامي

رامي : مالك يا سيسيل في ايه وكنتي عند دكتور عادل بتعملي ايه

سيسيل بحزن وتطأ رأسها الي اسفل : مفيش حاجة بعد اذنك

ولكن استوقفها رامي وشد علي يديها : استني يا سيسيل مالك في ايه حد مزعلك حد اذكي في حاجة

سيسيل : لاء

رامي : امال كنتي عند دكتور عادل ليه

سيسيل : كنت بطلب نقلي

رامي باستغراب : نقلك .. فيه حد مزعلك

سيسيل بعصبيه : هو لازم اكون زعلانه من حد عايزة امشي من هنا اهلي وحشوني مش من حقي اشوف اهلي

رامي استغرب لعصبيتها : سيسيل ممكن تهدي بس واخذها بعيدا .. في ايه مالك بالراحة بس

سيسيل : مفيش حاجة يا دكتور انا اسفه انا بس اهلي وحشوني وعايضة ارجع اقعد في وسطهم
تاني وحشوني اوي وبدأ يترقق الدمع من عينيها

رامي وهو يمسح دموعها : اوعي اشوف دموعك دي تاني انا هتصرف وهاخذك اجازة

سيسيل بفرحة : بجد مش عارفه اقولك ايه

رامي بصوت حنون : متقوليش حاجة كفايه عليا بس اشوف الفرحة دي في عنيني .. 3 ايام
حلوين

سيسيل : 3 ايام بس خليه اسبوع

رامي : مع ان المستشفى مش هيبقي ليها طعم ولا شكل بس علشان خاطرك كله يهون .. انا
هدخل اكلم دكتور عادل

سيسيل: متشكرة اوي يا دكتور رامي

رامي : رامي بس لو سمحتي

سيسيل : ماشي يا رامي

نظر لها رامي نظرة مليئه بالحب ودخل الي مدير المستشفى واخذ لها اجازة لمدته اسبوع
وخرج لها والحزن علي وجهه

رامي بحزن : للاسف

سيسيل بحزن : موافقتش

رامي : للاسف وافق

سيسيل : اخص عليك خضتني .. للاسف ليه بس ده جميل عمري ما هنسأهونك ابدا

رامي : اخص عليكى جميل ايه بس هو احنا في بينا الكلام ده انتي تؤمري وانا عليا التنفيذ

سيسيل : الامر لله

رامي : طب يلا بقي من غير مطرود روي غيري هدمك علشان تلحقي تسافري في النهار

سيسيل : هي الاجازة من انهاردة

رامي : الاجازة من بكرة بس روي انتي عقبال ما استأذنك من سحر وابلغها باجازتك

سيسيل بفرحة : بجد مش عارفه اقولك ايه

رامي : ولا حاجة وبطلني رغي بقي ولا ارجع في كلامي

سيسيل : لالالالالا خلاص هروح اهو

ذهبت سيسيل لتغيير ملابسها وذهبت الي سحر لتستأذن منها ووافقت سحر وغادرت المستشفى دون ان يعلم احد وعادت الي المنزل وقالت لخالتها انها ستسافر الي القاهرة لمدة اسبوع

حنان : هتسيبينا اسبوع يا سولا بعد ما اتعودنا عليكى ومبقناش قادرين ع فراقك

سيسيل : وانتوا هتوحشوني والله يا خالتو بس هاجي ع طول انا عارفه نفسي مش هستحمل اقعد الاسبوع بس بابا وماما وزياد وحشوني اوي

حنان : ربنا يخليهوملك يا حبيبتي وابقي سلميلي عليهم كثير

سيسيل : من عنيا يا خالتو .. بعد ان حضرت حقيبتها خرجت الي خالتها وودعتها

حنان : طب استني لما يوسف يجي يوصلك الموقف

سيسيل : معلىش يا خالتو انا هاخذ تاكسي انا مش ضامنه يوسف وعايزة اروح قبل الليل

حنان : هبقي معاكي ع تليفون

سيسيل : ماشي يا حبيبتي يلا سلام عليكم

حنان : و عليكم السلام خلي بالك من نفسك

سيسيل : حاضر

ذهبت سيسيل دون ان يراها احد او تري احد واوقفت سيارة اجري وكان رامي حدثها في الهاتف ليعلم متي ستسافر واخبرته انها في طريقها الي الموقف عندما هبطت سيسيل من السيارة الاجري وذهبت الي شباك حجز التذاكر

تذكرتك يا انسه

سيسيل وهي تنظر للمتحدث باستغراب : رامي

رامي : بصراحة مكنش ينفع اخلي انسه رقيقه وحلوة كده تسافر لوحدها مكنتش هبقي مطمئن عليها فقولت اهو اتفسح الواحد بقاله كتير مسافرش

سيسيل تنظر له بنفس نظرة الاستغراب ولكنها صامته

رامي : زمانك بتقولي مجنون بس تقولي ايه بقي بصراحة كنت هفضل قلقان عليكي فقولت يا واد سافر معاها وارجع بكرة واهو اشوف اصحابي اللي مشوفتهمش من زمان

سيسيل : انت ليه اصحاب في القاهرة

رامي : اه كتير كمان

سيسيل : القاهرة هتنور

رامي : هتنور باهلها بس لو قعدنا نرغي كده كتير مش هنلحق الباص يلا بينا

سيسيل : يلا

سيسيل : بجد ميرسي اوي ليك

رامي : العفو يا جميل انت تؤمر بس

اوقف لها رامي سيارة اجري وودعها وظل معها ع الهاتف حتي اطمئن انها وصلت الي منزلها
وعاد هو الي الاسكندريه

في منزل سيسيل بالقاهرة .. فتحت سيسيل الباب بالمفتاح الخاص بها ودخلت الي المنزل
ولكنها لم تجد احدا استغربت سيسيل من عدم وجود احد في المنزل وظلت منتظرة حتي جاءت
امها من الخارج وتفاجئت بها

الام : سيسيل حبيبي وحشتيني كده يا بنت كل ده متشوفيش ماما

سيسيل وهي تعانق امها : انتي كمان وحشتيني اوي يا ماما والله يا ماما الشغل صعب اوي
اعمل ايه بس

الام : يا حبيبي ربنا يكرمك وافرح بيكي بقي بلا طب بلا بتاع

سيسيل : يا سلام يا ست ماما تعبانه انا بقي كل السنين دي علشان بلا طب بلا بتاع

الام : يا حبيبي ربنا يكرمك

سيسيل : ايوة يا ماما ادعيلي كده .. فين بابا وزياد

الام : باباكي عنده شغل وزياد في المكتب

سيسيل : بيرجع متأخر زياد

الام : زمانهم ع وصول متقلقيش

سيسيل : يجوا بالسلامة يارب .. اوضتي وحشتني اوي هروح اطمئن عليها

الام : ماشي يا حبيبي قومي ارتاحي شويه عقبال ما حضر الغدا

وجلست معهم قليلا ثم اخذها زياد ودخلو الي غرفتها وجلسوا ع السرير سويا كما كانوا يفعلون وهم صغار

زياد : ع فكرة شكلك مش مريحني والجو اللي انتي عملتيه بره ده انا فاهمة كويس وعارفك لما بتبقي عايزة تداري حاجة

ارتمت سيسيل في حضن اخيها وبدأت تبكي وتبكي وهو يربت ع كتفها حتي اخرجت كل مافي قلبها من وجع

بعد ان هدأت قليلا

زياد : ممكن تحكي لي ايه اللي حصل مخليكي كده

بدأت سيسيل تقص عليه كل ما حدث ظلت تحكي وتحكي وتعترف بكل ما كان يخفيه قلبها كل هذه المده عن اخوها وكان يسمعها باهتمام فحككت له حبها لادم وخطبته وتعبها حتي رامي قصت له ماذا فعل وماذا قال لها ادم واتهامه لها بانها علي علاقه برامي

زياد : ياااااااه شايه كل ده لوحدك يا سيسيل وانا فين يا حبيبيتي ليه مكلمتيش وقولتيلي محتجالك

سيسيل : انا عارفه اللي وراك الله يكون في عونك واديني اهو جيت حكتك ومستنيه رنيك

زياد : والله يا سولا مش عارف اقولك ايه .. بس من معرفتي بأدم وبعد كل اللي انتي حكته ده .. تصرف ادم تصرف طبيعي بس اللي مش طبيعي هو معاملته ليكي .. ادم لو بيعتبرك اخته كان اتكلم معاكي بهدوء وقدر يفهم منك ايه طبيعه العلاقه بينك وبين رامي بس تصرفه ده فضحه علي ما اعتقد ان دي حاجة من اتنين يا اما غيره يا اما حب امتلاك

سيسيل باستغراب : الاتنين مش طبيعيين لا غيرهه طبيعیه ولا حب الامتلاك طبيعي

زياد : بصي يا سولا يا حبيبيتي ان ادم يغير عليكي عادي احساسه انكم متربيين سوا وخاصة انك كنتي اقرب واحده لادم وكلنا كنا ملاحظين ده ان ادم مش بيرتاح مع حد غيرك كنا بنقول انكم اصحاب قريبين فغيرته تبقي شئ عادي لان احساسه مش عايزك تقربي لحد تاني غيره وهنا يكمن في حب الامتلاك احساسه انك ملكه ومش من حق مخلوق انه يقرب منك

سيسيل : بس دي انانيه يعني هو عايز يخطب وافضل انا قاعده جمبه وماليش علاقه بحد

زياد : هو ده مربط الفرس هو ليه بيفكر كده او ايه اللي جواه مخلي في انانيه معاكي انتي بالذات مع ان المعروف عن ادم عمره ماكان اناني ايه اللي جد عليه او ايه اللي اتغير هو اه ادم طول عمره مش بيخلي حد يقرب منك بس دلوقتي هو خاطب ليه بقي ايه السر هو ده اللي محدش يعرفه غير ادم .. اما بقي تصرف رامي معاكي فهو واضح وضوح الشمس الحب رامي بيحبك يا سيسيل

سيسيل باستغراب : بيحبني

زياد : امال انتي ترجمتي اللي هو بيعمله ده كله ايه ولا حبك لادم عماكي عن اللي بيحبك بجد

سيسيل : مش عارفه يا زياد بس انا حاسه اني

زياد مقاطعا : انك محتاجة اهتمام رامي بيكي بس مش شايفه فيه ادم صح

سيسيل بحزن : للاسف صح

زياد : بس ده اكبر غلط انتي بتتمادي مع رامي ومفيش جواكي اي حاجة تجاهه مينفعش اللي انتي بتعمليه فكري في كلامي كويس علشان مترجعيش تندمي حاولي تفوقي نفسك من وهم اسمه ادم

سيسيل : ياريت اقدر كنت ارتحت من زمان

زياد : انا عارف ان الموضوع صعب بس ع الاقل لازم تحاولي

سيسيل : يارب يا زوز

زياد : ان شاء الله يا حبيبتي يلا نامي علشان بكرة بعد ما ارجع من المحكمه افسحك

سيسيل : ماشي يا حبيبي تصبح ع خير

زياد وهو يغطيها : وانتي من اهله يا حبيبتي

غطت سيسيل في نوم عميق من شده ارهاقها وتعبها

في صباح اليوم التالي في المستشفى كان يقف بعيدا ليراها ولكنه وجد جميع المتدربين ملتفين حول سحر الا هي ووجد رامي يقترب من سحر ويطلب طارق معه طوال الاسبوع استغرب هو لعدم حضورها واستغرب من موقف رامي الذي طلب طارق معه ظل واقفا حتي جاءت له شاهندا

شاهندا : دكتور ادم انا مع حضرتك انهارده

ادم : هي فين سيسيل

شاهنده : سيسيل واخدة اجازة اسبوع

ادم باستغراب : اجازة ليه

شاهند : معرفش هو دكتور رامي امبارح جه واستأذن لها من دكتورة سحر وادها ورقه

باجازتها

ادم بعصبيه : تمام يلا ع الشغل

استيقظت سيسيل في الصباح ودخلت الي المرحاض وازالت اثار النوم وخرجت الي غرفه

الاستقبال وجدت امها جالسه تستحي القهوة جلست بجوارها

سيسيل : صباح الخير يا ماما

الام وهي تضمها اليها : يا صباح الفل علي حبيبه ماما

سيسيل : اخاف اتعود ع الدلع ده

الام وهي تلعب بشعر ابنتها : اتعودي يا حبيبتى عايزة تفهمني ان حنان مش مدلعاكي

سيسيل : دي مدلعاكي اخر دلع .. بس كده يا ماما كل ده محدش يجي يشوفني وانتي من ساعه

خطوبه جو مشوفتكيش خالص

الام : انا عارفه اني مقصرة بس معلش يا حبيبتى انا عارفه انك بتحبي حنان ومش هتحسي

هناك بالغربه انتي عارفه اخوكي وباباكي مبيعرفوش يعملوا حاجة واديكي شايفه الشغل وشغل

البيت انا بس واخدة اجازة ليكي الاسبوع ده علشان اقعد معاكي
سيسيل : ربنا ما يحرمني منك يا ست الكل ابدأ
الام : ولا يحرمني منك ابدأ .. يلا يا حبيبتى قومي اعلمي الفطار بقي علشان تفطري
سيسيل : ماليش نفس والله يا ماما هقوم بس اعلمي كوبايه شاي بحليب
الام : ماشي يا قلبي يلا

ذهبت سيسيل الي المطبخ وصنعت لها كوبا من الشاي بحليب وجلست بجوار امها
الام : صحيح يا سولا نجلاء عامله ايه
سيسيل : الحمد لله يا ماما كلهم كويسين
الام : ابقى سلميلي عليها كتير .. وادم اتجوز ولا لسه
سيسيل بحزن : لاء لسه

الام : عقبال ما افرح بيكي يارب
سيسيل : كل حاجة بتاعه ربنا يا ماما
الام : ونعمه بالله يا حبيبتى
سيسيل : ماما انا عايزة اشترى لبس
الام : ماشي يا حبيبتى بعد الغدا ننزل نشترى اللي انتي عايزاه كله
سيسيل : ربنا ما يحرمني منك ابدأ

مر الوقت سريعا وعاد الاب والاخ الي المنزل وتناولوا وجبه الغداء ونزلت سيسيل مع امها
للتسوق واشترت ملابس كثيرة وعادوا الي المنزل وكانت دائما سيسيل تجلس بحضن اخيها
وتشكي له همها وحالها وهو يسمعها ويحاول ان يخفف عنها
اما ادم فعلم بسفرها وتضايق جدا لانها لم تعد تقول له علي اي شئ فعلم من رامي بسفرها مما
ازعجه اكثر واكثر وكان رامي يهاثفها يوميا ليطمئن عليها مما جعلها تتأكد من حبه لها ولكنها
كانت تحاول ان تتعامل معه عادي حتي لا يتعلق بها اكثر وهي لا تستطيع ان تمنحه قلبها
ولكنها كانت تشعر بان هناك شئ ينقصها لا تعلم ماهو هل هو ادم ام المستشفى وعملها
فتعلقت سيسيل بعملها كثيرا واصبحت تدمنه ولكن كانت لا تريد ان تعود حتي لا تري ادم فهي
اصبحت لا تريد ان تكون معه في مكان واحد بعد ان طعنها فهي استقبلت منه كثيرا من
الطعنات واصبحت لا تستحمل اكثر من ذلك

في احدي الايام كانت تسير سيسيل مع اخوها علي كورنيش النيل وهاتفها يرن
سيسيل : ده رامي

زيد : طب ردي

سيسيل : الو ازيك يا رامي

رامي : مش تمام ع فكرة

سيسيل : ليه خير

رامي : علشان بقالي يومين مسمعتش صوتك ودايما تليفونك مقفول او مش بتردي

سيسيل : معلىش يا رامي انت عارف بقالي كتير مشوفتش بابا وماما فبقعد معاها ومش بهتم

بالتليفون ده خالص

رامي : ولا يهملك انا بس كنت عايز اتأكد انتي راجعه امتي
سيسيل : راجعه بكرة ان شاء الله اريح يوم كده من السفر علشان ابدأ الشغل رايقه

رامي : هتيجي لوحدك

سيسيل : لاء زياد جاي معايا يقعد معانا يوم

رامي : تيجي بالسلامة ان شاء الله هنستناكي

سيسيل : الله يسلمك مع السلامة

رامي : مع السلامة

بعد ان اغلقت الهاتف

سيسيل بدموع : انا خايفه اوي يا زياد رامي معملش حاجة وحشه بالعكس كان دايمًا واقف

جمبي وساندني مش عايزة اجرحة

زياد : بلاش نسبق الاحداث واللي ربنا كاتبه هو اللي هيكون يلا يا دكتورة نرجع الجو سقع

وعندنا سفر بكرة

سيسيل : عارف يا زوز ادم واحشني اوي بس مش عايزة اشوفه خايفه منه يجرحني اكر

ماهو جارحني ساعات ببقى نفسي اقوله بكرهك وساعات ببقى نفسي اترمي في حضنه واقوله

بحبك حاسه اني تعبانه وانا بعيد عنه وتعبانه اكر وانا قريبه منه

زياد : بلاش تفكري كتير لان التفكير الكثير بيتعب

سيسيل : تعبت والله يا زياد ومبقتش قادرة استحمل

زياد : طب يلا يا حبيبتي ولما نروح نتكلم للصبح

سيسيل : ماشي

ذهبت سيسيل برفقه اخوها حتي وصلو الي المنزل وجلست معه ومع والديها طوال الليل حتي

نامت علي الاريقة وحملها اخوها وادخلها علي سريرها

التاسع عشر

ستبقي حبيبي

في صباح اليوم التالي استيقظت سيسيل ودخلت المرحاض واخذت حماما وبدأت في تحضير
حقيبتها واخذت الملابس الجديدة التي اشترتها برفقه امها وبالرغم من وجود سيسيل وسط

سيسيل : ولا انا عايزة اشوفه كفايه اوي كده
ايات : هو ايه اللي حصل خلاكي تسيبي اسكندرية وترجعي القاهرة كده فجأة
سيسيل : سيبك .. وهي تخرج الملابس الجديدة ايه رنيك في ده
ايات : توحفه

سيسيل : ده ليكي

ايات وهي تحتضن سيسيل : ربنا ما يحرمني منك يا احلي اخت في الدنيا

سيسيل : ولا يحرمني منك يارب يا يويا

بدأت ايات تشاهد كل ما اشترته سيسيل وبدأت تساعدنا في توضيب خزانها وخرجوا الي

الردهه وجلسوا سويا وبعد قليل جاء يوسف ودخل ليوفظ زياد من نومة

يوسف : زوز واد يا زوز انت جاي تمام هنا ولا ايه

زياد : يلا ياض من هنا

يوسف : ياض دي اوضتي وانت احتلتها امشي انت

زياد وهو ياخذ الوساده من تحت رأسه ويضرب يوسف بها : طب يلا امشي من هنا

يوسف وهو يجزبه اليه ويأخذه في حضنه : كنت عارف انك هتعمل كده بس سبتك تعملها

علشان وحشتني حركاتك يا جزمة

زياد وهو يربت ع كتفه : وانت وربنا واحشني يا سيادة النقيب

يوسف : كده يا واد كل ده متسألش ع اخوك حتي خطوبتي متجيش

زياد : والله كنت في الصعيد ساعتها انت عارف شغلي كعب داير ع المحاكم واكيد مش هتأخر

عك يا جو بس انت رتبت كل حاجة بسرعه والواحد ملحقش ينسق مواعيده

يوسف : يا حبيبي ولا يهملك كفايه عليا اني شوفتك انهارده والله بالدنيا

زياد : تسلملي يارب واجيلك في فرحك ان شاء الله

يوسف : يارب يا حبيبي وعقبالك بقي

زياد : يارب يا اخويا بس هي فين دي اللي تملك ده وهو يشاور علي قلبه

يوسف : ان شاء الله تلاقيا

وقطع حديثهم صوت حنان من الخارج تنادي عليهم ليتناولوا غدائهم

التفو جميعا حول الطاولة كانوا جميعا يتحدثون ويضحكون وكانوا جميعا يتحدثون الي زياد

وفرحين بوجوده معهم ولكن كانت سيسيل شاردة لم تأكل شئ فكيف لها ان تتعامل معه بعد ان

شك بها واخذ يوسف باله من شرود سيسيل

يوسف : اللي واخذ عقلك ياعم الدكتور

سيسيل وهي تلتفت الي يوسف بابتسامة لتخفي شرودها : سلامتكم

يوسف وهو ينظر لها نظرة متفحصة : طب كلي طبقك منقصش منه حاجة

سيسيل : معلىش مش جعانه بس دلوقتي

زياد : طب قومي اعمللنا الشاي وهاتيه البلكونة بقي

حنان مقاطعه : قومي يا ايات اعلمي الشاي سيسيل لسه راجعه من السفر

كانت هتوصل متأخر فوصلها هو ربنا يحميه

سيسيل : دودو هبقي اكلمك فون بقي علشان اخلص اللي ورايا

رودينا : خلاص هستناكي

دخلت سيسيل دون ان توجه له اي كلمة مما اغضبه اكثر واكثر

ادم وبان علي وجهه الغضب: طيب انا هدخل بقي هشوفك يا زياد

زياد : اكيد ان شاء الله

بعد دخول ادم

يوسف بصوت هامس : هو في ايه ومين رامي ده وازاي يوصلها لحد القاهرة وانت كده عادي

وازاي متتصلش بيا وتقولي حاجة زي دي هو انا مش مالي عينها ولا ايه يا استاذ زياد

زياد : بس بس بس تعالي ندخل الاوضه وانا اشرحك كل حاجة

يوسف : اتفضل قدامي

دخل زياد الي غرفه يوسف وقص له حكاية ادم مع سيسيل وانه اهاتها واعتقد ان هناك علاقه

بين سيسيل ورامي

يوسف بعصبيه : ده ادم زودها اوي بس مش معني ان انا رافض انه اتكلم معاها بالاسلوب ده

يبقي موافق انه راجل غريب يوصلها كل يوم بالليل وكمان يسافر معاها

زياد : انا اتكلمت معاها بس احنا عايزين نحل الموضوع سيسيل متجاهله ادم تماما واكيد كده

هيحس بغلطة

يوسف : وانت زودتها وتقريبا بتقوله اه فيه بينهم علاقه وانا عارف

زياد : انا مكنش قصدي كده انا بس حببت افهم هو ادم عايز ايه من سيسيل بعد ما خطب وع

فكرة انا زعلان منك جدا لانك مجتث حكتلي حاجة وعلي التعب اللي سيسيل شافته

يوسف : احنا كنا جمبها ومكنش فيه داعي اننا نقلب الموضوع كان لازم سيسيل تخرج من

الموقف لوحدتها وقدرت تخرج بس للاسف ادم الغبي بيخسرها مرة بعد مرة

زياد : يوسف لو حصل اي حاجة لسيسيل لازم تقولي ولازم ادم يبعد عن سيسيل . سيسيل مش

حمل كل ده

يوسف : متقلقش اللي هيمس شعره من سيسيل انا ممكن ادخل فيه السجن

زياد : يا سيدي مش عايزينك تدخل السجن بس ع الاقل متخليش حد ياذي مشاعرها

يوسف : متقلقش سيسيل في عنيا

زياد : انا عارف ومطمئن علشان انت معاها

يوسف : بس مقولتليش مين رامي ده

زياد : رامي ده بقي حكايته حكاية وبدأ يقص علي يوسف حكاية رامي مع سيسيل

يوسف : بص يا زياد اختك غلظت انها مجتث حاكتلي كل ده .. ده غير انه كان بيوصلها لحد

هنا كل يوم وانا مش هقبل ده وانك معلقتش علي ده تبقي غلطان

زياد : متنساش ان سيسيل اختي وانا متعود منها ع الصراحة وانا وهي مش بس اخوات احنا

اصحاب ولو كنت قسيت عليها وقولت لها اللي انتي بتعمليه ده غلط مكنتش هتيجي تحكي لي حاجة

انا وجهتها بس باسلوب تاني خليتها تبعد عن رامي بشكل افضل مش بالزعيق ولا بالخناق
يوسف : بص يا زياد انت ليك اسلوب وانا ليا اسلوب وانا لازم اعرف ايه اللي بيحصل بالضبط
في البيت ولازم اعودها انها تحكي كل حاجة والكلام هيبقي قدامك يا زياد
زياد : سيسيل اختك يا يوسف وانت اللي قاعد هنا معاها واللي في مصلحتها اعمله .. يلا نطلع
نشوفهم بيعملو ايه

خرجوا الي الردهة ووجدوا الجميع ملتف حول التلفاز وجلسوا معهم قليلا
يوسف : واد يا زوز

زياد وهو منهمك في مشاهدة الفيلم : هاه

يوسف : موحشتكش اسكندرية وبحري وايام زمان

زياد وهو ينظر ليوسف باهتمام : والله وحشتني

يوسف : طب ما تقوم ننزل بدل القاعده دي

زياد : طيب يلا

ايات : ماتاخدونا معاكم

زياد : لاء هتبقى خروجة شبابي علشان هنعدي ع ادم

ايات : يوووووووو مفيش يوم نخرج ابدأ معاكم

سيسيل : اقعدي شويه وبعدين نبقي ننزل احنا بكرة الصبح

ايات : ماشي مكتوب علينا كده الغلب

سيسيل : يابت اهمدي بقي ده انتي ايه ده رغايه

جلست ايات بجوار سيسيل ودخل يوسف وزياد وارتدوا ملابسهم وهبطوا الي الاسفل ونادو
علي ادم وذهبوا في طريقهم وقضوا وقتا لطيفا سويا ولكن كان ادم يرتسم علي وجهه الحزن
والغضب

اما سيسيل وايات ظلوا جالسين امام التلفاز ولكن سيسيل كانت شاردة ويخيم ع وجهها الحزن

سيسيل : " نفسي اشوفك لانك واحشني مهما عملت فيا هفضل احبك ياريت اعرف ابطل احبك

.. بس حاسه اني موجوعه منك اوي ومش قادرة اسامحك علي سوء ظنك بيا .. نفسي تعرف

ان قلبي عمره ما حب ولا هيحب غيرك يا ادم " ولكن قطع تفكيرها ايات

ايات : ايه يا بنتي انتي روحتي فين

سيسيل : معاكي

ايات : تليفونك بيرن بقاله ساعه

سيسيل وهي تلتقط هاتفها لتري اسم رامي يضى علي الشاشة فتحت الخط

سيسيل : الو

رامي : اقول حمد الله ع السلامة ولا لسه في كايرو

سيسيل : الله يسلمك

رامي : وصلتي امتي

سيسيل : انهاردة الصبح

رامي : حمد الله ع السلامة طب مقولتليش ليه كنت جيت خدتك

سيسيل : ربنا يخليك جيت مع زياد

رامي : نورتوا اسكندرية

سيسيل : منورة باهلها

رامي : انا بس كنت حابب اطمن عليكي واقولك حمد الله ع السلامة

سيسيل : الله يسلمك

رامي : هستناكي يوم السبت في المستشفى

سيسيل : ان شاء الله .. سلام

رامي : سلام

بعد ان انتهت تليفونها خرجت الي الردهة وجدت يوسف وزياد عادوا

زياد : ايه يا مزة كنتي بتكلمي مين

سيسيل وهي تنظر له : ده دكتور رامي

يوسف: مين دكتور رامي

سيسيل : ده استاذي في المستشفى

نظر يوسف الي زياد : لو سمحتي عايزك يا سولا وانت تعالي يا زياد .. دخلوا سويا الي غرفه

يوسف واغلق يوسف الباب .. ممكن افهم بقي دكتور رامي يكلمك ليه

سيسيل : بيظمن عليا

زياد وهو ينظر ليوسف: ايه يا جو

يوسف : معلش يا زياد انت اه اخوها بس انت مسافر وانا هنا اللي قاعد لازم اعرف يه اللي

بيحصل بالظبط مش اعرف زي زي الغريب .. دكتور رامي جوة المستشفى بره المستشفى

مفيش مكالمات الا في الشغل وللضرورة القصوي .. مفيش حاجة اسمها يوصلك .. مفيش

حاجة اسمها اصل انا اتأخرت فدكتور رامي وصلني ده غير انه وصلك القاهرة كمان يعني

سافرتي معاه وده مينفعش

سيسيل وهي دموعها تملأ عينيها : حتي انت بتشك فيا يا يوسف

يوسف بحدة : انا عارف سيسيل متربيه ع ايه وعمري ما اشك فيها .. بس انا معرفش رامي

ومش واثق فيه

زياد : سولا حبيبتي هو مش قاصده .. يوسف خايف عليكي

سيسيل ببكاء : انا عارفه انه خايف عليا بس انا مبعرفش اتصرف معاه انا لما وصلني للقاهرة

انا اتفجئت بيه وقالتي انه رايح القاهرة يشوف اصحابه

زياد : خلاص يا جو بقي

يوسف : ماشي يا زياد .. بس انا لازم اعرف كل حاجة يا سيسيل مش شك فيكي يا حبيبتي

بس ع الاقل مخليش بني آدم يعرف ينطق عليكي كلمة

سيسيل : مين اللي اتكلم عليا

يوسف : انا مش هستني يا سولا لما حد يتكلم عليكي لاني مش هسمح بده .. واللي حصل مش

عايزة يحصل تاني .. يوسف وهو يقترب منها انا عمري قسيت عليك يا سيسيل عمري
زعلتك ولا اتكلمت معاك ع انك طفله
سيسيل : لاء

يوسف : يبقي تو عديني وعد انك تحكي ع كل حاجة واي مشكلة تقف معاك تيجي تقولي
عليها هو انا مش اخوكي ولا اكتفيتي بزياد
سيسيل وهي ترتمي في حضن يوسف وزياد : ربنا يخليكوا ليا يا احلي اخوات
يوسف وزياد : ويخليكي لينا يا حبيبتي
زياد : يلا بقي امسحي دموعك دي مش عايز اشوفها تاني وتسمعي كلام يوسف
سيسيل : حاضر

جففت دموعها ودخلت الي غرفتها والقت بجسدها النحيل علي فراشها وبدأت تبكي في صمت
زياد : انا بجد مش عارف اقولك ايه يا يوسف بجد شاييل حمل كبير
يوسف: حمل ايه بس سيسيل دي عندي اغلي من ايات واللي يمسه يمسنني انا بس مرضتش
كمان اسألها ادم قالها ايه علشان متعرفش انك حكنتي هي لو عايزة هتيجي تحكي من نفسها
زياد : ربنا يخليك لينا يا جو كنت دايم اخ اكبر لينا كلنا
يوسف : يلا علي الله يطمر بس
زياد : تصدق يا ص انك متستاهلش
يوسف : يلا يا ص من هنا

زياد : ماشي انا هدخلها دلوقتي اتكلم معاها شويه
دخل زياد الي غرفه سيسيل وجددها نائمة في وضع القرفصاء وتبكي في صمت
زياد وهو يضمها اليه : اوعي اشوف الدموع دي من دلوعتي
سيسيل وهي تلفقي بنفسها بين ذراعي اخوها : تعبانه ومحدث فاهمني يا زياد
زياد : انا فاهمك يا حبيبتي بس يوسف خايف عليك مش عايزك تتعبي
سيسيل : انا عارفه بس اللي تاعبني حاجة تانيه
زياد : برضه عارف انه ادم .. بس انا نفسي انك تنسي ادم يا سولا .. عايزك ترجعي سيسيل
بتاعه زمان

سيسيل : ازاي ارجع وانا روجي رايحة مني ومش لاقياها
زياد : اكيد ربنا خد منك حاجة علشان يعوضك عنها بالاحسن
سيسيل : نفسي ارتاح اوي يا زياد اوي وبدأت تبكي
زياد : عيطي وخرجي كل اللي جواكي
ظلت تبكي وتبكي حتي نامت في حضن اخيها من شدة التعب وضعها ع السرير وغطاها ونامت
في ثبات عميق

العشرون

سيسيل وهي تنظر له : انا عارفه انك خايف عليا واكيد زياد قالك ع الكلام اللي قاله ادم
يوسف : قالي وبصراحة انا مش لاقى مبرر للي هو عمله ده
سيسيل : صدقني ولا انا مبقتش طايقه حتي ابص في وشه بعد كل اللي عملته معاه يقول عليا
انا كده

يوسف : معلىش يا سيسيل بس تجنبه خالص ومالكيش دعوة بيه ادم دكتور في المستشفى
اللي انتي شغاله فيها وبس لازم يعرف غلطة .. اما بقي رامي انا مش عايزك تتمادي في
علاقتك معاه

سيسيل : والله يا يوسف عمري ما عاملته علي انه اكثر من دكتور وصديق
يوسف : يبقي كده انتي سولا حبيبتي يلا بقي اعملي كوابيه الشاي من ايدك الحلوة دي
سيسيل : حاضر

اعدت سيسيل الشاي وشعرت بالراحة بعد كلام يوسف لها وقررت تجاهل ادم
دخلت الي غرفه الاستقبال وجدت خالتها وايات واعطت لهم الشاي
سيسيل : امال فين جو وزوز

ايات : في البلكونة تقريبا واقفين مع ادم هاتي اديهم الشاي
سيسيل بتحدي : انا اللي هدخل الشاي
ايات باستغراب : ماشي

دخلت سيسيل الي الشرفه ووضعت اكواب الشاي امامهم علي الطاولة ونظرت الي ادم نظرة
تحدي ودخلت
نظر يوسف وزياد الي ادم وجدوه غاضبا ودخل فجأة دون ان يستأذن منهم وخرج من الشرفه
الاخري اسماعيل

اسماعيل بعدم تصديق : واد يا زياد انت هنا من امتي
زياد بعدم تصديق: عمو اسماعيل مش معقول انا مش مصدق عنيا
اسماعيل : يا واد كده برضه ولا تسأل عليا
زياد : والله ما حد قالي انك هنا
اسماعيل : ماهو لو كنت بتسأل كنت عرفت اني رجعت نهائي ورجعت شغلي هنا
زياد : والله العظيم .. حمد الله ع السلامة والله يا عمو منور
اسماعيل : ده نورك يا حبيبي والله

يوسف بحزن مصطنع : يعني هو كل الكلام ده ومفيش ازيك يا جوز بنتي
اسماعيل : هي البت اتجوزت من ورايا ولا ايه
يوسف بضحك : قصدي يعني فيما سيكون
اسماعيل : لاء مش ازيك علشان بصراحة زعلان منك اوووووووووي
يوسف : ليه بس كده هو انا اقدر ازعل احلي حمايا مني
اسماعيل : يا واد يا بكاش انت بقالك اد ايه مجتش اتغلبت مني في الطاولة
يوسف : والله يا عمو انا طالعان عيني في الشغل دعواتك

ادم بعصبيه : انتي راحة فين

رودينا : خارجة مع سيسيل و ايات

ادم عندما سمع اسم سيسيل استشاط غضبا اكثر واكثر: وانتي بقي تتفقي وتحديدي من غير ما

تقولي لحد سايبه هي تخرجي وقت ما انتي عايضة صح

رودينا : في ايه يا ادم من امتي لما بخرج مع سيسيل حد بيعترض ولا بيقولي لا

ادم : هو انا مش مالي عينك ولا ايه لازم تيجي تستأذني مني ولا انا خلاص مابقاش حد

بيعملي احترام ولا انا بقيت مش فارق مع حد

دخل اسماعيل علي صوت ادم : في ايه يا ادم

ادم بعصبيه : الهانم لابسه ونازله من غير ما تقول لحد

رودينا: والله يا بابا كنت مستنياك تيجي علشان اقولك وانا عارفه انك مش هتقولي لاء علشان

خارجة مع سيسيل

اسماعيل : معش يا حبيبتي انزلي انتي بس متتاخريش

رودينا : حاضر

بعد نزول رودينا

اسماعيل : في ايه يا ادم شايط ع طول فيها من امتي وانت بتقولها لاء لما تخرج مع سيسيل

ادم : مهو انا خلاص مابقاش ليا احترام ولا حد بيهمه رأي كل واحد ماشي من دماغه

اسماعيل : لالا ده انت الكلام معاك مش نافع

وتركة ودخل الي غرفته

دخل ادم الي غرفته والحزن يسيطر عليه فلا يعلم لماذا كل هذا الحزن والعصبيه التي تسيطر

عليه

هبطت رودينا الي سيسيل وايات وكان الحزن علي وجهها

سيسيل: مالك في ايه

رودينا : انا اتخنقت بقي بجد

ايات : في ايه ما تتكلمي ع طول

رودينا : كل يوم خناق خناق هو يتخانق مع ست زفته ويجي يقرفني انا

سيسيل باستغراب : هو مين ده

رودينا : سي ادم بقاله اسبوع شايط في البيت كله ومش عاجبه حد وعلي طول قاعد مع نفسه

سيسيل : وايه اللي دخل ريم

رودينا : ما تلاقيه متخانق معاها علشان كده قالب ع البيت كله

سيسيل : ادم عمره ماكان كده

رودينا : فككم بقي علشان انا اتخنقت هنروح فين

ايات : انتي اللي عايضة تشتري هدية

رودينا: تعالو نروح ستيفانو نتفرج ع المحلات هناك

سيسيل : اوك

اما ع الطرف الاخر ذهب يوسف وزياد الي اسماعيل
اسماعيل بعد ان فتح الباب : اهلا اهلا بحبايب قلبي
زياد : اهلا بيك يا عمو احنا جينا اهو علشان بس منقدرش علي زعلك
اسماعيل : تسلملي يا غالي يا ابن الغالي
زياد : ربنا يخليك يا عمو يارب
يوسف : امشي انا طيب
اسماعيل : ودي تيجي برضه يا جوز بنتي
ضحك الجميع وخرجت لهم نجلاء وسلمت علي زياد وصنعت لهم الشاي
زياد: فين ادم مش باين
اسماعيل : والله يا زياد ما انا عارف ماله بقاله فترة مش مضبوط
زياد : ليه كده
اسماعيل : والله ما حد عارف يتكلم معاه اددخلوله شوفوه ماله
زياد : بقاله اد ايه كده ياعمو ع الحال دي
اسماعيل : بقاله حوالي اسبوع
نظر زياد الي يوسف : طيب انا هدخله
ذهب زياد الي غرفه ادم ودق الباب ولكنه لم يسمع صوته دق مرة واثنان ولكن لا يجيب دخل
زياد الي غرفه ادم وجده غارقا في شروده
زياد وهو يقف امام ادم : هيبيبيبه
انتبه ادم لوقوف زياد : هه
زياد : ايه يا ابني واقف قدامك بقالى ساعه
ادم : معلىش مخدمتش بالي
زياد :يا بختها ياعم اللي واخدة عقلك صحيح انامشوفتش صور الخطوبة بتاعتك
ادم : تصدق انك رايق وفايق
زياد : ومبقاش رايق ليه ياعم .. اهو الحقد ده اللي جايبنا ورا
ابتسم ادم علي اسلوب زياد المشاغب الذي ذكرة بمشاغبه سيسيل : انتوا علييتكم كلها كده
دمها خفيف
زياد : امال زيك عيله كئيبه مالك يا دوما
ادم وهو يتأفف : والله ما انا عارف حاسس اني مخنوق كده .. سيبيك مني انت مسافر امتي
زياد : بكرة ان شاء الله
ادم : توصل بالسلامة ان شاء الله
زياد : ان شاء الله .. البت سولا تخلي باك منها
شرد ادم عندما سمع اسم سيسيل وراها في كل موقف كانت تجمعها مع رامي " وانا اخلي بالي
منها ليه ما كفايه عليها رامي "
زياد : ادم مالك في ايه

ادم : مفيش يا زياد بس تعبان شويه
زياد : الف سلامة عليك .. طيب انا هسيبك ترتاح
ادم : ماشي

خرج زياد اليهم في الخارج وعلي وجهه علامات الاستغراب من تصرفات ادم
اسماعيل : ايه يا زياد برضه مقالکش ماله
زياد : لا والله يا عمو بس شكله تعبان او فيه حاجة مضيقاه
يوسف : بس ادم مهما كان مضايق عمره ما بيزعل حد منه
زياد : يمكن حاجة كبيرة وادم طول عمره كتوم
اسماعيل : فيي دي معاك حق يا زوز .. يلا هجيب الطاولة ونلعب شويه
زياد : ماشي

يوسف بصوت هامس : في ايه

زياد : بعدين

يوسف : اوك

جاء اسماعيل ومعه الطاولة وبدأو في اللعب وكان ادم يسمع صوتهم ولكنه كان بين افكاره
الغريبه

ادم : " هو انا مالي ليه بتضايق لما بسمع اسمها .. ليه دايمًا صورتها مع رامي مش مفارقه
خيالي .. حاسس اني تايه ومش عارف ايه اللي بيجرالي .. عاملالي ايه يا سيسيل بس انا مش
عارف .. ليه دايمًا مش بحس اني مخنوق غير لما بسمع اسمك واسمك دايمًا مقترن بصورتك
مع رامي .. يارب دلني ع الحيرة اللي انا فيها دي "
قام ادم ووقف في الشرفه ليستنشق هواء نقيا وجد ايات وسيسيل ورودينا وضحكاتهم تعلو
اسفل البنايه

سيسيل : يلا سلمى ع عمو وطنط كثير

رودينا بخبث : طب وادم

ارتسم علي وجه سيسيل الحزن وحاولت تغير مجري الحديث : ع فكرة جو عندكم
رودينا بفرحة : بجد

سيسيل : كنت سامعاهم انهم هيروحوا عندكم انهاردة بعد الصلاة

رودينا : ايه ده بقي طب انا هطلع بالهديه دي ازاي

سيسيل : اطلعي لو لاقيتيهم هرفعهالك في السبت لو مالتقيهموش يبقي انزلي خديها
رودينا : ماشي

صعدت رودينا ونظرت سيسيل الي الاعلي وجدته واقفا ينظر لها نظرت له باشتياق عارم نظر
لها نظرة لم تنساها طوال حياتها

سيسيل : " علي اد ما انت واحشني علي اد ما انت واجعني "

ادم : " مش عارف ايه بيحصلني لما بشوفك بحس براحة عمري ما بحسها مع حد بس حاسس
انك بعدتي عني اوي وحد تاني خد مكاني "

سيسيل : " فاكرنى ممكن ابص لحد غيرك ولا قلبي يقدر يحب غيرك ده انا قلبي ده معمول
علشانك وبس .. انت وبس يا ادم اللي محتل قلبي وساكن فيه "
ولكن قطعت عليهم تلك النظرات الصامته روديना
روديना : ابعتي

سيسيل : بعد ان فاقت من شرودها وضعت الهديه في السبت لرودينا ونظرت له نظرة اخيره
وصعدت الي البنايه الخاصه بها
دخلت سيسيل الي الشقه وبدلت ملابسها وجلست علي فراشها وفتحت الحاسوب الشخصي بها
علي صور ادم المتعدده في ملف يحمل اسم "ستبقي حبيبي " وبدأت تشاهد كل الصور وتقف
عند كل صورة تجمعهم تتذكر موقف لها تضحك تارة وتبكي تارة وفي النهايه اخذت الحاسوب
بين ذراعيها وبدأت تبكي ويعلو صوت بكائها كان يقف خلف الباب وسمع صوت بكائها دق
عليها الباب وجففت دموعها سريعا وفتحت له الباب دخل واغلق الباب خلفه
زياد : القمر بتاعي بيعيط ليه

سيسيل وهي ترتمي بين ذراعي اخوها وتبكي : هو انا ليه بيحصلي كده ليه اللي حبيته عمري
كله ما يبقاش من نصيبي هو انا وحشه يا زياد انا عمري ما اذيت حد عمري ما اتمنيت الشر
لحد ليه يحصلي كده

زياد وهو يربت علي كتف اخته : علشان ربنا عايز كده علشان نصيبك مش معاه واكيد ربنا
عاينك حاجة احسن

سيسيل : طب ليه حبيته ليه خد قلبي لما هو مش نصيبي

زياد : علشان نتعلم من اخطائنا ونتعلم اننا منديش قلبنا بسهولة لحد

سيسيل : ادم كان دايم بيعاملني معاملته خاصه كل نظرة من عنيه وكل كلمة منه كانت بتقولي
بحبك يا سيسيل

زياد : احيانا قلبنا بيصورنا حاجات علشان احنا عايزين كده ياريت بقي يا سيسيل تنسي اللي
فات وتهتمي بحياتك يا حبيبتى انتي دكتوراه وهتبقي ناجحة وشاطرة والحب مسيره هيجيك
بس منقلش قلبنا علي حد ولا نوقف حياتنا علي حد

سيسيل : ياريت اقدر كنت محيته من زمان

زياد : هنقدر يا حبيبتى يلا قومي اغسلي وشك كده علشان القمر يبان

قامت سيسيل بغسل وجهها لتزيل اثار البكاء

دخل زياد الي الشرفه ليتنفس ويفكر بهدوء في حل لكل مشاكل اخته وكان يتنفس بقوة
يوسف : كل ده جواك

زياد : سيسيل كبرت اوي يا جو وشايله هم جبل ميقدرش يشيله

يوسف : صدقتي مرحله وتهتدي وكل حاجة هتبقي تمام

زياد بأسف : بعد اللي شوفته انهارده معتقدش

يوسف باستغراب : شوفت ايه وادم ماله

زياد : ادم وراه سر كبير اوووووووووو وسيسيل هي السر ده بس لو اعرف ايه هو

محتجالك معايا اوي "

زياد : سيسيل متقلقتيش عليكي

سيسيل وهي تحاول اخفاء دموعها : لا يا حبيبي انا كويسه

زياد : طب وريني الضحكة العسل بقي قبل ما امشي

سيسيل بابتسامة : ا بقي طمني عليك

زياد : حاضر يا حبيبيتي .. ع فكرة في واحد من الصبح عمال يبص علينا

سيسيل باستغراب : شكلة ايه

زياد : طويل شوية وشعره اسود وابيضاني شويه

سيسيل : عنده غمازات

زياد : اه

سيسيل : ده رامي

زياد : كنت واثق .. يلا يا حبيبيتي علشان متأخريش علي شغلك

سيسيل : حاضر وانت خلي بالك من نفسك لما توصل طمني عليك وسلملي ع بابا و ماما

زياد وهو يستقل سيارته: حاضر يا حبيبيتي

سيسيل : لا اله الا الله

زياد : محمد رسول الله

دخلت سيسيل الي المستشفى بعد ذهاب اخوها وقابلت رامي

رامي : حمد الله ع السلامة يا دكتورة

سيسيل والحزن يخيم علي وجهها : الله يسلمك يا دكتور

رامي : زياد اللي كان واقف معاكي

سيسيل : اه

رامي : كان نفسي اجي اسلم عليه واتعرف بيه بس خوفت اسبيلك مشاكل

سيسيل : لاء خالص انا حاكيه لزياد عن حضرتك علشان قولتله ان حضرتك اخدتلي

اجازة وكمان وصلنتي للقاهرة انا مش بخبي حاجة عن زياد

رامي: ربنا يخليكم لبعض .. ويا بخته بيكي عنده اخت زي العسل كده .. كان نفسي يكون ليا

اخت زيك كده

سيسيل : ميرسي ربنا يخليك

رامي : وبعدين انا مش متفق معاكي اني مشوفش الدموع دي تاني .. وياسيتي كلها شويه

واخذلك اجازة تانيه ولا يهملك

سيسيل بابتسامة : ربنا يخليك

كان داخلا الي المستشفى ولكنه وجدها تقف معه وتبتسم له شعر بدقه غريبه في قلبه وشعر

بالاختناق ولكنه سار بجوارهم ونظر لها نظرة لم تفهمها سيسيل ولكنها شعرت بالحزن

والاسف والسخط علي رامي

سيسيل : بعد اذنك علشان متأخرش

رامي : اتفضلي

ذهبت سيسيل الي عملها وقابلت ريم

ريم وهي تحتضن سيسيل : وحشتيني يا سولا حمد الله ع سلامتك كده يا وحشه تسافري من غير ما نعرف

سيسيل : الله يسلمك انتي كمان واحشاني معلى هي جت كده

ريم وهي تغمز لها : البركة في دكتور رامي يا عم

سيسيل بحده : رامي مجرد استاذي وبس وياريت منفتحش الموضوع ده تاني بعد اذنك

ذهبت سيسيل الي استقبال قسم الجراحة لتنتظر سحر وجاءت لها ريم

ريم : انا اسفه والله يا سولا مكنش قصدي انا كنت بهزر معاك

سيسيل : خلاص يا ريم مفيش حاجة

جاءت سحر وقطعت حديثهم : حمد الله ع السلامة يا سيسيل ارتاحتي مننا اسبوع انهاردة

اعملي حسابك علي شغل جامد

سيسيل : وانا مستعده

سحر : طيب انتي معايا انهاردة

ولكن جاء رامي مقاطعا حديث سحر : لا معلى سيسيل معايا انهاردة

سحر وهي تنظر الي رامي وسيسيل بغضب : اتفضلي

كان يقف بعيدا وراها وهي تسير بجواره

سيسيل بحدة : مكنش لازم يعني تختارني انهارده عندك متدربين كثير وكده دكتورة سحر

هتصتقصدني

رامي : محدش يقدر سحر المسئوله عنك اه بس احنا كمان من حقنا نختر متدربينا

سيسيل : ماشي يا دكتور تحت امرك المطلوب مني

رامي : هنمر علي بعض الحالات وبعد كده هندخل سوا عمليه عرفتي بقي انا ليه اختارتك انتي

سيسيل وهي تتأفف : متشكرة يا دكتور

بدأت سيسيل تباشر عملها مع رامي وتنسي حزنها علي بعد اهلها عنها وخاصة زياد وفي

وسط النهار كانت تسير في الكوريدور وقابلت ادم وقف امامها قليلا لا يعرف ماذا يقول وهي

لم تقل شيئا ونظرت له قليلا وتركته وذهبت في طريقها

ولكن رغما عنها هبطت منها دمعه حارة علي وجنتيها علي ما مضي من عمرها وعلي الزمن

الذي يغير اقرب الناس الينا

رامي : سيسيل مش مركزة ليه كده

سيسيل بتنهيذة قويه : معاك يا دكتور انا اسفه

رامي : طيب عامة تقدرني ترتاحي شويه انا ضغطت عليك انهاردة

سيسيل : لا عادي .. لو في اي حاجة ابعتلي

رامي : اوك

ذهبت سيسيل الي كافيه ع البحر بجوار المستشفى التي دائما تذهب له وجاء النادل ووضع

امامها كوبا من الشاي بحليب

سيسيل : " هو انا ايه اللي بيحصلي ده .. مش عارفه حاجة ولا فاهمة حاجة .. ادم معاملته ليا وحشه علشان فاكر اني بيني وبين رامي حاجة .. طب ليه ميغيش يتكلم معايا ويحسني انه قريب مني .. وليه رامي مهتم بيا كل ده ومهما اتعاملت معاه وحش بيعاملني هو احسن ودايما جمبي .. ليه دايما نحب اللي مش لينا ونبعد عن اللي بيحبونا .. ليه النصيب دايما قاصد يجرح الناس .. وليه انا ابقى سبب جرح رامي .. وليه ادم اللي حبيته يبغي سبب جرحي .. ليه اقرب الناس لينا هما اللي بيجرحونا .. حاسه اني تعبانة ومش قادرة اتحمل اللي انا فيه .. حاسه اني نفسي ابعد عن كل الناس وابقى لوحدي " ولكن قطع شرودها رنين هاتفها ووجدت اسم ريم يضى في شاشه جوالها

سيسيل : ايوة يا ريم

ريم : انتي فين دورت عليكي كتير

سيسيل : في الكافيه اللي بنقعد فيه دايما

ريم : اوك جايلك

كانت ريم في الطريق الي الكافيه ورن هاتفها وكان ادم وقالت له انها ذاهبه الي الكافيه المعتاد ذهبت ريم الي سيسيل وجدتها جالسه شاردة جلست امامها وانتبهت لها سيسيل

ريم : انا اسفه يا سولا مكنش قصدي اضايقتك ووجد اسفه

سيسيل بابتسامه : ولا يهملك ياريم مفيش حاجة

ريم : مش زعلانه مني

سيسيل : لاء خالص والله

ريم : بصراحة عايزة اتكلم معاكي شويه

سيسيل : اتكلمي

ريم : متعرفيش ادم ماله

سيسيل : لاء معرفش ليه في ايه

ريم : والله ما اعرف يا سولا مابقتش بشوفه ولا بيكلمني ولا اي حاجة خالص حتي لما كنتي

مسافرة مكنش بياخدني معاه متدربه وكان بياخد اي واحد من الشباب

سيسيل : معرفش والله ماله انا كنت مسافرة ولسه راجعه ومشوفتش ادم ومتكلمتش معاه

خالص

ريم : اوك اصل ولكن قطع حديثها مجئ ادم الذي جلس دون ان يستأذن

ادم : ازيك يا سيسيل

سيسيل : الحمد لله كويسه

ظل ادم يتحدث مع ريم وكان متجاهلا سيسيل ولكنها كانت شاردة بذهنها بعيدا وبعد فترة قليله

كانت ستقوم وتتركهم ولكنه سبقها في الحديث

ادم ممازحا : ايه يا سيسيل ما تخلي عندك حبه من الاحمر وتتمشي شويه كده مش عارف اخذ

راحتي في الكلام مع خطيبتني

تجمعت الدموع في عينيها ونزف قلبها بحور من الدماء فكل يوم يطعننها في قلبها وقد كثرت الطعنات حاولت ان تتماسك ووقفت ونظرت له نظرة تحدي وقالت له بحده : انا لو عليا مش عايزة ابقى معاك في مكان واحد بس اعمل ايه في نصيبي واوعي تكون فاكر اني هموت واقعد معاكم انت وخطيبتك اللي جيتوا وتطفلتوا عليا وشاركتوني قعدتي .. نظرت له نظرة اسف بجد متشكرة اوي يا دكتور وتركتهم وذهبت

اخذت تركض وتركض وهي لا تري الطريق من بين دموعها وقلبها الجريح حتي وصلت الي المستشفى ودخلت الي غرفه الاستراحة واغلقت الباب وجلست ع الارض وسندت ظهرها علي الباب وضمت ركبتيها الي صدرها ودفنت رأسها بين رجليها واخذت تبكي وتبكي وكان صوت بكائها يعلو ويعلو كانت تتمني ان تصرخ لتخرج كل الالام التي في صدرها ولكن وجودها في ذلك المكان منعها وظلت تبكي

اما علي الطرف الاخر كان مصدوما من كلامها ولا يتحدث

ريم بعصبيه : ايه اللي انت قولته ده ده كلام يتقال زمانها زعلت دلوقتي ليه كده يا ادم ادم بعصبيه وبصوت عال : بس بقي انتي كمان وتركها وذهب خلفها ليعتذر عما بدر منه ذهب الي المستشفى وسأل عنها عرف انها في غرفه الاستراحة ذهب اليها ووضع اذنه علي الباب وسمع صوت بكائها

ادم بصوت منخفض : انا اسف والله مكنش قصدي والله كنت بهزر معاكي

ولكن لم يوتيه اي مصدر صوت سوي بكائها الذي كان يعلو ويعلو

ادم : انا اسف يا سولا والله اسف والله مكنش قصدي

جففت سيسيل دموعها وحاولت ان تتماسك وفتحت له الباب ووقفت امامه

سيسيل بتحدي : من هنا ورايح مفيش بيني وبينك اي كلام ولازم يببقي فيه حدود بينا لانك

اخذت اكثر من حقه وانا اللي استاهل كل اللي يجرافي لانك طلعت متستاھلش .. وكفايه اوي

لحد كده وتركته وذهبت

وقف مصدوما من كلام يسمعه لأول مرة من سيسيل كانت الدموع تملأ عينيه فكيف يحدث هذا

وكيف تقول هذا وكيف سمح لنفسه ان يقول هذا الكلام لها هبطت دموعه رغما عنه وكان قلبه

سيقف من صدمته ولكنه حاول ان يستجمع شجاعته وترك المستشفى وخرج

بعد ان تركته ذهب الي المرحاض لتغسل وجهها ولكن ازدادت الدموع وازداد الالم من حبيب

عمرها دخلت ريم اليها

ريم : معلش يا سيسيل والله انا اسفه انا مش عارفه ازاي قال الكلام ده انا اللي تطفلت عليكي

وقولتله ان انا هبقي في الكافيه انا بجد اسفه وهبطت دموعها

سيسيل وهي تمسح دموعها : انتي مالكيش ذنب الموضوع خلاص انتهي وياريت نقفل عليه

بقي

شعرت ريم بدوار شديد ومسكت رأسها من شدة التعب

سيسيل بخوف : ريم انتي كويسه

ريم : الحمد لله

اسماعيل : ايه يا ادم في ايه انا عمري ما شوفتك بالحاله دي

ادم : ولا حاجة يا بابا متشغلش بالك

اسماعيل : يعني ايه مشغلش بالي انت مش مضبوط بقالك اسبوع وانا سايبك براحتك بس

الموضوع زاد .. انت مش ابني بس يا ادم انت صاحبي كمان في ايه يا ابني احكي لي

بدأ ادم يحكي لوالده ماذا فعل بسيسيل عندما شك انها علي علاقه برامي حتي تعبها وانه هو

السبب فيه

اسماعيل : غلطان يا ادم لو سيسيل تهمة كنت تقف جنبها وتساعدنا حتي لو فيه حاجة بينها

وبين رامي كنت تبقي ليها سند وتفرحها وتخلي بالك منها مش تتعامل معاها كده

ادم : مش عارف ليه مكنتش بطيق اشوفهم سوا ومش عارف ليه كنت بتعامل معاها كده انا

بقيت بتعامل مع رامي معاملته وحشه بسببها مش بطيق اشوفها واقفه معاها ولا بتتكلم معاها

اسماعيل باستغراب : ليه يا ادم

ادم بعصبيه : مش عارف ياريتني اعرف كانت هتبقي سهله عليا بس مش عارف ليه كنت

بعمل تصرفات كتير معاها مش راضي عنها بس مش عارف ليه بعملها فجأة بيخرج مني

حاجات مش عايزها

اسماعيل : " معقول تكون بتحبها يا ادم .. معقول وجاي يكتشف ده بعد ما بقي فيه واحدة

تانيه في حياتك .. ليه يا ابني تعذب نفسك ومش راضي بنصيبك .. الله يكون في عونكم انتوا

اللاتنين "

ادم : اعمل ايه يا بابا مش قادر استحمل اشوفها مش طايقاني مش قادر لما كانت بتعاملني

وحش كنت بموت في اليوم الف مرة كل ما اجي اكلها لازم اشوفهم سوا واقلب عليها مش

عارف ليه مش بطيق اشوفها واقفه مع حد

كان اسماعيل يستمع ويفسر كل كلام ادم علي انه حب ولكنة لا يستطيع ان يقول له هذا الكلام

حفاظا علي كرامة سيسيل فيجب ان يعرف بمفرده ما يحمله قلبه تجاه سيسيل ولكي يستطيع

ان يأخذ قرار بشأن ريم

اسماعيل : انت بس اللي تعرف تجاوب علي كل ده اقعد مع نفسك وفكر ليه انت بتعمل معاها

كده

ذهب اسماعيل وترك ادم بين افكاره وازدادت حيرته اكثر واكثر حتي غلبه النوم

الواحد والعشرون

ستبقي حبيبي

في صباح اليوم التالي استيقظ ادم من نومه ولكنه كان يشعر بصداع شديد من قلة نومة وكثرة التفكير .. استيقظ ودخل الي المرحاض واخذ حماما دافئا ليساعده علي استعادته نشاطة ..
وارتدي ملابسها وهبط الي الاسفل وذهب الي المستشفى لياشر عمله لكي يرتاح من التفكير
بالقاء نفسه بين المرضى ..
استيقظت سيسيل متعبه ولكنها قاومت هذا التعب واخذت حماما دافئ وارتدت ملابسها وذهبت
الي المستشفى ..
كانت تدخل الي المستشفى مسرعه لانها تأخرت علي موعدها ولكنه تصادفت به في المصعد
ولكنها لم تتحدث معه
عندما رآها في المصعد شعر بأسف شديد وحزن عليها لان كانت حالتها لا تترثي لها من التعب
والاجهاد والارهاق .. حاول ان يستعيد قوته ويتحدث اليها
ادم : عامله ايه دلوقتي يا سولا
سيسيل وهي لا تنظر له : اهمك اوي
ادم : انا اسف بجد اسف مكنش قصدي
سيسيل وكانت الدموع تملأ عينيها علي حاله وحالتها وبصوت تخنقه العبرات : وانا مش قابله
اسفك لاني تعبت منك واستحملتك بما فيه الكفايه
هبطت سيسيل من المصعد وتركته يعاني من حيرته ومن اسلوبها وكانت لا تطيق التحدث مع
احد وذهبت وبدلت ملابسها وذهبت الي سحر
سيسيل : انا اسفه ع التأخير
سحر : ياريت متكرررش تاني .. اتفضلي روجي لدكتور ادم عايزك معاه
سيسيل بحده : لأ
سحر بأستغراب : يعني ايه لأ .. هو مين هنا اللي بيمشي مين
سيسيل برجاء : ارجوكي يا دكتورة انا عايزة اكون معاك مش عايزة ابقى مع حد
سحر : في ايه يا بنتي دكتور ادم طلبك
سيسيل : ارجوكي يا دكتورة انا اول مرة اطلب منك طلب مش عايزة اكون مع حد غيرك
سحر : هتضياعي من ايدك عمليات كتير وزمايلك بيجروا علشان ياخدوا فرصه
سيسيل بدموع : ياخدوا اللي هما عايزينه انا مش عايزة حاجة
سحر : لا حول ولا قوة الا بالله .. ولا حتي تبقي مع دكتوررامي
سيسيل : مش عايزة ابقى مع حد غيرك ارجوكي
سحر : طيب اتفضلي معايا
سيسيل بشكر : متشكرة .. متشكرة اوي
بدأت سيسيل في ممارسه عملها وحاولت ان تنسي ما حدث في الامس

كانت سيسيل تباشر مريض مع سحر .. وكانت سحر تفحص الاشعه الخاصه به
سحر وهي تنظر الي التقارير والاشعه الخاصه بالمريض : سيسيل ناديلي دكتور ادم
شعرت سيسيل بغصه في حلقها ووجع في قلبها وظلت ساكنه مكانها
سحر بصوت عالي ونظرة ثاقبه : يلا يا سيسيل
ذهبت سيسيل مسرعه اليه وقامت بنداؤه وذهب الي سحر وتطلع الي التقارير والاشعه
ادم بوجه مبتسم : الف سلامة عليك

المريض : الله يسلمك

ادم : سحر بعد اذنك ثواني

اخذ ادم سحر بعيدا عن المريض وقال لها حالته وانه يحتاج الي عمليه فورية وقال لها ان
تسأل اذا كانت سيسيل ترغب في الدخول معه الي العمليه او ان ترشح له احد المتدربين
استغربت سحر من طلب ادم فهي لم تعرف ما بينهم ولكنها عملت ما قاله لها
سحر : دكتور ادم عايزك معاه في العمليه
سيسيل : لاء مش عايزة

سحر : يابنتي ده حقك ده مريضك مش بدل ما حد ياخذ منك المريض انتي عارفه هنا كلهم
طموحين ويتمنوا الفرصه دي .. ومنتسيش ان دي اول مرة تشوفي عمليه زي دي
سيسيل : بدموع عشان خاطري مش عايزة

سحر : طيب يا سيسيل اتفضلي روعي شوفي الحاله اللي في 505

سيسيل وهي تمسح دموعها : حاضر

ذهبت سحر الي ادم لتفهم منه ما بها سيسيل .. دقت علي باب غرفته وسمح لها بالدخول

ادم : تعالي يا دكتورة .. تحت امرك

سحر : مالها سيسيل يا دكتور ادم

ادم بحدده : مفيش حاجة مالها سيسيل

سحر : والله انا اللي جايه اسألك كل ما اجيبها سيرتك احس انها في وادي تاني

ادم بحدده : اعتقد ان ده بره اختصاصك المسائل العائليه بره الشغل ولا ايه

سحر : متنساش انها تحت مسئوليتي واي حاجة خارجيه هتأثر عليها هتضر بالمريض اللي
ممکن اديهولها

ادم : يبقي توجهيها يا دكتورة ان الشغل شغل

سحر وهي تنظر له نظرة ثاقبه : صح

تركته سحر وذهبت .. اما هو جلس علي المقعد وسند رأسه علي المكتب .. وتنفس الصعداء ..

كان لا يتمني سوي ان ترجع الايام ويعودا مثل الماضي .. ولكن قطع شروده دق الباب مرة

اخرى وسمح للطارق بالدخول

ادم : ايوة يا ريم

ريم : صالحت سيسيل ولا لسه

ادم : ريم انا مش فايق للمهاترات دي

ريم بعصبيه : يعني ايه مهاترات مش كفايه مزعلها وانت اللي غلطان في حقها

ادم بصوت عال : روعي شغلك يا ريم مش ناقصاكي انتي كمان

ريم : انت كمان بتزعلق فيا يا ادم

ادم : يووووووووووو انا هسيبك المكان كله

ذهب ادم وتركها خلف ظهره وخرج الي الشرفه ليتنفس الهواء فأصبح لا يطيق لاحد كلمة ..

وكان يريد ان ينفجر في اي شخص .. فالفهموم تكاثرت عليه .. حاول ان يهدئ من نفسه حتي

يحمي ارواح من بين يديه .. ويجهز نفسه لدخول العمليه

ظلت جالسها قليلا تبكي وخرجت من مكتبه متوجهه الي المرحاض وقامت بغسل وجهها ولكنها

شعرت بدوار عنيف واسندت علي الحائط ودخلت في ذلك الوقت شاهنده

شاهنده : مالك ياريم في ايه

ريم : دايخة شويه

شاهنده : طب اقعدى ارتاحي .. انتي معيطة

ريم : مفيش حاجة يا شاهنده

شاهنده : مفيش حاجة ايه يا بنتي .. انتي متخانقه انتي وادم

ريم : يعني

شاهنده : طب اهدي تعالي نروح الكافيتريا اطلبلك حاجة تشربها

سندتها شاهنده الي الكافيه وطلبت لها كوبا من العصير ولكن كان الدوار يزداد وبدأ يقل

تدرجيا ولكنها كانت تشعر بصداع شديد وعدم وضوح في الرؤيه

ريم : شاهنده هاتيلي اي مسكن بسرعه

شاهنده : حاضر

ذهبت شاهنده واحضرت لها مسكن قوي وارتاحت قليلا بعد ان أخذت المسكن

شاهنده : عامله ايه دلوقتي

ريم بارتياح : الحمد لله احسن

شاهنده : متزعليش نفسك هي الخطوبه كده بيبقي فيها شد وجذب

ريم : لاء عادي .. يلا نروح نشوف شغلنا

ذهبوا الي ممارسه عملهم من جديد

ومر الوقت سريعا وعادوا الي منازلهم .. عادت سيسيل الي المنزل ووجدت يوسف في

انتظارها

سيسيل : سلام عليكم

يوسف : وعليكم السلام .. سيسيل بعد اذنك غيري هدومك علشان عايزك

سيسيل : حاضر

بدلت سيسيل ملابسها وذهبت الي يوسف ووجدته في الشرفه يدخن

يوسف : تعالي يا سولا

وقفت سيسيل بجواره واستمعت له

يوسف : ممكن تحكي لي ايه سبب تعبك .. ولا دي اسرار

سيسيل : مش اسرار بس انا فعلا مش عايزة احكي

يوسف : هو ده اتفارقنا يا سيسيل انك تحكي كل حاجة

سيسيل بدموع : مش قادرة يا يوسف احكي حاجة

يوسف : ادم تاني

سيسيل : هو فيه غيره يا يوسف

يوسف : وبعدين بقي في ادم ده

سيسيل : علشان خاطري يا يوسف انا عارفه ان ادم غلط بس كفايه اللي هو فيه .. وانا لو

عليا مسامحاه بس مش قادرة انسي اللي قاله

يوسف : ممكن تحكي لي

بدأت سيسيل تسرد له ما قاله ادم وكيف جرحها بتلك الكلمات

يوسف وهو يخبط يده في سور الشرفه : الغبي

سيسيل : علشان خاطري يا يوسف كفايه اللي هو فيه وكفايه معاملتي ليه بلاش انت تدخل

علشان خاطر رودينا

يوسف بعصبيه: ولحد امتي يا سولا هفضل متدخلش وانا شايفك بتضيعي مني كل يوم

سيسيل : يا سيدي متخافش عليا انا زي القطط بسبع ارواح

يوسف : ربنا يطمني عليك يا حبيبتي .. ويبعد عنك كل شر

سيسيل : يارب .. يوسف بلاش تهور علشان خاطري

يوسف : للاسف مينفعش اتهور الموضوع لازم يتحل بالعقل

خرج اسماعيل من الشرفه المقابله : سيسيل عامله ايه دلوقتي الف سلامة عليك

سيسيل : الله يسلمك يا عمو

اسماعيل : قوليلي بس مين تاعبك وانا اموتهولك

سيسيل : مش للدرجة دي يا عمو شويه تعب وراحو لحالهم الحمد لله

اسماعيل : الحمد لله .. جو عايزك معلى 5 دقائق

يوسف : حاضر يا عمو جايلك علي طول

ذهبت يوسف الي اسماعيل ليري ماذا يريد منه .. دق الباب وفتح له اسماعيل وأخذته الي غرفه

الصالون واغلق الباب خلفه

يوسف : ايه يا عمو في ايه انت هتموتني ولا ايه

اسماعيل : بس يا ولد مش عايز هزار

يوسف بابتسامة : حاضر

اسماعيل : بص يا جو انا جببتك هنا علشان اتكلم معاك براحتي وانا عارف انك راجل

وهتساعدني في اللي انا عايزه منك

يوسف : في ايه يا عمو قلقتني

اسماعيل : بص يا جو انا شاكك في حاجة

ادم : والله ما انا عارف انا رايع فين اديني بتمشي وخلص

علي : طب قابلني في كوستا

ادم باستغراب : انت فين

علي : انا في اسكندرية يلا ربع ساعه واكون عندك

ادم : اوك سلام

علي : سلام

ذهب ادم الي علي في الكافيه المتفق عليه وتقابلو وبعد السؤال عن الاخبار ووالحديث المطول عن العمل

علي : ها مالك يا دوما

ادم : تعبان اوي علي

علي : احكي لي يا صاحبي مالك

بدأ ادم يسرد عليه ما يتعبه وكيف كان يعامل سيسيل معاملة قاسيه وكيف كان السبب في مرضها وتعبها .. وكيف تبدلت معاملتها له

كان علي يستمع له دون مقاطعه وتركه يفرغ ما في قلبه من هموم وبعد انتهاء ادم من الحديث

علي : مش دي سيسيل اللي كنت بتتخفق علشان كل خروجة مع ريم كانت بتخرج معاك دلوقتي

زعلان علشان قولتلها اللي في قلبك من زمان

ادم : بس مش ده اللي في قلبي انا كنت بقوله هزار علشان اكسر البعد اللي بينا

علي : ادم .. انت بتحب سيسيل

ادم باستغراب : ايه اللي انت بتقوله ده لاء طبعا مستحيل

علي : مستحيل علشان انت مبتحبش سيسيل ولا مستحيل علشان ريم

ادم : ايه الفرق

علي : الفرق كبير يا دكتور .. الفرق بينهم ان فيه واحدة منهم ان قدامك حاجز لكن الحاجز ده

لو مش قدامك كان زمان الجواب اه

ادم : انا مستحيل اجرح ريم

علي : انت اللي رديت ع نفسك .. ريم .. وكلامك دلوقتي كله بيقول انك بتحب سيسيل ..

غيرتك عليها لان ادم اللي اعرفه معدوش حب الامتلاك يبقي مفيش غير حاجة واحدة الغيره

ادم : طب وايه يعني لما اغير عليها سيسيل زي اختي

علي : انت بتكذب عليا ولا علي نفسك .. لو كنت صحيح بتعتبرها اختك يبقي تساعدها وتقف

معاها مش تعاملها وحش الغيره عامتك يا ادم

ادم : وريم يا علي تفتكر ان انا ممكن اجرح ريم .. ريم انا اخترها بعقلي وقلبي

علي : انت اللي تقدر تحكم علاقتك مع ريم وشوف انت كنت بتحكي وتقول ايه عن علاقتك

بريم .. فاكر لما كنت دايمًا تشتكي انك مش فارق معاها وعمرها ما اهتمت بيك .. فاكر يوم

عيد ميلادك لما زعلت منها .. ادم انا مش عايز اضغط عليك بس للاسف الحقيقه قدامك وانت

مش راضي تفتنع بيها .. انت اللي لازم تحدد مشاعرك واحساسك مش حد تاني

ادم : علي انا تعبان .. يلا نروح لاني بجد مش قادر
علي : يلا يا ادم وعامه انا قاعد هنا في اسكندرية اي وقت كلمني وانا دايمًا هتصل بيك
ادم : اوك يلا

ذهب ادم الي منزله ودخل غرفته واغلق علي نفسه وشرد في كلام علي وكان في حيره من امره هل كلام علي صحيحا .. شعر بالاضطراب والحيره اكثر واكثر .. لا يعلم ماهو حقيقه شعوره تجاه سيسيل .. ولا يريد ان يظلم ريم معه .. ظل حائرا شاردا بين افكاره وذكرياته التي تجمعها مع سيسيل .. كانت ذكريات جميله لا تحتوي الا علي الضحك والسعاده .. وكانت هي دائما مصدر سعادته .. ولكن هذا وحده لا يكفي ليكون سبب في جرحه لريم .. لا يعلم ماذا يفعل وماذا يخفي له القدر والزمن .. خرج الي الشرفه ليحاول ان يهدئ من نفسه باستنشاق الهواء وجدها واقفه في الشرفه شارده حزينه في ذكرياتها ولكنها افاقت من شرودها علي تنهيده قويه منه نظرت له نظرة حزينه علي ما وصلوا اليه تركته و دخلت الي غرفتها تبكي وظل هو واقفا يستجمع قواه ويللمم شتات تفكيره ولم يشعر بالوقت الا عند اذان الفجر .. ذهب الي المرحاض وتوضأ وصلي الفريضة ودعي الله ان ينير الطريق امامه وان يفرج همه وكربه وظل جالسا علي فراشه حتي الصباح .. بدل ملابسه وهبط مبكرا وسار علي الكورنيش حتي وصل الي المستشفى

اما سيسيل فحالها لم يتغير كثيرا عنه لم تذوق طعم النوم حتي الصباح وبدلت ملابسهها وذهبت الي عملها

صار اليوم عاديا لم يتغلغله اي مشاكل وكان كل منهم يحاول ان يشغل باله بالعمل ولكن شعرت سيسيل ببعض التعب من قله النوم وذهبت الي غرفه الاستراحة الخاصه بهم ولكنها فوجئت بأدم نائما علي الاريكه شعرت تجاهه بالاسف والحزن ونزلت دموعها كانت تتمني ان ترتمي بين ذراعيه وتقول له احبك .. احبك يا من تعبني وارهنقي وعذبي وبمقدار عذابك لي احبك .. احبك ولا استطيع ان ابوح بها فستظل بداخلي ولن تسمعها مني ابدا وخرجت منها تنهيدة قويه مع دمعه حارة لمست خد ادم استيقظ عليها وفوجئ بوجود سيسيل بجواره ولكنها حاولت ان تخفي ارتباكها ومسحت دموعها وتركت الغرفه وخرجت استيقظ ادم من نومه ومسك رأسه من شدة الارهاق والتفكير : " تعبان اوي وانتي بعيده عني .. مش عارف كلام علي صح ولا غلط .. خايف اوي من حاجات كثير .. خايف اظلمك واظلمها .. يارب ساعدني "

بعد ان خرجت من غرفه الاستراحة كانت تسير بشكل عشوائي بين الممرات لا تعلم الي اين تذهب وقابلت رامي

رامي : سيسيل فينك مش لاقيني ومشوفتكيش بقالي فترة
سيسيل : معلش يا دكتور بعد اذنك عندي شغل

كانت سيسيل تحاول الهروب منه فهي لا تريد ان يتعلق بها رامي فيكفي ماهي فيه ولا تتحمل اكثر

استغرب رامي لتصرفها ولكنه حاول ان يوقفها ولكنها تركته دون اهتمام به وذهبت

كانت تمر الايام عاديه وكانت تحاول سيسيل ان تتجنب رؤيه ادم وايضا رامي فهي لم تستطيع التحمل وكانت دائما لا تحدث احد حتي ريم .. اما علاقه ادم بريم فهي متوتره جدا ادم لا يستطيع التحدث معها فريم اسلوبها جاف وهو يعلم انها لم تفهمه ولم تشعر به في يوم من الايام ولكنه خائفا ان يجرحها او يظلمها
في احدي الايام كان ادم لم يكن في المستشفى ذهبت سيسيل متسلله الي غرفته وتأكدت بان لا احد يراها .. دخلت الي غرفته وامسكت بالباطو الخاص به وضمتة اليها وبدأت تستنشق رائحته .. وبدأت دموعها في الهبوط رغما عنها..
فكم اشتاقت اليه واشتاقت الي صوته ونظراته .. اشتاقت الي حديثه ومشاعبتها معه .. اشتاقت الي حبيبها .. اشتاقت الي ادم .. اشتاقت اليه كثيرا ولكن ما هو الواقع الواقع انه هناك الكثير من الحواجز وضعت لتقضي علي علاقتهم .. فقطع ادم كل الخيوط التي تربط بينه وبين سيسيل .. سمعت سيسيل صوت في الخارج حاولت ان تخفي اثار بكائها ووضع الباطو في مكانه وخرجت ولكنها اصطدمت به في الخارج ولكنها حاولت ان تخفي ارتباكها .. وتركته وذهبت .. استغرب هو وجودها في مكتبه ودخل الي المكتب وجد الباطو الخاص به مبلل بدموعها .. هبطت دموعه رغما عنه .. فهو ايضا اشتاق اليها كثيرا .. ويجب ان يفكر في الموضوع بجديه ليعرف ما هو سر الاحساس الذي بداخله تجاه سيسيل

الثاني والعشرون

ستبقي حبيبي

ذهب ادم إلي منزله ودخل غرفته وأغلق علي حاله ليفكر في الأمر بجديه .. ولكن قطع تفكيره دق الباب وسمح للطارق الدخول وكات رودينا
رودينا : ممكن اقعد معاك شويه
ادم : تعالي يا رودي
رودينا : مالك يا ادم انا عمري ما شوفتك كده .. انت زعلان مع ريم
ادم بحزن : ياريتها كانت ريم مكنتش هبقي زعلان اوي كده
رودينا : امال مين .. اوعي تكون سيسيل
ادم : اه هي يا رودي

رودينا بقلق : ايه اللي حصل طيب

سرد لها ادم ما قلته لسيسيل في الكافية

ادم : وللاسف مش عارف اعمل ايه علشان تسامحني

رودينا والدموع تتجمع في عينيها : ليه كده يا ادم حرام عليك .. سيسيل اللي طول عمرها

بتعمل كل حاجة علشانك .. كل همها انها تسعدك وبس .. سيسيل يا ادم هي الوحيدة اللي

فرحتك يوم عيد ميلادك .. سيسيل يا ادم هي اللي عملت عيد الميلاد .. كان كل همها انها

تفرحك وتسعدك .. سيسيل هي اللي فكرتنا بعيد ميلادك .. سيسيل ضحت بسعادتها علشانك ..

سيسيل متستاهلش منك كده يا ادم .. متستاهلش ده

ادم بأستغراب : سيسيل اللي عملتلي عيد ميلادي

رودينا : ايوة يا ادم سيسيل .. سيسيل اللي محبتش عيد ميلادك يعدي كانه يوم عادي وطلبت

مننا نساعدنا علشان بس تفرحك

ادم : ليه قولتي ان انتي اللي عملتلي عيد ميلادي

رودينا بحزن: سيسيل كانت عايزة تحسسك ان الكل حواليك وان الكل شارك في اليوم ده مش

هي بس .. شوفت سيسيل بتعمل ايه علشانك وانت بسهولة بتجرحها .. سيسيل اتوجعت منك

كثير اوي يا ادم .. كفايه وجع بقي

تركته رودينا في حيره من امره بعد كلامها المبهم بالنسبه له

ادم : " يعني ايه سيسيل اتوجعت مني كثير .. يعني ايه ضحت بسعادتها علشاني .. انا مش

فاهم حاجة .. ايه الكلام اللي اول مرة اسمعه ده .. يارب الصبر من عندك انا مبقتش قادر ولا

فاهم حاجة من اللي بيحصل "

في تلك الاثناء كان يوسف واقفا في الشرفه يدخن بشراهه وكان شاردا في امره ما .. دخلت

عليه سيسيل ووقفت بجواره

سيسيل : مالك يا جو

يوسف بعد ان انتبه لسيسيل : شغل والله يا سولا دماغي هتفجر من كتر التفكير

سيسيل : اهدي كده وكل حاجة تتحل ان شاء الله .. احكي لي في ايه يمكن اعرف اساعدك

يوسف : فاكرة القضييه اللي كنت ماسكها بتاعه المخدرات

سيسيل : اه لما جيت متعور

يوسف : ايون هي دي .. جالنا اخباريه ان فيه شحنه كبيره داخله مصر .. وكل يوم اجتماعات

علشان مفيش ثغرة تقف معانا ونقدر نضبط الشحنه دي .. من غير خسائر

سيسيل : هو كان لازم تشتغل في المكافحة يا جو .. كنت شوفلك ادارة سهله كده

يوسف بابتسامه : معلش بقي نعمل ايه في التنسيق

سيسيل : انت بتتريق

يوسف : اعملك ايه طيب .. المخدرات دي دمار علي البلد يا سيسيل .. بتضيع شباب وبنات

كثير صغيرين .. ولو دورتي ورا كل الجرائم اللي بتحصل هتلاقيها هي المخدرات .. لازم

نقضي عليها علشان البلد تنصف

سيسيل : ربنا يكرمك يارب يا جو ان شاء الله

يوسف : دعواتك يا سيسيل

سيسيل : ربنا يوفقك ويكرمك يارب ان شاء الله .. تخلي بالك من نفسك يا جو

يوسف : سيبها ع ربنا .. يلا انا هدخل انام علشان اصحي فايق للعمليه بكرة ان شاء الله

سيسيل : هي الضبطيه بكرة

يوسف : اه بكرة بعد نص الليل ان شاء الله

سيسيل : مش هتضر مع رودي الفلانيتين

يوسف : والله انا جايلها الهديه .. بس مش عارف هعرف اديهاها ولا لاء .. لما ارجع ان

شاء الله بقي .. تعالي اوركي جبتلها ايه

دخلت سيسيل مع يوسف غرفته .. وفتح لها هديته لرودينا وكانت سلسله ذهب مكتوب عليها

يوسف

سيسيل : يا واد يا رومانسي انت وكمان اسمك

يوسف : الحقد هيشغل بقي

سيسيل بحزن مثل الاطفال: انا حقودة انا .. وبابتسامه رقيقه ربنا يسعدكم يارب وتتهنوا دايمًا

.. يوسف تخلي بالك من نفسك علشاننا

يوسف : حاضر يا حبيبي عمري ما هسيبكم ابدا

سيسيل : توعدي

يوسف : اوعدك .. يلا بقي بطلي رغي عندي شغل بكرة ده انتي رغايه

سيسيل : ماشي يلا تصبح ع خير

يوسف : وانتي من اهله

تركته سيسيل بعد ان اغلقت نور الغرفه .. ودخلت غرفتها وفتحت الحاسوب الشخصي علي

اغنيه " القريب منك بعيد " لنجاه ووقفت في الشرفه

القريب منك بعيد

والبعيد عنك قريب

كل دة وقلبي اللي حبك لسة بيسميك حبيب

حبيب عنيا حبيب احلامي حبيب دموعي وهنا ايامي اهون عليك اسهر بالامى وتوه نجوم الليل

فى ضلامي

يا رايح للى فايتلى عيوني سهرانة ولا دارى امانة اوصفلوا دمع عيوني طول ليلى ونهارى

كل دة وقلبي اللي حبك لسة بيسميك حبيب لسة بيسميك حبيب

فاكر فاكر فاكر ولا ناسى ياما ياما كنت باسى حتى مع الايام الحلوة الايام الحلوة الحلوة

وقت ما كنت بقابلك فيها كانت الفرحة الفرحة معاك توحشنى قبل ما يجى ميعاد لياليها كنت

لسة فى الحب لسة بتعلم جديد مكنتش اعرف ان

القريب منك بعيد

والبعيد عنك قريب

استمع ادم الي صوت نجاه علم انها في الشرفه ولكنه كان لا يريد ان يدخل واكتفي بالنظر لها من خلف النافذه .. كانت دموعها تنساب مع كلمات الاغنيه .. وكان يشعر هو بوجع في قلبه لان هو سبب حزنها .. كانت دموعها لا تترك عيناها .. حتي انتهت الاغنيه ونظرت علي شرفته نظرة مليئه بالحنين والاشتياق له ولكنها دخلت الي غرفتها واغلقت باب الشرفه في صباح اليوم التالي ذهب ادم الي عمله ودخل مكتبه ولفت انتباهه صندوق هدايا ملفوف بورق الهدايا وبه شريط احمر ومعلقا فيه وردة بيضاء .. ومعه بطاقة صغيرة مكتوب فيها " ستبقي حبيبي .. حتي وان لم تكن نصيبي " .. فتح الصندوق وجد بداخله الهاتف النقال الذي كان يريد .. استغرب لتلك الهديه .. وضع الهديه جانبا وبدأ في ممارسه عمله .. كان يسير في ممر الاستقبال ووجد ريم

ريم : صباح الخير يا ادم

ادم : صباح النور يا ريم

ريم : ادم ممكن اتكلم معاك شويه

ادم : تعالي نروح نقعد في كافيتريا المستشفى ونتكلم

ذهب ادم وريم الي الكافيتريا وطلب ادم له فنجان من القهوة وطلب لريم كوبا من العصير

ريم : من امتي بتشرب قهوة

ادم : دماغي مصدعه ومش مركز فقولت يمكن القهوة تفوقني

ريم : ماشي .. هنفضل كده لحد امتي يا ادم

ادم : ياريم انتي مالكيش دعوة بالموضوع اصلا بس انا فعلا تعبان

ريم : سيسيل برضه مش بتكلمك

ادم : لاء يا ريم مبتكلمنيش .. وده اللي تاعبني انا وسيسيل متربيين سوا وعمرى ما عاملتها

كده .. انا وسيسيل كنا اقرب صحاب لبعض

ريم : حاول تاني يا ادم انا بجد تعبانه وحاسه ان سيسيل متغيره كمان معايا وكل ما اكلها

تهرب بالشغل

ادم : سيبها علي ربنا انا هحل كل حاجة انا هقوم اشوف شغلي

ريم : اوك

ذهب ادم وهو حائرا في تصرفات سيسيل وحائرا في احساسه بها وحائرا في امر ريم التي لم

تتذكر ان اليوم هو عيد الحب ولم تأتي له بهديه او حتي تقول له كل عام وانت بخير .. وحائرا

في صاحبه الهديه

مر اليوم سريعا علي الجميع .. وفي نهاية اليوم اتصل ادم بعلي

ادم : ايوة يا علي

علي : ايوة يا ادم

ادم : عايز اشوفك قابلني بعد ساعه في نفس الكافيه

علي : هكون عندك في اقل من كده كمان

ادم : سلام

علي : سلام

ذهب ادم الي الكافيه المتفق عليه مع علي وجلس في انتظاره .. كان شاردا وجاء اليه علي وجلس امامه ..

علي : ايه يا ادم قلقتني

ادم بحزن : انا خلاص مش قادر يا علي

علي : اهدي بس وكل حاجة هتتحل في ايه

ادم : حاسس اني بموت يا علي .. مش قادر احس انها بعيد عني .. مش قادر اشوفها ومش قادر اكلها

علي : ادم

ادم مقاطعا : ايوا يا علي بحبها .. بحبها يا علي

علي مشفقا علي حال صديقه : طب وريم يا ادم

ادم : مش قادر . مش قادر احسها .. كل يوم بحس اني ببعد عنها اكثر من اليوم اللي قبله ..

كل يوم بيعدني عليا بحس اني اختارت غلط .. بس خايف اجرح .. خايف اظلم .. خايف سيسيل متكونش بتحبني يا علي خايف

علي : اهدي يا ادم مش كده

ادم وو يخرج صندوق الهدايا ويعطيه لعلي

علي باستغراب : ايه ده

ادم : ودي الحيرة الاكبر .. هديه

أمسك علي الصندوق وبدأ يتفحصه ويقرأ البطاقه : ستبقي حبيبي حتي وان لم تكن نصيبي ..

انا مش فاهم حاجة

ادم : لما انت مش فاهم انا اعمل ايه .. والموصييه ان الموبيل ده اللي انا كنت عايزه

علي : مين يعرف بموضوع الموبيل ده

ادم : رودينا

وضع علي الصندوق مرة اخري امام ادم : ما يمكن رودينا

ادم : رودينا هتبعلي هديه في الفلانتين وتقولني ستبقي حبيبي حتي وان لم تكن نصيبي ..

رودينا هتبعلي وردة بيضا .. نظر ادم الي الهديه التي امامه ووجد بها وردة بيضاء .. وكانت

كلمات البطاقه تسير امامة وتذكر بوكيه الورد الابيض الذي ارسل له في عيد ميلاده وكانت

البطاقه تحمل نفس الكلمات شرد ادم قليلا وعاد بالزمن الي الوراء

فلااااااش بااااااك

كانوا واقفين علي الكورنيش

ادم : تسابقيني

سيسيل : بس هغلبك

ادم بتحدي : هنشوووووووووف

ركضوا علي الكورنيش وكان ادم يركض وتركض خلفه سيسيل وكانوا يضحكون ويمرحون

ادم : الحمد لله اظننو .. للاسف الرصاصه كانت في مكان قريب جدا من القلب .. الحمد لله
قدرنا نخرجها .. وهو هيتحط في الرعايه لحد ما صحته تتحسن
رودينا بدموع : هيعيش
ادم : هيعيش .. ادعوله بس
ظلوا جالسين جميعا ومعهم ادم امام باب الرعايه حتي الصباح
ادم : يا جماعه قعدتكم دي مالهاش لازمة والله هو هيبقي كويس وهو يقترب من حنان انا
عمري كدبت عليكى والله هيبقي كويس
حنان : يوسف يا ادم يوسف
ادم وهو يضم حنان اليه : والله هيبقي كويس .. ان شاء الله هيبقي كويس
سيسيل : خالتو انتي تعبانة .. روعي انتي وانا قاعده معاه ولو حصل اي حاجة والله هكلمك
ادم : خلاص بقي اظمني معاه اتنين دكاترة اهو ولا احنا مش مالين عينكم بقي
اسماعيل : يلا يا ام يوسف روعي ارتاحي شويه يكون فاق ع الاقل
نجلاء : يلا بقي يا حنان ادم وسيسيل معاه
حنان : حاضر
اسماعيل : يلا يا رودينا
رودينا : لاء مش هسيبه .. مش هسيبه
نجلاء : طيب خلّيكى يلا يا حنان ارتاحي شويه وهنجيبك العصر
ذهبت حنان معهم لتراتح قليلا وظلت رودينا وايات
جاء لهم رامى ليظمنن علي يوسف
رامى : يوسف عامل ايه دلوقتي يا ادم
ادم : الحمد لله
رامى : الحمد لله لو احتجتم حاجة ابعتولي علي طول
ادم : ان شاء الله
ذهب رامى الي سيسيل : الف سلامة علي يوسف يا سيسيل
سيسيل بتماسك : الله يسلمك
تركهم رامى ليري عمله
رودينا : انا عايزة ادخله
ادم : مش هينفع يا رودينا
رودينا : علشان خاطري وحياه يوسف دقيقه واحده بس اشوفه يا ادم
ادم : طيب ادخلي الاول خلى الممرضه تجهزك وادخليله 5 دقائق بس ومفيش كلام ولا عياط
رودينا : حاضر
دخلت رودينا الي حبيبها يوسف وظلت جالسها بجواره تبكي وتقبل يداه : كده عايز تسيبني ..
ومتخلّيش بالك من نفسك .. حياتك سهله عليك كده .. كده يا يوسف تموتني من الخوف عليك
قال لها بصوت متقطع : اسيبك ازاي طيب وانتى روعي

رودينا بفرحة : يوسف انت اتكلمت .. اتكلمت صح .. قول تاني يا يوسف قول تاني

يوسف بصوت متقطع : انتي روجي

خرجت لهم رودينا مسرعه وبصوت عال : يوسف فاق يوسف فاق

دخلت له ايات ولكن سيسيل لم تستطع الدخول فهي تعرف نفسها انها ستبكي وظل واقفا معها

ادم ارتمت بين ذراعيه وظلت تبكي وتركها تفرغ مافي داخلها باكملة

ادم : يوسف بقي كويس يا سيسيل اهدي وبلاش كده

سيسيل : خايفه عليه اوي خايفه عليه

ادم : يلا اغسلي وشك وتعالى ندخل نطمن عليه

ذهبت سيسيل الي المرحاض وغسلت وجهها من البكاء وذهبت اليهم وقالت بصوت صارم

محاولة التماسك : يلا يا انسه انتي وهي الزيارة ممنوعه

يوسف : يا بت انتي هتعملي دكتوراة علينا ولا ايه

سيسيل : الكلام ممنوع يا حضرة الطابط واعتقد ان انت هنا في ملعبى والي اقوله هو اللي

يمشي

ادم : يلا يا ايات انتي ورودينا من غير مطرود

رودينا : طب شويه صغيرة

ادم : مفيش شويه يلا

يوسف: ماما فين يا ايات

ايات : شويه وهتجيلك هي بس راحت ترتاح شويه

ادم : ياريت تريح نفسك بقي كده ومتفكرش في اي حاجة

سيسيل : مين اللي هيتابع حاله يوسف

ادم : هو انا مش مالي عينك ولا حاجة

سيسيل : قصدي متدربين

ادم : اه هخليكي انتي مع يوسف

سيسيل : شكرا يا دكتور

ادم : سيسيل بعد اذنك ثواني

خرجت له سيسيل

ادم : مش خلاص بقي ولا ايه مكنتش غلطة دي .. خلاص بقي ما يبقاش قلبك اسود

سيسيل : ياريت قلبي كان اسود يا ادم .. عامه خلينا بس نطمن علي يوسف ويخرج بالسلامة

ان شاء الله

ادم : ان شاء الله هيخرج بالسلامة .. صافي يا لبن

سيسيل : خلاص يا ادم

لم يريد ادم ان يقول لها عن الهدية لانه لم يتذكرها ولم يكون الوقت مناسباً لهذا الحديث ..

ذهب ادم الي مكتبه ووجد صندوق الهايا علي مكتبه .. خرج للمرضه المسئوله عن مكتبه

ادم : هو مين اللي جاب العلبه دي

المرضه : دي المرضه سناء جابتها وقالت انها وقعت من حضرتك لما شفت المصاب

ادم : ماشي شكرا

جلس ادم علي مكتبه ووضع العلبه امامه : كأن القدر بيقولي انك دائما قريبه مني .. ياتري يا

سيسيل بتحبيني فعلا .. ولا خلاص كرهتيني من الوجع اللي سببتهولك .. طب وريم يا ادم ..

انا لازم انهي كل حاجه مع ريم علشان مظلماش معايا .. انا مش قادر حتي احس بيها ..

غيابها او وجودها مش فارق معايا .. انا بحب سيسيل بجد .. ومحستش بالحب ده غير لما

بعدت عني .. يااه ع الزمن

علم زياد بما حدث ليوסף وجاء له الي المستشفى ..

زياد : الف سلامة عليك يا جو كده ياض عايز تخلع وتسيبنا كده

سيسيل : الملافظ سعد

زياد : مالكيش دعوة واتفضلي روعي شوفي شغلك

يوسف : ماهو انا شغلها

زياد : اه ده انتي هتقرفينا بقي .. يلا يا ماما شوفي حالك

سيسيل وهي تضربه علي كتفه : بس يارخم

ظلوا جالسين مع يوسف وكان زياد يجعله يضحك

يوسف : يخربيتك هتوقف قلبي من الضحك مش قادر

ولكن قطع دق الباب وكان رامي هو الطارق .. دخل رامي الي غرفه يوسف

رامي : حضرة الطابط عامل ايه دلوقتي

يوسف : بخير الحمد لله .. ده زياد اخو سيسيل

رامي : اه ازيك عامل ايه

زياد : تمام الحمد لله .. ها يا دكتور الواد ده هيخرج امتي

سيسيل مقاطعه : يوسف حاله ادم .. مش دكتور رامي

زياد بضحكة : عشت وشوفتك بقيت حاله

يوسف : يلا يا جزمة

رامي : انا بس حبيت اطمن علي حضرة الطابط .. والف سلامة عليك يا يوسف .. وحمد الله ع

سلامتك يا زياد

يوسف وزياد : الله يسلمك

رامي بصوت حنون : مش محتاجة حاجة يا سيسيل

سيسيل بصوت صارم : سلامتك يا دكتور

رامي : بعد اذنكم

الجميع : اتفضل

خرج رامي ودخل بعده مباشرة ادم

ادم بحدة : هو رامي كان بيعمل ايه هنا

زياد : كان بيزور يوسف

ادم : ويزورة ليه هو يعرفه
زياد وهو يغمز ليوسف : الله مش قريب سيسيل لازم يسأل عليه .. وبعدين يا اخي الراجل
بيعمل الواجب انت متضايق ليه
ادم : وانا هتضايق ليه يعني .. انا هروح اشوف اللي ورايا
زياد : هو انت كنت جاي ليه
ادم بارتباك : اه علشان اشوفكم عايزين حاجة ولا لاء
زياد : لا يا سيدي شكرا مش عايزين
ادم : طيب هروح اشوف اللي ورايا
خرج ادم وظلت سيسيل ساكنه ولكنها تنهدت
زياد : هو فيه ايه يا جو
يوسف : والنبي يا اخويا ما انا عارف هو ايه اللي حصل انا عيان محدش يسألني ع حاجة
زياد : في ايه يا سيسيل ايه اللي حصل
سيسيل : مش وقته يا زياد
جاءت آيات وحنان ورودينا الي يوسف وتفاجئوا بوجود زياد .. وسلمو عليه جميعا .. وتركتم
سيسيل بحجة انها ستقوم ببعض الاعمال .. ولحق بها زياد
زياد : سيسيل
سيسيل وهي تلتفت خلفها : ايوة يا زوز
زياد : ايه يا حبيبتي مالك
سيسيل : ولا حاجة يا حبيبي انا تمام
زياد : المستشفى دي فيه كافيتريا ولا لاء
سيسيل : اه فيها طبعا
زياد : طب تعالي نقعد نتكلم شويه
ذهب زياد مع سيسيل الي كافيتريا المستشفى وجلسوا سويا وظلت سيسيل صامته
زياد : هتفضلي ساكنه كده ما تتكلمي
سيسيل : اقول ايه
زياد : كل اللي جواكي وحاسه بيه
سيسيل : حاسه اني متلخبطة ولاول مرة مابقاش فاهمة ادم
زياد : مش فاهم
سردت له سيسيل ما حدث في الكافيه وتعبها .. والاسف ادم لها واهتمامة بها .. وارسال الهديه
له .. وحديثه معها بعد مرض يوسف وانها يجب ان تسامحه .. واخيرا غيرته الواضحة
وارتباكة عندما كان رامي في الغرفة
ظل زياد مستمعا لحديثها وبعد ان انهت كلامها : اوليا يا سيسيل انا بس عايز اعرف ليه بعتي
الهديه
سيسيل : مهما كان مزعلني ومهما كان جارحني انا عارفه اني عمري ما هقدر ابعد عنه او

انساه .. مكنش ينفع يعدي عيد الحب من غير ما ابعتله حاجة هتفرحة .. وخصوصا بعد ما
عرفت من رودينا انه نفسه في الموبيل ده

زياد : بس انتي بتيجي علي نفسك اوي يا سيسيل

سيسيل : انا ضحيت بحاجات كتير اوي علشان ادم واولهم سعادتي .. بس مش هاممني كفايه
علياشوفه سعيد .. عارف يا زياد انا فرحت اوي انهاردة .. فرحت لما لاقيته غار عليا من
رامي .. بس لاقيت صورته ريم قدامي حسيت اني تعبانة اوي .. مش فاهمة ادم ومش عارفه
هو عايز مني ايه .. حاسه اني تعبانة وبجد مش فاهماه

زياد : احنا طول عمرنا اصحاب قبل ما نكون اخوات وطول عمري بعاملك انك بنت ناضجة ..
بس لا تصرفاتك ولا اسلوبك عاجبني .. حاسس ان حبك لادم عماكي عن حاجات كتير اوي ..
اولهم ان ادم عمره ما هيبقي ليكي .. بلاش يا سيسيل تبقي ضحية لحاجة فاشله من بدايتها ..
ارجعي يا سيسيل عن اللي في دماغك واهتمي بنفسك وبحياتك .. وبكرة ربنا يبعثلك الاحسن
اللي يحبك ويتمناكي .. ادم عمره ما فكر فيكي والدليل انك كنتي قدامة وخطب غيرك .. ادم لو
حبك في يوم كان جري وراكي وعمل المستحيل علشانك وبصوت عالي قليلا .. فوقي بقي من
اللي انتي فيه ده .. محدش هينفعك .. اللي هينفعك هو شغلك ومستقبلك .. ارجعي سيسيل
بتاعه زمان ..

سيسيل ببكاء : سيسيل ماتت جويا خلاص يا زياد

زياد بحده : زي ما مموتيتها بايدك ترجعيها تاني بلاش نبكي علي حاجة راحت بس نبص علي
اللي جاي

سيسيل وهي تقوم تقف : مفيش جاي يا زياد

قام زياد ومسكها من ذراعها : الجاي انتي اللي هتعمليه ومش عايز اشوف اليأس ده فيكي
سيسيل وهي تلتفت له وتنظر له بعيون دامعه ولكن قطع كلامها سقوطها مغشيا عليها ..
انتفض زياد اثر وقوعها وحملها ووبصوت عال : دكتووووووووور عايز
دكتووووووووووور

ركضت نحوه احدي الممرضات وساعدته في وضعها علي احدي السرائر المتحركة وذهبت به
الي احدي غرف الكشف وجاءت لها سحر وبدأت في فحصها
زياد بقلق : فيها ايه يا دكتورة

سحر : متقلقش ضغطها وطى فجأة .. انا اديتها حقته ترفع مستوي الضغط وشويه هتبقي
كويسه .. انت قريبها

زياد : انا اخوها

سحر : متقلقش هي هتبقي كويسه ان شاء الله بعد اذنك

زياد بارتياح : اتفضلي

جلس بجوارها يعتذر لها ويحاول ايفاقها .. علم ادم ورامي جاءوا اليها مسرعين

ادم بلهفه وخوف وانفعال : مالها يا زياد فيها ايه سيسيل يا زياد

زياد باستغراب من تلك المشاعر الظاهرة علي وجه وفي نبره صوته : كويسه يا ادم مفياش

حاجة .. الضغط وطي فجأة

ادم والدموع في عينيه ولكنه يحاول التماسك : يعني هي كويسه

زياد : ايوة يا ادم كويسه متقلقش

رامي : الف سلامة عليها

زياد : الله يسلمكم

في ذلك الاثناء جاء الي يوسف هشام زميله الذي اصيب معه في الحادث وكان معه اللواء خالد

مدير ادارة المكافحة

حاول يوسف النهوض عندما رآهم ولكن خالد منعه

خالد : خليك يا بطل والف سلامة عليك

يوسف : الله يسلمك يا سيادة اللواء .. ايه اللي حصلك يا هشام

هشام : اهو بعد انت ما اضربت وقفت قدامك خدتلي رصاصه في كتفي اليمين يلا الحمد لله ..

هشام وهو ينظر لايات : ازيك يا انسه ايات

ايات بخجل : الحمد لله .. الف سلامة عليك

هشام : الله يسلمك

يوسف : الف سلامة عليك يا اتش

هشام : و عليك يارب

خالد : يلا اتجدعن يا سيادة الرائد وقوملنا كده بالسلامة

يوسف باستغراب : راند

خالد : مبروك الترقيه بعد العمليه اللي عملتوها انت وهشام .. الحمد لله قدرنا نحبط عمليه

التهريب وكمان مسكنا اهم خيط في القضييه وعرفنا نتوصل لمين هو الراس الكبيره

يوسف بفرحة : بجد

خالد : ما تقوله يا هشام

هشام : هه

خالد : لا ده انت مش معانا خالص

هشام : لا ابدا يا فندم بس اصل

خالد : لا اصل ولا فصل .. الحكايه مافيها يا سيادة الرائد ان الراس الكبيره طلع وليد الشاذلي

ايات باستغراب : وليد الشاذلي صاحب شركة ايزيس للسياحة

خالد : انتي تعرفيه

ايات : وليد يعتبر اكبر منافس لينا .. مع انه شاب صغير بس صاحب اكبر شركة سياحة في

اسكندرية

خالد : للاسف كان بيستغل الافواج السياحيه في جلب المخدرات

يوسف : الحمد لله ان انتوا عرفتوا تمسكوه

خالد : يلا يا سيادة الرائد منتظرينك علشان انت اللي هتبدأ التحقيق معاه

يوسف : ده شرف ليا يا فندم

خالد : يلا هسيبك انا ترتاح ايه يا هشام جاي معايا ولا ايه
هشام وهو ينظر لايات : اه يا فندم يلا سلامتك يا جو الف سلامة
يوسف : الله يسلمك ويعافي عنك ان شاء الله

خرج خالد وهشام وكانت رودينا تنظر نظرات حائرة لايات التي صبغ وجهها باللون الاحمر من
الخلج

رودينا : سيسيل فين صحيح وزياد مشي وراها ماجاش حتي ادم مش ظاهر ماتقومي نشوفهم
فين

ايات : اوك يلا

خرجت ايات ورودينا الي الخارج للبحث عن سيسيل

رودينا : ايه تعرفيه منين ده

ايات : هو مين

رودينا بهيام : هشام

ايات : يا خفيفه .. ده اللي كنت راكبه معاه في خطوبتكم وعادي يعني

رودينا : هو ايه اللي عادي انتي مش شايفه كان بيبصلك ازاي

ايات : يا بنتي عادي انا الموضوع ده مش في دماغي

رودينا : ماشي ماشي .. تعالي نسأل الممرضه دي فين ادم ولا سيسيل

ذهبت رودينا الي الممرضه لتسأل عن ادم وعلمت انه في غرفه الكشف مع سيسيل لانها فقدت

الوعي .. ركضت رودينا وايات الي الغرفه الموجوده بها سيسيل ووجدوا ادم ورامي وزياد

ايات بقلق : في ايه مالها سيسيل يا زياد

زياد : هي الحمد لله كويسه

رودينا : في ايه يا ادم مالها سيسيل

ادم بحزن : هي كويسه الحمد لله

بدأت سيسيل ان تفيق وتحاول استعادته وعيها وفتحت عيناها .. وجدت الجميع حولها ..ولكن

اقترب منها ادم بشكل مفاجئ : سيسيل انتي كويسه

سيسيل بارهاق : اه كويسه

شعر رامي بالغيرة من تصرف ادم .. وكان الجميع في حاله استغراب من تصرف ادم

زياد : معلىش يا جماعه بعد اذنكم بس لانها محتاجة ترتاح شويه

خرج الجميع الا ادم الذي ظل مكانه واقفا بجوارها ولا يستطيع ان يتركها ابدأ

زياد بحدة : ادم معلىش بس عايز سيسيل شويه

ادم بخوف عليها : لو سمحت يا زياد تخلي بالك منها

زياد : دي اختي يا ادم

تركة ادم وقلبه يعتصر من القلق والخوف عليها .. ولكنه خرج بناءا علي طلب زياد

جلس زياد بجوار اخته وضماها اليه : انا اسف يا سيسيل .. بس انا خايف عليك يا حبيبتي

سيسيل : انا عارفه انك خايف عليا .. بس شفت خوفه وقلقه عليا يا زياد .. اهتمامه بيا

بیرجعلي الروح من جدید
زیاد : لو نصیبك هیجیلک یا سیسیل مهما مر الزمان
سیسیل : وونعم بالله
زیاد : یبقي نفوق بقي كده
سیسیل : حاضر
زیاد : طب یلا اشربي العصیر ده وفوقی بقي كده
سیسیل : حاضر
جاءت لها ریم عندما علمت باغمائها
ریم : الف سلامة علیکی یا سولا
سیسیل : الله یسلمك یا ریم .. زیاد اخویا .. ریم صحبتی وبقلب متقطع وخطیبه ادم
زیاد : اهلا وسهلا
ریم : اهلا بیک .. طیب یا حبیبتی انا قولت اجی اطمین علیکی .. اسیبکم براحتکم
سیسیل : میرسی یا ریم
ظل زیاد جالسا بجوار اخته حتی تحسنت .. وذهبا سویا الی یوسف فی غرفته ..
حنان : مال وشك یا سولا
سیسیل بارهاق : ابدأ یا خالتو انا کویسه الحمد لله
حنان : مالها یا زیاد
زیاد : مفیش حاجة یا حنون بس ارهاق الشغل انتی عارفه کمان بقالها کام یوم منامتش
یوسف : معلش یا سولا انا عارف انی تاعبک
سیسیل : متقولش كده یا جو سلامتک عندنا بالدنیا
یوسف : الله یسلمك یا حبیبتی
حنان : تعالی اقعدی جمبی
سیسیل : معلش یا خالتو عندی کام حاله كده همر علیهم وارجعلکم تانی
ذهبت سیسیل الی عملها لتباشر مرضاها وقابلت رامی
رامی بلهفه : بقیتی کویسه
سیسیل : الحمد لله
رامی : كده تخضینا علیکی
سیسیل : معلش بعد كده هاخذ بالی
رامی : سیسیل کان فیہ موضوع عایز اتکلم معاکي فیہ
سیسیل : معلش یا رامی عندی کام حاله عایزة اخلصهم علشان اروح اقعد مع جو .. ممکن
الموضوع یتأجل شویه
رامی : اوک یا سیسیل
سیسیل : بعد اذنک
رامی : اتفضلی

الثالث والعشرون

ستبقي حبيبي

بعد انتهاء موعد العمل ذهب ادم الي منزله .. ودخل الي غرفته وظل شاردا .. ماذا يفعل في امر ريم .. وكيف سيواجهها في امر انفصالهما .. شرد في سيسيل وكيف كان سيموت عليها عندما علم انها فقدت وعيها .. وضع امامه الهدية وشرد في حبيبته .. دخل عليه والده وجده شاردا

اسماعيل : ها يا ادم يوسف عامل ايه انهاردة

ادم : الحمد لله كويس .. بس مش هيقدر يطلع دلوقتي قدامة شوية

اسماعيل : الحمد لله .. وانت مالك يا دوما فيك ايه

ادم : تعبان اوي يا بابا .. مش عارف اعمل ايه

اسماعيل : مالك يا ادم انا مش فاهم حاجة

ادم : عارف انك هتقول عليا مجنون هتقول عليا عيل بس مش قادر اخبي في قلبي اكر من كده

اسماعيل بقلق : يا ابني فهمني بالراحة انا مش فاهم حاجة

ادم : انا طلعت بحب سيسيل يا بابا

اسماعيل : " اخيررررر اعتررررررت " بس يا ادم

ادم مقاطعا : عارف يا بابا طب وريم

اسماعيل : ايوة يا ابني انت جاي دلوقتي تعترف بحبك لسيسيل وانت فيه واحدة في حياتك

ادم : هو ده اللي تاعبني .. مش عارف اقولها ايه ومش عارف اعمل ايه .. بس انا لازم انهي

كل حاجة مش قادر اعيش من غير سيسيل .. حاسس اني تعبان وهي بعيده عني

اسماعيل : بلاش تهور يا ادم .. اصبر يا ابني شوية لحد ما يوسف يقوم بالسلامة

ادم : مش قادر

اسماعيل : قرب منها وشوفها بتحبك ولا لاء علشان متخسرش كل حاجة

ادم : حاضر يا بابا

في ذلك الاثناء وبعد انها عملها ذهبت الي كورنيش البحر ووقفت ونظرت الي البحر وشردت

بعيدا .. شردت في حالها وفي اسلوب ادم .. فاصبح اكثر حنان ورقه معها .. شعرت بالامان
معه .. شعرت ان هذا هو حبيبها .. فادم قد عاد اليها من جديد .. ولكن قطع شرودها صوته
من خلفها

هتفضلي واقفه هنا كتير

سيسيل : زياد

زياد : اه .. احنا مش اتفقنا ان مفيش سرحان تاني

سيسيل : كنت واقفه مع البحر شويه

زياد : كنتي بتقوليله ايه

سيسيل : كنت بقوله يقول للدنيا تخف عليا شويه اصلي مش قدها

زياد : سيسيل مش كنا انتهينا من الموضوع ده

سيسيل بدموع : عارف يا زياد لو بايدي كنت نهيته من زمان .. كل ما بقول انا بكرهه وتعبت

منه .. الاقيه بيعمل حاجات غصب عني بتقربه مني اكثر

زياد : سيسيل وحياتي عندك تخلي بالك من نفسك .. انا بقيت بقلق عليك اكثر من اي وقت

تاني

سيسيل : متقلقش يا زوز انا والدنيا بنعاند بعض .. واهي ماشيه

زياد : سيسيل

سيسيل مقاطعه : علشان خاطري يا زياد سيبني براحتي

زياد : يا سولا انا خايف عليك اللي انتي بتعمليه في نفسك ده اخره دمار

سيسيل : " دمار ايه اكثر من اللي انا فيه .. يعني مهما الدنيا عملت فيا هتعمل فيا ايه اكثر من

اللي عملته " متقلقش يا زياد

زياد : ماشي يا سولا .. انا جيت اسلم عليك قبل ما اسافر

سيسيل : انت هتسافر دلوقتي

زياد : اه يا حبيبتي عندي شغل في المحكمة بكرة الصبح ولازم اراجع القضية

سيسيل : ربنا يوفقك يا حبيبي

زياد : طب يلا علشان اوصلك في طريقي

سيسيل : اوك يلا

ذهبت سيسيل الي منزلها ولم تجد سوي ايات

سيسيل : هي خالتو فين

ايات : باتت مع يوسف انهاردة علشان انتي ترجعي ترتاحي شويه

سيسيل : انا هدخل اخذ دوش واريح حبه

دخلت سيسيل الي المرحاض واخذت حماما دافئ وكانت دموعها تتساقط علي حالها .. وحاولت

ان تنسي ما حدث .. وتسترخي وتهدئ اعصابها .. خرجت سيسيل من المرحاض وتوجهت الي

غرفتها وفتحت الحاسوب الشخصي علي اغنيه " وحياه اللي فات لنجاه " ووقفت في الشرفه

تنسال منها دموعها رغما عنها

كان يقف خلف الشرفه يستمع الي الاغنيه وكانت دموعه تسبقه علي بعده عنها وعدم قدرته علي الكلام وعدم بوحه لها بانه يحبها .. كان يستمع الي كل كلمة ويشعر انها له وتلومه علي ما فعله بها .. ولكنه قرر ان يخبرها بمدى حبه لها ولكن عندما يتعافي يوسف مرت الايام وكان يوسف يتحسن يوم بعد يوم حتي جاء موعد خروج يوسف وكان الجميع في استقباله في المستشفى ويهنئوه بخروجه وكان معهم هشام سيسيل : حمد الله ع السلامة يا سيادة الرائد والف مبروك الترقيه .. ومش عايزة اشوف وشك هنا تاني

يوسف : يارب ما ادخلها تاني ابدأ

الجميع : ان شاء الله

ادم : يوسف لو حسيت باي اعراض او اي حاجة تقولي عليها علي طول ومتستناش .. ولازم يبقي فيه كشف دوري

يوسف : انت هتقلقتي ليه

ادم : مش قلق يا جو بس ده اللي لازم يحصل العمليه كانت خطيرة واحنا خايفين من اي مضاعفات

سيسيل : ان شاء الله هيبقي كويس خالص ومفيش اي مضاعفات

يوسف : شاكك فيك مش عارف ليه .. انت عامل فيا ايه

ادم وهو يضربه : هعمل فيك ايه بدل ما تشكرني علي اني انقذتك

يوسف : انت هتدلني يا ابني انت ليك الشرف انك عملت العمليه دي ليا

ادم : يا عيني ع التواضع اللي انت فيه

يوسف : يلا خلصوني بقي عايز اخرج

ادم : طيب اصبر للدرجة دي مش طايقنا

يوسف : ال يعني عاتقتي هيبقي في البيت والمستشفى مفيش تجديد

ادم : يا ابني انت تطول

يوسف : ده انتوا استلمتوني بقي

حنان : طب يلا يا حبيبي علشان نمشي

يوسف : ايوة كده بقي يا ماما والله البيت وحشني اوي

رودينا: وانت وحشت بيتك اوي

يوسف : ربنا ما يحرمني منك يارب

رودينا بخجل : بس تبقي تخلي بالك من نفسك علشانني

يوسف : حاضر

عاد يوسف الي بيته وكان الجميع حوله وادخله ادم الي غرفته وخرج لهم ف الرده

كان ادم ينظر الي سيسيل نظرات مليئه بالحب والاشتياق .. كان يريد ان يقول لها احبك ..

ولكنه حاول ان يتماسك حتي ينهي امر ريم

كانت الايام تمر ولكنه لا يستطيع ان يتحدث مع ريم .. لم يعلم ماذا يقول لها .. او كيف سيبدأ

حديثه .. كان يشعر بالحيرة والخوف .. ريم لم تجرحة في يوما ولكن كيف سيحيا معها وفي قلبه اخري .. كان الارهاق والتفكير يلزمونه دائما .. كان شديد الانفعال .. ولكنه كان يقترب من سيسيل بشكل ملحوظ .. كان يغار عليها ويخاف عليها .. كانت متعبه وتفكيرها مشتت بسبب تصرفات ادم الغير واضحة ..

كان ادم يشعر بالاضطراب ويشعر بالضيق فاتصل بصديقه علي

ادم : ايوة يا علي

علي : ازيك يا دوما

ادم : اهو ماشي الحال

علي : انت مش متظبط الفتره دي خالص

ادم : تعبان والله يا علوة ومش عارف اعمل ايه بجد

علي : عايز رأيي

ادم بترجي : ياريت

علي : لازم تتكلم مع سيسيل وتقولها كل اللي في قلبك وهي الوحيدة اللي هتخرجك من اللي

انت فيه ويمكن يبقي عندها حل لموضوع ريم

ادم : تفكر

علي : بصراحة مفيش غير كده

ادم : وهو ده اللي يتعمل لاني بجد تعبت .. متشكر اوي يا علي

علي : متشكر علي ايه بس ده انت اخويا يا واد

ادم : ربنا يخليك ليا يارب

علي : ويخليك .. يلا اسيبك انا علشان اشوف شغلي

ادم : سلام يا علي

كانت تمر الايام وكان ادم يحاول التحدث مع سسيل ولكن لم يسمح لهم القدر باللقاء او الحديث

وفي احدي الايام كانت سيسيل تتابع احدي المرضى مع ادم وبعد خروجهم من غرفه المريض

ادم : وراكي حاجة انهاردة بالليل

سيسيل : لاء هخلص المستشفى واروح

ادم بجديه : طيب عايزك في موضوع بعد المستشفى ممكن

سيسيل : في ايه يا ادم قلقتني

ادم : هتعرفني لما اشوفك هستناكي قدام باب المستشفى بعد ما نخلص اوك

سيسيل : اوك

عادت سيسيل الي عملها ولكنها شعرت ببعض الصداع فذهبت الي الكافيتريا لتطلب شيئا

لتشربه .. وجدت ريم هناك تطلب كوبا من النسكافيه ..

سيسيل : ازيك يا ريم

ريم : الحمد لله كويسه

سيسيل : برضه نسكافيه

ريم : عندي صداع فقولت اشرب اي حاجة تفوقني

سيسيل : الف سلامة

اخذت سيسيل كوبا من الشاي واخذت ريم كوب النسكافيه وساروا سويا .. ولكن وقفت سيسيل فجأة اثر اصطدام كوب النسكافيه بالارض ووقعت ريم علي الارض مغشيا عليها

الرابع والعشرون

ستبقي حبيبي

صرخت سيسيل في احدي الممرضات التي جاءت ركض وحملت ريم مع سيسيل علي احدي السرائر وركضت بها سيسيل الي احدي غرف الكشف وبعثت نداء الي سحر .. جاءت سحر تركض الي غرفه الكشف وبعد الفحص سحر : سيسيل عايزة تحليل دم كامل سيسيل : حاضر

اخذت سيسيل عينه من دم ريم وظلت في المعمل حتي خرجت التحاليل واعطت نتيجة التحاليل الي سحر .. نظرت سحر الي تقرير التحاليل سحر وهي تبلع ريقها : ناديلي دكتور رامي يا سيسيل سيسيل بقلق : هو في ايه سحر : يلا يا سيسيل بسرعه

ركضت سيسيل الي رامي وابلغته انهم في حاجة له .. وذهبت الي ادم سيسيل وهي تلهث : ادم الحق ريم انتفض ادم من مكانه : في ايه يا سيسيل سيسيل : مش عارفه يا ادم بس مش مطمئة ركض ادم مع سيسيل وذهبوا الي غرفه الكشف المتواجده بها ريم ادم : في ايه يا رامي

رامي : مش عارف يا ادم بس كل حاجة هتبان ادم : ما تفهمني في ايه

رامي وهو يأخذ ادم بعيدا وبصوت هامس : دي التحاليل بتاعه ريم .. انا شاكك انه يكون ورم

ريم : علاج اللي هيطول سنين ولا يا عالم ما يمكن مكمش علاج واروح عند ربنا

رامي : كفايه يا ريم حرام عليكي

ريم : حرام عليا ايه .. حرام عليا ابكي علي نفسي

دخلت سيسيل واترمت في احضان ريم : مش هتبكي ابدأ .. هتخفي وهتبقي كويسه .. وهحضر

فرحك علي ادم وقامت سيسيل بمناداه ادم .. مش كده يا ادم ومن بين دموعها مش انت كنت

بتقولي انكم هتنزلوا تنقوا الفستان صح .. وكمان علشان ارقص في فرحك

ادم كانت دموعه تسيل ولا يستطيع الرد

ريم : متعيطش يا ادم انا هبقي كويسه .. ومش عايزة ابقى انا سبب حزنك .. متحزنش عليا يا

ادم .. انا هبقي كويسه

اقترب منها ادم ومسك يداها : ان شاء الله تبقي كويسه

ريم ببكاء: ماما يا ادم خلي بالك منها .. وكلم محمد خليه يجي يقعد مع ماما كفايه غربه بقي ..

وانتي يا سيسيل عمري ما حبيت حد اد ما حبيتك .. كنتي اختي وصحبتني .. متزعليش من ادم

.. ادم ميقدرش يعيش من غيرك

سيسيل ببكاء وهي تلقي بنفسها بين احضان ريم : انا اسفه علي كل حاجة عملتها انا اسفه

ريم وهي تمسح دموع سيسيل : اوعي تتأسفي .. علشان انا عمري ما زعلت منك

سيسيل : هتقومي وهتخفي وهتبقي كويسه وهتفرحي عمرك كله

ريم : فرحتي بفرحتكم افرحوا انتوا علشان انا ابقى فرحانه .. بس متنسونيش وببكاء ولما

تفتكروني ادعولي

ادم : كفايه بقي كفايه

ريم : ادم .. انا اسفه غلظت في حقك كثير .. عارفه اني كنت بارده معاك وعمري ما حسستك

بالحب .. بس انا كان هدفي اني ابقى اشطر جراحة .. هنا في المستشفى كانوا مسميني

الانسان الالي لاني حاظه مشاعري في تلاجة علشان اوصل لهدفي .. كان نفسي اوي احقق

حلم امي .. بس غصب عني مش هقدر

رامي : كفايه كده ياريم ارجوكي ده مش كويس علشانك

ريم : مبقتش تفرق يا دكتور

رامي : ريم انا مش عايز ياس .. لازم تتشبثي بالحياه .. علشان متسيبش ادم لوحده ولا

تسيبي سيسيل مش هما حبايبك برضه .. حد يسيب حبايبه .. لازم تقاومي المرض متخلهوش

يهزمك .. ريم اللي انا اعرفها قويه .. مش عايز اشوف اليأس ده تاني .. اتفقنا

ريم : اتفقنا .. ادم متخافش عليا هبقي قويه ومش هسيبكم ابدأ .. بس كلم محمد عايزة اشوفه

ادم : حاضر

ذهب ادم الي مكتبه ودخل في حاله بكاء هستيري .. شعر بتأنيب الضمير تجاه ريم .. ولكنه

حاول الاتصال بمحمد اخو ريم .. وبعد ان رد عليه

محمد : اخيرا سألت عليا وافتكرت انك ليك صاحب وكمان نسيب

ادم محاولا التماسك : محمد انت لازم تنزل

محمد بخوف: في ايه يا ادم ماما جرالها حاجة

ادم : لاء يا محمد

محمد بفرع: ريم مالها يا ادم

ادم من بين دموعه : ريم معاها ورم في المخ

محمد بصدمة: انت بتقول ايه .. ايه الكلام اللي انت بتقوله ده

ادم : انا نفسي مش مصدق

محمد : ادم ابعلي كل الاشعه والتحاليل وكل التقارير يكونوا عندي انهاردة علي الايميل وانا

هوريهم لدكتور اورام هنا متخصص ولو طلبت هجيبها بطيارة لهننا تتعالج

ادم : حاضر يا محمد

اغلق ادم الخط مع محمد وقام بارسال التقارير والاشعه له عن طريق البريد الالكتروني ..

وحاول ان يستجمع قوته وذهب الي ريم وجدها غارقة في النوم ووجد سيسيل تقرأ القرءان

وتبكي وتدعي ان الله يشفي ريم

ادم بصوت هامس : نامت

سيسيل وهي تغلق المصحف وتصدق : اه نامت

ادم : قومي ارتاحي شويه

سيسيل : تفكر اني هعرف ارتاح .. بس بعد اذنك يا ادم تتصل بيهم في البيت وتقولهم اني

هبات انهاردة في المستشفى

ادم : مش هينفع يا سيسيل

سيسيل : معلىش يا ادم انا مش هسيبها لوحدها ابدأ

ادم : ماشي يا سولا .. وانا هروح اجيب مامه ريم

سيسيل : اوك

ذهب ادم الي والدة ريم وجاء بها الي المستشفى ولكنها لم تتحمل ان تري ابنتها هكذا وفقدت

وعياها في الحال

حاول ادم في ايقاقها وبدأت تبكي علي ابنتها .. وحاول ادم تهدئتها .. وقال لها انها ستكون

بخير

فاقت ريم علي صوت بكاء امها وارتمت بين ذراعيها وظلت تبكي

الام : متبكيش يا بنتي ان شاء الله هتبقي كويسه

ريم من بين دموعها : ادعيلي يا ماما

خرجت سيسيل من الغرفة وذهبت الي غرفه الاستراحة وبدأت تبكي .. فشعرت بتأنيب الضمير

تجاه ريم .. وفرشت سجادة الصلاة ورفعت يداها للسماء " يارب انا مبقتش عايزة حاجة ..

حتي ادم مابقتش عايزاه وعمري ما هزعل تاني .. يارب خليها علشان ادم واشفيها .. يارب

اشفيها يارب علشان خاطر مامتها .. يارب اشفيها يارب .. انت بس اللي عارف اللي في قلبي

يارب سامحني لو كنت زعلتها ولا تعبتني في يوم .. يارب اشفيها يارب .. يارب خليها تفرح

وتعيش حياتها وتفرح بادم .. انا خلاص والله ما بقيت عايزة حاجة غير انها تبقي كويسه

وبس .. يارب اقبل مني واشفيها يارب "
مسحت دموعها اثر دق علي الباب .. قامت وفتحت باب الغرفة وجدت ادم امامها
سيسيل : انت مروحتش ليه
ادم : تفتكري يعني اني هعرف اروح
سيسيل : ان شاء الله تبقي كويسه وتخف
ادم بحزن : ان شاء الله

الخامس والعشرون

ستبقي حبيبي

كانت الايام تمر وكانت ريم حالتها في تدهور ملحوظ .. جاء اخوها ومعه احدي الاطباء
الاوروبيين المشهورين بانجلترا بعد رفض اخته بالسفر له ..
تحدث رامي مع الدكتور الاجنبي بشأن ريم وتناقشوا كثيرا .. وبعد الانتهاء من المناقشه ..
ذهب اليهم
سيسيل بقلق : قالك ايه
رامي : هو بيقترح اننا نعمل عمليه نشيل بيها كل الاورام الصغيره ونحاول اننا بعد فترة نشيل
الورم الكبير
محمد : وده مافيهوش خطر
رامي : مكديش عليك للاسف هو بيجازف .. انا مش عارف هو بيفكر ازاي
محمد بحدته: يعني انت هتعرف احسن منه
ادم : فيه ايه يا محمد رامي مش عايز غير مصلحة ريم
محمد : بس ع الاقل فيه امل
رامي : انا مقولتش ان مفيش امل بس الخطورة كبيره
محمد : يبقي ناخذ رأي ريم ونقولها كل حاجة
رامي : وانا مع الرأي ده
تحدث محمد مع ريم ووافقت فورا علي اجراء العمليه وبالرغم من خطورتها الا انها وافقت
علي امل الشفاء

مرت الايام وكانت ريم تخضع للعلاج الكيميائي حتي حانت موعد العمليه الاولي
كانوا جميعا يقفون خارج غرفه العمليات يدعون الله ان تعود لهم ريم من جديد

كان واقفا يدعو الله ان تشفي .. كان حائرا من داخله .. لا يعلم هل هو حزين ام سعيد .. لا يعلم ما يخبئ له القدر .. هل سيستمر معها وهو يحب اخري .. هل سيظلها .. لا يعلم ما هو الاحساس الذي بداخله .. يعلم انه حزين ويتمني لها الشفاء .. وحزين علي احساسه تجاه حبيبته سيسيل .. الذي لم يعلم هل تبادلته نفس الشعور ام لا .. فكيف تبادلته احساس الحب وهي تتمني ان يتزوج هو وريم .. كان حائرا شاردا لا يعلم ماذا يفعل او ماذا يقول .. هل سيكتب له القدر ان يحيا تعيشا مع اخري .. ام سيكون سبب تعاسه انسانه من اجل نفسه ..

اما سيسيل فكانت ممسكة بالمصحف وتقرأ آيات من القرءان وتدعي ان الله يشفيها وتقوم معافاه .. فكانت لا يهمها اي شئ ولا تفكر في اي شئ سوي سلامة ريم بعد ساعات طوال من الدعاء خرج الدكتور الاجنبي وخرج معه رامي وعلي وجهه ابتسامة سيسيل عندما رأت ابتسامة رامي ركضت نحوه بفرحة : بقت كويسه صح رامي بابتسامة عريضه : العملية نجحت

سجدت سيسيل وهي تبكي من فرحتها بهذا الخبر الجميل .. وقامت والتف الجميع حول رامي ليظمنهم عليها

رامي : الحمد لله قدرنا نتخلص من الاورام الصغيره .. بس هتتحط في العناية لحد ما تسترد صحتها ونقرر العملية التانيه هتعمل امتي الكل : الحمد لله

خرجت ريم من غرفه العمليات الي العناية .. وكان الجميع مهتم بها .. كانت تجلس معها سيسيل طوال الوقت ويتحدثون في امور عده .. تحسنت صحة ريم وتحسنت نفسيته .. كان لديها امل كبير في الشفاء وكانت مؤمنة بقضاء الله .. فتعلم ان هذا اختبار من الله ويجب ان تصبر حتي تنال رضا الله

كانت تتحسن صحة ريم يوم بعد يوم وكانت تلتزم بالعلاج حتي قرروا موعد العملي التاليه كان ادم يقف بجوارها ولكن قلبه ليس بيده .. كان دائما حزينا شاردا في عالم اخر .. يشعر بالكثير من الالم علي حاله وحال من حوله .. لا يستطيع التحدث مع سيسيل وكان قلبه يتمزق عندما كان يسمع سيسيل وريم وهم يتحدثون عن الزفاف ... و كان قلبه يعتصر الما .. فريم تشبثت بالحياه من اجله وحده تحدث المرض حتي تبقي بجانبه .. لا يعلم ماذا يقول او ماذا يفعل .. كان حائرا ولكنة ترك التفكير بعد الانتهاء من العملية الاخري وشفاء ريم شفاء تام كانت تمر الايام حتي جاء يوم العملية

في الصباح طلبت ريم مقابلة ادم .. وجاء لها ادم مسرعا تنفيذا لطلبها ادم : ايوة يا ريم ريم : ممكن تقعد

جلس ادم وظل صامتا وظل الصمت هو سيد الموقف

قالت ريم بعد طول صمت : انا داخله العملية ومش عارفه هخرج منها ولا لاء ادم : مقاطعا : متقوليش كده يا ريم ان شاء الله تبقي كويسه ريم : لو سمحت يا ادم متقاطعنيش .. انا بس عايزاك تسامحني علي كل حاجة عملتها ..

وتخلي بالك من سيسيل .. سيسيل بتحبك .. وهي تبلع ريقها .. وانت كمان بتحبتها
ادم مقاطعا بصدمة: ايه الكلام اللي انتي بتقوليه ده يا ريم الكلام ده مش صحيح
ريم : لو سمحت يا ادم سيبيني اكمل .. انا مش غبيه يا ادم علشان معرفش الحب .. انا واثقه
ومتاكده من حبك ليها .. وواثقه من حبها ليك .. كان باين اوي عليكم كنت بحاول كثير ابعث
عك بس مكنتش بقدر .. كنت بتمني اليوم اللي انت تيجي وتقولي وتصارحني باللي جواك ..
انت عمرك ما حبتني .. يمكن اتشدت ليا ولشخصيتي واعجبت بيا .. قلبك مكنتش معاك .. كنت
دايما متناقض في تصرفاتك مش عايز سيسيل معانا وفي نفس الوقت بتبقي فرحان وهي معانا
.. احيانا كثير كنت ببقى حيرانه في امرك .. بس بعد اخر مرة وغيرتك عليها من رامي
وسفرها اللي جه فجأة ومقاتلكش واسلوبك اللي اتغير معايا ومعها ومع رامي .. اثبتلي اني
كنت علي حق .. وهي تخلع دبلتها .. علشان كده انا بعفيك من ارتباطي بيك سواء رجعت او
مرجعتش وصدقني يا ادم اللي انا بعمله عن اقتناع .. سيسيل هي اللي تستاهلك لانها عملت
كثير علشانك وحبتك بجد .. انا قرئت مذكرات سيسيل وهي متعرفش ده .. صدقتي هي اللي
تستاهلك مش انا .. ربنا يوفك يا ادم وصدقني فرحتي الحقيقيه لما انتوا تبقوا فرحانين .. خلي
بالك منها سيسيل متعوضش

كان صامت لا يستطيع التفوه باي كلمة ولكن كانت دموعه تنساب من عيونه رغما عنه .. فكم
كنت حقيرا معكي .. كنتي تعلمين ما اخفيه عنك ولا اردتي احراجي او جرحي .. والآن تتنازلي
عن حقك في من اجل اخري .. يالها من تضحيه قويه وانا لا استحقها حاول استجماع قوته
وقال : وانا مش هقبل انك تسيبيني يا ريم

ريم : صدقتي يا ادم انا اقدر اعيش من غيرك بس سيسيل متقدرش .. انتوا اخواتي اللي افرح
لهم .. ربنا يفرح قلوبكم
ادم : بس يا ريم

ولكن قطع حديثه دخول الممرضه لتجهيز ريم الي العمليه
امسكت يديه ووضعت بين راحته دبتلها وابتسمت له وقالت : اللي تستاهل دي هي مش انا
خرج ادم من غرفه ريم وشعر بالحزن والاسي عليها وظل واقفا في ركن بعيدا عن الجميع
اقتربت منه سيسيل ومسحت دموعه : ان شاء الله هتبقي كويسه
القي ادم بنفسه بين ذراعي سيسيل وبدأ يبكي ولكنها جذبتة الي مكان بعدا عن مرأي الناس
سيسيل وهي تربت علي كتفه : ادم علشان خاطري اهدي هي هتبقي كويسه
ادم من بين دموعه : انا انسان وحش اناني مستاهلش حاجة
سيسيل : اوعي تقول علي نفسك كده .. انت اجمل واطيب قلب شوفته
ادم : صدقتي يا سيسيل انا انسان حقير بجد

سيسيل : بس يا ادم علشان خاطري متقولش كده
ظل يبكي بين ذراعيها وهي تهدأ فيه .. شعرت انه ابنها .. وشعر هو بحنانها .. فلاول مرة
يبكي ادم بحضن احد .. شعر بالامان والاطمئنان بين ذراعيها .. ولكنه افاق من ذلك الاحساس
ومسح دموعه .. واقترب من غرفه العمليات وبدأ يدعو الله لها ان تشفي ويتم شفائها علي

خير

مرت الساعات وكان الجميع يدعوا لها .. كانت سيسيل في عالم اخر تستنشق رائحته التي تملأ ملابسها .. شعرت انه مازال في احضانها .. ولكنها افاقت من شرودها واحساسها لان ادم ملك صديقتها ريم ولا تستحق منها الخيانه ابدأ .. ظلت واقفه تدعوا لها .. ولكن تأخروا كثيرا داخل غرفه العمليات .. شعروا جميعا بالخوف والقلق ومرت الساعات وخرج رامي وخلفه الدكتور الاجنبي

سيسيل وهي تركض نحو رامي : ريم يا رامي

رامي بارتياح : الحمد لله

الكل : الحمد لله

الام : ربنا يبارك فيك يا ابني .. ربنا يريح بالك وقلبك يارب

رامي وهو ينظر لسيسيل : يارب يا امي يارب .. وحمد الله علي سلامة ريم

رامي وهو يقترب من ادم ويضع يده علي كتفه : ايه يا ادم فوق كده الحمد لله عدت علي خير الف مبروك

ادم : الله يبارك فيك متشكر يا رامي

رامي : متشكر علي ايه عيب ده احنا اخوات وده واجبي

ادم : شكرا يا رامي

ذهبت له سيسيل وقالت بفرحة : مبروك يا ادم

ادم: الله يبارك فيكي يا سيسيل

سيسيل : احنا لازم نعمل حفله صغيره احتفال بريم

ادم بحزن : ان شاء الله

سيسيل : مالك يا ادم انت مش مبسوط علشان ريم

ادم : ازاي بقي اكيد فرحان " انتي مش عارفه حاجة ولا انا عارف اعمل ايه حاسس اني موجه اوي "

سيسيل : طيب مش هتدخلها تظمن عليها

ادم : لما تفوق ان شاء الله هبقي ادخولها

سيسيل : ماشي

فاقت ريم وجلست مع والدتها واخوها ودخلت لها سيسيل وباركت لها وقالت انها ستقيم لها

حفله صغيره في المستشفى ووافقت ريم وخرجت لكي ترتاح ريم قليلا

دخل ادم وبارك لها علي نجاح العمليه وطلب منهم ان يتركوهم لحالهم

ادم : مش هتلبسي دبلتك

ريم : مش من حقي يا ادم .. سيسيل تستاهلها اكثر مني

ادم : بس انا اختارتك انتي

ريم : يمكن يكون ده نصيبنا علشان تعرف انت اد ايه بتحب سيسيل .. يمكن لو مكنتش

خطبتي مكنتش هتعرف انت بتحبها اد ايه .. انا قررت يا ادم وكنت اد قراري .. انا مكنتش

بضحي علشان كنت فاكرة اني هموت ولا كنت تحت ضغط .. انا عامله ده بارادتي وكان لازم تعرف ان سيسيل بتبادللك نفس الشعور .. بس هي اللي تقولك ازاي كانت بتحبك مش انا .. روحلها يا ادم وقولها .. قولها كل اللي في نفسك .. خلينا نفرح يا ادم .. اوعي تكون فاكرا اني زعلانه بالعكس .. انا فرحانه اوي علشان سيسيل تستاهل كل خير .. ضحت بحاجات كتير اوي علشان سعادتنا .. قبلت انها تنجرح كتير مننا علشان بس تبقي جمبنا .. اوعي تسيبها يا ادم .. ولا تزعلها في يوم .. ويلا بقي روح ظبط الحفله مع سيسيل ولا مش ناوي تحضر

ادم : اكيد هحضر .. حمد الله ع سلامتكم يا ريم

ريم : الله يسلمك .. شعرت ريم بالارتياح وشعرت بان الحمل خف من عليها تركها ادم وذهب .. كان يريد ان يتحدث مع سيسيل ولكنها لم تعطيه الفرصه فكانت منشغله بالتحضير للحفله فقرر ان يؤجل الحديث حتي شفاء ريم التام

السادس والعشرون

ستبقي حبيبي

كانت سيسيل تخبر الجميع بميعاد الحفله وتقوم بحجز الجاتوهات والتورتات وقامت بعمل حفله حقيقيه في كافيتريا المستشفى .. وكان الجميع فرح بشفاء ريم .. وفي يوم الحفله دخلت سيسيل الي ريم وقالت لها : ريمو عايزين بقي نقوم نظبط نفسنا كده انا هروح البس واجيبلك فستان واجيبك اتفقتنا

ريم : اتفقتنا يا حبيبيتي

ذهبت سيسيل الي منزلها وارتدت فستانا طويل من الشيفون باللونين البيج في البني " تيجر " وله حمالات عريضه وارتدت حذاء باللون البني وشنطة صغيره باللون البني ووضعت قليل من المستحضرات التجميل التي تبرز ملامحها الرقيقه واخذت الي ريم فستان معها واستقلت سيارة اجري وذهبت الي المستشفى .. هبطت من باب السيارة ووجدت امامها رامي بالحله الرسميه له

رامي وهو ينظر الي سيسيل : ايه الحلاوة دي

سيسيل بخجل : شكرا

كان يسيروا جمبا الي جمب قال لها رامي : سيسيل انا كان فيه موضوع عايز اقولهولك من فترة بس بصراحة حاجات كتير حصلت ومعرفتش اتكلم معاكي

سيسيل : خير يا دكتور

رامي : سيسيل تتجوزيني

سيسيل من بين دموعها : ونعم بالله

قامت سيسيل وسارت مع والدته ريم وذهبو الي المنزل.. وجاءت نجلاء ورودينا للعرزاء والدته ريم .. وكان اسماعيل في عرزاء الرجال .. دخلت سيسيل غرفه ريم واحتضنت وسادتها وبدأت تستنشق ريحتها وتبكي علي فراقها .. ظلت هكذا حتي انتهاء اليوم
صعد لها دم ويوسف بعد الانتهاء من العرزاء ..

يوسف : رودينا فين سيسيل

رودينا : في اوضه ريم من الصبح مخرجتتش

يوسف : طب ادخلي ناديا

دخلت رودينا الي سيسيل وجدتها جالسه علي السرير في وضع القرفصاء وتأخذ الوساده في احضانها وتبكي

رودينا وهي تجلس بجوار سيسيل : سيسيل يلا يا حبيبتي الوقت اتأخر واللي انتي بتعمليه ده مينفعش

سيسيل من بين دموعها وبانهيار تام : قوليلي ازاى كنت سايباها كويسه .. ليه تروح فجأة قوليلي ليه

رودينا بدموع : نصيبها يا حبيبتي ولكل اجل كتاب .. ادعيها يا سيسيل

سيسيل بدموع حارة : ربنا يرحمها يارب

رودينا : يلا يا حبيبتي الناس تعبانه وعايزين يرتاحو شويه

سيسيل وهي تقوم بمساعده رودينا : حاضر

قامت سيسيل والقت نظرة اخيره علي الغرفه واغلقتها بدموعها وخرجت لهم

والدته ريم : ريم كانت بتحبك اوي يا سيسيل ادعيها يا بنتي

سيسيل وهي تلقي بنفسها في احضان والدته ريم : وانا كمان بحبها اوي .. اعتبريني زي ريم ولو احتجتى حاجة هبقي معاكي

والدته ريم : انتي غاليه يا حبيبتي زيها .. ربنا يخليكي لاهلك

نجلاء من بين دموعها : البقاء لله ويارب تبقي اخر الاحزان

والدته ريم : تسلمي يا ام ادم .. وانت يا ادم ابقى ظل عليا

ادم بدموع : اكيد يا ماما وانتى لو احتجتى حاجة متكسفيش من ابنك ادم

والدته ريم : ان شاء الله يا ابني

ذهب الجميع وكان الجميع في احزانه .. دخل ادم الي غرفته واغلف باب الغرفه وجلس وحيدا

في احزانه .. وكانت سيسيل لا تختلف كثيرا عنه .. فتحت الحاسوب الشخصي واتت بكل

الصور التي تجمعها مع ريم وكانت تبكي بكثرة .. ظل الجميع في هذا الحزن وكانت سيسيل لا

تطبق الذهاب الي المستشفى فكل مكان سيذكرها بريم .. وكذلك ادم الذي لم يستطيع الذهاب

لمدة اسبوع كامل حاول ان يستجمع قواه وذهب الي عمله فالمرضى ليس لهم ذنب في المسائل

الشخصيه ولكنه فوجئ بعدم حضور سيسيل

ادم : ايه يا سحر هي سيسيل مجتتش

سحر : البقاء لله يا ادم الاول

ادم : الدوام لله

سحر : بقالها فترة مبتجيش انا قولت مدام انت جيت هي هتيجي بس مجتش

ادم : معلش يا سحر انتي عارفه الظروف

سحر : انا عارفه ومن بين دموعها ريم الله يرحمها كانت من اكف المتدربين عندي

ادم بحزن واسف : الله يرحمها .. انا هحاول اتكلم مع سيسيل

سحر : ماشي

مر الوقت طويلا بطينا علي ادم .. وكان مهموما حزينا علي فراق ريم .. فهو حقا لم يحبها

ولكنها كانت خطيبته وكانت في منتهي الاحترام معه ويكن لها التقدير والاحترام

مر الوقت وعاد ادم الي منزله واتصل بيوسف وقال له انه سيأتي لهم .. ورحب به يوسف ..

ذهب ادم الي يوسف وجلس معه قليلا

يوسف : ايه يا ادم هتفضلوا انتوا الاتنين كده لحد امتي

ادم : انا رجعت شغلي وبحاول انسي بشغلي .. بس سيسيل اللي منشفه دماغها

يوسف : ياريت يا ادم تتكلم معاها

ادم : طيب ممكن ادخلها

يوسف : تعالي

ذهب ادم ويوسف الي غرفه سيسيل ودق يوسف الباب وسمحت له سيسيل بالدخول دخل ادم

ويوسف وجدوها ممسكة بصورة لريم وتضمها اليها بقوة وتبكي

ادم : مينفعش كده يا سيسيل اللي انتي بتعمليه ده

سيسيل ببكاء : ريم راحت يا ادم سابنتي وراحت

ادم وهو يقترب منها : هي معانا وحوالينا متخليهاش تزعل منا .. مش هي قالتنا اننا ندعيها

سيسيل ببكاء حار : بدعيها في كل صلاه

ادم : وهو ده اللي هينفعها .. ولو انتي بتحبي ريم لازم تثبتي نفسك علشان هي تبقي فخورة

بيكي

سيسيل وهي تمسح دموعها : حاضر بس او عندي انك تفضل جمبي

ادم : او عدك اني هفضل جمبك

مرت الايام وكانت سيسيل تحاول ان تنسي حزنها بالعمل .. وفرح رامي بعودة سيسيل مرة

اخرى .. وكانت سيسيل دائما بالقرب من ادم .. فكانت تخشي فقدانها .. وكان هو يحاول التقرب

منها ولكنه كان خائفا ان تفهمه سيسيل بالخطأ .. كانت تمر الايام والشهور .. وكانت سيسيل

تشغل نفسها بالعمل .. وكان رامي يحاول ان يفتحها في ذلك الطلب الذي طلبه منها من قبل

ولكنها كانت تصده دائما .. فهي لا تريد احد سوي ادم

في احدي الايام كان جالسا وحده في غرفته ودخل عليه والده

اسماعيل : ايه يا ادم انت هتفضل حزين كده كتير

ادم : اعمل ايه بس يا بابا كل حاجة جت مرة واحدة وحاسس بالذنب تجاه ريم وسيسيل

اسماعيل : ليه يا ابني

ادم : والله يا بابا تعبان اوي وخايف افاتح سيسيل في اي موضوع دلوقتي تقول عليا معنديش اصل ولا واخدني علشان ينسي بيا واحدة تانيه

اسماعيل : نصيب يا ابني ولازم تفكر ازاي تفهم سيسيل انك بتحبها

ادم : والله يا بابا ما انا عارف اعمل ايه ده غير ان معروض عليا سفر بره اسماعيل : سفر فين يا ادم

ادم : الدكتور اللي كان بيشرف علي رساله الدكتوراه بتاعتي وكنت شغال معاه فتره في المستشفى بتاعته في لندن باعتلي ايميل من كام يوم وعايزني معاه هناك وبصراحة انا بفكر اسافر اخذ ريست شويه من كل حاجة واحقق حلمي وهدفي يمكن اقدر ارجع واعمل المستشفى اللي نفسي فيها

اسماعيل : وسيسيل يا ادم

ادم : صدقتي يا بابا السفر ده ليا وليها .. انا عايز احس اني رجعت ادم بتاع زمان .. وهي علي الاقل تدي لنفسها فرصه تحس انها مخنتش صاحبته واني مش عايزها علشان انسي بيها ريم

اسماعيل : والله يا ادم ما انا عارف كلامك منطقي بس سيسيل مش هتفضل مستنياك عمرها كله انت عارف هي عندها كام سنه

ادم : ساعتها هرضي بنصيبي واتمنالها الخير من كل قلبي اسماعيل : وانت رديت عليه

ادم : انا بعته ايميل انه لسه هفكر واضبط اموري هنا وارد عليه .. بس هبعته رد انهاردة وابلغه قراري

السابع و العشرون

ستبقي حبيبي

مرت الايام وارسل ادم بريد الكتروني للطبيب الذي عرض عليه السفر بالموافقه .. اما سيسيل فكانت تشتغل وتتعب لكي تنسى حزنها وهمومها وفقدان ريم .. وكانت تحاول التقرب من ادم وان تقوم بحمل الحزن عنه وكانت تحاول ان ترسم البسمة علي شفثيه .. كان حزين علي فراقها ولكن يجب ان يغادر ويسافر حتي لا تفهمه سيسيل بالخطأ .. وكان يجب ان يعطي لنفسه المهله في التفكير ويعطيها فرصه لكي تقيم مشاعرها بعد كل ما حدث .. كانت الايام تمر .. حتي جاء يوم من الايام وذهب ادم الي غرفه دكتور عادل مدير المستشفى

د/ عادل : تعالي يا ادم

ادم وهي يقدم طلب استقاله الي عادل : دي استقالتي

عادل : ليه يا ادم

ادم : انا جايلي سفر بره ووافقت عليه انا جيت اقدم استقالتي بس اتمني ان حضرتك متقولش لحد اني مسافر غير لما اسافر فعلا

عادل : وليه هتسيب مصر يا ادم

ادم : حاسس اني محتاج ابعد شويه هيبقي اريحلي كتير

عادل : بالرغم اني حزين علي فراقك الا اني مبسوط علشان هتحقق حلمك .. ربنا يوفقك يا ادم

ادم : متشكر يا دكتور وهو يقف ويسلم عليه .. اشوفك علي خير

عادل : انت مسافر امتي

ادم : بكرة ان شاء الله

عادل : علي طول كده

ادم : كل حاجة جاهزة مش ناقص غير اني اسافر

عادل : بالتوفيق يا ابني

ادم : متشكر .. سلام عليكم

عادل : و عليكم السلام

ذهب ادم ووقف امام باب المستشفى ونظر لها نظرة اخيره وراها من بعيد تركض لتتقذ
المرضي راقبها فتره وانسالت دموعه من عينيه لفراقها .. ولكن يجب ان يرحل

ذهب الي منزله ودخل غرفته واغلق بابه خلفه .. واخرج البوم الصور الذي يجمع بينه وبين
سيسيل .. منذ ان كانت صغيره .. بدأ يري الصور يضحك تارة ودموعه تهبط تارة اخري ..
وظل بين افكرة شاردا .. وضم البوم الصور الي صدره وظل يبكي بدون صوت

ولكنه افاق من شرودة ومسح دموعه سريعا اثر دق الباب .. وبعد ان سمح للطارق بالدخول

ادم : اتفضل يا بابا

اسماعيل وهو يجلس بجوار ابنه ويلتقط منه البوم الصور: للدرجة دي بتحبها

ادم : مكنتش عارف اني بحبها اوي كده

اسماعيل : خليك معاها ومتسيبهاش

ادم : خايف لو قعدت اخسرها وانا مش هستحمل خسارتها

اسماعيل : يمكن تكون بتحبك وتقبلك

ادم : عمري ما هقدر اديها قلب موجوع من صاحبه .. لازم اداوي وجعي واكفر عن ذنبي
تجاههم هما الاتنين

اسماعيل : مشيل نفسك حمل اكر من طاقتك

ادم : لازم ابعد ولما احس اني رجعت بتاع زمان هرجع علشان اكون جدير بيها وبقلبها

اسماعيل : هتقول لماما امتي

ادم : مش قادر اقولها .. قولها انت يا بابا وخليها تقنتع علشان خاطري

اسماعيل : وسيسيل مش هتسلم عليها

ادم : هسلم عليها بطريقتي من غير ما تعرف اني مسافر

اسماعيل : مسيرها هتعرف

ادم : هكون انا سافرت وهتقبل الوضع

اسماعيل : ربنا ينورك طريقك

ادم : يارب

دخل اسماعيل الي نجلاء وقص لها سفر ادم .. بكت كثيرا علي فراق ابنها ولكن اقنعها اسماعيل ان هذا افضل له .. ووافقت نجلاء حتي يعود لها في احسن حال

جاءت سيسيل من المستشفى وبدلت ملابسها ووقفت في الشرفه تنتظرة .. رآها من خلف الشرفه الخاصه به .. فتحها ووقف معها

سيسيل : مشيت بدري ليه انهاردة

ادم : ابدأ كنت حاسس بشويه ارهاق قولت اروح بدري شويه

سيسيل بقلق : ليه مالك الف سلامة

ادم : ابدأ ارهاق بسيط

سيسيل : بعد الشر عنك

ادم : تسلميلي يارب

سيسيل بخجل : وتسلم يارب من كل شر

ادم : ما تشغلينا حاجة لنجاه .. اصلها وحشتي اوي

سيسيل : تحب تسمع ايه

ادم : عايز اسمع حاجة علي زوقك

سيسيل بتفكير : اممممممم ماشي

دخلت سيسيل الي الغرفة وفتحت الحاسوب الشخصي علي اغنيه " اه لو تعرف " لنجاه
وخرجت الي الشرفه

كان يستمع الي كل كلمة بل كل حرف .. فكان يعلم ان سيسيل تختار اغانيها لتعبر عما بداخلها
وشعر ان تلك الاغنيه من اجله هو وحده .. كان ينظر لها نظرات مليئه بالحزن والحب والشوق
.. كانت عيناه تقول احلي واعذب الكلمات .. وهبطت منه دمعه رغما عنه ولكنه مسحها سريعا
قبل ان تأخذ سيسيل بالها .. كانت امامة كالملاك البرئ وهي تدندن كلمات الاغنيه .. كان ينظر
لها ولا يريد اي شئ سوي النظر لها .. كان يريد ان تحفر صورتها داخل قلبه .. وتنهذ تنهيدة
قويه يعبر عن كم الحزن والهم الذي بداخله

سمعت سيسل تلك التهيدة القويه والتفتت له : مالك يا ادم

ادم : سلامتك

سيسيل : لا بجد مالك

ادم : مفيش حاجة يا حبيبي سلامتك

سيسيل : " قال لي حبيبي .. نعم انه قال حبيبي .. هل انا حبيبتك يا ادم .. انا حبيبتك .. وانت حبيبي الذي لم اتمني سواه عمري باكملة .. احبك احبك يا ادم احبك "

ادم : سيسيل

سيسيل بفرحة : نعم

ادم : تعالي ننزل نتمشي شويه ع الكورنيش حاسس اني عايز اشم هوا ممكن

سيسيل : هدخل اقول ليوست واشوفه هيوافق ولا لاء

ادم : اوك

دخلت سيسيل وقالت ليوست ولكنه رفض .. ولكنها حاولت في اقتاعه وبعد اصرار من سيسيل وافق يوسف علي طلبها .. ولكنه طلب منها عدم التأخير

خرجت سيسيل الي الشرفة وقالت لادم ان يوسف وافق واستأذنت منه واغلقت باب الشرفه لتبدل ملابسها .. ارتدت فستان ابيض طويل من القطن وارتدت فوقه بوليرو من الجينز وفلات بلون الجينز وتركت شعرها ينسدل خلف ظهرها وتركت غرتها تزين وجهها .. وهبطت الي الاسفل وجدته واقفا ينتظرها

يسيل بمرح : اتأخرت عليك

ادم : مهما اتأخرتي كنت هستناكي

سيسيل : عمري ما اقدر اتأخر عنك

ادم : طب يلا

سيسيل : يلا

ذهبوا سويا في اتجاه الكورنيش ولكن ظل ادم صامتا

سيسيل : هتفضل ساكت كده كتير

ادم وهو ينظر لها : " هتوحشيني .. هتوحشيني اوي .. انا بحبك اوي يا سيسيل .. نفسي تعرفي اني سافرت علشانك انتي .. بحبك يا احلي حاجة في حياتي "

سيسيل : هتفضل باصلي كده كتير ما تتكلم

ادم بتهيدة : تحبي نعمل ايه

سيسيل : اي حاجة المهم تبقي معاك

ادم : تاكلي ايس كريم

سيسيل بفرحة مثل الاطفال : الله ياريت .. بس ماتبقاش تزعل بقي لما اغرقك

ادم بحزن : اعملي اللي انتي عايزاه حتي لو غرقتيني في البحر مش هقولك انتي بتعملي ايه

سيسيل بلهفه : بعد الشر عنك .. يارب عمري ما اشوفك في شر ابدا

ادم : ان شاء الله

سيسيل : عارف نفسي في ايه

ادم : ايه

سيسيل : نفسي اجري .. تسابقتي

ادم بابتسامة : واللي يكسب

سيسيل : الثاني يجيبه هديه

ادم : موافق

ركضت سيسيل وركض ادم ولكنه تركها تسبقه حتي يحضر لها هديه

سيسيل بمرح : هيبيبيبيبيبه سبقتك عايزة هديتي ماليش دعوة

ادم : احلي هديه لاحلي سيسيل .. تعالي نروح نجيبها

اخذا ادم الي محل لبيع الفضيات واشتري لها سلسال من الفضة يحمل اول حرف من اسمه ..
وقام بتلبيسها السلسال وكانت دموعه تنهمر منه رغما عنه ولكن قطع شرودة صوتها

سيسيل : كل ده مش عارفني تلبسني سلسله

ادم وهو يحاول التماسك : خلاص اهو انا عارف انتوا بتلبسوا الحاجات دي ازاي

سيسيل وهي تلتفت له : حلوة في رقبتني صح

ادم : جميله .. اوعي تقلعيها من رقبتك

سيسيل : عمري ما هقلعها

ادم : تو عديني

سيسيل : او عدك

ادم : نفسك في ايه تاني

سيسيل : انت معاك مصباح علاء الدين انهاردة ولا ايه

ادم : شوبيك لبيك كل طلباتك انهاردة مجابه وبين ايديك

سيسيل بمرح : امممممممم عايزاك تعزفلي شويه ع الجيتار يا عم المارد

ادم : بس كده من عنيا

سيسيل بحب وهي تنظر الي عينيه : تسلملي عيونك يارب .. يلا بقي علشان انا قولت لجو مش هتاخر

ادم : ماشي ولما هطلع هعزفك علي الجيتار عايزة اغنيه ايه

سيسيل : عايزة اغنيه علي زوقك انت بقي المرة دي

ادم : ماشي

ذهبوا الي المنزل ولكنه وقف قليلا قبل ان يصعد

سيسيل : انت مالك واقف كده ليه

ادم بنظرات مليئه بالحب : " هتوحشيني .. هتوحشيني اوي "

سيسيل : ايه يا ابني يلا اطع هستناك في البلكونه علشان تعزفلي

ادم : حاضر

نظر لها ادم نظرة اخيره وقال لها

ادم : سيسيل

سيسيل وهي تنظر له : نعم

ادم : خلي بالك من نفسك

سيسيل باستغراب : حاضر وانت كمان

صعدت سيسيل الي منزلها وصعد هو ايضا الي منزله .. دخل غرفته وابدل ثيابه وفتح الشرفه
وامسك بالجيتار .. دخلت له الشرفه

سيسيل : يلا سمعني

بدأ ادم يعزف علي الجيتار ويعني بصوت هادئ ملئ بالاحساس " خليك فاكرني "

كان يعني وكانت دموعه تنساب من بين عيونه .. فكان يريد ان يقول لها تذكريني دائما لا اريدك ان تنسي ادم

كانت تقف وتسمع كل كلمة كانت تشعر ان كل كلمة تقال لها

سيسيل : " انت فاكر اني ممكن انساك .. انا عشت عمري كله علي امل اني اشوفك .. تفتكر لما تبقي قريب مني ممكن انساك .. انا بحبك اوي يا ادم "

انهي الاغنيه وصفقت له سيسيل

سيسيل : برافو

ادم : عجبك

سيسيل : انا اي حاجة منك تعجبني

كان ينظر لها وتتنظر له وكانت العيون تتحدث .. كان يريد ان يشبع من رؤياها ولكن قطعت شرودة ونظراته صوت سيسيل

سيسيل : دوما انا هدخل انام بقي لحسن مش قادرة

ادم بحزن : ماشي يا سولا

كانت ستدخل ولكن استوقفها صوته

ادم : سولا

سيسيل : ايوة يا ادم

ادم : خلي بالك من نفسك .. ومش عايزك تقلعي السلسله دي خالص

سيسيل : حاضر يا ادم عمري ما هقلعها ابدأ .. وانت كمان خلي بالك من نفسك

ادم وهو ينظر لها بعينون تملؤها الدموع : حاضر " هتوحشيني "

تركته سيسيل ودخلت غرفتها وجلست علي سريرها تبتم وتذكر ذلك الوقت الجميل وتمنت
ان ادم يظل معها طوال الوقت

في صباح يوم جديد .. يوم ملئ بالاشراقه والامل علي حياه سيسيل .. استيقظت سيسيل وعلي
وجهها ارق ابتسامه .. دخلت الي المرحاض توضأت وصلت فريضتها .. دعت ربها ان يحفظ
لها ادم وان تبقي بجانبه ويجعله من نصيبها .. ارتدت ملابسها وذهبت الي المستشفى بوجه
مشرق يملؤه الامل والتفاؤل .. وقفت تنتظر ادم في غرفه الاستقبال ولكن جاءت سحر

فزع اسماعيل من دق الباب وقام مسرعا ليفتح الباب ووجد امامه سيسيل وكان وجهها مغرقا بالدموع .. دخلت الي الشقه وبدأت تنادي علي ادم ولكن قطع صوت نداها اسماعيل

اسماعيل بحزن علي حالها : ادم سافر يا سيسيل

سيسيل : سافر امتي ليه مقاليش ليبيبيبيبييه

اسماعيل : لسه نازل قبل ما توصلي ب5 دقائق طيارته كمان 3 ساعات

سيسيل : مطار ايه

اسماعيل : مطار اسكندرية

ركضت سيسيل الي اسفل واستقلت سيارة اجرة الي المطار .. كانت تنظر الي الطرقات من زجاج السيارة وكانت دموعها تهبط منها وهي تتذكر ليله الامس

سيسيل " كنت بتودعني يا ادم .. ليه يا ادم سبتني ليه .. ده انا قولت خلاص حس بيا وعرف اني بحبه .. اه يا قلبي " ولكن قطع شرودها توقف السيارة

سيسيل : بسرعه لو سمحت

السائق : الطريق واقف يا انسه

اما هي بعد ان وقعت مغشيا عليها .. طلب لها بعض الناس الاسعاف وجاءت الاسعاف وحملتها
وذهبت بها الي المستشفى ..

كانت تقف تتابع حاله مريض وجاء لها نداء اسعافي .. خرجت تركض لتري الحاله وصدمت
عندما رآتها ممدده علي السرير

سحر بصدمة : سيسيل

اخذتها سحر وركضت بها الي الداخل .. جاء رامي يركض عندما ارسلت له سحر نداء

رامي بصدمة عندما رأي سيسيل : ف ايه يا سحر مالها سيسيل

سحر بصدمة : شوف انت

بدأ رامي في فحص سيسيل وصدم عندما علم ما بها

الثامن والعشرون

ستبقي حبيبي

جاء الجميع الي المستشفى بعد ابلاغهم بتعب سيسيل .. خرج رامي من الغرفه وخلفه طبيب

اخر

يوسف عندما رأي رامي ركض نحوه : فيها ايه سيسيل

رامي بأسف وحزن : للاسف سيسيل دخلت في غيبوبه

يوسف بانفعال : يعني ايه غيبوبه .. والغيبوبه دي سببها ايه

رامي : اهدي يا يوسف مش كده .. للاسف سيسيل جايه وهي عندها حاله انهيار عصبي حاد

.. وفجأة دخلت في غيبوبه

اسماعيل بحزن: وهتفوق منها امتي

رامي بأسف: للاسف الغيبوبه محدش يعرف ممكن تفوق منها امتي .. وخاصة ان الغيبوبه

ناتجة عن صدمة

حنان : انا عايزة اعرف بنتي فيها ايه

الطبيب الاخر : دكتورة سيسيل جايه ف حاله انهيار عصبي حاد لانها اتعرضت لصدمة كبيره

مقدرتش تستحملها ادي لفقدان الوعي التام ونتج عنه غيبوبه انا بس حابب استفسر عن كل

حاجة تخص المريضه

يوسف من بين دموعه : انا هحكي لحضرتك كل حاجة

دخل يوسف واسماعيل مع الدكتور وقص له يوسف كل شئ عن حب سيسيل لادم وما مرت به

من صدمات متتاليه واكمل له اسماعيل عن سفر ادم وانها ذهبت خلفه الي المطار ولكنه لا يعلم

ما حدث هناك

اما نجلاء ورودينا فكانوا مع حنان وايات يهدئوهم وسألت ايات عن ادم وعرفت انه سافر

بعد خروج يوسف واسماعيل مع الطبيب ركضت حنان الي يوسف

حنان : سيسيل فيها ايه يا يوسف

يوسف : الدكتور بيقول ان الغيبوبه حاله من حالات رفض الواقع

حنان : يعني ايه يا يوسف يعني ايه حاله من حالات الرفض للواقع

الطبيب : يعني هي رافضه الواقع وقررت انها تعيش في خيالها هي وبس

حنان : والمفروض نعمل ايه يا دكتور

الطبيب : للاسف مفيش حاجة بادنا نعملها غير اننا نلاحظها علشان لو طرأ اي جديد

كانت الدموع تملأ عينيه ولا يشعر بأي شئ .. شعر بانه فقد حبيبته

رامي : " يارب ترجعلي تاني يا سولا "

يوسف : متشكرين يا دكتور

حنان : بنتي يا يوسف بنتي

يوسف : يا ماما اهدي مش كده .. للاسف احنا مفيش حاجة في ايدنا نعملها وهو ينظر الي

اسماعيل عمو عايزك لو سمحت

ذهب اسماعيل الي يوسف ووقفوا في مكان لا يسمعهم احد

يوسف : ليه مجتش وقولتلي يا عمو علي كل حاجة .. ليه خبيت عليا وكمان خبيتوا عننا

موضوع سفره

وامسك باليوم الصور .. فهذا الالبوم هو الذكري الوحيدة التي ستربطة بسيسيل .. ظل يقرب في الصور ويبيكي علي حبيبه عمره
ادم ببكاء قوي : انا اسف يا حبيبتى اسف .. دائما انا سبب جراحك وتعبك .. سامحيني يا سيسيل سا محيني يا حبيبتى
كانت الايام تمر وكانت حاله سيسيل لم تتقدم او تتأخر كانت حاله مستقره .. وكان ادم يتحدث الي رودينا يوميا ليعرف اخبارها ولكن لا يوجد جديد
في احدي الايام .. دخل ليلا متسللا الي غرفتها ووضع باقه من الزهور البيضاء وجلس بجوارها ممسكا يدها .. كان يقبل يدها ويبيكي
ادم ببكاء: سيسيل .. حبيبتى وحبيبه ايامي وعمرى .. كده تقلقيني عليكي .. كده عايزة تموتيني من خوفي عليكي .. انا ادم حبيبك .. حبيبك اللي عمره ما حس بالحب غير معاكى .. انا ادم يا سيسيل عارفانى .. انا بحبك اوى اوى يا سيسيل اوى .. عارف انى تعبتك كثير بس غصب عني يا حبيبتى غصب عني .. سا محيني يا حبيبتى سامحيني .. سيسيل قومي يا سيسيل .. وحشتيني .. وحشتيني اوى يا حبيبتى اوى .. وحشتنى شقاوتك وحشتنى اوى .. قومي بقى ادم حبيبك جالك اهو مش انا حبيبك برضه
ولكن لا يوجد منها اى رد فعل .. تركها وعيناه مغرورقتان بالدموع
في الصباح دخل رامى الي سيسيل ليطمئن عليها وجد باقه من الزهور البيضاء .. خرج رامى ليسأل احدي الممرضات من جاء بذلك الورد
رامى : مين اللي جه لدكتورة سيسيل وجابلها الورد ده
احدي الممرضات : دكتور ادم جه حوالي الساعة 2 بعد نص الليل ومشى الفجر تقريبا
رامى باستغراب : ادم .. انتى متاكده انه دكتور ادم
الممرضه : هو صحيح شكله متغير كان شكله تعبان ومرهق بس مستحيل اتوه عنه هو دكتور ادم
رامى بحدة : وانتى ازاي تسمحى لحد يزورها في الوقت ده
الممرضه : انا بحسبه انه رجع المستشفى وبببببب حالتها
رامى بعصبية : اتفضلي انتى
دخل رامى الي سيسيل وجلس بجوارها ونظر الي بوكيه الورد " جاي ليه تانى يا ادم .. انا ما صدقت انك خلاص .. كنت حاسس انها بتحبك بس انت متستاھلش حبها .. انت معملتش حاجة علشانها .. انا اللي دائما معاها وعمرى ما جرحتها .. يارب تبقي من نصيبي وتقوم بالسلامة
انت اللي عارف انا بحبها اد ايه "
بعد قليل جاء الجميع الي سيسيل
رامى : حمد الله ع سلامة ادم يا استاذ اسماعيل
اسماعيل باستغراب : ادم مين
رامى : مش دكتور ادم رجع بالسلامة
اسماعيل : ادم رجع

رامي : الممرضه بتقول انها شافته امبارح عند سيسيل وفضل قاعد معاها لحد الفجر

اسماعيل : انا مشوفتش ادم

رامي : يمكن هي تكون اتلخبطت

اسماعيل : اه يمكن

ولكن عرف اسماعيل ان ابنه جاء ليري سيسيل فهو وحده من يعلم مقدار حب ادم لسيسيل ..

جلس الجميع وذهبو الي منازلهم وكان رامي يجلس بجوار سيسيل

اما سيسيل فكانت نائمة مثل الملاك وكانت تحيا في خيالها

ريم : سيسيل .. يلا يا حبيبتي قومي .. هو انا موحشتكيش .. كده سايباني ونايمة .. سيسيل

يلا قومي .. شوفي مين معايا ادم اهو يا سولا

ادم : سولا وحشتيني يا حبيبتي .. يلا قومي بقي .. قومي يا سيسيل يلا .. احنا معاكي اهو يا

حبيبتي يلا

ريم : انا زعلانه منك اوي يا سولا .. كده مش راضيه تقومي .. يلا بقي مترعلنيش

ادم : سولا يلا يا حبيبتي قومي وحشتيني اوي

كانت سيسيل تريد ان تقوم ولكن كان هناك شئ قوي يمنعها من القيام كانت تريد ان تتحدث

لهم ولكن كان هناك شئ يمنعها من الحديث

ادم ، ريم بصوت متقطع : يلا يا سيسيل قومي .. كان الكلام يتردد علي مسامع سيسيل ولكنها

لا تستطيع الحديث او القيام .. بدأ الصوت يبعد ويبعد حتي تلاشي الصوت

سيسيل بصوت متقطع : ريم ، ادم .. ريم ، ادم

ظلت تكرر هذا الكلام كثيرا

كان نائما علي كرسيه قام مفزوعا من نومة علي صوتها

رامي : سيسيل سيسيل .. سيسيل انتي اتكلمتي

سيسيل بصوت ضعيف: ادم انت فين متسبنيش .. ريم انا قومت انتي فين .. ريم ريم

رامي بدأ في ايفاقها : سيسيل سيسيل

ولكنها غطت في نوم عميق .. ظل جالسا بجوارها ممسكا يديها .. حاول ايفاقها ولكنها لا

تستطيع

في الصباح كان جالسا معها .. وناظرا اليها .. فتحت عيناها وقالت : عطشانه

رامي بفرحة: سيسيل انتي قولتي حاجة

سيسيل بصوت متهاون : عطشانه

خرج رامي مسرعا احضر لها كوبا من الماء وجاء اليها وحاول مساعدتها ف القيام ولكنها

كانت تشعر بوجع في انحاء جسدها اكمل .. شربت الماء وعادت الي نومها

رامي : سيسيل قومي واتكلمي معايا قومي يا سولا

سيسيل : تعبانه جسمي واجعني

رامي : طيب انتي حاسه بايه تاني غير جسمك

سيسيل : صداع مش قادرة

رامي : سيسيل اتكلمي معايا متغيبش تاني

سيسيل : تعبانه مش قادرة اتكلم

رامي : معلىش تعالي علي نفسك شويه قولني اي حاجة

سيسيل : هو انا فين

رامي : انتي في المستشفى

سيسيل : انا اغمي عليا في المطار .. و بدموع هو ادم سافر

رامي : سيسيل علشان خاطري بلاش تفتكري حاجة تضايقك ارجوكي فوقي

ولكن قطع حديثه معاها دخول زياد والجميع .. رآته سيسيل

سيسيل : زياد

زياد بفرحة وهو يحتضن اخته : سولا وحشتيني وحشتيني كده كده تقلقيني عليكي كده

سيسيل : انا كويسه

ظل الجميع حولها يحاولون التحدث معاها واخراجها مما كانت فيه .. كان الفرع يعم علي

الجميع .. تسلل دون ان يراه احد وظل يبكي في غرفته وحيدا .. فمن احبها لم تحبه .. ولكنه

لم يبأس سيظل بجوارها حتي يكسب قلبها

علم ادم برجوع سيسيل الي الحياه من جديد .. فرح كثيرا وكان يتصل برودينا ليعرف اخبارها

عادت سيسيل الي الحياه من جديد .. ولكنها عادت بقلب محطم ممزق من جديد .. كانت تمر

الايام وكانت سيسيل تتعافي تماما بعد التدريبات التي قامت بها بعد غيابتها .. عادت سيسيل

الي منزلها في القاهرة لانها رفضت ان تظل في الاسكندرية وقررت ان تترك الطب .. فلقد

اصبحت انسانه يائسه .. انسانه محطمة فكيف تداوي جروح الناس وهي مجروحة جرح غائر

في قلبها ولا تجد طبيب يداويها فطبيب القلوب تخلي عنها وتركها تعاني وحدها

كانت تجلس في غرفتها وحيدة وتبكي دون صوت وتمسك بالسلسال وتضع امامها مجموعه له

من الصور تستمع الي نجاه واغنيه يا مسافر وحدك

يامسافر وحدك يامسافر وحدكوفائيتي ليه تبعد عني ليه تبعد عني وتشغلني ودعني من غير

متسلم وكفايا البيانا مسلم دي عنيا دموعها دموعها بتتكلم يامسافر وحدك وفائيتي ليه تبعد

عني ليه تبعد عني وتشغلني على نار الشوء انا هستنى واصبر البي واتمنى على بالماتجيني

على بال ماتجيني واتهنى على نار الشوق انا هستنى واصبر البي واتمنى على بال ماتجيني على

بال ماتجيني واتهنى طمعني بقربك اه ووعدي طمعني بقربك اه ووعدي يامسافر وحدك وفيتي

ليه تبعد عني ليه تبعد عني وتشغلنيخايف للغيرة تحلالك والبعد غير احوالك خليني ديما ديما

علي بالك يامسافر وحدك وفائيتي ليه تبعد عني ليه تبعد عني وتشغلني مهما كان بعدك حيطول

دناالبي عمره مايتحول حفتكرك اكثر م الاول اكثر م الاول مهما كان بعدك حيطولنا البي عمره

ما يتحول حفتكرك اكثر م الاول اكثر م الاول بس انت هيهاتتبقا فاكروني بس انت هيهات تبقى

فاكروني يا مسافر وحدك وفيتي ليه تبعد عني ليه تبعد عني وتشغلني

دخل لها زياد ووقف امامها ومسكها من ذراعها اوقفها امامه

زياد بحده : خلاص بقيتي انسانه يائسه نسييتي حلمك وهدفك

سيسيل بكاء : وحشتيني يا خالتو وحشتيني اوي
حنان وهي تضمها : انتي كمان وحشتيني يا حبيبته خالتك وحشتيني
سيسيل : مش هسيبكم تاني ابدأ اظاهر ان انا عامله زي السمك مينفesch اعيش من غير بحر
حنان : يا حبيبتي يا بنتي يا حبيبتي .. يلا ادخلي بقي ووضبي دولابك وحاجتك
سيسيل : حاضر يا خالتو
دخلت سيسيل الي غرفتها ودخلت الشرفه .. تخيلته امامها بيتسم لها ويحدثها .. اغمضت
عينها بقوة وهبطت دموعها رغما عنها ..
سيسيل: وحشتني اوي يا ادم .. وحشتني حياتي من غيرك مالهاش معني .. ليه كده يا ادم ليه
تعمل فيا كده

جاء يوسف من الخارج وعلم بعودتها دخل لها الشرفه
يوسف : حمد الله ع سلامتك يا سولا
سيسيل : الله يسلمك يا جو

اخذه يوسف من يديها ودخلوا سويا الي الداخل وجلس بجوارها علي السرير
يوسف : سولا حبيبتي انا عارف ومقدر اللي جواكي بس انا نفسي انك ترضي باللي ربنا كاتبه
وننسي بقي يا سولا ونهتم بشغلنا وحياتنا متخليش حياتك تقف علي حد .. هو شاف مستقبله
انت كمان لازم تشوفي مستقبلك انا عارف حلمك وطموحك ولازم تحقيقيه
سيسيل باقتناع : عندك حق لازم اهتم بنفسي وموقفش حياتي عليه
يوسف : هي دي سولا حبيبتي .. يلا بقي وحشني اكلك عايز اكل من اكلك
سيسيل : حاضر

يوسف : " ربنا يريح بالك ويقرب البعيد يا سيسيل يارب "
عادت سيسيل الي حياتها المهنيه والقت بنفسها في عملها .. ولكن عندما يأتي الليل كانت
تذهب الي صندوق ذكرياتها وتأتي بكل شئ اعطاه لها ادم .. وكنت تمسك بصورته وتبكيه
وتشكي منه اليه .. كانت كل يوم تضم السلسال الذي هداه لها

التاسع والعشرون و الاخير

ستبقي حبيبي

استقر ادم في لندن وحقق اهدافا قويه له واصبح من الاطباء المعروفين في لندن وحقق انجازا
لم يتخيله .. وكان يرسل لوالده المال حتي يقوم ببناء اكبر صرح لعلاج امراض وجراحة القلب

في مصر .. فهذا هو حلم ادم منذ كان طبيبا صغيرا .. وها هو علي مشارف التحقيق .. ولكن كان دائما يلقي بنفسه في عمله ولكن صورتها لم تغيب لحظة عن باله .. كان يجلس في الليل يتذكرها يستمع الي صوت نجاه الحنون ويتخيلها امامه وينظر الي صورته التي تجمعها معها ويبكي علي مدي اشتياقه لها

كانت الايام تمر عاديه .. وفي احدي الايام .. كان يجلس علي مكتبه ينهي بعض التحقيقات هشام : يوسف

يوسف : ايوة يا اتش

تقدم منه هشام وجلس امامة علي المكتب : ايه رنيك فيا

يوسف باستغراب : اعتقد انك عارف رني فيك انت ظابط كفي

هشام : انا مش قصدي علي شغلي قصدي علي نفسي شخصيتي

يوسف : انت يا اتش انسان متعوضش ادب واخلاق واحترام وبتراعي ربنا في كل حاجة

هشام : يعني لو روحت اتقدمت لواحدة هيوافقوا بيا ويرحبوا

يوسف : يا ابني انت اي بيت يتمني يناسبك كفايه اخلاقك

هشام : حتي لو كانت البنت دي اختك

يوسف : ايات

هشام : بصراحة نفسي اكلمك من زمان بس كل ما اجي اتكلم تحصل موصييه في عيلتكم

لدرجة اني حسيت اني نحس

يوسف بضحكة : لاء احنا اللي عيله نحس

هشام : طب قولت ايه

يوسف : قولت الله يكون في عونك كفايه انك واخذ ايات

هشام : انا راضي بس مالکش انت دعوة

يوسف : خلاص هخدلك رنيها وارد عليك

هشام : وانا مستني

ذهب يوسف الي منزله وتحدث مع ايات ووافقت ايات .. وتمت خطبتها علي هشام

وفي يوم الخطبه .. كان الجميع ملتف حول ايات ويباركون لها .. كان الجميع فرح بيها

حنان : " يارب فرحني بيها يارب .. ربنا يريح بالك يا سولا ويطمني عليك "

يوسف : " يارب اشوفك عروسة يا سولا يارب "

زياد : " عمري ما هرتاح غير لما اطمن عليك "

اسماعيل : " يارب تبقي من نصيبه "

كانت الايام تمر وكانت تعمل سيسيل وتجتهد حتي حصلت علي الماجستير .. وفي احدي الايام

كانت تقوم بالمرور علي المرضي وواقفها رامي

رامي : سيسيل ممكن اتكلم معاك شويه

سيسيل : اتفضل

رامي : انا كنت عرضت عليك عرض من فتره وانا انهاردة بعرضه عليك تاني .. سيسيل

تتجوزيني

سيسيل والدموع في عينيها : صدقتي يا رامي انت الف واحدة تتمناك بس انا مش هينفع لانك متستاهلش قلب مجروح .. انا قلبي تعبان وصعب انه يتداوي .. انا خلاص قررت ابعد عن اي حاجة تخص قلبي قررت اعيش لشغلي وبس ولغيت فكرة الحب والارتباط من حياتي للابد مينفعش اظلم انسان معايا مالوش ذنب .. انا قلبي لا يصلح رامي : هداوي هولك هعمل المستحيل علشان يرجع تاني

سيسيل : صدقتي صعب انا اسفه يا رامي

تركته سيسيل وذهبت الي شاطئ البحر وجلست تبكي علي حالها وامسكت بالسلسال الذي في رقبته .. ظلت تتذكر ذلك اليوم فاليوم هو اجمل يوم قضته مع ادم .. فتحت هاتفها علي اغنيه طمني عليك .. فكانت لا تتمني سوي ان تعرف انه بخير كانت لا تريد سوي ان تراه امامها وتسمع صوته وتنظر الي عينية .. كانت تذهب الي كل مكان كانت تذهب اليه معه كانت تتذكر كل لحظة مرت عليها معه تتذكر كل كلمة كل نظرة كل احساس شعرت به معه

القت سيسيل نفسها في العمل .. وكانت تمر الايام عليها وحيدة تائهة بين الدروب .. كانت تسير كل يوم علي الكورنيش تتذكرة وتلقي بهما في البحر ..

وفي يوم عيد ميلاد ادم .. ذهبت سيسيل واشترت قالب من الحلوي " تورتة " وذهبت الي المكان المفضل لديها الذي عرفها عليه ادم منذ سنين واشعلت شمعه واحتفلت بمفردها بعيد ميلاده .. احتفلت به بدموعها وحدها .. لم يشاركها احد ولكن قررت السماء ان تشاركها دموعها وبدأت تبكي السماء علي سيسيل وعلي جرحها الذي يلازمها .. تركت قالب الحلوي وسارت تحت زخات المطر تبكي وتبكي .. وذهبت الي بيتها

مرت الايام والشهور والسنوات ولم يعد الحبيب الغائب الي ارض الوطن ولكن اكتمل حلما .. واصبح له مستشفى لجراحة القلب كانت تنتظر قدومه في احدي الايام

سيسيل : خالتو انا هروح لرودينا شويه

حنان : طيب يا سيسيل

ذهبت سيسيل الي روديना وجلست معها قليلا .. قامت رودينا لتأتي بشئ لضيافه سيسيل اما سيسيل فقد تركت مجلسها وذهبت الي غرفه ادم وفتحتها وجلست علي سريره ومسكت جيتارة وبدأت تعزف الحان اغنيه قصاد عيني .. كانت تغني الاغنيه وتعزف علي اوتار الجيتار وكانت دموعها تهبط منها رغما عنها .. تركتها رودينا لحالها حتي انتهت عزف الاغنيه وغنائها والقت بنفسها علي سرير حبيبها وضمت وسادته وبدأت تبكي . كانت تتابعها من خلف الباب وتبكي علي حالها لا تعلم ماذا تفعل من اجلها .. فاقت من حالتها علي دخول رودينا وهي تضمها الي صدرها وتبكي معها

سيسيل : تعبانه اوي من غيره اوي .. حاسه اني ضايعه ومش لاقية الطريق .. هو طريقي وهو كل اللي في الدنيا .. سبني ليه يا رودينا سابني ليه كانت لا تستطيع الرد عليها فهي لم تعرف ما يخفيه ادم

سيسيل : تعبانه اوي يا رودى اوي

رودينا : ان شاء الله يا حبيبتي تبقي كويسه وبكرة ربنا يكرمك بالي يداوي جرحك
جاء من الخارج وجد باب غرفته مفتوح .. اقترب منه واقترب ولم يسمع سوي صوت بكائها ..
تجمعت الدموع في عينيه كان يتمني ان يركض لها ويقول لها سامحيني احبك يا نبض قلبي ..
وتغربت من اجلك وحدك .. اعلم انني اذيت قلبك ولكن انا هنا الان بجوارك احبك احبك
اقترب من الباب اكثر ووقف صامتا

رودينا بصدمة : ادم

رفعت رأسها من علي صدرها ورآته واقفا .. نعم هو حبيبها لم يتغير بل ازداد وسامة .. كانت
تنظر له نظرات لوم وعتاب .. كانت تنظر له والدموع متحجرة في عيناها .. كانت تتمني ان
تركض اليه وترتمي في احضانه .. هبطت دموعها وتركته وركضت الي الخارج .. حاول ان
يركض خلفها ولكنه لم يستطع فماذا يقول لها .. وقف مكانه وركضت رودينا نحوه وعانقته ..
ولكنه كان معها جسد فقط .. تركته رودينا وذهبت لتبلغ امها وابيها في الهاتف .. ضم وسادته
وبدا يبكي علي ما وصلوا له

عرف الجميع بعودة ادم .. وفرح الجميع له وبعودته .. كان يقف طوال الليل ليراها ولكنها
كانت ممتنعه عن خروج الشرفة فهي لا تريد ان تراه او تحن له .. فكما تركها تعاني فستركه
يعاني قسوة معاملتها

كان يكتفي بالنظر لها عند ذهابها الي العمل وعودتها منه

وبدا في تجهيز مستشفاه وبعد الانتهاء من تجهيزها .. ذهب ادم الي سيسيل في منزل خالتها
ادم : انا جايلك انهاردة علشان اطلب منك تيجي تشاركيني في المستشفى محتاجك جمبي يا
سيسيل

سيسيل : عمري في يوم ما هلاقيك محتاجني معاك وهقولك لاء

كان الجميع يستغرب من موقفها .. كانوا يعتقدون انها سترفض بعد كل الالم والعذاب الذي
سببه لها ادم ولكنها وافقت لكي تبقي بجواره ولانه طلب مساعدتها ويحتاجها .. هذه هي
سيسيل الانسانه العطائه الحنونه التي تنسى السئ ولا تتذكر سوي الاشياء الجميله .. هذه هي
سيسيل التي تعطي دون ان تنتظر المقابل ولا تبادل الاسي بالاسي
بدأت سيسيل بالعمل مع ادم ومرت الايام والشهور وبدأت المستشفى تعالج حالات كثيره وكان
هناك قسم خيري كان يستقبل الكثير من المرضى يوميا .. كان العمل هو شغلهم الشاغل ..
ولكن سيسيل قررت ان تترك مصر لتحصل علي الدكتوراه من الخارج لكي يكبر شأنها وتعلو
مكانتها .. كانت ترسل طلبات الي كل الجامعات الاوروبيه الشهيره لتلتحق باحدهما ولكن دون
جدوي ظلت علي هذا الحال شهور وشهور ولكن دون فائدة

في احدي الايام .. كانت سيسيل تتابع مرضاها ولكن ادم طلبها الي مكتبه وذهبت له

سيسيل : طلبتني يا دكتور

ادم : سيسيل انا كنت عايزك في موضوع

سيسيل : افضل

ادم : تتجوزيني

سيسيل بأستغراب : اتجوزك .. جاي دلوقتي تطلب مني الطلب ده .. وليه انا بالذات يا ادم

أدم : لأنه مينفعش يكون حد غيرك يا سيسيل

سيسيل : اعتقد انك اخدت وقتك في التفكير علشان تفكر في الموضوع ده وانه انا كمان من

حقي افكر

أدم : خدي وقتك وهستني ردك

سيسيل : اوك .. بعد اذنك

تنهدت سيسيل تنهيدة قوية لتخرج ما في قلبها من الام وما عانتها طوال هذه السنوات وافاقت

من شرودها علي صوت هاتفها

سيسيل بصوت تخنقه العبرات علي كل ما حدث في الماضي : ايوة يا جو

يوسف : ايه يا حبيبته جو فينك لحد دلوقتي الساعة داخله علي 11

سيسيل : ابدأ كنت مخنوقه شويه طلعت اقعد ع البحر

يوسف : طب يلا علشان مستنينك

سيسيل : اوك

ذهبت سيسيل الي المنزل وكانت عيناها منتفخة من كثرة البكاء لما تذكرته من الماضي ..

وجلست معهم حول طاوله العشاء بعد ان ابدلت ملابسها

يوسف : ايه يا سولا مالك

سيسيل بتنهيدة قوية : سلامتكم يا جو

بعد الانتهاء من وجبه العشاء .. دخل يوسف الشرفه وقام بالنداء علي سيسيل .. دخلت له

سيسيل

سيسيل : ايوة يا جو

يوسف : مالك في ايه

سيسيل بتنهيدة قوية : ادم طلب مني الجواز

يوسف بأستغراب : ايه جاي دلوقتي يقولك الكلمة دي

سيسيل : عارف يا جو انا كنت ممكن اوافق بس في حاله واحده

يوسف : ايه هي

سيسيل : لو قالي اني بحبك .. لكن لما سألته ليه انا بالذات قالي علشان مينفعش يكون حد

غيرك

يوسف : وانتي هتقوليله ايه

سيسيل : حاسه اني متلخبطة قلبي عايزة بس عقلي رافضه .. قلبي موجدع منه اوي يا

يوسف

يوسف : " ضيعتها منك اكثر من مرة بسبب غبانك يا ادم "

سيسيل : انا هدخل يا جو محتاجة افكر مع نفسي شويه

يوسف : فكري بهدوء يا سولا

سيسيل : ان شاء الله

دخلت سيسيل الي غرفتها وجلست علي فراشها تفكر ولكنها شعرت بالحيرة والخنقه وفتحت حاسبها الشخصي وفتحت البريد الخاص بها ووجدت رساله وتفاجئت بما تحويه الرساله خرجت مسرعه الي الردهه

سيسيل : جو خالتو ايات

جاء الجميع علي صوتها

سيسيل بفرح : انا قبلت في جامعه في امريكا

يوسف وهو ينظر لها : وهتسافري

سيسيل بتحدي : اه هسافر لازم اثبت ذاتي واحقق حلمي

مرت الايام وعلم اهل سيسيل بخبر سفرها فرحوا لها كثيرا .. وعلم زياد بخبر طلب ادم للزواج

من سيسيل وعلمت ايات ايضا

كانت سيسيل تجهز كل اوراقها للسفر واعطت جواز سفرها الي ايات لكي تحجز لها تذكرة الي

امريكا

في يوم سفرها كانت الدموع هي الشئ الوحيد الذي يعبر عما بداخلهم .. كانت قلوب حزينه

علي فراقها وقلوب تدعي لها .. وقلوب مشفقه علي حالها .. وقلوب تتمني ان تظل هنا

ذهبت سيسيل الي المطار وجلست في مكانها في الطائرة وشردت في حالها وحزنها علي فراق

اهلها وفراق حبيبها ولكن هو من اختار ذلك الفراق ولكن قطع شرودها صوت شخص

ممکن اقعدهنا لو سمحتي يا انسه

سيسيل وهي تنظر له باستغراب وصدمة : ادم

ادم : ممکن اقعدهنا

سيسيل : انت ايه اللي جايبك هنا

ادم وهو يجلس : انتي

سيسيل : ادم الطياره هتتحرك

ادم : لسه فاضل نص ساعه

سيسيل : عاوز ايه

ادم وهو يخرج من جيبه دبله ويضعها امام عيني سيسيل : تتجوزيني

سيسيل : اعتقد اني رفضت قبل كده

ادم : بس انا بحبك

سيسيل : شوفك حاجة غير دي تقولها خلاص مبقتش تنفع

ادم : والله العظيم بحبك .. طب اسمعيني الاول واحكمي عليا وبعد كده خدي قرارك

سيسيل : اتفضل

ادم : انا بحبك وعمري في حياتي ما حببت غيرك من ساعه ما كنتي صغيره وبتلعبني في

الشارع تحت بيتنا من ساعه ما وقعت عيني عليك وانا بموت فيكي وفضل الحب يكبر جوايا

وانتي بتكبري قدام عيني ولما سافرتي القاهرة مع اهلك كنت حاسس اني هموت من بعدي عنك

